


世界書局印行

景印
藻堂

四庫全書薈要

集部
第九冊
總集類





本册目次

書名及撰人

卷次

頁次

御選金詩二十四卷姓名爵里一卷 清康熙四十八年聖
祖仁皇帝御選

卷一至卷二十四

四四五— 一

欽定四庫全書薈要

集部
御選金詩
姓名爵里
卷一

欽定四庫全書薈要卷一萬八千三百八十六 集部

御選金詩姓名爵里

帝系



顯宗皇帝
諱允恭本諱呼塔噶世宗第二子大定元年封楚王二年立為皇太子謚宣孝章宗即位謚體道弘仁英文睿
德光孝皇帝廟號顯宗

章宗皇帝
諱璟顯宗嫡子大定二十六年立為皇太子二十九年嗣位在位二十年謚曰憲天光運
仁文義武神聖英
孝皇帝廟號章宗

宗藩

欽定四庫全書

御選金詩
姓名爵里

密國公瑋
字仲寶一字子瑜世宗之孫越王永功子初名壽孫世宗賜今名累加開府儀同三司奉

朝請正大初進封密國公自號
樗軒居士所著有如菴小藁

諸家姓名爵里

蔡松年
字伯堅真定人以行臺尚書省令史出身官至尚書右丞相封衛國公進吳國自號蕭閑老人

卒謚
文簡

吳激
字彥高宋宰相拭之子米芾習也入金仕為翰林待制出知深州有樂府及東山集十卷

虞仲文
字贊夫武州寧遠人仕為遼朝勳金授樞密使平章政事卒謚文正

王樞
字子慎良鄉人遼人登科仕金直史館

詳按官原任主事 臣 李斯咏

邢具瞻字巖夫遼西人天會二年進士仕至翰林待制

王繪字質夫濟南人天會二年進士仕至太常卿

宇文虛中字叔通成都人仕宋為黃門侍郎使金被留

統初坐罪死

高士談字子文一字季默宋韓武昭王瓊之後宋宣和末任忻州戶曹仕金為翰林直學士皇統初預

宇文虛中之禍所著有蒙城集

杜充字公美相州人仕宋知滄州歸

孫九鼎字國鎮忻州定襄人天會六年經義第一人

欽定四庫全書

御選金詩

姓名爵里

二

王仲通字達夫長慶人天會六年進士皇統中坐黨籍

使

邊元勳字輔臣豐州人天會十年進士歷河間路轉運使

邊元鼎字德舉元勳弟天德三年第進士以事停銓世宗即位用太師張浩薦供奉翰林出為邢州幕

官復坐累遂不復仕

張斛字德容漁陽人仕宋為武陵守歸金官

劉豫字彥由阜城人仕宋知濟南府諸路馬步軍都總

龍府改封曹有集十卷

張孝純字永錫滕陽人宣和末知太原歸金以相齊致

馬定國字子卿荏平人宋宣政末題詩坐譏訕得罪後

自號齋堂有集傳於世

祝簡字廉夫單父人宋進士入金歷朝

張子羽字叔翔東阿人仕金嘗官洛陽

王景徽字彥美

吳續字子長東平人

欽定四庫全書

御選金詩

姓名爵里

三

朱之才字師美洛西三鄉人宋崇寧間登科入齊為諫官

杜佺字真卿武功人阜昌中登科有錦溪集

劉著字鵬南舒州皖城人宋宣政末進士第歸金

王競字無競安陽人宋進士仕金歷

李之翰字周卿濟南人宋宣和末擢第仕金守寧州

楊興宗高陵人有龍南集

趙亮功華州人嘗監富平酒

賈泳字漢甫洛陽人

范墀 字元涉 系出穎川 有詩話行世

白賁 汴人 自號洪壽老

姚孝錫 字仲純 豐縣人 宋政和中登科 任金為五臺簿 棄官家焉 時年二十九至八十三 乃終 自號醉軒 所著有

雞肋集

劉或 字公茂 安陽人 天眷五年經義第二 人仕至翰林 修撰 自號香巖居士

晁會 字公錫 高平人 宋宣和武舉 為太子洗馬 金天眷二年經義進士 歷虞鄉 猗氏 臨晉 三縣令 以興平

軍節度副使致仕 有泣水集

王璠 字君玉 太原人 天眷二年進士 仕至汾陽軍節度使

欽定四庫全書

御選金詩

姓名爵里

四

王珣 字汝玉 璠弟 皇統九年進士

施宜生 字明望 蒲城人 原名遠 字必達 宋宣和中有聲上庠 入金改今名 登第 至翰林學士 自號三佳

老人有集 行世

朱自牧 字好謙 棣州厭次人 皇統中登科 大定初 官同知 晉寧軍事

李晏 字致美 高平人 皇統二年經義進士 累遷 遼陽幕官 入翰林 為學士 拜御史中丞 自禮部尚書出 為

昭毅軍節度使 自號游仙野人

韓汝嘉 字公度 宛平人 皇統二年進士 累官 真定路轉運 坐公事 遷清州 防禦 召為翰林侍讀學士

郭長倩 字曼卿 文登人 皇統經義乙科 仕至秘書少監 兼禮部郎中 修起居注 有崑崙集

董師中 字紹祖 邯鄲人 後徙涪州 皇統九年進士 累擢大理卿 御史中丞 承安中 拜參知政事 進尚書

左丞 卒諡文定 有漳川集

麻秉彛 臨晉人 皇統九年進士 第 歷官兵部侍郎

趙慤 字叔通 宋末為鄆州學正 入金登科 仕至同知 南京路轉運

蔡珪 字正甫 右丞相松年子 天德三年進士 累遷翰林修撰 同知制誥 歷禮部郎中 以疾除 濰州刺史 致

仕有集 十五卷

劉汲 字伯深 南山翁 為子天德三年進士 釋褐 慶州軍事判官 入翰林 為供奉 自號西巖老人 有西巖集

劉瞻 字巖老 亳州人 天德三年南榜 登科 大定初 召為史館編修 自號櫻寧居士 有集 行於世

欽定四庫全書

御選金詩

姓名爵里

五

王寂 字元老 薊州玉田人 天德三年進士 仕至中都路轉運使 卒諡文肅 有拙軒集 北邊錄

喬床 字君章 初名逢辰 洪洞人 天德三年進士 自號蓮峰真逸

雷思 字西仲 應州渾源人 天德三年進士 仕至同知 北京轉運使 自號學易先生

宋楫 字濟川 長子 人天德三年擢第 歷官孟州防禦使

趙可 字獻之 高平人 貞元二年進士 仕至翰林直學士 有玉峰散人集

劉長言 字宣叔 東平人 正隆間 官宰相

鄭子聃 字景純 大定人 天德三年第三人 登科 累官 吏部侍郎 改侍講學士 兼脩國史

張萬公 字良輔 東阿人 正隆二年進士 明昌二年累擢參知政事 拜平章政事 封壽國公 致政 後復起

判濟南安撫山東歸卒諡文貞

郝侯 字子玉太原人正隆二年進士仕至

任詢 字君謨易州軍市人正隆二年進士第歷省按大

馮子翼 字士美大定人正隆二年進士

劉仲尹 字致君蓋州人遷沃州正隆二年進

王啟 字希畢大興人正隆二年進士累遷工部侍郎以河

高公振 字特夫士談子正隆

欽定四庫全書

御選金詩

六

路仲顯 字伯達冀州人史作伯達字仲顯正隆五年進

部侍郎太常卿拜安國

張汝霖 字仲澤遼陽人第進士累

王遵古 字元仲熊岳人正隆五年

元日能

魏道明 字元道易縣人第進士仕安國軍節

張公藥 字元石以父蔭入仕嘗

史旭 字景陽第進士歷臨真

高德喬 字曼卿鶴野人擢進士

楊子益 字山人正隆二

桑之維 字之才恩州

步元舉 關中

馮文叔 遼東

張庭玉 字子榮

宗道 字雲叟

鮮于溥 字彥仁以門資

欽定四庫全書

御選金詩

七

陳君可 永寧人見

耶律履 字履道東丹王七世孫舉蔭補國史掾累遷

書特賜孟宗獻榜進士第拜參知政

孟宗獻 字友之開封人正隆三年鄉府省御四試皆第

州事

趙攄 字子充宛平人

梁襄 字公贊絳州人登大定三年進士第累遷

高有鄰 字德卿遂城人正隆三年第進士累

許安仁 字子靖河間樂壽人大定七年進士累遷禮部
仕 員外郎歷同知河南府事以汾陽軍節度使致

郭用中 字仲正平陽人大定七年進士歷
浮山簿陝州錄事有寂照居士集

党懷英 字世傑奉符人大定十年擢進士甲
科仕至翰林學士承旨卒謚文獻

李獻可 字仲和遼東人大定十年進士歷州縣入翰苑
累遷戶部侍郎終山東東西路提刑使大安初

贈特進 道國公

趙承元 字善良其先汴人後籍河間大定十三年詞
賦第一人除應奉翰林文字兼曹王府文學

劉迎 字無黨東萊人初以廕試部掾大定十三年用薦
書對策明年登進士第除幽王府記室改太子司

欽定四庫全書 御選金詩 姓名爵里

經自號無諍居士有詩
文樂府號山林長語

孫鐸 字振之恩州人大定十三年進士累擢戶部
尚書晚入政府遷尚書右丞卒贈太子太師

王庭堅 字子貞遵
古仲子

王庭筠 字子端庭堅弟大定十六年甲科歷州縣用薦
供奉翰林坐累謫鄭州幕後為修撰自號黃華

山王有集 四十卷

王萬慶 字禧伯史作曼慶自號澹游庭筠
子仕為行尚書省左右司郎中

王明伯 萬慶
從弟

趙之傑 字伯英本名宗傑大
定人仕至太常卿

趙鼎 字德新樂城人大定十六年
進士仕至西京路轉運使

毛麾 字牧遠平陽人大定十六年舉學行特賜進士
出身授校書郎歷同知沁州軍州事有平水集

王琢 字器之平陽人
有姑汾漫士集

張行簡 字敬甫莒州日照人大定十九年詞賦第一人
南渡後累遷禮部尚書太子太保翰林學士承

旨卒謚文正 有集三十卷

張行中 字信甫初名行忠行簡弟大定二十八年進士
歷參知政事出為靜難軍節度使正大初召拜

尚書 左丞

趙灝 字文孺東平人大定二十二年第進
士明昌末終禮部郎中有黃山集

欽定四庫全書 御選金詩 姓名爵里

路鐸 字宣叔伯達子明昌三年為左三部司正遷右拾
遺累擢翰林待制兼知登聞鼓院歷除孟州防禦

使城陷投沁水死 有虛舟居士集

劉昂 字之昂興州人大定十九年進
士累遷國子司業擢左司郎中

尹無忌 明昌
時人

周昂 字德卿真定人擢進士第累拜監察御史謫東海
還入翰林出佐三司從宗室承裕軍城陷殉難有

常山 集

王礪 字逸賓世家臨洺後為汴梁
人以薦得鹿邑簿就乞致仕

田特秀 字彥實易縣人大定十九
年進士仕至大原轉運使

高汝礪

字巖甫應州金城人。大定十九年進士。第累遷石州刺史。入為左司郎中。擢左諫議大夫。拜戶部尚書。貞祐初。參知政事。歷尚書左丞。興定四年。拜平章事。進尚書右丞相。監修國史。封壽國公。正大元年卒。配享宣宗廟庭。

楊邦基 字德茂。大定中進士。任秘書監。禮部尚書。至秘書監。禮部尚書。楊庭秀 字德懋。華州人。大定中進士。任至澤州刺史。致仕。後坐累被法。蕭貢 字真卿。咸陽人。大定二十二年。自省掾。拜監察御史。歷刑部侍郎。南京都轉運使。御史中丞。以戶部尚書致仕。卒。謚文簡。有集十卷。

路忱

字子誠。平郭人。大定二十二年進士。累遷監察御史。終河東北路轉運副使。

宗端修

字平叔。一字伯正。汝州人。大定二十二年進士。明昌中。自省掾。拜監察御史。貶官。終全州節度使。副使。

趙秉文

字周臣。滏陽人。自號閒閒。大定二十五年進士。應奉翰林文字。歷拜禮部尚書。兼侍讀。同修國史。知集賢院。有滏水集三十卷。

胥鼎

字和之。代州繁峙人。大定二十八年進士。至寧初。由戶部尚書。參知政事。歷尚書右丞。出鎮汾陽。移平陽。宣撫河東南路。授樞密副使。進平章事。累封英國公。

史公奕

字季宏。大名。人。大定二十八年進士。再中博學宏詞。科累遷。著作郎。翰林修撰。同知集賢院。正士致仕。有洹水集。

朱瀾

字巨觀。之才。子。大定二十八年進士。歷諸王文學。應奉翰林文字。終待制。

張毅

字伯英。臨潁人。大定二十八年進士。歷刑部郎中。同知河南府。遷河東南路轉運使。權行六部尚書。安撫使。

張穀

字伯玉。穀弟。舉進士。再上不第。

張翰

字林卿。秀容人。大定二十八年進士。累遷監察御史。翰林直學士。貞祐初。戶部侍郎。南渡。出為河平軍節度使。召拜戶部尚書。

高廷玉

字獻臣。恩州人。大定末進士。貞祐中。自左右司郎官。出為河南府治中。被陷。殞於獄。

呂子羽

字唐卿。大興人。大定末進士。仕至陳州防禦使。

劉仲傑

字時彥。山東濱州人。大定間。歷鄆州清河令。遷太常博士。

趙文昌

字當時。陵川人。仕至京兆轉運副使。

鄺權

字元興。安陽人。用門資入仕。明昌初。名為著作郎。有坡軒集。

景覃

字伯仁。華陰人。有渭濱野叟集。

段繼昌

字子新。白水人。自號適安居士。

靖天民

字達卿。滏陽人。自號南湖老人。

王去非

字廣道。平陰人。

盧元

字子達。玉田人。擢第。後復中宏詞。科入翰林苑。累遷待制。

欽定四庫全書

御選金詩

姓名爵里

十一

欽定四庫全書

御選金詩

姓名爵里

十二

李通 字平甫 樂城人 明昌二年進士 泰和中為大興幕官 以東平治中致仕 自號寄菴先生

劉濤 字及之 夏津人 明昌二年同進士 用薦入翰苑 歷太原運副 汾州 倅入為太子贊善 以彰德治中致仕

仕

李好復 字仲通 安喜人 明昌二年進士 仕至滑州刺史

趙文昌 字公權 平陽人 明昌二年進士 仕至遼東路鹽使

張楫 字巨濟 先世泰州長春人 後占籍山陰 明昌五年詞賦第一 人仕至鎮戎州刺史

楊雲翼 字之美 樂平人 明昌五年經義進士 第一人復中詞賦 乙科 累拜吏部尚書 翰林學士 卒 謚文獻

欽定四庫全書

御選全詩

十三

劉中 字正夫 漁陽人 明昌五年詞賦經義第一 省掾 從軍 改授翰林 應奉 文字 終左司都事

龐鑄 字才卿 大興人 史作遼東人 明昌五年進士 仕至翰林 待制 遷戶部侍郎 坐累 改京兆運使 自號默翁

田琢 字器之 雲朔人 明昌五年進士 仕至山東東路轉運 權知益都府 事行六部尚書 宣差 便宜 招撫使

陳規 字正叔 稷山人 明昌五年進士 仕至右司諫

韓玉 字溫甫 其先相人 徙漁陽 明昌五年經義詞賦兩科 進士 入翰林 為應奉 應制 歷河平節度使 以誣陷 被囚 卒

於華州

王擴 字充之 永平人 明昌五年進士 累遷監察御史 崇慶初 河東北路按察僉事 貞祐中 權陝西西路轉

運使行六部尚書 卒謚剛毅

趙伯成 字子文 宛平人 明昌五年經義詞賦兩科 進士 累遷 侍御史 拜中丞 陝西西路轉運 靜難軍節度使 哀宗即位 召為吏部尚書

召為吏部尚書

梁仲新 字良輔 朝城人 明昌五年進士 終許州錄事

趙思文 字庭玉 永平人 明昌五年進士 歷金安集 慶兩軍節度使 召拜禮部尚書

張建 字吉甫 蒲城人 明昌初 舉才 行授絳州 教召為官 教應奉 翰林 文字 超同知 華州防禦使 自號蘭泉老人 有集

有集

王世賞 字彥功 汴人 明昌中 舉才 行 賜出身 釋褐 鞏州 教授 終鹿邑簿 有浚水老人集

李純甫 字之純 弘州 相陰人 承安二年 經義進士 再入翰林 仕至尚書左司都事 以斥終 京兆府判官 有屏山集

有屏山集

閻長言 字子秀 初名詠 濟南長清人 擢第後 入翰苑 出為河南府治中 被召 道卒

李著 字彥明 真定人 承安二年 經義第一 人自翰林 出副定州 召為戶部 負外郎 坐黨事 謫官 歷彰德 治中 城陷 殉難

殉難

馮璧 字叔獻 別字天粹 承安二年 進士 歷州縣 召入翰林 再為曹郎 興定末 以同知集慶軍節度使 事致仕

仕

王若虛 字從之 藁城人 承安二年 經義進士 釋褐 廊州 錄事 歷門山 令 入翰林 自應奉 轉直學士

李芳 字執剛 大興人 承安二年進士 歷坊州刺史 同知都轉運使事

舒穆魯世勳 字晉卿 一字景略 承安五年進士 第 任至禮部尚書 兼翰林侍講學士

范中 字極之 大興人 承安中進士 累 官京西路司農少卿 滑州刺史

劉昂 字次霄 濟南人 承安 五年進士 調鄆縣令

王仲元 字清卿 平陰人 承安中 進士 歷京兆轉運幕官

盧洵 字仁甫 高平人 晚 登科 任至宜陽令

刁白 字晉卿 信都人 登乙 科 歷涇州幕入補省掾

李節 字正臣 涇州人 初名守節 哀宗 即位去守字 擢呂造榜進士

欽定四庫全書 御選金詩 姓名爵里 十四

許古 字道真 伊陽人 承安 中進士 仕至右司諫

楊慥 字叔玉 代州五臺人 承安五年進士 累拜 侍御史 歷戶部侍郎 權尚書 權參知政事

王良臣 字大用 潞人 承安五年進士 入翰林 典 定初自請北行 沒於軍 贈孟州防禦使

劉祖謙 字光甫 安邑人 承安五年進士 歷州縣 拜監察 御史 正大初為右司都事 除武勝軍節度副使

劉鐸 字文仲 冀州秦強人 承安五年進士 元光二年入 為太常博士 正大初改兵部員外郎 以武昌軍節

度副使 致任自號 柳溪先生 有集

王或 字子文 涖州人 承安中進士 為尚書省掾 棄官改名 知非字 无咎 自號 照了居士

董文甫 字國華 潞人 承安中進士 歷禮 部員外郎 昌武軍節度副使

師拓 字無忌 平涼人

魏搏霄 字飛卿 初用廕 補官以薦 從事史館 明昌中宏詞中選 授應奉翰林文字

史肅 字舜元 京兆人 擢進士 第累拜 監察御史 遷治書 出刺通州 坐黨 謫官 大安初起 戶部正郎 復坐鑄

降同知汾州事 有澹軒遺藁

元德明 太原秀容人 有 東巖集三卷

郝天挺 字晉卿 澤 州陵川人

高憲 字仲常 遼東人 泰和三年乙 科 登第 釋褐 博州防禦判官

欽定四庫全書 御選金詩 姓名爵里 十五

王特起 字正之 代州崞縣人 泰和 三年進士 甲科 任至司竹監使

白君舉 失其名 號寓齋 隰州人 登泰和三年詞賦第

劉光謙 字達卿 潘州人 泰和 三年進士 累官司農少卿

毛端卿 字飛卿 彭城人 泰和 三年擢第 累遷 提舉權貨 司戶部員外郎 坐累 降鄭州司候 改孟津丞

梁持勝 字經甫 絳州人 本名洵 義泰和六年進士 制策 優等 宏詞 亦中選 由太學 博士為咸平治中宗

室承裕 辟為遼佐 承裕死 太平 有異謀 不屈 遇害 贈韓州刺史

張溫 字元佐 上黨人 泰 和六年乙科 登第

孫鎮 字安常 絳州人 嘗中省試 魁承安 二年 五赴廷試 賜第 以陝令 致仕

李經字天英
錦州人

趙元一名宜祿字宜之
進士不第以年及調鞏西簿自號愚軒

張瓚字器之
鄉試魁陝西河東

呂中孚字信臣
冀州南宮人有清漳集

王元節字子元
密州觀察判官自號遊齋老人

李端甫字濟夫
同州人第進士

張著字仲揚
永安人泰和五年以詩名召見應制稱旨特恩授監御府書畫

岳行甫字仁老
廊州洛川人

李澥字公渡
相人

張琚字子玉
河中人大定中第進士仕至同知定國節度使事有章齋集

衛承慶字昌叔
襄城人

趙滋字濟甫
本出馮翊後為汴人

王中立字湯臣
奇嵐人晚年易名雲鶴自號擬桐

郭安民字官左
司諫

張昌祚字睢陽
官編修人

鄺掖字官編
修

欽定四庫全書

御選金詩 姓名爵里

十六

高延年字應奉
翰林文字

孫錡字安世
絳州人擢進士第歷同知定遠軍節度使終寧州刺史

震仲澤字按察
蒲城縣志

崔巍字學提

楊用道字至中
奉大志

金全字官知

王术字官刺

劉仲游字京兆
同尹

高逸字官臨
晉令

鄭輝字任翼
城縣丞

翟升字利夫
平陰人進士

楊天衢字鄉貢
進士

梅澤字見長
安縣志

劉方叔字見臨
潼縣志

完顏奉國字見蒲
城縣志

雷發

欽定四庫全書

御選金詩 姓名爵里

十七

胡光謙

何慮

楊之休

劉廷彥

李中立

李永安

李楫

祁昌紹

欽定四庫全書

御選金詩

姓名爵里

六

劉從益

字雲卿，渾源人。大安元年，詞賦進士。拜監察御史，坐罪去官。起為葉縣令，召授翰林。應奉文字。

有蓬門先生集

宋九嘉

字飛卿，夏津人。進士乙科。歷縣令。

康錫

字伯祿，寧晉人。崇慶二年，擢進士。第累拜監察御史。部郎中，從軍城陷，投於水。

部郎中從軍城陷投於水

雷淵

字希顏，別字季默，思季子。崇慶二年，進士甲科。累遷應奉翰林文字。同知制誥。兼國史院編修官。拜監察御史。翰林修撰。

監察御史翰林修撰

冀禹錫

字京父，龍山人。崇慶二年，進士。累授左右司都事。兼應奉翰林文字。古納之變，赴水死。

李獻能

字欽叔，河中人。貞祐三年，以省元特賜詞賦。進士第一人。宏詞優等。授應奉翰林文字。累遷。修撰。以鎮南節度副使充河中經歷官。正大

中權陝府行省左右司郎中。軍變及難。

李獻甫

字欽用，獻能從弟。與定五年，進士。第累遷。長安令。入為尚書省掾。士辰之兵，充行六部。貞外郎。

以功遷鎮南軍節度副使。兼石警巡使。沒於蔡州之難。所著有天倪集。

王渥

字仲澤，以字行。興定二年，進士。累遷。寧陵令。入為尚書省掾。歷權右司郎中。

馬天來

字雲章，一作元章。介休人。崇寧二年，經義進士。大安初，調潁州司候。靈壁簿名。為國史編修官。

賈益謙

字亨甫，本名守謙。宣宗朝，參知政事。出知濟南。移鎮河。中渡後，召拜左丞。尋致仕。

張本

字敬之，觀津人。貞祐二年，進士。終翰林學士。

欽定四庫全書

御選金詩

姓名爵里

十九

申萬全

字百勝，高平人。貞祐二年，乙科。調福昌簿。不赴。正大中，召為史館編修。

李過庭

字庭訓，武亭人。貞祐二年，進士。歷宜陽、永寧、榮陽三縣令。入為右曹掾。正大中，擢右三部司正。終昌武軍節度副使。

終昌武軍節度副使

李天翼

字輔之，固安人。貞祐二年，進士。歷縣令。遷右警巡使。辟濟南漕司從事。

劉微

字伯祥，益都人。七歲能文。道陵召入宮。賦鳳凰來儀。二首。稱旨。賜經童出身。係籍太學。後登貞祐二年。

第 年

張德直

字伯直，平陽人。貞祐三年，進士。歷簿令。召補省掾。選授右警巡使。終同知武勝軍節度使。事。

馮辰

字駕之，臨潼人。貞祐三年，進士。辟涇陽令。

王世昌 字慶長 寧州人 貞祐三年同進士 出身以信都丞致仕

李廣 貞祐初嘗辟沁水令

周馳 字仲才 濟南人 大定中住太學 屢以策論魁天下 貞祐中濟南陷 赴井殉難

史士舉 字仲升 榮澤人 以廩補官 厯銅鞮 三川兩縣令 貞祐之亂 太行失守 義不受辱 投絕澗殉難

郭邦彥 字平叔 鄆縣人 占籍陽翟 興定五年進士 調永城簿

田錫 字永錫 宛平人 興定五年進士 調新蔡簿

元好古 字敏之 德明長子

秦略 字簡夫 陵川人 自號西溪老人 有集

欽定四庫全書

御選金詩

姓名爵里

干

崔遵 字懷祖 北燕人

劉昂霄 字景元 別字秀房 陵川人 用門資調慶陽軍器庫使 不就 薦試宏詞 未及赴卒

田紫芝 字德秀 滄州人

王萬鍾 字元卿 秀容人

郭宣道 字德明 邢州人

張仲宣 字利夫 相州人 舉進士 有聲

胡汲 字直卿 衛州人

王修齡 字紹先 同州人

王敏夫 五臺人

孫益 字德裕 秀容人

孫邦傑 字伯英 雄州容城人 有聲太學 興定初棄家為黃冠師

張瓛 字君玉 大名朝城人

徐好問 字裕之 永寧人

呂大鵬 字鵬舉 密縣人

高永 字信卿 盤陽人 初名夔 字舜卿 又名揆

曹用之 歸德人

欽定四庫全書

御選金詩

姓名爵里

三

馬舜卿 名肩龍 以字行 宛平人 以太學生上書白宗室從坦 究授東平錄事 歿 鳳翔軍中 詔贈官 配食

張子權 字元興 臨漳人 第進士 見彰德志 題名

張介 字介夫 彭城人 正大元年經義第一人 歷鞏州 正德元年經

麻九疇 字知幾 易州人 興定末試開封 南省經義 詞賦皆第一 正大三年薦試館職 賜二甲 第一人及

第授太祝 權太常博士 應奉翰林文字

王革 字德新 一名著 臨潢人 以廩補官 正大中以六赴廷試 賜出身 調宜君簿

史才 字才長 延安人

史學 字學優才弟正大中省試第

龐漢 字茂弘平晉人正大末進士

宋景蕭 字望之長子人正大六年進士辟泰安令

劉勳 字少宣洛陽人徙雲中復占籍濟南

趙達夫 太原人

張子和 初名從正睢州考城人精於醫常召入太醫院

辛愿 字敬之福昌人自稱野人亦號溪南詩老

雷瑄 字伯威坊州人作司使從事史館調八作司使

欽定四庫全書

御選全詩

姓名詩里

十二

李汾 字長源平晉人元光末以薦從事史館屬尚書省講議官

邢安國 字仲祥沁州武鄉人有丹崖集

王予可 字南雲河東吉州人

薛繼先 字曼卿猗氏人三赴廷試隱居洛西山中正大末與高仲振宋可張潛曹珏王汝梅同被薦廷

議授官以亂不果

宋可 字予之武陟人

張潛 字仲升武清人

曹珏 字子玉磁陽人

李夷 字子遷更名試苑丘人

張澄 字之純別字仲經本出遼東後為洛水人官參議

侯冊 字君澤以門資仕

王元粹 字子正初名元亮又名粹平川人正大末用門資叙為南陽酒官亂後歸燕中為黃冠師主太

院 極道

王鬱 字飛伯大興人天興初嘗上書言事不報

珠赫遠 字士元初名玟字溫伯女直納琳明安人

烏林噶爽 字肅孺女直世襲穆琨天興初殉難

欽定四庫全書

御選全詩

姓名詩里

十三

馮延登 字子駿吉州人承安二年進士仕至禮部侍郎天興中殉難於井有橫溪翁集

王賓 字德卿亳社人貞祐二年進士由虹縣令入為尚書省令史天興初同知集慶軍節度使事明年詔行六部尚書事賜世爵軍變遇害

李俊民 字用章別號鶴鳴老人澤州人承安五年經義進士第一入應奉翰林文字棄官隱嵩山入元

不仕卒賜諡莊靖先生有集十卷

元好問 字裕之德明次子登興定五年進士第自南陽令調內鄉歷尚書省掾左司都事負外郎天興

初入翰林知制誥入元不仕有遺山集

杜仁傑 字仲梁濟南長清人

麻革 字信之 秉彛孫 隱居 教授 晚號 貽溪

張宇 字彥升 號石泉

陳賡 字子颺 蒲州人 任河東山西 道行中書省 參議

陳庚 字子京 廣弟 任至平陽 提舉

房皞 字希白 自號白雲子

段克已 字復之 號遜菴 河東人 世居絳之稷山 以進士貢 避地龍門山 與從弟成已 齊名 時稱二妙 有

二妙

段成已 字誠之 號菊軒 克已從弟 正大中 第進士 授宜陽簿 入元 不仕

欽定四庫全書

御選金詩

姓名爵里

三四

曹之謙 字益甫 雲中 應人 進士 甲科 嘗為東曹掾

羽流衲子

王嘉 初名中孚 字允卿 更名世雄 字德威 後入道 改今名字 知明 咸陽人 一云 藍屋人 於寧海 立全真觀

道號重陽子

譚處瑞 一名玉 號長真子 東牟人 從重陽子 游學 道終南山

秦彥容 累子為 黃冠師

嵩峰老人 羽士 失其名 姓有集 二卷

可道 見中州集 稱香巖上人

瑩 隕州人 白君舉之 弟號火山 禪師

箕和尚 嘗住峴山

行秀 自號萬松野老 居仰山 章宗臨幸 賜之以詩 所著有從容菴錄

圓基 字子初 姓田氏 北人 嘗住南京 靜安寺

閨秀

馮氏婦 武安縣農家 太和時人

女冠元氏 好問 女弟

張秦娥 見左司劉昂 贈詩

欽定四庫全書

御選金詩

姓名爵里

三五

無名氏

三興居士 阜昌中人

天游老人 詩作於明昌六年

贊皇山寺客 見續夷 堅志

鬼怪

玉真 見續夷 堅志

浙川木中詩

御選金詩姓名爵里

欽定四庫全書薈要卷一萬八千三百八十七 集部

御選金詩卷一

帝製詩

顯宗

賜石相琚生日之壽

黃閣今姚宋青宮舊綺園繡絺歸里社冠蓋畫都門善
訓懷師席深仁寄壽尊所期河潤溥餘福被元元

風箏

心與寥寥太古通手隨輕籟入天風山長水濶無尋處
聲在亂雲空碧中

章宗

命翰林待制朱瀾侍夜飲

夜飲何所樂所樂無喧譁三杯淡醺醖一曲冷琵琶坐
久香成穗夜深燈欲花陶陶復陶陶醉鄉豈有涯

駕幸萬松賜行秀

參差雲影幾千重高出塵寰迥不同金色界中免率境

碧蓮花裏梵王宮鶴駕清露三更月虎嘯疎林萬壑風
試拂華箋帷幙寫詩成任識自非工

宮中詞

五雲金碧拱朝霞樓角崢嶸帝子家三十六宮簾盡捲
東風無處不楊花

雲龍川泰和殿五月牡丹

洛陽穀雨紅千葉嶺外朱明玉一枝地力發生雖有異
天公造物本無私

宗藩詩 附

密國公瑋

漁父詞二首

楊柳風前白板扉荷花雨裏綠蓑衣紅稻美錦鱗肥漁
笛閒拈月下吹

釣得魚來卧看書船頭穩置酒葫蘆煙際柳雨中蒲乞
與人間作畫圖

自適

欽定四庫全書 御選金詩 卷一

欽定四庫全書 御選金詩 卷一

晴晝搖涼光長空澹虛碧燕鴻亦何為老翅南又北衰
柳隨殘葉庭戶覺岑寂幽人誦佛書清香縈几席西方
病維摩東臯醉王績俱到忘言地佳處畧相敵小齋蝸
角許夜卧膝仍屈能以道眼觀寬大猶四極有書貯實
腹無事梗虛臆謝絕聲利徒尚友古遺直

送王生西遊

紫陁仙人今淵雲騎風御氣七尺身丈夫恥與噲等伍
故作野鶴昂雞羣往年書劒游梁日咳唾中間滿珠璧

欽定四庫全書

御選金詩

卷一

三

溫子徒勞手八叉蘇老猶迷目五色慨然拂袖遊嵩陽
西南陌上書傳香仲宣堂堂舍我去舉杯却愁愁更長
去程相近黃花節三十六峰如玉列龍門楓葉隨紅綃
洛浦蘆花舞晴雪勳名細事猶秋毫政可痛飲讀離騷
天津月照紫綺裘維嶺風吹青玉簫我無羽翼隨君起
浩歌相送秋光裏憑高西望青茫茫落日無情下寒水

城西

雁帶邊聲遠牛橫廢壠長人居似河朔岡勢接滎陽禾

短新村野沙平古戰場悠然望西北暮色起悲涼

宴息二首

宴息春光晚閒眠晝景虛冥心居大道達理契真如樂
對忘形友欣逢未見書世間幽隱者何必盡樵漁
日日閒窗下簞瓢樂不殊花魁穠且艷湖玉秀而臞憶
友尋詩卷思山展畫圖丹青傳六逸能著老夫無

老境

老境唯禪况幽居似寶坊酒杯盛硯水經卷貯詩囊懶

欽定四庫全書

御選金詩

卷一

四

甚書彌少閒多夢自長不知何處雨徑作夜來涼

北郊晚步

陂水荷彫晚茅簷燕去涼遠林明落景平麓淡秋光羣
牧歸村巷孤禽立野航自語閒散樂園圃意尤長

閒詠

歲晚陶元亮平生馬少游彫殘半枯木浩蕩一虛舟鶴
望塵迷眼雞棲屋打頭瓶儲尚蕭索烏敢計菟裘

王生以秋騷見示復以此謝之

三年京國與君遊每恨知君尚未周始露雄文陵楚些
又登長陌佩吳鉤燈殘茅店雞催曉霜落金風雁喚秋
後夜文星出西洛仲宣知在水南樓

思歸

四時唯覺漏聲長幾度吟殘蠟燭缸驚夢故人風動竹
催春羯鼓雨敲窗新詩淡似鶯黃酒歸思濃如鴨綠江
遙想翠雲亭下水滿陂青草鷺鷥雙

如菴樂事

人間最美安心睡睡起從容盥漱終七卷蓮經熬沈水
一杯湯餅潑油蔥因循默坐規禪老取次拈詩教小童
炕煖窗明有書冊不知何者是窮通

題晉卿王暉寶繪

顧陸張吳寶繪堂風花雪月保寧坊錦囊玉軸三千幅
翠袖金釵十二行數筆丹青參季范一時遷謫為蘇黃
太原珍翫名天下舊跡猶憑古印章

得友人書

聞有書來喜欲狂紫芝看字久難忘別離惟歎我頭白
詩句屢成君馬黃公幹羈棲猶洛下孔明高卧尚南陽
冷官領取閒中趣遠勝區區夢蟻忙

內族子銳歸來堂

一旦能知夢裏真平生看破主中賓歸來堂下忘形友
名利場邊稅駕人東郭風煙宜蕙帳南山猿鶴識綸巾
清尊雅趣閒棋味盞盞沖和局局新

題潘閔夜歸圖

不是詩人灞水壩又非野老曲江邊風姿便認王摩詰
蘊藉還疑李謫仙驢背倒騎蓮岳下牛腰穩跨竹林前
掀髯對月餘高興明日佳篇幾處傳

漫賦

貧知囊底一錢無老覺人間萬事虛富貴儻來終作麼
勲名便了又何如季鷹未飽松江鱸魯望將成笠澤書
自是杜門無客過不關多病故人疎

寓跡

寓跡山中記昔年西溪卜築欲終焉飄零何在五株柳
離亂難歸二頃田漫叟未能忘野寺道人猶解識林泉
吾鄉已宅無何有一笑醯雞盡甕天

秋晚出郭閒遊

塵中俗事海漫漫暫出城闌借眼寬沙麓去邊羣牧小
野雲平處一鷗盤殘荷露水秋光晚衰柳搖風古渡寒
此幅大年橫景畫魯罔圖上似曾看

聞趙閒閒再起為翰林

欽定四庫全書

梅遜全詩

卷一

七

蓮燭光中久廢吟一朝超擢睿思深四朝耆舊大宗伯
三紀聲名老翰林人道蛟龍得雲雨我知麋鹿強冠襟
寶巖磴谷西窗夢不信秋來不上心

絕句

孟津休道濁於涇若遇承平也敢清河朔幾時桑柘底
只談王道不談兵

秋郊雨中

羸驂破蓋雨淋浪一抹煙林覆野塘不著沙禽閒點綴

只橫秋浦更淒涼

梁臺

汴水悠悠蔡水來秋風古道野花開行人驚起田間雉
飛上梁王鼓吹臺

自題寫真

枯木寒灰久亦神因緣來現昨公身只緣酷愛東坡老
人道前身趙德麟

樗軒嘗封胙國公故云

黃華畫古柏

欽定四庫全書

御選全詩

卷一

八

黃華老人畫古柏鐵簡將軍挽大弔意足不求顏色似
荔支風味配江瑤

鐵簡萬戶以神射名天下

書龍德宮八景亭

刻角朱楹隨紺紗裙腰草色趁堦斜誰知剝落亭中石
曾聽宣和玉樹花

池蓮

輕輕姿質淡娟娟點綴圓池亦可憐數點忽飛荷葉雨
暮香分得小江天

梁園

一十八里汴堤柳三十六橋梁苑花縱使風光都似舊
北人見了也思家

釋迦出山息軒畫

龐眉袖手出巖阿及至拈花事已訛千古雪山山下路
杖藜無處避藤蘿

秋日小雨

白鷺徘徊花鴨遊城南城北幾汀洲綠荷風底飛來雨

欽定四庫全書

御選金詩

卷一

九

做弄今年甲子秋

東郊瘦馬

此歲無秋畝畝空病驂難遣齧枯叢倉儲自益駑駘肉
獨爾空嘶首著風

枕上聽雨

卧聽羯鼓打涼洲元是芭蕉細雨秋庭際玉簪開幾許
小窗特地暮香幽

溪景

飛飛鷗鳥自徜徉也解新秋受用涼日暮碧溪微雨過
滿風都是藕花香

題紙衣道者圖

紫袍披上金橫帶藜杖拖來紙掩襟富貴山林爭幾許
萬緣唯要總無心

春半喜晴

陰寒二月雪含雲兩日開晴淑景新借問海棠紅幾許
杏花楊柳不曾春

欽定四庫全書

御選金詩

卷一

十

馬伏波

可歎迂疎一老翁豈堪牀下拜梁松明珠薏苡猶難辨
萬里爭教論杜龍

留侯

辟穀輕身慕赤松不知誰舉傳春宮君方避溺猶居水
忍使餘波及四翁

對鏡二首

鏡中色相類吾深吾面終難鏡裏尋明月印空空受月

是他空月本無心

明明非淺亦非深何事癡人泥影尋照見大千真法體
不關形相不關心

夏晚登樓

登樓晚暑復相攻快意春風忽此逢雲似碧山天似水
霽波平浸兩三峰

華亭

世尊遺法本忘言教外別傳意已圓隻履攜將蔥嶺去

欽定四庫全書

御選金詩

卷一

十一

不妨來上月明船

四言詩

趙秉文

時雨

時雨美胥莘公也公以行臺移鎮平陽鄰畏其威
民懷其德焉

天降時雨山川出雲天相休運是生世臣維我世臣乃
國於莘天子命之牧爾邦民北風喑喑雨雪霏霏嗟我

晉人而瘡而瘻吹之响之摩之拊之于燠其寒于飽其

饑既瘳既夷不嘖以嘻孰為豺虎載柵載壘孰為蠹賊

載艾載理無擾我鄉我里無伐我桑我桑我梓遠

吏脫矣我民休矣公在於堂如春斯溫激矢在壺折衝

于樽民安于屨兵安于屯公在於堂錦衣繡裳敝予改

為斯民不忘公在於堂繡裳錦衣我民之思無俾公歸

皇武并序

皇武命平章公移鎮陝右也

欽定四庫全書

御選金詩

卷一

十二

皇奮厥武如雷如霆擴彼遠夷載震載驚帝命相臣蘇

我衆氓維時莘公展也大成公自平陽移鎮於秦世皆

謂公在處陽春公在于秦有年無兵世皆謂公斯民德

星繼此二方不寧不令帥臣議征發言盈廷公奏累上

如山不傾並皆謂公漢之營平既完三輔復完五城以

迄於今夏人請盟繼將盡能維公為誠公拜稽首天子

之明我公歸矣我民思矣詔公復起周邦咸喜願公百

年以佐天子罔俾樊侯於周專美

李經

雜詩

巖椒鬱雲日夕生陰雨雪縞夜秋黃老林人煙墨突樵
徑雲深

麻九疇

李道人嵩陽歸隱圖

城郭維宗井里維通冠蓋維錯紈綺維叢云誰之子招
子歸嵩舍我箏筑樂彼潺淙食彼瓦缶遺我鼎鐘云誰

欽定四庫全書

御選金詩

卷一

十三

之子繪子歸嵩離人友鹿避俗朋松石齧我足泉瘦我
隴吾恐時人笑子歸嵩有山有怪有水有龍盜出寇沒
嘯兇咻熊吾恐狂人誑子歸嵩子謂我言決意歸嵩歸
嵩何如如鴻避弋如鶴脫籠與幻俱化與化俱融是以
歸嵩南山重重翠如植葱北山隆隆紺如堆銅仰嵩俛
嵩雨濯雲烘嵩之為我我之為嵩我聞子言衣如張風
心先去鳥層雲盪胃靜言思之富為目嵩貴為心蓬飾
說于令詎知任公歸嵩良是生龜脫筒子不歸嵩送子

歸嵩

李俊民

蕭權府三害圖

長橋之蛟南山之虎在彼州曲父老所苦豈獨若此亦
有周處周乃慨然恥聞斯語薄險投深踴躍健武爾蛟
既除爾虎既去周乃自勵履規蹈矩卒以將種効忠典
午按劍平西貞節克舉瑕以瑜掩過以功補身雖云亡
名播千古

欽定四庫全書

御選金詩

卷一

十四

段克己

贈薛寶臣疎梅凍雀圖并以頌之

元冥司候百卉具衰此花獨秀於江之湄傲雪凌霜冰
清玉潔孤根盤石凍柯浸月意彼寒雀婉姿相依飲香
啄蕊生死不離歲暮貞心粲粲清節孰與薦延移歸金
闕鳳鳥不至惡木日滋窮通有命舍是奚為

樂府歌行

宇文虛中

古劍行 為劉善長作

公家祖皇提三尺素靈中斷開王迹自從武庫衝屋飛
化作文星照東壁夫君安得此龍泉秋水湛湛浮青天
夔魑奔喘禹強護中夜躍出光蜿蜒拄頤櫺具男兒飾
彈鋏長歌氣填臆嶙峋折檻霽天威將軍拜伏姦臣泣
龍泉爾莫矜雄鎡不見鳥盡良弓藏會當鑄汝為農器
一劍不如書數行

烏夜啼

汝琴莫作歸鳳鳴汝曲莫裁白鶴怨明珠破壁挂高城
上有烏啼人不見堂中蠟炬紅生花門前紺幘七香車
博山夜長香燼冷悠悠蕩子留倡家妾機尚餘數梭錦
織恨傳情還未忍城烏為我盡情啼知道單棲淚盈枕

高士談

春愁曲

壓花曉露萬珠冷金井呶啞轉纖綆寶階寂寂苔紋深
東風搖碎湘簾影芙蓉帳暖春眠重窗外啼鶯喚新夢

推枕起來嬌翠顰一線沈煙困金鳳游絲飛絮俱悠颺
慵倚繡牀春晝長郎馬不嘶芳草暗半節急雨飛橫塘

馬定國

長相思

歷歷春陽被羣木白沙淺水明如鵠結廬聊可障雨風
學道未能充耳目故人居紫翠傍枳籬日落青山長
歲云晏矣不可見望盡楚天飛鳥行

朱之才

南越行

南越太后邳郢女皓齒明眸照蠻土珊瑚為帳象作牀
錦織高張擊銅鼓太液池內紅芙蓉自憐謫隨蠻煙中
灞陵故人杳無耗深宮獨看南飛鴻隨兒作帝心不願
惟願西朝柏梁殿茂陵劉郎亦可人遣郎海角來相見
金猊夜燎龍涎香明珠火齊爭煌煌番禺秦甸隔萬里
今夕得遂雙鴛鴦白首相君佩銀印干戈欲起蕭牆釁
莫言女子無雄心置酒宮中潛結陣漢家使者懦且柔

纖手自欲操霜矛孤鸞竟落老鳥手可憐空奮韓千秋
樓船戈鋌師四起或出桂陽下灘水越郎追斬呂嘉頭
九郡同歸漢天子尉佗墳草幾番青霸業猶與炎洲橫
玉璽初從真定得黃屋却為邯鄲傾五羊江連湘浦竹
嬌魂應伴湘娥哭

後薄薄酒

薄酒麤衣吾何悲醜婦自醜吾不知道眼混圓宜不二
嫩美妍陋無殊歸瓦壘石臼斟吾酒脫粟藜藿皆可口

欽定四庫全書

御選全詩

卷一

十七

醉境陶然無後憂玉盃浮蛆彼何有漢文天子猶弋綈
士服麤布乃所宜要繩屐葛同一暖霧縠冰紈徒爾為
無鹽如漆后齊桓孟光舉白配伯鸞古來傾城由括婦
有國乃令家國安我能遣婦縫麤對婦飲薄傍人大笑
吾不惡

蔡珪

野鷹來

南山有奇鷹實穴千仞山網羅雖欲施藤石不可攀鷹

朝飛聳肩下視平蕪低健狐躍兔藏何遲鷹莫來腹肉
一飽精神開招呼不上劉表臺錦衣少年莫留意飢飽
不能隨爾輩

撞冰行

船頭傳鐵橫長錐十五五張黃旗百夫袖手略無用
舟過理棹徐徐歸吳儂笑向吾曹說昔歲江行苦風雪
揚槳啟路夜撞冰手皮半逐冰皮裂今年窮臘波溶溶
安流東下間篙工江東賈客借餘潤貞元使者如春風

欽定四庫全書

御選全詩

卷一

十八

畫眉曲七首

樓外春山幾點螺樓頭望處染雙蛾不知深淺隨宜否
却倩菱花問眼波

小閣新裁寄遠書書成欲遣更踟躕黛痕試與雙雙印
封入雲箋認得無

織葉斜橫蜀柳條拂成風思自妖嬈元和才子才猶拙
只對春風詠舞腰

畫手新翻十樣圖西巡故事出成都憑君列置華堂上

與問丹青解語無

龍尾雲根玉作紋
紋間有月半痕新
若為喚取文姬輩

分付雲窗筆下春

未識春愁識曉醒
嬌啼恰恰似雛鶯
日高阿母嗔妝晚

促畫鴉兒轉不成

時世華妝巧鬪春
張卿態度獨清新
五陵年少多才思

數點章臺走馬人

党懷英

欽定四庫全書

御選金詩

卷一

十九

宿舊縣四更而歸道中撫所見作行路難

三星排空山月明
思歸客子夜半行
單衣短褐風淒清

響踏黃葉棲禽驚
匆匆曉轉沙岸側
枯蓼寒蘆鳴索率

山月欲隨山煙黑
前途無人脚無力
行路難堪歎息

任詢

蘇州宴

蘇州女兒嫩如水
鬢簪花籠青鳳尾
十二紅裳釵梳洗

植立唱歌煙霧裏
一人丰稜玉手指
袖挽翠雲彈綠綺

落花一片天上來
似欲隨人渡江水
曲終宴闋歌一觴

行人南遊道路長
明日松江千萬頃
煙波雲樹春茫茫

劉迎

河防行

南州一雨六十日
所至川源皆汎溢
黃河適及秋水時

夜來決破陳河堤
河神憑陵雨師借
晚未及晴昏復下

傳聞一百五十邨
蕩盡田園及廬舍
我聞禹時播河為

九河一河既滿還
之他川平地迴勢
隨弱安流是以無

欽定四庫全書

御選金詩

卷一

三

驚波祗今茫茫餘
故迹未易區區議
疏闢三山橋壞勢

益南所過泥沙若
山積大梁今世為
陪京財賦百萬資

甲兵高談泥古不
須爾且要築堤三
百里鄭為頭汴為

尾准備他時漲
河水

樓前曲

樓前山色秋橫碧
樓下水光秋漫白
眼看對此千里愁

樓下長歌古離別
蕭蕭郎馬何時歸
雁奴去作斜行飛

灞橋過客夕陽遠
渭城行人朝雨微
玉淒花冷令人瘦

日暮倚樓雙翠袖蕙炷猶殘瀉瀉香麴塵半著鴛鴦繡
五雲飛過芙蓉城洞天冷落雲間笙妾身有願化春草
伴君長亭仍短亭

車輶輓

馬虺隤牛齧棘山行縈紆車輶輓路傍指點是官人老
矣一翁雙鳥禿汝牛幸可耕汝馬幸可騎有此可載琴
書歸胡為奔走東西道白髮刁騷被人笑

沙漫漫

沙漫漫草斑斑南山北山相對看我行乃在山之間行
人仰不見飛鳥樹木足知邊塞少沙漫漫草斑斑我行
欲趁西風還僕夫汝莫愁衣單我但著衣思汝寒

推車行

渾河洶湧從西來黃流正觸山之崖山崖路窄僅容過
小誤往往車輪推車推料理動半日後人欲過何艱澀
深山日暮人已稀食物有錢無處覓何時真宰遣六丁
鏟此疊嶂如掌平憧憧車馬山西路萬古行人易來去

敗車行

前車行後車逐車聲夜隨山詰曲前車失手落高崖車
輪直下聲如雷同行急救救不得人牛翻壓鳴聲哀我
時潛聞後車說後車使牛何太拙只知拍手笑前人不
道後來當改轍前途猶有坡陀在後車當以前車戒

王庭筠

采蓮曲

南北湖亭競采蓮吳娃嬌小得人憐臨行折得新荷葉
却障斜陽入畫船

蕭貢

君馬白

我馬瘦君馬肥我馬虺隤君馬飛雕鞍寶鞍錦障泥向
風振迅長鳴嘶一朝計落路傍兒銅鬲為榔薪為衣瘦
馬雖瘦骨骼奇古人相馬遺毛皮千金一顧會有期

古採蓮曲

洋洋長江水渺渺漲平湖田田青荇荷艷艷紅芙蓉酣

酣斜日外冉冉涼風餘
倩倩誰家子裊裊二八初
兩兩並輕舟笑笑相招呼
悠悠波上駕潑潑蒲中魚
采采不盈手依依欲何如

悲長平

秦兵伏甲武安西
趙將非材戰士攜
千里陣雲沉曉日
萬家屋瓦震秋聲
哀纏朽骨天應泣
怨入空山鳥不棲
百戰區區竟何得
阿房煙草亦淒迷

趙秉文

欽定四庫全書

御選全詩

擊球行

錦鞵珠絡四百蹄
繡胸嵌花雙狡狴
分曹入場鼓聲作
月趁流星馬前落
側身下臂疾鳥回
霹靂一聲龍門開
玉鞭笑擊金鏡響
綠構齊出黃金杖
臨階下馬坐廣亭
玉盤行酒跪輸朋
蒼頭上馬抱黃帕
一點飛塵夕陽下

春水行

先春宮外春水生
駕鶴飛下寒猶輕
綠衣探使一鞭信
春風寫入鳴鞘聲
龍旂曉日迎天仗
小隊長圍圓月樣

忽聞疊鼓一聲飛
輕紋觸破桃花浪
內家最愛海東青
錦鞵掣臂翻青冥
晴空一擊雪花隨
連延十里風毛腥
初得頭鶩誇得雋
一騎星馳薦陵寢
歡聲沸入萬年觴
瓊毛散上千官馬
不才無力答陽春
羞作長楊侍從臣
閒與老農歌帝力
歡呼一曲太平人

扈從行

馬翻翻車轆轤塵土難分真
面目年年扈從春水行
裁染春山波漾綠綠鞵珠勒大羽
箭少年將軍面如玉車
中小婦聽鳴鞭遙認飛塵郎
馬足朝隨鼓聲起暮逐旂
尾宿樂事從今相繼躅
聖皇歲歲萬幾暇春水圍鶩秋
射鹿

倣郎士元寶刀塞上兒

長安俠少年白馬黃金鞭
侈騎捧長劍官儀如殿前
煙塵生絕塞烽火照甘泉
如聞辭第將遺貌上凌煙

倣張志和西塞

一葉黃飛一葉舟
半竿落日半江秋
青草渡白蘋洲歸

欽定四庫全書

御選全詩

路月明山上頭

白頭波上白頭人黃葉渡西黃葉村山幾朶酒盈樽落日西風送到門

張穀

畫石歌

腹非經筍口不肉食胸中止有磊磊落落百千萬之怪石興來茹噎快一吐將軍便欲闕弓射氣母忽破碎物怪紛狼籍有時醉狂頭插筆埽盡人間雪色壁

欽定四庫全書

御選金詩

卷一

十五

閻長言

北齊行

天保大人襲世貴未待齊成已無魏讖裏方傳近水羊夢中先兆攻城蝟六君三世都能幾二十八年翻手裏細思孝靜靈運詩天道好還非妄矣

師拓

秋夜吟

阪路太行險波濤滄海深素縕未偶時白髮將盈簪壯

士暮年意游子中夜心拊劍一太息月暗天橫參

浩歌行送濟夫之秦行視田園

霜斂野草白氣肅天宇清開尊酌遠客餞此秦關行秦關杳杳愁西顧千里蒼茫但煙樹子今行轡按秋風想見秦關雄勝處河流洶洶崑崙來蓮峰秀拔青雲開終南南走絡巴蜀五陵北望令人哀我本渭城客浪迹來東征窮齊歷宋嗟何營尚氣慕俠游梁城信陵白骨委黃土夷門誰復知侯生拊劍一長嘯作歌誰為聽青天白日空冥冥不能乘桴入滄海拂衣且欲歸汧涇落魄高陽歸未得送子西歸空愴情

欽定四庫全書

御選金詩

卷一

十五

元德明

桃源行

山中三日山桃開紅霞爛漫無邊涯山家藏春藏不得落花流水人間來憶昔攜家竄巖谷秦人半向長城哭回頭塵土失咸陽繒弋徒勞羨鴻鵠冬裘夏葛存大朴小國寡民皆樂俗晝永垣籬雞犬閒春晴門巷桑榆綠

漁郎偶到本無心
仙境何緣得重尋
今日武陵圖上看
唯見雲林深復深

李獻甫

長安行

長安道無人行
黃塵不起生榛荆
高山有峰不復險
大河有浪亦已平
向來百二秦之形
祇今百二秦之名
我聞人固物乃固
人不為力物乃傾
將軍誓守不誓戰
戰士避死不避生
殺人飽厭敵自去
長安有道誰當行
黃塵漫漫愁殺人
但見蔽野雞羣鳴
河東游子淚如雨
眼花落日迷秦城
長安道無人行
長安城中若為情

別春辭

東皇按轡來何遲
人間二月才芳菲
六十日春能幾時
不如意事常相隨
一聲啼鴉花片飛
把酒却與春別離
春緩歸聽我歌
滔滔歲月如流波
貴憂孰與賤樂多
吾寧不欲列華鼎
馳鳴珂香屏倚妓薦
綺羅人生賦分有
定在誰能買愁費
天和長安市上酒
如海跨驢徑上厓

脂坡酒酣醉舞雙
婆娑春自來去如
予何

秋風怨

疎星耿耿明天河
夜涼翠幕生微波
碧梧委葉傳金井
一夕秋風將柰何
春風令人和秋風
感人悲妾愁自與
秋風期秋風爭管
人別離燈炷垂紅
粉泥暗窳甲屏風
雲影亂絡緯弔月
啼不斷蓮漏壓荷
夜未半涼颼蕭蕭
入疎竹枕底寒聲
碎瓊玉敲愁撼睡
睡不明花露盈盈
泣魚目秋風且莫
吹念妾守空閨嫁
狗隨走雞隨飛九
死莫作蕩子妻郎
薄倖妾薄命花自
無言絮無定碧雲
暮合郎未歸幾度
妝成掩明鏡

秦略

穀靡靡

穀靡靡青割將來
強半糶急忙春米
送官倉只恐秋風
馬塵起官倉遠在
蕎麥山南梯直上
青雲間梯危一上
八九里之字百折
縈迴環憑誰說向
監倉使斛面莫教
高一指請君沿路
看擔夫汗顆多於
所擔米

王修齡

黃葉行送祖唐臣歸柘縣

送君黃葉山黃葉紛不埽上有蕭蕭之風樹下有漫漫
之萋草山中黃葉行復青髀肉一消人自老酒盡意不
盡執手臨古道古道連延走錦襄錦襄日暮浮雲翔一
燈孤館相思處寒雁一聲秋夜長

李汾

擬張水部行路難

洛陽行人心欲折半年西州信音絕彈箏峽口兵塵高
半夜心懸隴山月君不見嗷嗷失羣鳥唳盡眼流血潼
關晝閉漢使稀安得慰我生離別

王鬱

寄遠吟

一封征人書秋帆瀟湘岸當君高樓醉憶妾空閨歎

陽關曲

城東車馬已促裝城西江水青茫茫綠楊陌上一杯酒

欽定四庫全書

御選金詩

卷一

三五

離愁慘淡春無光秦樓花映晴煙直誰家少婦當門立
金鞭入手紫燕嘶回首飛雲晚山碧

傷別曲

蘭皋飛暗塵征車紆去轍長安雖咫尺回首繁華歇故
人亭下酒蛾看眼中血平生慷慨腸忽作柔絲結傳聞
紫塞傍秋烽下危堞班超未投筆來真空嚼鐵誰能金
閨中坐眷娟娟月

長安少年行

欽定四庫全書

御選金詩

卷一

三十

新月平康金步蓮青雲戚里玉連錢誰家年少秋風裏
梁甫吟成抱劍眠

楚妃怨

涼風遶樹秋長河絡天碧深宮悄無人月暗莎雞泣

秋夜長

秋風嫋嫋吹庭樹傷心一葉隨風去葉隨風去何所之
似我年年因羈旅神蠅紆屈泥中蟠青雲未到誰汝憐
愁來不寐起視夜斗柄斜指西南天

折楊柳

長安二月多綠楊遠信未到龍庭旁佳人中夜抱影坐
風窗泠泠愁思長青天無雲一鏡潔萬戶千門音響絕
何人橫笛在高樓玉龍叫徹春江月

遊子吟

短日空乘回流雲自來去茫茫曉野客衣單白露無聲
落秋樹

元好問

南冠行

南冠纍纍渡河關畢逋頭白乃得還荒城雨多秋氣重
頽垣敗屋深茅管漫漫長夜浩歌起清涕曉枕留餘潛
曹侯少年出純綺高門大屋垂楊裏諸房三十侍中郎
獨守殘編北窗底王孫上客生光輝竹花不實鷓鴣飢
絲桐切切解人語海雲喚得青鸞飛梁園三月花如霧
臨錦芳華朝復暮阿京風調阿欽才暈碧裁紅須小杜
長安張敞號耆嫵吳中周郎知曲悞香生春動一詩成

瑞露靈芝滿窗戶魚龍吹浪三山沒萬里西風入華髮

無人重典鷓鴣裘展轉空牀卧秋月寶鏡埋寒灰鬱鬱

萬古不可開龍劍出地底青天白日驅雲雷層冰千里

不可留離魂楚些招歸來生不願朝入省暮入臺願與

竹林嵇阮同舉杯郎食猩猩脣妾食鯉魚尾不如孟光

案頭一盃水黃河之水天上流何物可煮人間愁撐霆

裂月不補意更與倒翻鸚鵡洲安得酒船三萬斛與君

轟醉太湖秋

驅豬行

黃臺張氏莊作

沿山蒔苗多費力辦與豪豬作糧食草菴架空尋丈高
擊板搖鈴鬧終夕孤犬無猛噬長箭不暗射田夫睡中
時叫號不似驅豬似稱屈放教田鼠大於兔任使飛蝗
半天黑害田爭合到渠邊可是山中無橡木長牙短喙
食不休過處一抹無禾頭天明隴畝見狼籍婦子相看
空淚流早乾水溢年年日會計收成纔什一資身百倍
粟豆中儋石都能幾錢直兒童食糜須愛惜此物羣豬

口中得縣吏即來銷稅籍

蛟龍引

古劍咸陽墓中得搜開青雲見白日蛟龍地底氣如虹
土花千年不敢蝕洪鑪烈焰初騰精橫海已覺無長鯨
世上元無倚天手匣中誰解不平鳴割城恨不逢相如
行酒恨不逢朱虛尚方未入朱雲請盟盤合與毛生俱
誰念田文坐中客只將彈鋏歎無魚

湘夫人詠

木蘭芙蓉滿芳洲白雲飛來北渚遊千秋萬歲帝鄉遠
雲來雲去空悠悠秋風秋月沅江渡波上寒煙引輕素
九疑山高猿夜嘯竹枝無聲隨殘露

湘中詠

楚山鶴鳴風雨秋楚岸猿啼送客舟江山萬古騷人國
猿鳥無情也解愁西壯長安遠於日憑君休上岳陽樓

孤劍詠

鬱鬱重鬱鬱夜半長太息吟成孤劍詠門外山鬼泣清

霜稜稜風入骨殘月耿耿燈映壁君不見一飢縛壯士
僵卧時自惜黃鵠一舉摩蒼天時念樊籠束修翼

渚蓮怨

阿溪何許來素面浣風雨寂寞煙中魂依依欲誰語

芳華怨

娃兒十八嬌可憐亭亭裊裊春風前天上仙人玉為骨
人間畫工畫不出小小油壁車軋軋出東華金縷盤雙
帶雲裾踏雁沙一片朝雲不成雨被風吹去落誰家少

年豈無恩澤侯金鞍繡帽亦風流不然典取鸛鶴裘四
壁相如堪白頭金谷樓臺悄無主燕子不來花著雨只
知環珮作離聲誰向琵琶得私語無情鴻鵠翡翠兒有
情蜂雄蛺蝶雌勸君滿酌金屈卮明日無花空折枝

後芳華怨

江南破鏡飛上天三五二八清光圓豈知汴梁破來一
千日寂莫菱花仍半邊白沙漫漫車輓輓鷄絃中杜
鵲哭塞門顛顛人不知枉為珠娘怨金谷樂府初唱娃

兒行彈棋局平心不平只今雄蜂雌蝶兩不死老眼天
公如有情白玉搔頭綠雲髮玫瑰面脂透肉滑春風著
人無氣力不必相思解銷骨落花絕品姚家黃揚州銀
紅一國香千圍萬繞看不足雨打風吹空斷腸丹砂萬
年藥金印九州督不及秦宮一生花裏活長門曉夕壽
相如儘著千金買消渴

結楊柳怨

長樂坡前一杯酒鄭重行人結楊柳可憐楊柳千萬枝
看看盡入行人手輕煙細雨綠相和惱亂春風態度多
路人愛是風流樹無奈朝攀暮折何朝攀暮折何時了
不道行人暗中老素衣今日洛陽塵白髮朝朝塞城草
柳色年年歲歲青關人何事管離情春風誰向丁寧道
折斷長條莫再生

秋風怨

碧瓦高梧響疎雨坐倚薰籠時獨語守宮一著死生休
狗走雞飛莫為女雲間簫鼓夜厭厭禁漏誰將海水添

欽定四庫全書

御選金詩

卷一

三五

一春門外羊車過又見秋風拂翠簾總把丹青怨延壽
不知猶有竹枝鹽

歸舟怨

渡頭楊柳青復青閨中少婦動離情只從問得狂夫處
夜夜夢到洛陽城南風吹櫓聲北雁鳴嚶嚶江流望不
極相思春草生

征人怨

瀚海風煙埽易空玉關歸路幾時東塞垣可是秋寒早
一夜清霜入鏡中

塞上曲

平沙細草散羊牛幾簇征人在戍樓忽見隴頭新雁過
一時回首望南州

西樓曲

游絲落絮春漫漫西樓曉晴花作團樓中少婦弄瑤瑟
一曲未終坐長歎去年與郎西入關春風浩蕩隨金鞍
今年疋馬妾東還零落芙蓉秋水寒并刀不翦東流水

欽定四庫全書

御選金詩

卷一

三六

湘竹年年淚痕紫海枯石爛兩鴛鴦只合雙飛便雙死
重城車馬紅塵起乾鵲無端為誰喜鏡中獨語人不知
欲插花枝淚如洗

後平湖曲

越女顏如花吳兒潔如玉天教並牆居不著同被宿美
人一笑千黃金連城不博百年心樓上牆頭無一物暮
爨朝春一生足秋風拂羅裳秋水照紅妝舉頭見郎至
低頭采蓮房郎心只如菱刺短妾意未覺藕絲長與郎
期何許眼礙同舟女春波澹澹無盡情雙星盈盈不得
語十里平湖艇子遲岸花汀草伴人歸鴛鴦驚起東西
去惟有蜻蜓接翅飛

涓川行

涓川道邊日欲西誰家少婦掩面啼漫漫長路行不徹
粉綿鏡衣手自攜自言娼家女家在梁門東夫婿輕薄
兒新人不相容憶初在家時只辦放嬌慵爺娘惜女如
惜玉近前細看面發紅無端嫁作蕩子婦流落棄擲風

埃中可憐桃李花顏色嬌蒙茸朝看花枝好暮看花枝
空安得明珠三百斛重簾複幙圍春風

長安少年行

黃衫少年如玉筆生長侯門人不識道逢豪客問姓名
袖把金鞭側身揖卧馳行橐錦帕蒙石榴壓漿銀作筒
八月蒼鷹一片雪五花驕馬四蹄風日暮新豐原上獵
三更歌舞灞橋東

黃金行

贈王飛伯

王郎少年詩境新氣象慘澹含古春筆頭仙語復鬼語
只有溫李無他人天公著詩貧子身子曾不知乃自神
人間不買詩名用一片青衫衡霍重兒貧女富母兩心
何論同胞不同夢入門喚婦不下機淚子垢面兒啼飢
君詩只有貧女謠何曾夢見金縷衣外家翁媪日有語
嫁女書生徒爾為昆陽城下三更酒醉膽輪困插星斗
一夕詩腸老蛟吼十尺長人隨車走斫頭不屈三萬言
欲向何門復低首何人壽我黃金千使君破鏡飛上天

解劍行

古劍黑於膝鬱鬱動星文
摩挲二十年今日持贈君
長鯨鼓浪三山沒知君不是泥
中物袖間一卷白猿書未
分持刀買黃犢壯懷風雲鬱
沉沉慚媿漂母無千金長
安侏儒飽欲死萬古不解天
公心北風浩浩吹行客隴
水無聲雪花白荆卿墓頭秋
草乾擊筑行歌欲誰識君
不見秦相五羖皮去時烹雞
吹麩屨又不見敝裘蘇季
子合從歸來印纍纍丈夫隨
地自有萬里氣翁忽變化
安能知大冠如箕望吾子富
貴同生亦同死

欽定四庫全書

御選全詩
卷一

三九

望雲謠

涉江采芙蓉芙蓉待秋風
登山采蘭苔蘭苔霜早彫
美人亭亭在雲霄鬱搖行
歌不可招湘絃沉沉寫幽
怨愁心歷亂如曳蠶金支
翠蕤紛在眼春草迢迢春
波遠

望歸吟

塞雲一抹平如截塞草離
離卧榆葉長城窟深戰骨
寒萬古牛羊飲寬血少年
錦帶佩吳鉤獨騎疋馬覓
封侯

去時只道從軍樂不道關山
空白頭北風吹沙雜飛雪
弓弦有聲凍欲折寒衣昨
夜洛陽來腸斷空閨擣秋
月年年歲歲望還家此日
歸期轉未涯誰與南州問
消息
幾時曾拜李輕車

獵城南

翩翩游侠兒白馬如足練
朝出城南獵暮趁軍中宴
北平有真虎愛惜腰間箭

春風來

春風來時瑤草芳綠池珠
樹宿鴛鴦春風去後瑤草
歇來鴻去雁遙相望鴛鴦
不得雙燕鴻天一方娟娟
愁看色靜與遙山長錦衾
復羅薦夢語相思怨月明
烏夜啼空閨淚如霰

并州少年行

北風動地起天際浮雲多
登高一長嘯六龍忽蹉跎
我欲橫江鬪蛟鼉萬弩迸
射陽侯波或當大獵燕趙
間黃熊朱豹皆遮羅男兒
萬馬隨搗訶朝發細柳暮
朝那埽

欽定四庫全書

御選全詩
卷一

四十

雲黑山布陽和歸來明堂見天子黃金橫帶冠栽栽人
生只作張騫傳介子遠勝僵死空山阿君不見并州少
年夜枕戈破屋耿耿天垂河欲眠不眠淚滂沱著鞭忽
記劉越石拔劍起舞雞鳴歌東方未明兮奈夜何

怒虎行

怒虎當道卧百里不敢唾紛紛射彪手不見弧矢隨誰
知世有李將軍霹靂弦聲驚石破昨日雙南金今日綠
綺琴贈君無別物唯有百年心

續小娘歌

吳兒沿路唱歌行十五五和歌聲唱得小娘相見曲
不解離鄉去國情
北來游騎日紛紛斷岸長隄是陣雲萬落千邨藉不得
城池留著護官軍

青山高處望南州漫漫江水遶城流願得一身隨水去
直到海底不回頭

風沙昨日又今朝踏碎鴉頭路更遙不似南橋騎馬日

生紅七尺繫郎腰

竹溪梅隴淨無塵二月江南烟雨春傷心此日河平路

千里荆榛不見人

黃河千里扼兵衝虞虢分明在眼中為向淮西諸將道

不須誇說蔡州功

步虛詞

閨苑仙人白錦袍海山宮闕醉蟠桃三更月底鸞聲急
萬里風頭鶴背高

萬神朝罷出通明和氣歡聲滿玉京見說人間有新異

綠章封事謝昇平

琪樹明霞碧落宮歌音嫋嫋度冷風人間聽得霓裳慣

猶恐鈞天是夢中

杜仁傑

長門怨

天上神仙也別離人間那得鎮相隨不須貴買臨邛賦
只想君王未見時

麻革

短歌行

河流宿層冰山有太古雪翩翩有客來老面黑於鐵盤
盤骨臆間猶挂太華月不肯下貴勢便欲叫雙闕朔寒
衣裳單路遠馬蹶躓昔人丈夫事肝膽不可越我歌送
君行歌聲何激烈悲風為我起酒行歌半闕望君青雲
端何恤遠離別

關中行送李顯卿

關中行我持一杯酒送君西入秦秦川鬱相望渭水流
汙汙黃河中折倏復合太華倚天青壁開我送君兮渺
何許春風不肯吹君迴舉酒酌五陵浩歌登高臺終南
之山何崔嵬長安舊遊安在哉百年繁華成劫灰千古
英雄沉草萊風塵瀕洞豺狼暮天地茫茫入煙霧我載
歌送君去太華終南宜有深絕處巖扃人跡所不到石
壁蒼苔老煙雨山堂挂女蘿充腹多薯蕷玉井蓮開十
丈花茯苓根結千年樹白雪青松良可老鹿門有龐商

欽定四庫全書

御選金詩
卷一

四三

有皓不然凌雲學輕舉聽取安期羨門語憶昨與君友
相逢日日酬杯酒酒闌起舞肝膽開小桃唱罷歌楊柳
晉語狎秦嬴秦語驚晉叟秦晉之交那可無胡為不作
雙飛鳧碧草離離生早春哀歌望斷西南雲求君於終
南之上不可得太華峰頭會見君

房皞

江上行

浮雲澹澹心悠悠杖藜來作江邊游商人打鼓催行舟
洪波不斷東南流木葉蕭蕭荆楚秋勸君休上王粲樓
日落滄江增暮愁

賣劍行贈韋漢臣

滄海波未澄無人斬長鯨韋郎三尺玉匣中鳴不平蛟
龍一出雷雨隨翕忽變化清四陸可惜有才不見用青
天白日將何為酒酣起舞抱劍哭肅肅悲風動茅屋不
如南山學種田自古青萍換黃犢

貧家女

欽定四庫全書

御選金詩
卷一

四四

貧家女德性溫柔寡言語終年辛苦不下機身上却無
絲一縷倡家女兒百不會只向人前賣嬌態繡榻端坐
青樓中銀燭熒煌照珠翠書言福善與禍淫未必天公
有此心盜跖長年顏子天古來顛倒非獨今高處是崑
崙低處是東溟崑崙推不倒東海填不平物之不齊物
之情貧女莫羨倡女榮不義富貴浮雲輕持身但如冰
雪清德耀荆釵有令名

御選金詩卷一

謹案第一頁後六行宋宰相拭之子按金史吳激

傳父拭宋進士官終朝奉郎知蘇州不言宰相

此沿本州集之訛又待制刊本待訛侍今改

第二頁後七行仕宋知濟南府刊本濟南訛東昌

據中州集改

第四頁後二行宋宣和中有聲上庠按中州集稱

宣和末為潁州教官仕齊與此异

第六頁前一行復起判濟南安撫山東刊本濟訛

河據金史本傳改

第九頁後一行路鐸字宣叔伯達子刊本伯達訛

仲顯據中州集改

第十一頁後一行湘陰人按金史湘作襄與此異

第二十一頁後五行易州人刊本易訛莫據金史

改又興定末試開封南省經義詞賦皆第一按

金史作試開封詞賦第二經義第一再試南省

亦然與此異

第二十三頁後六行登典定五年進士第按金史

五年作三年此疑訛

卷一第七頁前一行寓跡山中記昔年刊本山中

訛中山又飄零何在五株柳刊本株訛枝並據

中州集改

第十七頁前二行樓船戈鋌師四起刊本鋌訛鋌

據漢書及中州集改

第二十三頁前四行悲長平刊本平訛年據中州

集改

第二十五頁後一行閻長言刊本言訛吉據中州

集閻治中長言小傳及卷首爵里姓氏攷改

第四十三頁後五行風塵瀕洞豺狼暮刊本暮訛

墓據中州集改

謹案姓名爵里第一頁前四行呼塔噶舊作胡土

瓦今改 十四頁前二行舒穆魯世勣舊作石


抹世勣今改後做此 十八頁後八行古納舊

作官奴今改 二十三頁前七行珠赫遼舊作

木虎遼今改後做此又納琳明安舊作納鄰猛

安今改 前八行烏林噶奕舊作烏林荅奕今

改後做此又穆琨舊作謀克今改



總校官庶吉士臣侍朝

校對官檢討臣蕭九成

謄錄舉人臣張昱

欽定四庫全書薈要

集部
御選金詩卷二

欽定四庫全書薈要卷一萬八千三百八十八
集部

御選金詩卷二

五言古詩一

蔡松年

漫成

人生各有適一受不可更違已欲徇世憂患常相嬰三
軍護漢將九鼎調蒼生功名豈不美強之輒無成朝昏
忘寢食俯仰勞心形何如從所好足以安餘齡予也一

欽定四庫全書

御選金詩
卷二

丘壑野性真難名力懦謝提劍才拙慙窮經疎放已成
僻紛華誰與爭驚鹿便草豐白鷗願江清不堪行作吏
萬累方營營夜慮多俗夢曉枕無餘醒拄頰西山語適
意千里羹塵土走歲月秋光浮宦情欲語箇中趣知音
耿晨星世途古今險方寸風濤驚封侯有骨相使鬼須
銅腥誓收此身去田園事春耕

淮南道中五首

南楚二月雨淮天如漏卮畏途泥三尺車馬真雞棲却

詳校官原任主事臣李斯咏

思閒居樂雨具無所施高枕聽簷聲爐煙暈如絲

吾年過五十所過知前非顏焉日蒼蒼老境行相追枯
棹聽俯仰隨人欲何為歸計勿悠悠出處吾自知

南渡國不競晉民益瘡痍陶翁遂超然不忍啜其醜北
窗談清風慨望羲皇時道喪可奈何抱琴酒一卮

三年鎮陽遊春歸綠扶疎櫻筍媚園林日長閒枕書行
復當此時涼塵暗歸途會洗醪醑雪月波浮祕壺

鎮陽亘西南山河在圖畫花雨草煙間人家或僧舍經
行每悵然真賞知未暇待予籃輿歸香火復蓮社

丁巳九月夢與范季雲同登北潭之臨芳亭覺
而作詩記其事以示范

高陵五六松潭水涵清陰白鳥如避世巢居得幽深雜
花眩青紅苦節方森森何人作虛亭想像雲棲心我夢
涉陳迹君亦同登臨相與定嘉名洗去花草淫看雲撫
修碧夕景低遙岑風林淡秋月霜枝鳴玉琴兩意誰識
之好處煩幽尋閒居志則同歲月能駸駸時無陶彭澤

此曲難知音亭前有奇石遷流失山林顧亦如我曹髯

髮風沙侵小兒重外物列屋享千金區區心甚長因循
困華簪忽焉事大謬危機恐難任平生下車澤斯言吾
所欽志士願不辱俗情便孔子自喜迹猶淺鳧雁容浮
沉沉行自蕭散世路皆崎嶇此邦真可老城郭環清潯
結廬與君俱開寫平生襟里巷日還往杖屨行謳吟還
尋夢游處無忘神所箴

庚申閏月從師還自賴上對新月獨酌十三首

錄十
一首

伊昔三年前淫雨推行輶青燈忽今夕華屋映高秋華
屋亦何為百年竟山丘適意在歸與肉食非我謀

我家恒山陽山光碧無賴月窟陰風篁十萬瀉澎湃茲
烏有樂地不去欲誰待自要塵網中低眉受機械

我本山澤人孤煙一輕蓑功名無骨相雕琢傷天和未
能遽免俗尚爾同其波梧桐喚歸夢無柰秋聲何

孟夏幽州道上陞車輶旌旗却南行飛電隨馬足行

窮清潁水不辨洗蒸溽吾生豈匏瓜一笑為捧腹

燈花何太喜似報天雨霽客情念還家如瞽不忘視到

家問松菊早作解官計青鏡髮蕭蕭及此霜雪未

鳴蛙屬官私庸兒固可笑江山本誰爭但苦歸不早物

情閒始見宛轉為君好區區乞鑑湖多事憐賀老

天下任之重人物古難得誰為經濟才有亦未易識吾

曹與雞鶩官倉等伏食行將問征途滿眼西山碧

懦微莫如我往往從險艱譬之驅山麋八鑿困天閑豈

惟物違性成功亦良難風煙念何地野水長松間

出處士大節倚伏殊茫茫絕交苟不作自足存嵇康哲

人乃知樂曲士迷其方顧我類社樵匠石端相忘

問舍前年秋已買潭西地高明鬼所瞰聊取風雨蔽瀕

溪樹嘉木成陰十年計仍當作茅舍名之以今是

斯言已饒饒要未離憂患何時但飲酒臧否了不關不

飲逝者多秋草麒麟間懷哉竹林人吾方仰高山

七月還祁

欽定四庫全書

御選金詩

卷二

四

洪河注天南兵氣橫高穹我從兵前來歸心疾驚鴻官

柳未搖落蓮荇香濛濛吏舍在前邨舊年養疎慵爰自

三軍去青苔瘞人蹤夕陽叩柴門歡迎來僕僮濁酒古

壘洗停觴問新松却對一牀書睡鳴孤煙中土花暈湖

玉冰絃冷霜桐燈花未可親露坐茅堂東西山月中淡

夜茶煮松風到牀便安寢不復知晨鐘平生幽棲心斯

言畧形容人道動有患百態交相攻而我觸類真冶容

鄙青紅非才見臨事叩之輒空空知難不知回飄流劇

飛蓬暫去聲利場樂佚猶無窮況於得行意瀟灑畢此

躬勿為才者傳從渠作夔龍

吳激

病後寄開甫

暗蛩咽幽響隙月漏微光溪上風雨過倏然有餘涼病

瘦鶴骨立低垂不能翔懷我中山兄開經焚道香猿嘯

耿清夜鐘鳴悠夕陽商秋早晚至夢寐松楸蒼

夜汎渦河龍潭

欽定四庫全書

御選金詩

卷二

五

輕舟弄素月靜夜橫清渦天風毛髮亂疎星燦明河圖
經記父老冥冥年歲多淵沉三千丈湛碧寒無波微流
帶文藻絕岸無柔莎炯如帝鴻鏡可鑑不可磨中蟠至
神物役使羣蛟鼉蜿蜿頭角古勁鬣誰敢廁深宮照珠
貝頗費蚌與螺何時葛陂竹化作陶公梭

宇文虛中

庭下養三鴛鴦忽去不反戲為作詩

先生久忘機為爾虞矰繳一朝長羽翮萬里翔寥廓誰

欽定四庫全書

御選金詩

卷二

六

信惡溝鳴忽作華表鶴豈無三玉環遺音嗣黃雀

高士談

梨花

中原節物正梨花配寒食黃昏一雨過滿地嗟狼籍塞
垣春已深花事猶寂寂朝來三月半初見一枝白爛漫
雪有香瓏鬆玉仍刻芳心點深紫嫩葉裁輕碧懶慢不
出門雙瓶貯春色殷勤遮老眼邂逅慰愁夕一尊對花
飲況有風流客酒闌思故鄉相顧空歎息

予所居之南下臨短甍因鑿壁開窗規為書室
坐獲山林之趣榜曰野齋且作詩約諸友同賦

我本麋鹿姿強服冠與簪束縛二十年夢寐遊山林謁
來古晉國官舍南城陰鑿壁取疎豁開窗舒滯淫山光
射几席野色供登臨怡顏盼庭柯明日增遙岑草木遞
榮落雲煙自浮沉翫彼物色變感此歲月侵兀坐獨無
人窺簷囀幽禽誰知城市中闕若郊居深巷陋顏子樂
地偏陶令心一室亦何有狼籍書與琴晴暉朝徙倚皎

欽定四庫全書

御選金詩

卷二

七

月夜相尋欲賦畔牢愁先為梁父吟詩成輒自和酒熟
時孤斟結茅會有期種竹當及今日來官更忙塵埃滿
衣襟暮歸惟憊卧筋力殊不任常思返丘壑豈願紆朱
金遙知北山處猿鶴餘清音

邊元鼎

早春

春風走塵沙鳥語滿京國東皇發潛潤土木變顏色桃
李爭嫵媚白紅詫容飾惟有松柏姿依然蔽崖黑

張斛

平安關道中二首

高林俯青冥柯葉森若織陽光已轉午陰嶺仍半黑崢
嶸亂石間行子有苦色臨深地勢入涉險天宇塞四顧
無所投迹爾去未息悵然增百憂冥冥羨歸翼
窮冬十日陰積雪千山路晴雲開半嶺落日猶在樹悠
悠客心速慘慘天色暮寒鳥各有依解鞍尚無處游魚
誤銜鉤元豹終隱霧行行謝冠冕復我林壑趣

欽定四庫全書

御選金詩

卷二

八

馬定國

懷高圖南

劉乂一狂士尚得韓愈知君才百劉乂知者果其誰三
隨計吏貢躡屨遊京師文章善變化不以一律持碧海
涵萬類青天行四時去年高唐別河柳搖風枝今年清
明飲高花見辛夷茲來又幾日軍檄忽四馳尺書無處
寄相見果何期白日鬪龍蛇黃塵笳鼓悲春風獨無憂
吹花發江渚一杯送歸雁萬里寄相思

讀莊子

吾讀漆園書秋水一篇足安用十萬言磊落載其腹北
風熟祖梨冷日照鴻鵠人生固多事端坐至秉燭

張子羽

遊龍門訪潛溪僧舍

入谷訪精舍鐘聲先遠聞陽光時翳竹泉脈俄當門山
僧禁足久瞑目誦微言要知鹿臺寺但指山頭雲策杖
御枯西幽蘭秀荆榛風煙浩難及薄暮花紛紛

欽定四庫全書

御選金詩

卷二

九

宿寶應

重巖煙靄合寶閣春風暮山深月影遲坐久識歸路伊
昔府中彥征驂同夜駐徂年能幾時變滅等輕霧禪房
伴茗飲豈待酒中趣卧來清不寐瘦鶴驚宿露黎明覓
舊題松間宛如故

吳縝

寄定國

情馳夏日流目斷晚雲碧新詩從何來遠自金馬客雄

深作者意奔軼古人迹名高四海望髮未一莖白應嗤
窮途士抽簪老泉石采蕨在南山驅牛向東陌勞生豈
不苦衣食迫晨夕膏粱無宿懷茅茨得真適卒歲將何
求一飽惟力穡

訪國城石氏

昔我訪君處樹涼炎暑收今君訪我來城空殘雪留經
時少乘興兩至皆空投茅茨隔溪上車馬度城頭不聞
機杼聲但聽溪水流向來方圓翁曾訪此中遊近聞大

欽定四庫全書

御選金詩

卷二

十一

梁至京塵滿衣裘相思懶歸步落日風颼颼

山居

西首魚山崦北連黃石祠崇岡在東南我家山北陞地
僻少人事終朝掩柴扉尊酒不常得書券聊自怡春風
數日來處處生蕨薇寸心復何累一飽良可期當年終
南人捷徑以貽譏知我無心者豈顧悠悠辭

擬淵明貧居

淒其歲云暮北風無時休晨興倦薪水夜寐乏衾裯缺

月正裊回宿鳥鳴啁啾欲無憔悴歎奈此霜霰秋松楸
脫兵火環堵且淹留閉門念袁安守賤弔黔婁坐讀貧
士詩吾乃淵明儔

溪上招王仲先

幽居復何為冬來性成懶柴門俯清溪寸步出亦罕今
晨偶攜杖愛此晴日暖寓目隨所之行到南溪畔背陰
雪猶積向暖冰全泮楮頭卧石上仰面蒼崖斷泉聲何
從來乍喜兩耳換平分意甚遲斗落勢方悍坐來百慮
忘還惜日景短塵寰多憂虞中林足閒散故人戀明時
歸休苦遲緩幅巾來何時臨流話幽款

欽定四庫全書

御選金詩

卷二

十一

朱之才

寓言二首

獸有善觸邪草有能指佞獸草非有心不移本天性前
王著臣冠俾爾効端鯁如何不稱服觸指反忠正吾欲
取二物豢植列臺省一令邪佞徒奔逃亟深屏
風雨晦時夜雞鳴有常聲霜雪枯萬榦松柏有常青內

守初已定外變終難更若人東世利浮沉無定情俯仰
効枯槔低昂甚權衡反出木鳥下徒為萬物靈

謝孫寺丞惠梅花

我來泗水上居與墟墓鄰彌望多棗栗礙眼皆荆榛忽
忽度歲月不知時已春朝來佳公子遺我梅花新秀色
照窗几妙香襲衣巾莽如瓦礫場驚睹瓊瑤珍念昔客
江南千樹臨江津吳儂不知貴但與桃李倫自從墮東
土夢繞江之濱歎彼和鼎實亦復生不辰窮愁坐空山
豺虎雜鳳麟此贈意不淺難為俗子陳

欽定四庫全書

御選金詩

卷二

十三

卧病有感二十韻

臯蘇粲園英澤芝紛水葉赤弁舞纖肌黃袍緩老頰鳴
飛各有適吾獨嗟衰蕭齒髮久已疎又復失調變梁肉
謝鼎俎參苓富巾篋葵扇風未來桃笙汗初浹呻吟和
哀蟬夢寐追化蝶撫枕念平生世故飽更涉弱齡負竒
志胸蛇盤燁晷夜篋傳巖訪朝待涓濱獵荀爽歲九遷
康侯日三接功業著鐘鼎聲名垂史牒那知事大謬舉

趾得躑躅多難集暮年百願無一愜寒灰消寸心清淚
腐雙睫坐令孤鵬奮化作瘴鳥跼憂來復自慰人生幾
莫英呼吸過百歲俯仰失千劫垂流須縱擢遇坎即停
揖些語不成騷商歌鼓長缺

水月有興

明月落湖水天淵體俱一浩蕩碧琉璃奩此寒玉壁微
風觸湖波合散作六七浮光逐水紋金蛇勢盤結人心
湛寂初與月同清質外累一汨之萬態紛殊迹因知養
心者無為風浪失

欽定四庫全書

御選金詩

卷二

十三

劉著

次韻彥高占雪

天秋鼓南風雲海飄暮雪三春猶沍寒九夏那苦熱土
圭測中氣嘗聞先儒說窮髮多異宜泥古誠亦拙吳侯
擅六藝名宦端不屑晚歲登泰山早已探禹穴千歲可
坐致不待數旬月重陰畏坎陷五陽欣夬決君子方履
霜渠肯蹈覆轍雞猪與魚蒜幸可充朝餼

李之翰

書呈仲孚

造物固難量誰能計寒餓失馬乃為福夢牛翻作禍長
溪霜練靜修嶺蒼龍卧魂夢吾已安不勞歌楚些

白賁

客有求觀予孝經傳者感而賦詩

古人文瑩理後人但工文文工理愈暗紙札何紛紛君

看六藝學天葩吐奇芬詩書分體制禮樂造乾坤千岐

欽定四庫全書

御選金詩

卷二

十四

更萬轍要以一理存如何臻至理當從踐履論跋涉經

險阻鑽研閱寒溫孝弟作選鋒道德嚴中軍仰觀及俯

察萬象入見聞不勞施斧鑿筆下生煙雲高以君唐虞

下以覺斯民君如不我鄙時來對爐薰

姚孝錫

東軒琴示兒子沂

古人無復見但有東軒琴一鼓高山操因窺古人心正
聲久沈埋俚耳喧哇淫正可自怡悅不須求賞音

趙慤

擬古

春風動地來依依燒痕青王孫行不歸離恨何時平翩
翩誰家兒曉獵開紅旌雕弓插白羽怒馬懸朱纓圍合
意氣雄廝養厭庖烹人生一春草時至何足榮君看五
陵樹日暮悲風生

蔡珪

讀戎昱詩有作二首

欽定四庫全書

御選金詩

卷二

十五

我家北潭邊溪流卧衡門俗客自不來好客時開尊路

人或不知云是渭南村底事半年別此懷誰與論

來時西郊林木末秋未老借箸數歸日迺復見冬杪心

馳倚門望望我綿綿道慙愧戎子詩在家貧亦好

風竹如水聲

好竹風淅淅流水聲泠泠吾廬兼有此要是佳友生北
窗午夢斷冷簟無飛蠅端疑故人至喚作寒泉鳴攬衣
起徘徊自笑還自驚無須問形似自可名雙清

荷香如沉水

新荷翠參差十畝藏漪瀾臨風倚雲蓋過雨驚珠盤夕陽香四來坐我西闌干三徑未論菊九畹空羞蘭聊分海南珍炷之古博山誰能品優劣待以季孟間

鄰屋如江村

斜川一壺玉川東三四家籬落半流水出出青蒲芽我為水邊游月魄舒晴華隔籬見燈火兒語時紛拏想像澤南州寄興棲雲霞從渠非知音我意亦自嘉

欽定四庫全書

御選金詩

卷二

十六

劉汲

題西巖

人愛名與利我愛水與山人樂紛而競我樂靜而閒所以西巖地千古無人看雖看亦不愛雖賞亦不歡欣然會予心卜築於其間有石極峭岬有泉極清寒流觴與被襖終日堪盤桓此樂為我設信哉居之安

平涼道中

青山烟無塵塵滿行人衣行人望青山咫尺不得歸吾

歸不作難世故苦相違何當臨溪水一洗從前非

南園步月

雲橫樹外山樹映山巔月微風拂寒枝疎光散清樾幽歡難相遇此景安可忽從來山水心不為塵埃沒

郝侯

聽雪軒

扶疎窗外竹歲暮亦可愛蕭散軒中人高節凜相對清寒入夢境風雨號萬籟覺來聞雪落浙瀝珠璣碎飢腸出佳句疊疊入三昧華堂沸絲竹此樂付兒輩

欽定四庫全書

御選金詩

卷二

十七

任詢

西湖

西湖環武林澄澄大圓鏡仰看湖上寺即是鏡中影湖光與天色一碧千萬頃堤徑截煙來樓臺自昏暝

馮子翼

岐山南顯道冷香亭

溪橋小雪晴水村霜月冷暗香林薄間得偶璀璨影殷

勤南夫子移植在人境芝蘭馥氤氳珠璧照光烟小屋
茅草盖幻此瀟洒景看花蒸松明醒醉漱苔井文章聊
嬉戲辭氣頗馳騁州縣不著脚時人笑清鯁我官西州
掾簿領不知省頻遭官長罵勢屈石在頂門庭可張羅
陋巷車轍靜山歌聽嘲哂舞伎或溜癭引睡閱文史朝
日無從永夢到五柳莊身居六盤嶺竭來南山下旅思
淒以耿金壘照衰朽玩味得俄頃傍人怪迂疎佳處當
自領

欽定四庫全書

御選金詩

卷二

十八

張公藥

許下三庚劇暑甚於他州懷思故鄉嶧山山水
真清涼境界也感而作詩

魯東百里近福地日鳧繹千峰開玲瓏絕澗瀉湍激岱
宗古獨尊象緯了不隔嶧山至秦山不遠此山許攀聯朝著有

班秩虛巖五霞尉秀石森玉立泉聲動環珮林樂盡竿瑟

林樂出莊子

樹老潤饒菌果熟香隕實激風松落花泓雪崖

溜密木駮虎磨瘡沙迴鳥伸翮

水禽嬉戲引吭仲翮劉禹錫集竹葉若

來往桃源當甲乙曾經晉人隱晉郝鑿因避亂挈充人來嶧山事見本傳喜
脫塵網密事往不記年人說猶前日我來官許下觸暑
病逾劇慢膚便枕簟白汗沾巾幘屢輟五夜眠輒廢中
盤食災官令方虐著意不憐客語此作惆悵可以知得
失遙知舊經行雲起水邊石平生二三子相對坐橫策
今世葛天民何容挽之出

党懷英

穆陵道中

欽定四庫全書

御選金詩

卷二

十九

沂山一何高羣峰鬱孱顏我行問遺老云此小太山望
秩有常祀其神號東安草荒穆妃墳雨剝漢武壇神仙
果何在可想不可攀千里等一昔俯仰悲人寰東望蓬
萊宮咫尺滄波間

重山復峻嶺溪路宛盤盤流水滑無聲暗瀉溪石間岸
草淒以碧鮮葩耀紅丹高雲映朝日流景青林端我行
屬朱夏欲愒不得閒山中有佳人風生松桂寒

瓊花木后土像

皇媧化萬象賦受無竒偏胡為墮愛境亦為尤物牽煌
煌靈祠花玉藥冠春妍婉如傾國姝獨立江湖邊顧惜
怨奪移含秀梁宮煙青黃竟自冠始信擁腫全珍材歸
好事肌理緻且堅琢刻方寸餘遺像規汾孺願言稅靈
馭要復安所憐神游妙難詰豈以大小懸槐根開夢國
橘實游茶仙靜想寶龕中坐納東南天况有大者存指
顧超八埏

雪中四首

欽定四庫全書

御選金詩

卷二

三

詩人固多貧深居隱茅蓬一夕忽富貴獨卧瓊瑤宮夢
破窗明虛開門雪迷空蕭然視四壁還與齋也同閉門
捫鬚坐愈覺生理窮天工巧相幻要我齊窮通衝寒起
沽酒一洗芥蒂胸

翻翻雪中鴉飛鳴覓遺粟雪深不可求遶屋啄寒玉顧
我如鴟鷂多儲有餘肉我亦生理拙凍卧僵雪屋日午
甌無煙飢吟攬空腹豈不知屠沽肥甘隨取足幸待春
雪消吾猶多杞菊

歲晏苦風雪曠野寒凜凜溼薪燒枯棘距刺相拏撐濃
煙久伊鬱微焰方晶熒津津膏乳漲中有蚯蚓鳴蓬蒿
掇快炬倏作飛灰輕餘暖未及愜睫淚先已盈幸有鄰
家酒時澆肌粟平

歲晏雪盈尺農夫倍欣然不作祁寒怨應知有豐年笑
我寄一室歸畊無寸田無田吾不憂飲啄當問天我看
多田翁租賦常逋懸低頭負呵責顏色慘可憐不如拾
滯穗行歌兩無牽

欽定四庫全書

御選金詩

卷二

三

西湖晚菊

重湖滙城曲佳菊被水涯高寒逼素秋無人自芳菲鮮
飈散幽馥晴露墮餘滋蹊荒綠苔合采采歎後時古餅
貯清泚芳尊前塵霏遠懷淵明賢獨往誰與期徘徊東
籬月歲晏有餘悲

西湖芙蓉

林飈振危柯野露委荒蔓孤芳為誰妍一笑聊自獻明
妝炫朝麗醉態羞晚困脉脉懷春情悄悄驚秋怨豈無

桃李媒不嫁惜嬋媛悠哉清霜暮共抱蘭菊恨

浪溪別吳安雅浪音

浪水清且白頻年照行役寒裳涉微波微波去無極悠
悠溪上山送我往復還與君臨水別幽恨寄山間

喜雨

山雲駛如驅山雨沛如傾幽人夢初醒卧聽簷溜聲雷
霆怒相搏似與陰陽爭蛟龍久何蟠始此幽蟄驚餘花
曉猶落竟日方破晴明朝東臯望照眼生意明焦枯被
沾濡相與迴春榮忻然野桃李新綠棲殘英漸漸麥壠
翠溜溜溪流清蛙鳥亦解喜飛沈互喧鳴萬物皆得時
棲遲感吾生直應挂儒冠便逐春農畊

題張維中華山圖

苾珠散遺甬我姓出馮翊空聞華山名未始見顏色三
峰擢觚稜經眼但石刻那知玉井蓮香落清渭北巔岨
劃變轉勢走關輔窄豈無愛山人不解傳粉墨多才曲
江喬公暇日招揖歸裝貯新圖尚帶煙霧溼明窗一傳

欽定四庫全書

柳選全書

卷二

三

玩恍若到鄉國我生隨宦游久作東南客有田泰山下
繞屋皆泉石懷恩戀官廩老大歸未得况復秦川遙便
恐此生隔峻嶒蒼煙面只許畫中識詩成持送君想像
三歎息

途中壬辰正月

平明發郊墟獨步蹒跚引領發前程日出煙未滅林
迴鳥始喧麥短牛已噉春陽氣未壯道左尚殘雪長風
拂歸袂凜欲變冬冽指凍僵不拳膠凝仍欲折而我竟
何事犯此寒正切修途去未幾行意先已蕩安得兩翼
生高飛度林樾

劉迎

普照旃檀像舊物也方丈老人比以見還作詩
謝之

我昔遊京師稽首禮瑞像堂堂紫金身示現大法藏裝
嚴七寶几重疊九霞帳光如百千日晃耀不容望想初
法王子運力攝諸匠瓌材發神秘妙斲出智創風流蜀

欽定四庫全書

柳選全書

卷二

三

居士翰墨老彌壯雷霆大地底音樂諸天上猶疑三十
二不具梵音相不知一點真正勝千語浪嗚呼五因緣
語綺反成謗我今獨何幸相見問無恙文殊本無二何
處覓真妄庶修香火供獲脫煩惱障天龍想驚喜訶衛
日歸向已覺海潮音人天會方丈

徐夢弼以詩求蘆服輒次來韻

昔聞趙州老老大猶汎愛說法利人天機緣不勝載當
年鎮府話蓋以小喻大具眼領畧之於茲豈無待嗚呼

欽定四庫全書

御選金詩

卷二

三十四

後來者見趣遠不逮又聞東坡公謫居飽鮭菜暮年海
南住几席溪山對自饌一杯羹老狂猶故態最喜霜露
秋味出雞豚外乃知作詩本口腹不無賴風流二大士
妙處無向背在家與出家相投若針芥先生今復然秀
句筆端快誰云修法供遊戲出狼狽一飽待明年桑麻
歌佩服

再次前韻

神農嘗草木濟世以仁愛根源列郡出品自成書載中

云萊蕪根試驗頗為大昌谷嘔時須文園渴嘗待食異
地黃并効與蕪菁遠豈惟茵衆藥政自冠諸菜五州風
土宜罪布畦壟對墾鋤盡衆力封培窮百態翠角春雨
中黃花晚煙外日送盤箸資歲給瓶罌賴片玉出頭顱
層冰起膚背脆美掩蓴菜甘辛敵薑芥物生貴有用對
此一何快儲貯得沈涵棄遺免狼狽但足齊人餐何慙
楚臣佩

送劉德正

驥驟蟻垤空莫干犀革斷人材必超軼物理乃融泮先
生廊廟具冰雪自前盥十年處繁劇風力濟詳練堂堂
八面敵了了一笑祭雲中國西邑食貨資轉輓中臺輟
之去正倚咄嗟辦從容九年蓄作想坐鞭算向來鹽鐵
使緒業著家傳春朝觀上計廣廈奉間燕行矣需詔除
鵷行聳榮觀

盤山招隱圖

溪山不難買所費千金儲不如數峰雲朝昏對吾廬交

欽定四庫全書

御選金詩

卷二

三十五

游豈無人轉盼傷離居不如吾兄弟相應如笙竽左侯
薊名族温温器璫璵身雖市朝寄心與功名疎伯也亦
可人文華炳於菟風神聳魁偉襟韻含冲虛平生一片
心緣塵不闕渠相期有幽事歲晚山林俱綠服照黃冠
歡呼奉親輿大婦侍巾帨中婦供庖厨諸孫戲膝前翩
然鳳將雛朝采南澗芹暮漉西溪魚煙霞入杖屨風月
來窗疏觀竹上巢雲禮佛登香爐紅龍雪浪湧白塢蒼
煙孤水絃寫天籟茶甌泛雲腴快哉天下樂俯仰餘何
須正恐左太冲招隱昔所無

欽定四庫全書

御選金詩

卷二

三六

寄題禹城孫氏茂德亭

濟南孫夫子養素抱絕識家有五畝園種樹如種德枝
葉深覆護根本飽封殖要令方寸地不著荆與棘流芳
被鄰里餘蔭連阡陌居然物隨化草木盡佳色河陽藝
桃李壽張蒔梓漆至今青史上相望如黑白乃知百年
用賴此一日積君今尚隱約白首勤墾闢人心亦天理
否泰有終極會待東風來吹春滿花國

南口

危峰張屏幃峻壁開戶牖崩騰來陣馬翔舞下靈鷲
秀色紛後前晴嵐迷左右重陰忽障翳虛籟競呼吼深迂
愛風日高亢捫星斗帝居望北闕村落當南口軍都漢
時縣遺迹奄存否中郎讀書處遺構想推朽誰云用武
地經訓乃淵藪我家膠東潛樸學歎白首居鄰通德里
況此見師友慙無書帶草采采為盈手何以醉先生清
溪綠如酒

欽定四庫全書

御選金詩

卷二

三七

晚到巴達嶺下達旦乃上

車馬兩山間上下數百里縈紆來不斷奕奕似流水鯨
形曲腰脊蛇勢長首尾我車從其間搖兀如病齒推前
挽復後進寸退還咫尺息心固安分尚氣或被指徐趨自
循轍躁進應覆軌行行非我令枕亦豈吾使倦僕困號
呼疲牛苦鞭箠如五更鼓相慶得戾止歸來幸無恙
喘汗正如洗何以慰此勞村醅正浮蟻

出巴達嶺

山險略已出彌望盡荒坡風土日已殊氣象微沙陲我
老倦行役驅車此經過時節春已夏土寒地無木行路
不肯留奈此居人何作詩無佳語以代勞者歌

上谷

磨笄聳然來隰水洶而去山川俯城郭藩翰重畿輔桑
麻數百里煙火幾萬戶長橋龍偃蹇飛閣鳳騰翥傳聞
山西地出入此其路源源百貨積井井三壤賦葡萄秋
倒架芍藥春滿樹盤躡多布韋嬋娟半娥素永懷小靖
節厚德皆忠恕至今受一厘如昔歌五袴傷心隔生死
知己今有數歸日當驅車生芻奠其墓

蔡有鄰碑

我為山西行叱馭過近縣傳聞蔡有鄰石刻古今冠風
流書以來妙絕隸之變銀鈎鸞鳳舞鐵畫蛟龍纏憑誰
致墨本故舊詫珍獻正恐賦分薄一夕碎雷電平生六
一老集古藏千卷惜此方殊鄰公乎未之見

王庭筠

楊祕監下槽馬圖

龍眠悔畫馬政恐墮馬趣我今破是說試下第一句道
人三昧手游戲萬象具萬象初莫逃畢竟無所住譬如
大圓鏡照物隨其過少鳥物四散影杲在何處楊侯具
此眼透脫向上路萬馬落人間蓋證龍眠誤

張禮部溪山真樂圖

悠悠春天雲想見平時閒朝遊溪橋畔暮宿山堂間澹
然不知愁亦復忘所歡出山初無心既出還思山人間
待霖雨欲歸良獨難山堂悵何許蕭蕭松桂寒

內鄉浙江張浮休宦尊為二兄賦

巖花覆我酒酒面照幽妍風如惜花影不肯生微連空
山悄無人花枝自留連懷人成獨醉日暮山蒼然

趙之傑

除月

日月不肯留歲歷倏云畢僧坊見節物新正在明日夜
半拊枕歎半百又加七形骸念念改膂力能不失經言

男數八此去才有一健者未可期况乃常衰疾物情忌
盈滿君子慎名實行矣安退間吾其保終吉

趙風

秋日感懷

歲月不相饒秋風颭已至蚊雷稍收聲團扇且復置久
雨不宜人新涼差快意數篇東臯詩引我北窗睡林泉
久隔閤塵土作憔悴但有適人適何嘗事吾事一貧既
忘懷所好無不遂世無陶靖節何人知此味

欽定四庫全書

御選金詩

卷二

三十一

立秋

日月如川流去矣不復回萬物各有營榮悴更相催餘
生苦多艱壯志久摧頽念欲學還丹鬱紆殊未諧今朝
立新秋庭樹西風來舉首望天宇飛雲獨徘徊呼兒且
沽酒浩歌豁秋懷醉中得妙理逸興何悠哉

路鐸

芳梅如佳人贈襄城衛昌叔

芳梅如佳人不見令人思豈無桃李顏夏蟲篤於時霜

風靜天宇蘭悴菊亦衰凌寒一笑粲功烈如彼卑幾年
幽西路顛岡望逶迤思之不得見空吟水曹詩夜月將
夢去雲深水之潛邂逅疎竹邊我認風儀今日真見
止昨夢猶著龜塵中儻儻子謂我酷好奇逃空聞足音
此心胡不夷

閑閑堂

行邁已自勞坐忘猶有為動靜二塵耳一真非即離舉
頭見青山曲肱轉黃鸝心安萬境寂境轉何妨隨

欽定四庫全書

御選金詩

卷二

三十一

題獻陵梁氏成趣園

舉世醉浮榮幽事誰肯尋譬如攫金人入市惟見金先
生厭塵雜靜念到園林數往徑自焚有得樂更深春蘭
汎光風夏木貯清陰露菊挹佳色霜柯如本心淵明嘗
樂此意合無古今當其領會處豈止忘華簪先生比淵
明但欠酒與琴飯疏有真味風籟有清音出處雖小異
要之俱陸沈我今志丘壑聊擬斜川吟

周昂

感秋

秋氣入行帳愁人中夜知雞聲與人語耿耿異常時清
晨起危坐感歎不自持義和馭飛轂往返無停期春草
如昨日已復悲離離顧謂鏡中髮爾衰安得遲結束婿
鞍馬荒山去委蛇黃花泣宵露綠野舍晨曦吾事久不
諧悠悠隨所之有懷南澗約敢賦北山詩

趙秉文

雜擬五首

欽定四庫全書

御選全詩

卷二

三十一

朱明變氣候大火向西流六龍整征轡倏忽夏已秋閭
闔來悲風霜稜被九州豈不念時節歲律聿其周精衛
填溟海木石安所投獨攜羨門子高步登崑丘千秋長
不老永謝區中囚

白日淪西汜滄海無回波四時更代謝柰此遲暮何我
欲制頽光惜無魯陽戈憑高望八荒眇眇迷山阿驚風
振江海山林無靜柯獸狂走四顧曠野迷絳羅西登廣
武山北顧望三河蓬蒿蔽極目人少虎狼多喟然發長

歎拊劔徒悲歌

猗猗南山竹並生凡卉聚歲晏多霜雪見別蕭艾中我
欲食鴛鴦千歲不一逢留之和律呂截作嶰谷筒一變
為清商日暮來悲風清泉溉石根上有白雲封虛心抱
靜節知音為誰容不如歸去來一竿釣清澧

空齋日無事起坐橫鳴琴明月入我牖照見萬古心古
風不復還中有太古音置琴挂壁上吾道無古今

戚戚去故里辛苦從軍行黃沙翳白骨麟閣誰功名西

欽定四庫全書

御選全詩

卷二

三十一

北秋風至日暮愁雲生火燒白草岡水斷黃河聲天寒
馬毛縮仰天為悲鳴男兒貴死難義重鴻毛輕南登雕
陰坂北望驃騎營駐馬千丈坡射鵬萬里程

秋日郊行

瘦馬兀西風節物遠如許雀噪晚禾場蝶飛秋菜圃桑
枯窠呼風槐老皮溜雨聞聲不見人隔林過社鼓

初望少室

好山如佳士洗盡名利塵對之歛衽敬可愛不可親一

水刻我骨一石融我神何況三十六峰峰與天鄰仰看
青礧礧俯矚白磷磷因之攜畫本試寫蒼然真三日宿
其下舐筆不敢皴歸來閉閣卧枕上山橫陳題詩追所
見何必如古人

盧巖

龍潭石壁下鳥道盤青蒼飛泉從中來聲落讀書堂左
右洒石壁石上含宮商尚疑盧真君醉騎白鸞翔至今
明月夜飛下青山長去之五百載丘壑道愈光舉瓢飲
此水清風益難忘

欽定四庫全書

御選金詩

卷二

三十四

過陸渾

言從陸渾去不過紫芝還鳥飛不盡處夕陽千萬山雲
起動蕪靜水流忙更閑坐待石上月滅沒煙嵐間

望北山雲

浮雲起太行六合須臾間清風相汲引吹我過榆關歲
早不成雨悠然歸故山向來無心出亦復無心還

江岸艤舟圖

遠村樹如薺近岸舟如月孤舟泊沙尾危檣見木末前
山景氣佳日暮涼風發時有渡頭人蕭蕭吹素髮

東坡赤壁圖

連山盤武昌古木參雲稠誅茅東坡下門前江水流永
懷百世士老氣蓋九州平生忠義心雲濤一扁舟笛聲
何處來喚月下船頭掬此月中水簸弄人間秋蕩搖波
中山光中失林丘古今一俯仰共盡隨虬蟉孫曹何足
弔我自造物遊尚憐風月好解與耳目謀歸來玉堂夢
清影寒悠悠一顧能幾何鶻巢奄不留遺像不忍挂尚
恐兒輩羞儼然袖雙手妙賦疑可求何時謫仙人騎鶴
下瀛洲相期遊八表一洗區中愁

欽定四庫全書

御選金詩

卷二

三十五

倣王右丞獨坐幽篁裏

獨坐幽林下談元復觀易西日隱半峰返照林間石
上多古苔山花間紅碧花落人不知山空水流出

和陶淵明擬古

小智多自私大方乃無隅一毫納萬象萬象非卷舒日

月為我牖天地為我廬曲士窘拘囚一身無容居我夢
登日觀青天入平蕪俯視但一氣二豪彼何如

吾道無緇磷萬古常如茲奈何中智下謂彼不知時與
世頗殊好譬彼澠與淄我欲質所從登高望九疑路逢
古漁父長歌滄浪辭出門異所見退坐還自思當世固
殊古古人不我欺翩翩出林鳥日暮將何之倚簷送歸
盡聊欲弦吾詩

西北有佳人樓上拊雲和一鼓別鶴操再弄求凰歌絃
聲幾欲絕哀響何其多昔為掌中珠今為路傍花壯年
不再得華落將如何

張衡詠思元屈平賦遠遊高情薄雲天意氣隘九州朝
攀扶桑枝夕飲弱水流翻然不忍去無女哀高丘嚴霜
下百草歲律聿其周蕭蘭共憔悴已矣吾何求

中秋

天風吹河漢明月懸清光清光不可掇流影入杯觴吸
此風露魄洗我冰炭腸向來功名心一笑雪沃湯人生

幾中秋彈指三萬場胡為置熱惱不使心清涼此心如
秋月虛明洞八方此身萬化中太山一毫芒尚無物與
我何者為彭殤推琴黃葉落矯首白雲翔解衣一盤礴
清境隨渺茫

九日登繁臺寺

九日獨何日寒花發幽芬波澄無餘滓天清廓遊氛鵬
盤翼迅風鴻響厲層雲我無二三友意適同酣醺南登
歌吹臺一吊信陵君捐軀赴趙壁談笑却秦軍夷門今
安在草沒侯嬴墳我亦感激士白首羞論文禁中有頗
牧慷慨志奇勳登臨送將歸無為愴離羣蒼茫視八極
煙靄何紛紛懷士撫長劍悵然日西曛

題東坡石鍾乳山記墨蹟

書為水
漬幾半

東坡謫齊安人怒天所許倒騎卧水龍醉踞石頭虎赤
壁萬里江一葉吾敢侮歸來抵湖口此樂乃并與扁舟
絕壁下鶴鳴如人語風雷相轟虺石水效吞吐山遺洞
庭樂帝下鈞天舞石鍾不我欺一證萬萬古遺墨落人

間訛缺十四五糝糊魯辟簡剝落岐陽鼓蜿蜒半鱗甲
尚恐脫風雨畫移瓦棺壁劍化延平渚祝君什襲藏隄
防六丁取

中元夜祭太乙罷對月

今夕知何夕白露涵秋空褰衣踏明月如在瓊瑤宮細
數秋兔毫桂樹何瓊瓏當年誰所種翳此天公瞳清光
知人意飛影入杯中流霞酌不盡清光清無窮我欲邀
白雲一訪東坡翁扁舟下赤壁此樂將無同疇昔縞衣

仙化作羽衣童酒酣邀我去鶴背聆松風

欽定四庫全書

御選全詩

卷二

三六

靈官夜醮餘香霧飛不起更衣步石壇風露浩如洗月
波走金蛇入我清尊裏引杯入復疑弓影正如此夜深
一鴈過歛見巾落几松間龍一吟風庭落松子空中步
虛聲隱隱猶未已

發棗社

夜發棗社驛寒帷見明月月照斷崖冰風吹陰磴雪山
重復峻嶺十步九盤折兩崖夾深澗線路僅容轍縵車

下千尺輓轆聲未絕坡陀到平地稍喜見雉堞隔城聞
鐘鼓星斗何厯厯故人相勞苦杯酒慰行役夜闌秉明
燭相對恍如失

過寧州

季冬落月黃霜雪原野白馳車上峻坂十步百夫力我
行未半嶺回視但木末白雲在高頂可望不可及北風
催去翼孤煙帶遠客居人候征騎倦僕望前驛倉皇下
坡陀張燈已昏黑

欽定四庫全書

御選全詩

卷二

三九

和淵明飲酒八首

翩翩萬里鶴日暮將何之昏鴉擇所安笑汝不知時孔
席不暇煖此理吾不疑尚愧淵明翁濁酒時一持

貧賤豈不苦仰慕冥鴻飛富貴豈不樂乃有黃犬悲苦
樂各異趣嗜好從所依我欲作九原獨與淵明歸挂冠
不待年况此齒髮衰遙酌一杯酒毋令寸心違

秋菊有至性霜松無俗姿采采黃金花笑拊蒼煙枝偶
有杯中物成此一段奇白雲南山來出岫復何為醉卧

東籬下聊脫人間羈

鷲鳥閉籠中舉翮觸四隅
騏驎駕鹽車踟躕中途雖
然遭識拔未免為人驅
傍觀信美矣自愧良有餘
不如兩無累還我田園居

千載淵明翁誰謂不知道
謾賦責子詩調戲以娛老
杜陵蓋自况亦豈恨枯槁
壺觴清濁共適意無醜好
歸來五柳宅守我不貪寶
長嘯天地間獨立萬物表

幽居淡無事雅志了元經
眼花憎文字悠悠竟無成
中夜起不寐披衣守寒更
梅竹散清影素月流廣庭
孤鶴

悶逸響切切寒蟲鳴
拊卷長歎息慷慨惻中情

漢儒傳註學未為世所得
秦火少完書豈免烏馬惑
後儒補罅漏聖道少開塞
俗士喜持戈又一秦相國
且共歡一觴多言不如默

淵明非嗜酒愛此酒中真
謂言忘憂物中有太古淳
回首市朝中萬事牛毛新
去年持使節悠悠過西秦
宮闕隨飛煙衣冠化埃塵
當年憑軾士慷慨歎徒勤
所以山

林客樂與魚鳥親西登太華頂曠望長河津
寄謝三山雲聊欲濫吾中誓將從此去笑謝當途人

和韋蘇州煙際鐘

近壑歛暝色遠山猶夕暉
聲疑煙際起復向煙中微
隨風散林野渡頭人未歸

和韋蘇州遊溪

清溪霧氣散水涵天影空
白雲翻著底移舟明鏡中
鳥近前灘日花移別岫風
遙知夜來雨山色翠如葱

擬兵衛森畫戟

冠帶事朝謁清坐彈鳴琴
以彼塵外趣遠我遺世心
岸幘送歸鳥隱几見遙岑
聊同靜者樂豈必居山林

送麻徵君知幾

丹丘五色鳳一舉渺天隅
文采瑞聖世不為竹與梧
渥洼汗血種逸氣凌九區
可見不可繫白壁誰敢沽
夫君號神童七歲能草書
二十工詞賦下筆凌紫虛
三十富經學兩魁天下儒
蛾眉衆女嫉反畏知名譽
一朝相捨

去顧以道自娛閑觀養性書洞究先天圖姓氏聞天朝
相公借吹噓左丞從容拜恩命移疾還里閭諸公惜其
去乞留侍玉除掉頭不肯住一飯吾豈無君者澤中雉
飲啄良自如一旦蓄樊中意氣慘不舒又如田間牛騰
擲適有餘被之以文繡顧影反踟躕君恩豈不重力疾
須人扶旁觀信美矣違已非病歟不如本無累還我田
園居喜君節獨高知君功名疎可以激頽俗可以勵貪
夫異時高士傳名與西山俱

謹案第七頁前四行鑿壁取疎豁刊本疎訛棘係

沿中州集之訛據別本金詩改

第十九頁前二行觸暑病逾劇刊本觸訛濁據別

本金詩改

第三十二頁後六行眇眇迷山阿刊本阿訛河重

下北顧山望三河句韻據中州集改

第三十七頁前二行虛明洞八方刊本明作朗據

中州集及別本金詩改

第三十七頁後一行草沒侯羸墳刊本羸訛羸據


戰國策改

謹案卷二第二十七頁後一行巴達舊作八達今

改後做此

欽定四庫全書

二



總校官庶吉士臣侍朝

校對官檢討臣蕭九成

謄錄舉人臣張昱

欽定四庫全書薈要

集部
御選金詩卷三

欽定四庫全書薈要卷一萬八千三百八十九

集部

御選金詩卷三

五言古詩二

鄺權

木犀



菊小未堪摘荒池悴芙蓉窮秋不慰眼幽獨將焉如殷
勤蕊宮子種桂庭之除乘閒弄餘花散落荒山隅從茲
雲月喬飄泊生江湖娟娟耐凍枝便與羣芳殊琉璃剪

欽定四庫全書

御選金詩

卷三

芳葆蛾黃拂仙裾唾袖花點碧漱金粟生膚好風一披
拂九里香縈紆蘭蕙不敢友荃蓀正僮奴妄意此尤物
化工異吹噓不然九天香安得獨付渠託物寄深蘊古
今一三問收覽名草木自比君子徒惟茲不挂口無乃
聖不居抑夫古簡編斷缺秦火餘君看齊魯臣史筆逸
其書惜哉不可曉臨風為嗟吁尤憐元祐前不及附歐
蘇末路益可惜例進宣和初仙根豈易致百死不一甦
昔遊汴離宮識此傾城姝摩挲三品石尚想狎客娛却

詳校官原任主事 李斯咏

後十五年微霜半黏鬚一株再經眼相對憐羈孤不知
苦何事玉骨乃爾癯故人憐我老尺書遠招呼要趁秋
香濃共此碧玉壺遙知嬋娟客與我一笑俱

竹林寺矮松

蒼煙靄山曲回溪抱修筠中藏古佛宮荒僻無四隣靈
松插殿脚偃蹇今幾春何年霹靂雨抉石搜潛鱗謫重
飛舉難隨此蜿蜒身聯拳縮爪股氣屈不得伸卧枝重
無力支撐藉樵薪無風自悲吟失水固不神安知才不

欽定四庫全書

御選金詩

卷三

二

才禍福了已分南山聳千嶂直幹排風雲正以中繩墨
中道遭斧斤豈知無用資千歲保其真何必求先容養
此老困輪我亦愛竒節歲晏守賤貧他時來汝伴露頂
挂葛巾

自鶴壁遊善應洹山

清晨發鶴山瘦馬陵峻嶺春風吹雪谷朝霧濕雲影羊
腸抱傾崖絕壑如下井硤闕山却立老眼入絕境人家
跨清溪桑柘鬱數頃西行復幾里巖谷棲短景窮溪水

源清溜溜如細綆下流泉滿山勢合久方駢灘光落鏡
明嵐氣霏雨冷何年鑿青壁兩佛入禪定殘僧久零落
遺塋寄煙暝荒涼布金地雜遝樵牧徑同遊成六逸轟
飲助高興留連更坐卧談笑發嘲咏感物復歎嗟醉語
忽逕庭青山不愛寶歲歲出礬礦公場沸千夫利井供
百鼎誰開爭奪源敗此丘壑勝頗思呼有力擲入萬里
迴天神定笑我癡絕謾生瘳長懷古時人飛夢遶箕顛

楊雲翼

李平甫為裕之畫繫舟山圖間公有詩其亦

絕作

名利走朝市山居良獨難況復山中人讀書不求官東
巖有佳致書室方丈寬彼美元夫子學道如觀濶孔孟
澤有餘曾顏膏未殘向來種德深直與山根蟠之子起
其門孤鳳騫羽翰計偕聊爾爾平步青雲端竭來遊京
師士子拭目觀禮部天下士文盟今歐韓一見折行輩
殆如平生歡舞雩詠春風期著曾點冠五言造平淡許

欽定四庫全書

御選金詩

卷三

三

上蘇州壇我嘗讀子詩一倡而三歎世人非無才多為
才所謾高者足詆訶下者或辛酸吾子忠厚資不受薄
俗漫晴雲意自高淵水聲無湍他日傳吾道正要才行
完會使茲山名與子俱不刊

龐鑄

漉酒圖

我愛陶淵明愛酒不受官彈琴但寓意把酒聊開顏自
得酒中趣豈問頭上冠誰作漉酒圖清風起毫端露電

欽定四庫全書

御選金詩

卷三

四

出形似神情想高閒大似揮絃時目送飛鴻難袖中有
東籬開卷見南山嗟予困塵土青髻時一斑折腰尚未
免敢謂善閉關望望孤雲翔羨羨飛鳥還歸田未有日
掩卷空長歎

張建

擬古十首

飛雲何冉冉高與日月齊中有兩仙人盛服持玉圭我
欲從之遊天險不可躋邈馬望不及短日西山西

客從岳頂來貽我松粉黃為言服之久身輕欲飛翔我
嘗淡無味我嗅寂無香還君三歎息世好方膏梁

枯桑依頽垣摧折生理微剝我枝間葉備君身上衣葉
盡誰復顧棲鳥來亦稀君看牡丹叢日日笙歌圍

青青河濱柳柯葉柔且妍一從智巧萌戕賊為栝椹器
成豈不佳天質失自然爭如河堤上濯濯披春煙

石泉何清泠中有九節蒲蒲性本孤潔不受滓穢汙一
移入城市生意寄泥淤翠葉日焦卷不霜而自枯寄言

欽定四庫全書

御選金詩

卷三

五

守靜者勿涉奔競途

庭前蘭蕙窠三年種不成門外旱蒺藜一旦還自生第
恐傷我足鋤去根與萌如何一雨後走蔓復縱橫

有客曳長裾袖刺謁高閣低頭拜閭者始得通姓名主
人果厚眷開宴海陸并顧必承彼顏語必順彼情不如

茅簷下飽我藜藿羹

莽莽嶧山桐一樹十二枝枝分十二律所指各不移胡
為師襄子獨謂東南奇一律不可闕一枝不可遺誰能

以此意說似典樂變

美人何熒熒顏若茗之英絕世而獨立一顧傾人城三

星正當戶俟我亦在庭之子無良媒不敢犯露行

丘中有一士顏貌清且癯緼袍僅蔽體蔬飯不滿盂時

出蓬葦門鼓腹歌黃虞不知何所得矯首望八區

馮壁

同希顏咏怪松

松高地氣靈花木競妍秀玉峰西南趾有松獨怪陋偃

欽定四庫全書

御選金詩
卷三

蹇如蟠螭奮迅如攫獸葉勁鬚鬚張皮古鱗甲皺菌蠢

藤癭怒支離節節瘦月上蚪影搖風度雨聲驟子落慰

枯禪枝樛礙飛鼯盤根萬乘器平蓋千歲壽樵斤幸免

尋屐匠矧肯構龍化會有時天早期汝救

王若虛

攄憤

非存驕寒心非徼正直譽浩然方寸間自有太高處平

生少諧合舉足逢怨怒禮義初不愆謗訕亦奚顧孔子

自知明桓魋非所懼孟軻本不逢豈為臧氏沮天命有
窮達人情私好惡以此常泰然不作身外慮

生日自祝

空囊無一錢羸軀兼百疾况味何蕭條生意渾欲失清
晨聞喧呼親舊作生日我初未免俗隨分畧修飾舉觴
聊自祝醉語盡情實神仙空無從富貴安可必修短卒
同歸何足喜與戚一祈羸康強二願早閒適衣食無大
望但願了晨夕萬事不我撻一心常自得優游終吾身

欽定四庫全書

御選金詩
卷三

志願從此畢

李芳

留別

祿食媿踰量智困念歸愚符竹恒為累幸及引年初驅
馬國西門初服返田廬金閨富才彥絕足駛高衢眷我
謝朝幘冠蓋寵歸途歸途豈不榮顧瞻亦踟躕煌煌丹
山鳳覽德萃清都行人得棲止老鶴青天孤石樓俯清
伊旁有野人居儻逢經過便山水足相娛

師拓

冬夜

雲破月穿牖夜嚴風號隙客子寢不安寒燈照空壁默
然不平事起坐長太息書但記姓名劔本匹夫敵追奔
慕前哲恢張濟時策何意造物兒重此稻梁役興酣氣
益振孤憤遠飄激非無南山雲高卧養虛寂茹芝酌懸
流嘯吟展胸臆聖達豈不念且有不煖席此抱誰與知
乾坤夜寥闕

欽定四庫全書

御選全詩

卷三

八

破屋星斗入疎牖霜風生沉沉夜何久杳杳天不明燈
暗飢鼠出月朗棲鳥驚幽意苦盤礴歷落窮八紘貧賤
豈足戚所思天下英盤木無先容竟與枯朽并旃毳脛
纒掩藜藿腹不盈鬱鬱命世才何階伸一鳴僵卧蓬蒿
底要路誰為名恥作埽門謁寧為醴酒行直將叫閭闔
皎皎開寸誠白日下留照廓廓賢路亨此志恐未必搖
蕩熱中情

魏搏霄

田若虛遊龍門寶應用天隨子體賦詩因次其

韻

關塞若廢馬奔騰多奇厖慙爾不可沮西來何恠恠駿
足忽勒破英才如拘龐有客善體物新詩留僧窗晏輩
豈足道微瀾生盆缸徑續杞菊意來浮玻璃江吏部昔
竄謫猶能題臨瀧况此六大字礎堂時鳴椿紫翠出萬
瓦天風旋珠幢興寄百斛鼎無才誰其扛會聽項籍約
吾將從之降

欽定四庫全書

御選全詩

卷三

九

史肅

道傍柳

秋霜一何嚴凋此道傍柳殘枝幾葉在其勢不得久憶
昨三春時濯洗煙雨後弄姿舞婆娑勸我一盃酒別後
遽能幾忽忽成老醜人生非金石長短百年壽功名與
富貴於身亦何有古人隨物化今已柳生肘我獨何為
哉窮年事奔走長堤隱落月駐馬一回首春風柳梢黃
定得西歸否

元德明

家園假山

八尺飛來峰蒼然立於獨細看甲乙字疑是平泉旗山
非一草石見石山亦足便恐東岫雲來我簷下宿今朝
鑿盆池明朝種松菊自笑住山人何時返巖谷

同侯子晉賦鴈

沈沈江浦雲浩浩朔漠雪微生幾寒暑翅老飛欲折樓
中見新過夕照送明滅欹枕數聲來疎窗耿殘月悲鳴

欽定四庫全書

御選金詩

卷三

十

或天性南北隨所愜誰念孤旅人年年為愁絕

贈答彥文相過之什

程太
原人

剝啄誰叩門開門得吾友握手一大笑慰我離羣久之
子富才具事業可力取瞻望青松姿衰遲愧蒲柳金閨
滿鴛鴦什伯自為偶寂寞林野人過從但鄰叟盤食無
兼味筍蕨才適口窮達俱偶然相逢且杯酒

枕上

往時見白髮談笑輕歲月誰謂明鏡裏蕭蕭不勝鑷山

林蹉跎久世慮初未絕觸物重興懷忽忽不自愜遭逢
有奇偶才用隨巧拙如何杜陵叟自比稷與契茫茫拊
塵編何時卒吾業

李經

雜詩

造物開巖地巖帳揜劒辟苔花張古錦霜苦老秋碧日
夕雲竇陰風鼓泉湧石馬蹄忌礪确樵道生枳棘盤盤
出井底回首悵如失長老不耐事底事挂陳迹披雲出

欽定四庫全書

御選金詩

卷三

十一

山椒白鳥表林隙

趙元

書懷繼元弟裕之韻

著龜不須問我命只自知多生隨宿業世網纏綿之驂
騶受羈銜大笑跛鼈遲跛鼈亦復笑縮首甘自卑何必
參漆園物理本自齊檳榔可消穀志士常苦饑穆之萬
人雄猶不免此譏我懦更多病區區欲何為鐘鼎不可
倖藜藿分所宜安能如黃蜂為人填蜜脾清白儻少汗

後人何所貽初學悔大謬篆刻工文詞年來厭酸醜澹
愛陶潛詩愛詩固自佳其如未忘機回頭四十年言動
俱成非誰能逐世利日久常規規惟當種溪田與子常
相期

少從白衫遊氣與山崢嶸一念隨文字腸腹期拄撐多
機天所災室暗燈不熒拈書枕頭睡鼻息春雷鳴泰山
與鴻毛何者為重輕蹄涔與渤澥誰能較虧盈如能平
其心一切當自平

欽定四庫全書

御選金詩

卷三

十三

嵩箕有竒姿出雲何悠然雲山足佳處留客今幾年有
子罷讀書求種山間田粟里愧淵明香山慙樂天二老
已古人相望雲泥懸得酒邀月來對影空自憐攝衣欲
起舞稚子不須牽

村居夏日

官府不著名散迹村落深白雲自朝暮青山無古今愛
此夏日永門巷多繁陰呼兒具繩牀不履亦不簪殷勤
好風來為我消煩襟一飽萬事了何用腰黃金羈勒困

名馬網羅多珍禽何如山鹿癡呦呦戀長林

宿少林寺

雙輪走雞棲下嶺分間道行行得精舍翠崦作迴抱諸
峰知客來故故顏色好征衫滿塵土慙愧方丈老殷勤
一瓣香為我除煩惱世緣如落花籬裊跡俱掃箇中有
佳處行脚恨不早一庵祖師傍異日親結草

晚出

坐久卧還起畏此夏日長出門鬢蓬鬆西日明半牆鳩
鳴舍東柳雌和牆南桑十日暑煩苦一雨方論量偶然
釋憂抱露坐移繩牀羣兒莫相催老子便晚涼

衛承慶

感興

十日不出門出門春已好並山花更多十里紅未了朝
看花尚妍暮看花又老蔦紅隨危枝餘香寄芳草人生
祇如此百年疾過鳥安得脫塵寰游戲萬物表

王中立

欽定四庫全書

御選金詩

卷三

十三

中秋

素丸東溟來飛上玻璃盆聊揮五輪手撥去萬里陰印
透山河影照開天地心人世有昏曉我未嘗古今

張昌祚

題獻陵梁氏成趣園

富貴不可怙人多蹈危機清閒乃仙分塵世得者希高
哉隱君子不官無昨非城陰園日涉松茂竹圍肥彈棋
林樾映脩酒花枝圍文雉樂山澤樊中寧肯祈嗟予官
躅漫賦淵明歸

欽定四庫全書

御選金詩

卷三

十四

鄴掖

題獻陵梁氏成趣園

淵明恥折腰眷然歌歸歟雖云退身早田園已荒蕪日
涉三徑幽松菊滋繞廬豈知對魚鳥尚愧在迷塗梁君
早聞道浮雲視簪裾乃復慕淵明幽懷寄邨墟朝行雲
霞窟暮醉花月區尋梅雪沒屨倚竹霜粘鬚妙趣人不

識高風今昔無淵明如病人既病方袞除大君千歲質
泰然一復初安得有龍眠畫此成趣園

崔巍

題獻陵梁氏成趣園

人生政如寓光景不暫駐行樂當及時甘分隨所遇柰
何達者少往往利名懼白首縱得歸傷嗟已遲暮賢哉
樂城子此理能夙悟雅志慕淵明葺園日成趣乘興日
游涉蕭然唯杖屨柴門晝常關為無俗客故松竹交翠
蔭禽鳥弄清味風月四時佳如在山林佳壺觴但自引
琴書即心悟更向容安亭高卧談元素此生真足了覓
甚蓬萊路恨不見紫芝相約臨流賦

欽定四庫全書

御選金詩

卷三

十五

鄭輝

題海會寺以禪房花木深五字為韻得木字

吾儕愛山水乘興遊金谷修竹陰寒泉層岩排古木風
軒盃暫把花院棋終局晚雨更多情留與成夜宿

李永安

題獻陵梁氏成趣園

淵明晉名流賢達早自悟一為折腰屈幡然賦歸去親
戚說情話園涉日成趣陳迹固已遠賞音者稀遇君獨
慕高節隱居事田圃亭軒喜幽靜綠蔭多佳樹三徑時
往還花香襲杖屨所適忻有得忘言心自豫榜園固無
愧古雅見風度顧我老將至區區猶仕路會當勇退歸
卜鄰就佳處

劉從益

過尉氏懷阮籍

朝來國門遊暮抵蓬池宿有懷阮步兵豪氣無揜束嘯
歌陟高臺長風振林木老眼何曾青四海無一物萬古
留詩名九原銷醉骨居然方丈家惜也微瑕玉塗窮道
不窮先生安用哭

汎舟回瀾亭坐中作

昔年醉回瀾猶恨身屬官今年邂逅來身與亭俱閒洗
心亭下水照眼亭西山溪山如故人喜我復來還有酒

澆我胸有花怡我顏韞鷹乍脫臂但覺天地寬山陰忽
回船夜闌情未闌

樂山松

樂山一何崇上有千歲松清孤月露底秀拔天地中蒲
柳抱常質桃李開芳容爭如十八公笑傲冰霜風居然
喜避世不肯汙秦封蟠如北海螭伏如南陽龍紛紛過
者多匠石終不逢明堂幾時構喚起蒼髯翁

和淵明雜詩四首

俗士苦紛競此心本無塵功名迺外物了不關吾身吾
身復何有形神假相親天地開一室日月挾兩鄰有生
即有化如晏之必晨但得酒中了亦足稱達人

揮戈欲却日小力自不量何如任天運閉門坐齊芳詩
書列四隅著我於中央夏卧北窗風隆冬曝朝陽但有
藜藿羹亦足充饑腸

少為饑所驅老為病所迫人生能幾何東阡復南陌急
須沽酒來一笑舉大白浩歌草木振起舞天地窄同歡

二三子誰主復誰客浮沉大浪中畢竟歸真宅

歲月去何速老炎變新涼遊子久不歸回首望大梁風
埃慘如此何處真吾鄉野菊明落日林楓染飛霜勸我
一杯酒悠然秋興長

和淵明始春懷田舍

家食自不惡菽水甘清貧學道未有得讀書亦良勤雖
勤竟何補俛首愧古人靜言閱世故來者日月新况復
抱沈疴百憂無一忻安得衛生訣益我華池津况如一

欽定四庫全書

御選全詩

卷三

十八

夢覺不與萬法隣野人借問我恐是劉遺民

和淵明飲酒韻

日入了公事援琴洗塵喧秋堂一燈明清響到夜偏彈
罷枕書卧渺然夢青山山英向我問君駕何時還家僮
忽喚醒惆悵不能言

臘日次幽居韻

世路方擾擾人生何營營不如不出門坐頤天地情泰
中有否來陰極即陽生掀髯一笑起窗外風鐸鳴看雲

偶獨立踏雪時閒行最愛朝日升負暄向南榮

歲除夕次東坡守歲韻

人生都百年誰問鬪龜蛇容顏鏡中換老醜不可遮殷
勤守此歲來歲復如何南隣祭竈喧北里驅儻謹須臾
罷無為但聽樓鼓過明朝四十過暮景真易斜初心自
慷慨白首還蹉跎寄語少年子雖健不足誇

次韻別歲

一日復一日其來不肯遲一冬復一春既去誰能追問
歲果安往惜不知津涯常於歲除夕知是相別時隣翁
慣禮餞買酒烹鮮肥百挽不得留一別那須悲年年例
如此華髮吾何辭惟有學道心自覺老不衰

雷淵

雲卿父子有宛丘之行作二詩為餞

陽春到上林百卉紛白紅岸谷稍敷腴溪光亦冲融獨
有石間栢不落歌舞中期君如此木歲晚延清風
漢庭議論學傾耳待歆向君家賢父子千載蔚相望讀

欽定四庫全書

御選全詩

卷三

十九

書二十年閉戶自師匠異端絀偏雜陳言刊猥釀剛金
百鍊餘氣出諸老上顏風正波靡去去作隄障

同裕之欽叔分韻得莫論二字

幼安謝辟命子雲老寂莫趨嚮豈獨異時命非所度我
久困流離一屢求負郭雖無斬敵功尚舉力田爵松少
啟吾封四履盡伊洛有客來問津醉眼入寥廓世事久
閉眼終日只睡昏清風何處來佳客已在門倒屣往從
之玉色向我溫妻孥趣作具歡喜傾瓶盆清夜襟被往

欽定四庫全書

御選金詩

卷三

三

共就遺山元嘲謔及俳語發揮間微言懸斷漏天樞高
嘯驚鄰垣脰合正相和意到俄孤騫恨不倒困廩矧論
留籬樊棄屨獲珠玉披榛見蘭蓀我肱已三折醉隨偶
全渾知無適俗韻量力任灌園二君清廟器巾屨華壘
樽蒼生望休息朝廷待崇尊出處既異途會合難預論
此樂未易得此夕勿憚煩白酒舉初子黃雞溷諸孫水
樂喧後步山鬟秀前軒一醉萬事休商聲滿乾坤

會善寺怪松

物生自有常怪特物之病嗟嗟此老蒼怪怪生魁柄侏
儒蹙髀股宿瘤擁腮頸蜿蜒蛟龍戲騰擲猛虎競須髯
喜張磔意氣怒狂迸匠石求棟楹節目足譏評芻蕘急
薪槲堅悍空眈瞪靜言觀倚伏未易相吊慶雖違時世
用顧免斤斧橫陽秋莫榮悴歲月何究竟盤盤曲則全
挺挺獨也正小草悞掃迹伏神還守性儻隨天中景廣
宇共庥映

玉華山中同裕之分韻送欽叔得歸字

洗耳潁川水療飢西山薇山川得佳客草木生光輝末
路風教薄此道日已微相期千載事非君誰與歸

九日登少室絕頂同裕之分韻得蘿字

閒居愛重九佳人重相過登高酬節物少室鬱嵯峨迤
遞謝塵土夷猶出煙蘿欸如據鼇頭萬壑俯蜂窩浩浩
跨積風瀰瀰渺長河日車昃紅輪天宇凝蒼波指點數
齊州始覺氛埃多我無倚天劍有淚空滂沱驚鱗盼異
渚倦翼占危柯悔不與家來結茅老巖阿歸途賸老阮

欽定四庫全書

御選金詩

卷三

三

廣武意如何

月下同飛伯觀畦丁灌園得畦字

村居隣老圃喘汗憫夏畦
轆轤健晚涼月輪轉天蹊
剡金融溝涓涓水泮溪黃萎
漸蘇息綠潤俄淒迷生意
續夜氣甘滋淡新蕘風露觸
處香河漢望中低野人無
遠謀且喜豐食鮭雖愧下帷
董稍悟養生菑歸懷自浩然
流光挹平西

濟南珍珠泉

欽定四庫全書

御選金詩
卷三

三十一

大地萬寶藏元冥不敢私
抉開青玉罇渾渾流珠璣
輕明疑夜光潔白真摩尼
風吹忽脫串日射俄生輝
有時如少靳感涕却纍纍
風色媚一川老蚌初未知
君看一日間巧厯所不貸
遊人隨意滿不昇乾沒兒
吾謂厯下城繁華富瑰竒
貪夫死專利帝意憐其癡
故露連成珍可玩不可幾
若曰天壤間所遇皆汝資
何必祕篋筭自貽伊瑕疵
詩成一大笑臆說量天機

李獻能

別馮駕之

東風弄微寒吹雪作輕陰
春歸未得歸愁攬客子心
與君俱異縣那復重分襟
感時復恨別老懷苦難任
憶昨滎陽會燈火語夜深
縱談間俳語浩歌雜狂吟
相期梁宋游感君肯相尋
西園偶差池市樓成孤斟
相逢洧水渚暫爾成盍簪
燕鴻還別去又復如商參
我行落日邊匹馬獨登臨
君方無定在倦翼思茂林
人堪幾回別老境各駸駸
洧水不西流雙魚定沈沈
幸有西飛鴻無吝金玉音

欽定四庫全書

御選金詩
卷三

三十一

金玉音

追憶潁亭汎舟寄陽翟諸友

十月冬氣寒清霜殞羣木
輕舟汎潁水微風吹野服
信流不知還石艇橫老玉
苔花錦爛斑懸溜珠麗
澗頗離塵市雜倒瀉軒裳
俗歲月今幾何春草淒以
綠懷歸劇飢渴仰羨雙飛
鵠矯首九山雲迢迢傷遠
目

邴城秋夜懷李仁卿

日入羣動息暝色陰濛濛
故人隔潁水嫋嫋生秋風
輕

風捲纖雲碧漢磨青銅坐久襟袖涼皎月生天東伊人
如此月霽色羅心胸可望不可親倏已駕飛鴻念此太
虛間心交神自通而况千里月相望寧不同孤光透薄
帷儼如接音容翻翻繞枝鵲唧唧侵堦蛩上牀轉不寐
高樓待晨鐘相思夜何永月落秋牀空

王渥

三門津

層崖摩蒼穹四月號陰風大河三門險神禹萬世功他

欽定四庫全書

御選金詩

卷三

三十四

山亦崔嵬砥柱獨尊雄雷霆日鬪擊悍暴愁天公劉侯
智有餘始令舟楫通仍餘石上穴飛棧曾連空遙瞻白
玉枝挺植丹竈中仙公去不返此事真冥濛夫人與鼓
崖怪幻尤難窮獨喜兵火餘巋然出新宮當時疏鑿意
四海要會同誰知千歲後築壘防嘯克詩成一大笑浩
浩洪波東

張本

得王子正書

晨鵲何處來飛鳴向前除故人在天涯遺我尺素書為
言長相思夢寐同所居所居亦靡他上論揖讓初覺來
獨愴然澹月留太虛塞予臨末路世味皆泊如一學未
敢輟尚念客氣粗切磋與琢磨政恐朋友疎自從吾子
東門乏長者車發揮天人奧大辯孰起予丹陽何高明
吾子昔所廬南軒拂翠筠北潭照紅蕖蝗害非不虐子
食豈無餘灤江固自佳何堪曳長裾春風旦夕至歸哉
莫踟躕

欽定四庫全書

御選金詩

卷三

三十五

寄弟

離離丘壟田鬱鬱霜露思相隔二十年旦暮一何悲中
途涉萬里天幸復來歸燕安比懷居愧彼神與祇叔兮
孝且友見義能不疑上念先塋孤亦閔乃兄癡護喪營
大葬勤苦我所知昨朝尺書來殷勤咸及茲燈下展轉
讀涕淚沾裳衣父祔失臨穴子烏庸我為我非羽毛寄
飽食冥然飛田居有素懷行當事奮蓄與子奉遺祀沒
身以為期

郭邦彥

讀毛詩

含氣有喜怒觸物無不鳴天機泄鳥迹文字從此生誰
言土葦器聲合天地清樸壤犧氏瑟巧露媧皇笙末流
不可障聲律隨合并徧讀蕭氏選不見真性情怨刺雜
譏罵名曰離騷經頌美獻諂諛是謂之果銘詩道初不
然自是時代更秦火燒不死此物如有靈至今三百篇
殷殷金石聲漢儒各名家辯口劇分爭康成獨麾戈諸
儒約連衡祭酒最後出千古老成精我欲讀爾雅不辨
螯蟹名尚憐沈謝輩滿篋月露形孔徒凡幾人入室無
長卿三子論性命舉世為譏評白首草太元才得覆醬
罌不知匡鼎說愈笑人愈聽

秦略

拳秀峰

平滑石之俗其俗資磨礪磊醜石之秀其秀在醜中正
如古丈夫貌寢氣質雄又如聖人心孔竅虛明通大都

欽定四庫全書

御選全詩

卷三

王六

一拳許含蓄華與嵩大巧本若拙足見造化功好處元
更多摹寫不易工君其善調護抵擊防兒童

白髮

臨水時自照照我鬚與蒼鬚蒼何所似恰似純白絲從
茲一白後寧有再黑時譬如花落地不復還故枝殷勤
語鬚蒼聽我自解詩幼小癡讀書既壯多憂思自苦有
冰蘖自潤無膏脂勞生到今日汝白將何辭

劉昂霄

游五渡谷

南山如碧環缺處蒼崖開當年造物手辦此何神哉睥
睨倚天壁千古封莓苔源源萬斛泉飛出重山來白龍
三百丈行處鳴春雷巨石若棟宇磊砢相推排跳波與
濺沫餘怒猶喧喧我來值杪秋萬壑風聲哀黃花雜紅
樹錦繡紛巖隈奇勝宿所貪欲去仍徘徊題詩還自笑
愧我非仙材

張獻

欽定四庫全書

御選全詩

卷三

王七

送侯道士

十年走南北黃塵汚人衣翩翩夜啼鳥一枝無可依問
君何所如鳧鳥東南飛恨我不得往失脚穿與機從君
知不能一笑人間非何水無蒲魚何山無蕨薇終當拂
衣去往叩雲山扉

高永

跋賈天升所藏段志寧山水

蒼壁雲氣湧長松風雨寒湍流擘山出玉虹飲溪灣胸

欽定四庫全書

御選金詩

卷三

三六

中無雲夢筆底無江山想見破墨初布袖蛟龍蟠壯觀
駭心魄萬象本自閒寒齋靜相對遠意空追攀

麻九疇

彈琴懷山中人

門前雪垂垂室中理朱絃手按十三徽心飛天一涯故
人渺何許萬里驚鴻飛試憑朱絃語一聲聲亦悲一彈
雪欲落再彈雪正作只在此山中故人今憂樂我欲彈
文王岐山雲渺茫我欲鼓曾子無田可耘耔道遠望不

及千山復萬水思君復思君正恐鬚髯皓后變若不來
柰此宮商何春風早晚起百鳥喧庭柯時攜一尊酒為
君奏雲和

和伯玉食蒿醬韻

九尺東方生不如一侏儒飲啄各有程厚薄與生俱文
蒲及屈芟何乃澹以枯正如謝三旌甘心作羊屠伊蒿
本新材豈足充庖廚薄雪草堂徑新霜古城隅河南地
差暖冬有不死蕪青來澗邊管綠入几上盃微香能侶

欽定四庫全書

御選金詩

卷三

三五

菊小苦賢於茶酷烈變醞醞薰醲破脂酥書生喜倒說
食亦變精麤借問水茶者何如羔酒乎况爾蓼彼蕭蓬
茅固其徒偶然躡一等遽欲忘樵夫邇來歲頗饑大半
殫在途攘肉或至犬首丘不如狐命賤祗求死計窮交
議通尚有紈袴兒朝夕食於株寧知掃野稗一飽不易
圖遂令人輕生不畏鎖與鈇如君有蒿醬猶是千金軀

復次韻

五臟太多可張頤託臞儒自非何曾家安得海陸俱莊

周幸有粟不至魚肆枯何勞夷門市下車朱亥屠春韭
與秋菘歲晚不供厨萬腹不蒿目大方果無隅為醬非
負口猶勝范菜蕪豈無青精飯駐顏炊一盂豈無菖蒲
歎辟邪如神茶又豈無椒花除瘟等酥酥蒿於數品中
頗同武官麤數品雖異饌置之醬可乎猶材各有施豈
必皆吾徒公綽優為老劣於滕大夫大抵食如士取之
非一塗君詩誌其味食經有董狐彼哉龜羹指斲棺終
莫逋彼哉萍蓋手竟死珊瑚株寧如醬以蒿不出本草

欽定四庫全書

御選全詩

卷三

三

章書呈伯玉

圖蓋後人好奇一洗腥砧鉄為謝饒崇鬼渠今離我軀
翌日又為履道所戲其意似欲窮我技再和前
散可為炙啖博哉釋草儒柰何騷人詠不與蘭茝俱青
青發陳荻嫩勝稊生枯面柔似張禹氣冽如申屠忽逢
易牙口一日登君厨君兄昔在日作事太廉隅官游三
十年不治一室蕪嘗載米之郡政如置水盂不義獲八
珍棄之猶薑茶相對話終日茗椀無鹽酥見容惟恐遲

遇飯不擇麤無食但有名窮不亦宜乎我本寒素士卧
雪袁司徒臭味偶相似豈是敢薄夫見君食蒿醬取嘲
於仕途和君蒿醬詩緼袍隨衣狐詩醬兩情苦此債無
由逋蒿荻無棄材柰此蒼松株何當列銅甕一依饗禮
圖唯聞廣廷樂不見轅門鉄此日雖無醬猶堪養羸軀
元裕之以山遊見招兼以詩四首為寄因以山
中之意仍其韻

欽定四庫全書

御選全詩

卷三

三

石華政可採負我孤舟蓬胡為紅塵裏擾擾槐安宮山
間綠蘿月一照千巖空洪崖去不返清游誰與同空餘
松根泉雜佩流無窮人心隨泥滓不如與天通舉頭視
霄漢浩露洗心胸

日月兩角蝸天地一粒粟老盆可徑醉豈擇瓦與王大
笑區中人朱門丐梁肉清曉登少室日夕眺王屋紫煙
晞吾髮碧霞貯吾腹溪中有白雲萬事付濯足物物慚
幽情不獨蘭與菊

南風入桂樹高葉碧崢嶸舉手戲攀折上與雲煙撐黃

金間白玉遍地先晶瑩笙簫坐間發鸞鶴空中鳴浩歌
山谷應起舞衣裳輕一尊石上酒如我浩氣盈目送飛
鴻盡青雲萬里平

國風久已熄如火不再然流為玉臺詠鉛粉嬌華年政
須洗妖冶八駿踏芝田青苔明月露碧樹涼風天塵土
一一盡象緯昭昭懸寂寥抱玉辨爭競搖尾憐幸有元
公子不為常語牽

雷瑄

欽定四庫全書

御選金詩

卷三

三十三

信陵館酒間二首

閒過信陵飲有懷信陵君君去日已遠誰憐抱關人徑
攜一壺酒往酹公子墳墳科久已平墓木幾為薪泉靡
鎖長夜千載不復晨昔與賢俊遊今為狐兔隣豪貴竟
安在念之心紛紜有生會歸盡但恐後無聞此意不可
必且醉梁園春

維昔有迂叟樹桐彼高岡殷勤為封植遂欲棲鳳凰桐
生日已長鳳來殊未央惟鳳覽德輝非時詎來翔枝幹

枯以死志願終莫償憶在西周初飛下岐之陽衰回不
能去和鳴聲鏘鏘文王既已沒千載微音已吐爾叟何
為而欲發其光空令枯株上日晏啼鶯鷓

古意四首

美人傷獨宿窈窕春閨深素手卷翠被當窗調玉琴危
絃奏苦調清歌抗哀音絃絕歌復咽起作薄命吟妾如
朱槿花含英愁晏陰郎如青銅鏡照面不照心不怨不
照心但惜飛光沈且留連理枕莫捲合歡衾儻君回餘

欽定四庫全書

御選金詩

卷三

三十三

輝歡盟尚可尋

對酒不能飲拊劔自度曲一唱行路難歌與淚相續朝
為楊朱泣暮作阮籍哭古道盡荆棘新蹊苦蕒蕒曲行
違吾心直行傷吾足曲直無適從昂頭羨鴻鵠

綿綿兔絲草濯濯檉樹枝結根偶相值引蔓纏綿之春
風一披拂柯葉含榮滋弱質附美蔭百齡誓不違清商
忽用事霜飈已淒豈意百尺條同此春草萎委蔓失
所托憔悴徒傷悲知君無歲寒何用相因依

賢王悲墜屨賢婦念遺簪重在不
忘故微物何所欽嗟我昔遊友
雲路揚徽音詎念夙昔好棄擲
各飛沈昔如膠投漆今如辰與
參桃李雖成蹊諒無松栢心

李汾

雲溪曉泛圖

曉景淡明月落影潭西丘晴川
挂煙樹光拂雲河流楓林入行
色闕山生白頭羨羨畫中人憶
我秦川游君帆渺何許儻下滄
浪洲滄浪吾有約寄謝同盟鷗

欽定四庫全書

御選金詩

卷三

三十四

李夷

古鏡

盤盤古皇州夢斷繁華歇一鞭
春事忙耕出隴頭月土蝕背花
暗蹄淬駭龍蹲鬚怒欲張縮手
不敢捫星環紫極位劍外十三
字細看清用文其篆文云
為清日用真漢君墓誌
壽堂鎖菱花引得阿紫家榛煙
夕霏時幾照拂雙鴉神物污難
久一日落吾手壽光閱人多常有
此容不呵呵吾戲云雅志踵先
民鏡裏春風面泉下今日塵九
原不

可作哲弟師有若摩挲一面銅
便有親炙樂

王元粹

春日時年十八

春日何慘慘春雲何陰陰桃李
都未花况乃餘寒侵久在都市
居而無人見尋讀易了一編靜
見天地心貧士寡徒侶古來非
獨今

葉縣贈李長源

相見各異縣歲暮風霜清三日
同眠食深見故人情借問何所
歷大梁與秦京悠悠川途永再
再歲月傾子當東北馳予亦西南
征人事相羈束何時當合并聊
斟昆陽酒為澆胸次平出處固
難必勉哉崇令名

欽定四庫全書

御選金詩

卷三

三十五

西山避亂三首

蒼山多回互四望令人迷過午
日已暖殘雪融為泥路滑不可
進弱葛愁攀躋老幼委溝壑不
如犬與鷄嗷嗷同行子手中各有
攜汲澗為飲食架木為巖棲夜
半三四驚翁媪禁兒啼念我長
病母亂離隔東西

野宿不得曉飛霜沾敝袍空山凝寒色天邊星月高憶
昨離鄂城數家同遁逃穿林恐相失前後聞呼號避亂
但欲遠焉知登頓勞俯臨萬仞壑性命輕鴻毛
青青道邊麥知是誰家田山田固已薄榛石復相連旁
有破茅屋日入不見煙借問舊居者聞亂已西遷平生
苦淪薄對此增慨然甲兵暗宇宙誰能安一厘愁憂無
從訴仰面視蒼天伐木南澗底雙鹿過我前

還鄂城舊居

四月六日作

欽定四庫全書

御選金詩

卷三

三十六

南風兵塵遠病客返舊居入門顧西壁書籍亦無餘數
口共嗷嗷日事將何如屋破未暇葺草滿須當鋤昔去
季冬末今來孟夏初深愧資用絕時時煩里閭

馮延登

德順道院隴泉

玉壘制方維瓊漿閔仙宅何人劓雲根一旦泄地脉金
匱鎖龍漉月窟逗蟾液銅壺漏水清玉斗天醴碧光搖
日千道影落天一席窈然仇池穴自與天壤隔

登封塗中遇雨留僧舍

溼雲若煙低飛雨如矢集近山衣已涼薄寒復相襲霽
景涵草木秋意滿原隰林紅寒更殷山翠晴更溼不知
高幾許但見蒼壁立羣峰誰暇數庭筍紛戢戢騰擲來
眼中左右疲顧揖

李俊民

游碧落并序

壬寅重午日陪郡侯段正卿暨王用亨劉漢臣濟
之君祥仲寬姚子昂張唐臣祿卿平陽趙君玉王

潤之同行

浮雲翳炎景長夏愜幽事相陪林下友共造金碧地清
流漱寒玉老樹聳蒼翠何人開山祖妙處發天祕悠悠
歲月深剝落磨崖字遨頭興不淺有酒留客醉幽鳥背
人飛不慣聞鼓吹抵暮出山門溪風送歸騎

御選金詩卷三

欽定四庫全書

御選金詩


卷三

三十七

謹案第二十五頁後三行叔分孝且友刊本分作

子據中州集改

欽定四庫全書



總校官庶吉士臣侍朝
校對官檢討臣蕭九成
謄錄舉人臣張昱

欽定四庫全書薈要

集部
御選金詩卷四

欽定四庫全書薈要卷一萬八千三百九十 集部

御選金詩卷四

五言古詩三

元好問

箕山



幽林轉陰崖鳥道人迹絕許君棲隱地唯有太古雪人
間黃屋貴物外祇自潔尚厭一瓢喧重負寧所屑降衷
均義稟汨利忘智決得隴又望蜀有齊安用薛干戈幾

欽定四庫全書

御選金詩
卷四

蠻觸宇宙日流血魯連蹈東海夷齊采薇蕨至今陽城
山衡華兩丘垤古人不可作百念肝肺熱浩歌北風前

悠悠送孤月

緱山置酒

同內翰馮大叔獻雷兄
希顏賦詩分韻得賓字

靈宮肅清曉細柏含古春人言王子喬鶴馭此上賓白
雲山蒼蒼平田木欣欣登高覽元化浩蕩融心神西望
洛陽城大路通平津行人細如蟻擾擾爭紅塵蓬萊風
濤深鬚毛日夜新殷勤一杯酒愧爾雲間人

詳校官原任主事 李斯咏

光武臺

東南地上遊荆楚兵四衝遊子十月來登高送長鴻當年赤帝孫提劍起蒿蓬一顧滢水斷再顧新都空雷霆萬萬古青天看飛龍歸然此遺臺落日荒煙重誰見經綸初指揮走羣雄白水日夜東石麟幾秋風空餘廣武歎無復雲臺功

穎亭留別

同李冶仁卿張肅子敬王元亮子正分韻得畫字

故人重分攜臨流駐歸駕乾坤展清眺萬景若相借北風三日雪太素秉元化九山鬱崢嶸了不受陵跨寒波淡淡起白鳥悠悠下懷歸人自急物態本閒暇壺觴負吟嘯塵土足悲咤回首亭中人平林澹如畫

隱亭

春物已清美客懷自幽獨危亭一徘徊翛然若新沐宿雲淡野川元氣浮草木微茫盡楚尾平遠疑杜曲生平遠遊賦吟諷心自足竭耒著世網抑抑就邊幅人生要適情無禁復何辱乾坤入望眼容我謝羈束一笑白鷗

前春波動新綠

出京

史院得告歸嵩山侍下

從宦非所堪長告欣得請驅馬出國門白日觸隆景半生無根著飄轉如斷梗一昨隨牒來六月阻歸省城居苦湫隘羣動日蛙黽慙愧山中人團茅遂幽屏塵泥久相沆夢寐見清潁矯首孤飛雲西南路何永

灑水

灑水復灑水東望鴈行沒殷勤一杯酒遙酌灑亭月永

懷紫髯郎冠佩見突兀巖巖石青峙鬱鬱松秀發徘徊功名會脫落豪俠窟中州有士論指與雷李屈挂弓須扶桑洗劍必溟渤皇天靳美器一世惜英物神交付冥漠生氣凜毛髮古來天下馬萬里入超忽良樂不並世燕市空駿骨狂歌叫秋雲北風撼林樾

贈答劉御史雲卿

舊聞劉君公學經發源深驂騑萬里氣聖途已駸駸大梁語三日副我夙所欽瀛溪無北流北道日西沈百年

牛山木不復秀穹林南風雖寥寥聞絃猶賞音獨憐夸
毗子一我無古今共學君所貪適道我豈任相酬無別
物徒有好賢心

老鶴何許來澹與孤雲同相值太虛空悠然復西東聖
學要深談別君惜息息何時沂水上同詠舞雩風

送欽叔內翰并寄劉達卿郎中白文舉編修二
首

忽忽歲云暮烈烈風霜威舉頭望長安游子從此歸我

欽定四庫全書

御選全詩

卷四

四

有平生懷愛君如連枝半年姜肱被所樂良不背尚恨
人事異離合無定時送君酒一杯侑以彈鋏辭上言行
路難下言長相思

古人遙相望每恨不同時同時得古人歡樂良在茲君
歸豈不佳交遊滿京師門前車馬來笑言慰所思細話
洛陽事高詠嵩山詩宮壺發新笏宮梅耿幽姿故應劉
與白亦復念微之

飲酒五首

襄城作

西郊一畝宅閉門秋草深牀頭有新釀意愜成孤斟舉
杯謝明月蓬華肯相臨願將萬古色照我萬古心

去古日已遠百偽無一真獨餘醉鄉地中有羲皇淳聖
教難為功乃見酒力神誰能釀滄海盡醉區中民

利端始萌芽忽復成禍根名虛買實禍將相安足論驅

驢上邯鄲逐兔出東門離官寸亦樂里社有拙言

離官寸亦

樂晉俚
諺云然

萬事有定分聖智不能移而於定分中亦有不測機人

欽定四庫全書

御選全詩

卷四

五

生桐葉露見日忽已晞唯當飲美酒儻來非所期

此飲又復醉此醉更酣適徘徊雲間月相對淡以默三
更風露下中袖警微溼浩歌天壤間今夕知何夕

後飲酒五首

陽翟作

少日不能觴少許便有餘比得酒中趣日與杯杓俱一
日不自澆肝肺如欲枯當其得意時萬物寄一壺作病
知奈何妾婦良區區但愧生理廢飢寒到妻孥吾貧蓋
有命此酒不可無

金丹換凡骨誕幻若無實如何杯杓間乃有此樂國天生至神物與世作酣適豈曰無妙理滉漾莫容詰康衢吾自樂何者為帝力大笑白與劉區區頌功德

客從崧少來貽我招隱詩為言學仙好人間竟何為一

笑顧客言神仙非所期山中如有酒吾與爾同歸

酒中有勝地名流所同歸人若不解飲俗病從何醫此

語誰所云吾友田紫芝紫芝雖吾友痛飲真吾師一飲

三百杯談笑成歌詩九原不可作想見當年時

欽定四庫全書

御選全詩
卷四

飲人不飲酒正自可飲泉飲酒不飲人屠沽從擊鮮酒

如以人廢美祿何負焉我愛靖節翁於酒得其天龐通

何物人亦復為陶然兼忘物與我更覺此翁賢

少林

雲林入清深禪房坐蕭爽澄泉潔餘習高鳥喚長往我

無元豹姿謾有紫霞想回首山中雲靈芝日應長

劉曲龍潭

層冰積浩蕩陵谷低吞吐窈窕轉幽壑突兀開淨宇回

頭山水縣亦復隨塵土孤雲鐵梁北宇宙一仰俛風景

初不殊川塗忽修阻寒潭海眼淨默黑自太古墊龍何

年卧萬國待霖雨誰能裂蒼崖雷風看掀舉

山中人歲
早則轉大

石人潭中以駭龍
瞬息致雨故云

龍門雜詩

石樓繞清伊塵上天所限人言無僧久草滿不復剗灘

聲激悲壯山意出高蹇當年香山老挂冠遂忘反高情

留詩軸清話入禪版誰言海山去蕭散仍在眼溪寒不

欽定四庫全書

御選全詩
卷四

可涉倚杖西林晚

豐山懷古

豐山一何高古屋蒼煙重開門望吳楚鳥去天無窮連

山橫巨鼇白水亘長虹川原鬱佳氣自古南都雄炎精

昔季興卧龍起隆中落落出奇策言言揭孤忠時事有

可論生晚恨不逢漢賊不兩立大義皎日同吳人操等

耳忍與分河潼奪操而與權何以示至公一民漢遺黎

尺地漢故封守民及守土天地與相終不能禦寇雙顧

以寇自功既異鴻溝初又非列國從一券捐半產二祖
寧汝容端本一已失孤唱誰當從至今有遺恨廟柏號
陰風舊聞清冷淵天籟如撞鐘山徑野人語誕幻欺孩
童開元有亂階鹿飲温泉宮黃猿何為者乃爾能嘯兕
乾坤之大音久鬱理當通清霜旦夕落佇爾驚羣龍孔明
自謂漢室季興清冷淵黃猿出見廟碑述開元事

乙酉六月十一日雨

一旱近兩月河洛東連淮驕陽佐大火南風卷黃埃草

欽定四庫全書

御選全詩

卷四

八

樹青欲乾四望令人哀時時怪事發雨電如李梅我夢

天河翻崩騰走雲雷今日復何日駛雨東南來元氣淋

漓中焦卷意已迴良苗與新穎鬱鬱無邊涯書生如老

農苦樂與之偕問問聞古語一笑心顏開酉年酒如漿

乾溢安能裁惟當作高廩多具尊與壘家人笑問我君

田安在哉

駛雨與快同音見魏志

種松

百錢買松羔植之我東牆汲井浣塵土插籬護牛羊一

日三摩挲愛比添丁郎昨宵入我夢忽然變昂藏昂藏
上雲霄慘淡含風霜起來月中看細鬣攢針芒惘然一
太息何年起明堂鄰叟向我言種木本易長不見河畔
柳顧盼百尺強君自作遠計今者何所望

采杞

仙苗不擇地榛莽散秋實微霜綠未隕濃露紅欲滴方
書尚服餌僮僕課采拾花葉久已饜功實從此得苦茶
薦奇味凡醞化靈液人傳東坡事世驗西河術誑口亦

欽定四庫全書

御選全詩

卷四

九

自佳輕骨況可必維物多似是致用相萬一向非觀玉

篇誰為分杞棘

宿菊潭

田父立馬前來赴長官期父老且勿往問汝我所疑民
事古所難令才又非宜到官已三月惠利無毫釐汝鄉
之單貧寧為豪右欺聚訟幾何人健鬪復是誰官人一
耳目百里安能知東州長官清白直下村稀我雖禁吏
出將無夜叩扉教汝子若孫努力逃寒飢軍租星火急

期會切勿違期會不可違鞭朴傷汝肌傷肌尚云可天
闕令人悲

觀浙江漲浙水今在邯陽見
水經注非浙江也

一旱千里赤一雨垣屋敗浙故以江名暴與衆壑會初
驚沙石卷稍覺川谷隘雷風入先驅大塊供一噫千帆
鼓前浪萬馬接後派崩崖不暇顧拔木無留礙馮陵如
藉勢洄伏各有態平分乍舒徐怒觸忽碎壞雲蒸楚樹
杪雪映商嶺背彷彿千丈潮恍與海門對飲飛鬪蛟鱷

欽定四庫全書

御選全詩
卷四

十一

燃犀出鱗介陽侯富陰族萬首露光怪翠蕤淡偃蹇鉦
鼓亂砲磕永懷疏鑿力重歎神禹大乾坤海為壑未礙
變橫潰納汙非無處流惡聊自快投詩與龍盟滌蕩煩

一再時拜大赦
五日矣

鶴雀崖北龍潭

層崖闕頑陰水木深以阻湍聲半空落沟沟如怒虎風
生木葉脫魄動不敢語何年渾沌竅靈物此棲處初從
一綫溜開鑿到神禹雲雨鼓飛浪噴薄齊萬弩藏珠驪

龍頤百斛快一吐油油入無底細散不濡縷歸藏海有
穴汎溢愁下土南峰天一柱萬古鎮幽府江山有奇探
落景迫行旅多慚茹芝人終年看飛雨

五松平

竹港晨露白石門秋氣寒湍流落澗壑細路深茅管江
平白石出竟日沿清灣四顧不見人山鳥時間關蒼崖
入地底煙靄青漫漫力盡不能過却坐空長歎青天白
雲間可望不可攀虛名竟何得行路乃爾難

欽定四庫全書

御選全詩
卷四

贈答楊煥然

詩亡又已久雅道不復陳人人握和璧燕石誰當分關
中楊夫子高誼世所聞十年元尚白藜藿甘長貧有米
河水篇四海付斯文斯文有定在桓生知子雲古來知
已難萬里猶比鄰千人國中和要非心所親東楚西南
秦望君勞我神相逢不得語別去徒殷勤白雲不可贈
相思秋復春

送詩人李正甫

陽和入枯株靄靄含芳津山頭太古石不與萬物春朝
從木客遊暮將山鬼鄰紫芝僅盈菊幽蘭不充紉青雲
入長吁肝膽空輪困我嘗讀君詩天趣觸眼新秦遊得
豪宕晉產餘真淳怒虎不受唾駭鹿未易馴安坐誰不
如半生走逡巡蒼蒼不可問藐藐誰當親青山碾為塵
白日無間人空歌東野曲不救西州貧

曉發石門渡湍水道中

疎星淡秋明陰霞絢朝映積雨成坐愁晨光動幽興石
門歸馭引湍浦漁舸並曠蕩萬景新歸藏四山靜平湖
風漪綠遠岸秋沙淨洋洋遊魚逝汎汎輕鷗泳隱顯乖
夙心感遇見真性倦遊時自悼違已將安竟憂端從中
來茫茫發孤詠

放言

韓非死孤憤虞卿著窮愁長沙一湘纍郊島兩詩囚人
生定能幾肺肝日相讐井蛙奚足論禪蟲良足羞正有
一朝樂不償百年憂古來帝王師或從赤松遊大笑人

間世起滅真浮漚曾是萬戶封不博一掉頭有來且當
避未至吾何求悠悠復悠悠大川日東流紅顏不暇惜
素髮忽已稠我欲升嵩高揮杯勸浮丘因之兩黃鵠浩
蕩觀齊州

李道人崧陽歸隱圖

北山范寬筆老硬無妍姿南山小平遠澹若韋郎詩崧
陽古僊村佳處我所知長林連玉華納路入清微連延
百餘家柴門水之湄桑麻蔽朝日雞犬通垣籬愧我出
山來京塵滿山衣春風四十日夢與孤雲飛可笑李山
人嗜好世所希逢人覓詩句不恤怒與譏道人本無事
何苦塵中為京師不易居我癡君更癡山中酒應熟幾
日是歸期

黃公廟

羈客無恒居六月走長路清風黃公祠地古欣所遇劍
飛素靈哭龍躍雲雨赴堂堂文成君談笑取帝傳功名
要有命陰相果何預誰謂圮上人異事驚竹素河清不

可俟筋力疲世故袖間一編書塵埃歎遲暮

學東坡移居

誰謂我屋寬寢處無復餘誰謂我屋小十口得安居南
榮坐諸郎課誦所依於西除著僮僕休沐得自如老我
於其間兀兀窮朝晡起立足欠伸偃卧足展舒窗明火
焙暖似欲忘囚拘屋前有隙地客舍不可無花闌及菜
圃次第當耘鋤東野載家具家具少於車我貧不全貧
尚有百本書

欽定四庫全書

御選全詩

卷四

十四

故書堆滿牀故物貯滿箱渾渾商寶馬纍纍漢銅章杖
飾昭敬恭嚴卯訶痺剛雷紋遶杖節獸面出珮璜私印
刻王尊玉斗蛟龍翔逸少留半紙魚網非硬黃亦有曇
首帖不辨作鴈行雪景睿思物宣政舊所藏晉公古漁
父浩歌濯滄浪因觀宮騎圖卧駝識提囊谿石含餘潤
奚墨凝幽香南榮挂風響雲裾佩鏗鏘鏡背先秦書八
字環中央讀之三太息此日何時光

壬辰困重圍金粟論升勺明年出青城瞑目就束縛毫

釐脫鬼手攘臂留空橐聊城千里外狼狽何所託諸公
頗相念餘粒分鳧鶴得損不相償坏土填巨壑一冬不
製衣繒纒如紙薄一日僅兩食強半雜藜藿不羞蓬累
行粗識瓢飲樂敵貧如敵寇自信頗亦慙兒唬飯籬空
堅陣為屢却滄溟浮一葉渺不見止泊五窮果何神為
戲乃爾虐

欽定四庫全書

御選全詩

卷四

十五

舊隱嵩山陽筍蕨豐餽餉新齋浙江曲山水窮放浪乾
坤兩茅舍氣壓華屋上一從陵谷變歸顧無復望漁樵
憶往還風土夢間曠恍如悟前身姓改心不忘去年住
佛屋盡室寄尋丈今年僦民居卧榻礙盆盎靜言尋禍
本正坐一出妄青山不能隱俛首入鞞鞅巢傾卵隨覆
身在顏亦強空悲龍髯絕永負魚腹莽置錐良有餘終
身志悲愴

國史經喪亂天幸有所歸但恨後十年時事無人知興
廢屬之天事豈盡乖違傳聞入仇敵祇以興罵譏老臣
與存亡高賢死兵飢身死名亦滅義士為傷悲哀淮

西城萬夫甘伏尸田橫巨擘耳猶為談者資我作南冠
錄一語不敢私稗官雜家流國風賤婦詩成書有作者
起本良在茲朝我何所營暮我何所思胸中有如噎欲得快
吐之溼新煙滿眼破硯冰生髭造物留此筆吾貧復何辭
此州多寓士論年悉肩隨風波同一舟奚必骨肉為倪
家蓮花白每釀必見貽季昌妙琴事足以相娛嬉郭侯
家多書篇帙得徧窺趙子篤於學間以問所疑王生舊
鄰舍窮達心不移千里訪存歿十口分寒飢獨有仲通

欽定四庫全書

御選全詩
卷四

十六

甫天馬不可羈直以論詩文稍稍窺籬籬永懷王與李
朔漠行當歸書來聞吉語報我脫繫維慙非一狐腋不
直五羖皮我作野史亭日與諸君期相從一笑樂來事
無庸知

歷下亭懷古分韻得南字

東秦富佳境北渚擅名談茲遊亦已久纔得了二三南
山壓城頭十里奎與函狀流出地底城隅滿泓潭金絲
弄晴光玉玦響空嵌清漣通畫舫秀木深雲龕華峰水

中央鬱鬱堆煙嵐荷華望不極綠淨紛紅酣毒熱非山
陽卑溼無江南承平十萬戶他州隔仙凡劫火土一丘
樹老草不芟巧盡露天質到眼皆竒探千年歷下亭規
模見覃覃懷賢成獨詠勝賞何繇參

濟南廟中古檜同叔能賦

亭亭祠宮檜鬱鬱上雲雨扶持幾年來造物心獨苦青
餘玉川潤根入鐵岸古雖含棟梁姿斤斧安得取沈沈
地中久駭浪思一鼓天柱屹不移水國奠平土乾坤此
神物甲乙存世譜瀨鄉留耳孫闕里傳鼻祖秦松徒自
汙蜀柏聊共數會待十抱成茲焉重摩拊

別李周卿二首

行路澀於棘單車望千山歌君歸雲曲清涕留餘潛六
年河朔州動輒得謗訕惟君篤高誼日來款柴關古交
松柏心今交桃李顏古人去不返古道挽不還相思一
尊酒幽恨寄山間
城居日畫甍局促復局促去作山中客放浪誰檢束溪

欽定四庫全書

御選全詩
卷四

十七

光淡於冰山骨淨如玉懷我同心人團茅住深竹垂綸
鮮可食種秫酒亦足石壇三萬大醉眼天一粟安得萬
里風相從兩黃鵠

周卿學有淵源東州詩人未見
其比與子約西游如詩中所說

九日讀書山用陶詩露淒暄風息氣清天曠明

為韻賦十詩

行帳適南下居人踞庭戶城中望青山一水不易渡今
朝川涂靜偶得展衰步蕩如脫囚拘廣莫開四顧半生
無根著筋力疲世故大似丁令威歸來歎墟墓鄉閭喪

欽定四庫全書

御選全詩
卷四

亂久觸目異平素枌榆雖尚存歲晏多霜露

今日復何日霜氣倏已淒登高有佳招山中古招提翩
翩劉公子王田重相攜乾坤動詩興澗壑忘攀躋霍侯
家甚貧劣有酒與雞城居厭聾鼓移家此幽棲世網不
易逃所向皆塵泥何以濯吾纓林間有清溪

山腰抱佛刹十里望家園亦有野人居層崖映柴門昔
我東巖君曾此避塵喧林泉留杖屨歲月歸琴尊翁今
為飛仙過眼幾寒暄蒼蒼池上柳青衫見諸孫疎燈照

茅屋新月入顏垣依依覽陳迹惻愴不能言

茅屋二句
先人詩

霜氣一區薄杳杳秋山空臨高望煙樹黃落雜青紅造
物故豪縱窮秋變春容錦障三百里不盡臺山東燦燦
黃金華羅生蒿艾叢野人不知貴幽香散秋風秋物自
橫陳顧揖苦不供誰能搖醉筆吐句凌清雄

宇宙有此山閱世過鳥疾何人不此遊名姓寧復識茲
辰世所重前代多盛集柴桑有故事二謝留俊筆并數
孟與桓此外誰記憶人生百年內踏地皆陳迹獨惟我

欽定四庫全書

御選全詩
卷四

輩人興懷念今昔山林與泉壤自古長太息

賞心古難并暮景日易費故人成此遊尊酒重相慰新
詩互酬唱清談見滋味鯁鯁方偃蹇鼃黽共騰沸懸險
劇褒斜清渾雜涇渭爭教十圍腹滿貯憂與畏情親到
真率寧復轉喉諱鄭重伯雅生藉汝聊吐氣

往年在南都閒閒主文衡九日登吹臺追隨盡名卿酒
酣公賦詩揮灑筆不停蛟龍起庭戶破壁春雷轟堂堂
髯御史痛飲益精明亦有李與王玉樹含秋清我時最

後來四座頗為傾今朝念存沒壯心徒自驚

我在正大初作吏浙江邊山城官事少日放浙江船菊
潭秋華滿紫稻釀寒泉甘腴入小苦幽光出清妍歸路
踏明月醉袖風翩翩父老遮我留謂我欲登仙一別半
山亭回頭餘十年江山不可越目斷西南天

吾山一何高清涼屹相望龍頭出白墻佛屋壓青嶂雲
光見秋半旭日發豪相峨峨寶樓閣金界儼龍象鄉曲
二十年香火闕瞻向金香絲芋夢想雲雨上福田行

欽定四庫全書

御選全詩

卷四

下

欲近重為詩酒障終當陟層巔放眼天宇曠

紫微老仙伯少日見承平甲子五百餘雙瞳益清明披
莊不盈尺脩然澹無營庭柯挂秋蔬老樹風泠泠我有
年德尊公深鄉曲情思得菊潭酒為公制頽齡作詩語
同游明年復尋盟看公九節杖翩翩上崢嶸

梨花海棠二首

梨花如靜女寂寞出春暮春工惜天真玉頰洗風露素
月淡相映蕭然見風度恨無塵外人為續雪香句孤芳

忌太潔莫遣凡卉妬

妍花紅粉妝意態工媚嫵窈窕春風前霞衣欲輕舉金
盤渺華屋國豔徒自許依依如有意脈脈不得語詩人
太冷落愁絕殘春雨

題張左丞家范寬秋山橫幅

層岷閔長陰細徑緣絕巘梯雲闌干峻廓廓清眺展斜
陽半天赤飛鳥大江遠清霜張秋氣草樹生意翦風雪
斫堅敵旗旆紛仆偃崢嶸峰巒出莽蒼林薄晚盤盤范

欽定四庫全書

御選全詩

卷四

三十一

家筆老懷寄高寒經營入慘淡得處乃蕭散嵩丘動歸
興突兀青在眼何時卧雲身團茅遂疎嬾

宿張靖田家

地屬壽陽

川涂盡坡陀嶺路入荒梗微茫望煙火向背得廬井殘
民安樸陋倦客喜幽屏兒童聞叩扉租吏有餘警兩崖
紛叢薄砂石立頑獷湍流落空嵌百折不容騁山深饒
風露夜氣淒以耿園花淡相望邊月空照影深居苦不
早素髮忽垂領誰謂林野人茲焉惜清景

寶巖紀行

陰崖轉清深秋老木堅瘦城居望已遠步覺脫氛垢寶巖夙所愛大室方再叩曛黑纔入門徑就石泉漱遥遥金門寺寶焰出巖竇我豈無盡公昔見今乃又同來二三子寢飯故相就況有杜紫微琴筑終雅奏瞳瞳上初日深樾炯穿漏逶迤陟西巘萬景若迎候絕壁三面開仰看勞引脰兩山老突兀屹立柱圓覆諸峰出頭角隨起隨偃仆不可無煙霞朝暮為先後橫亘連巨鼇飛隨

欽定四庫全書

御選全詩

卷四

三

集靈鷲九華與奇巧五老失渾厚想當位置初遂欲雄宇宙太行有硤谷勝絕無出右大似塵外人眉宇見高秀哀湍下絕壑電激龍怒鬪崩奔翻雪窖瑩滑瀉瓊甃窮源得懸流偉觀駭初邁仙人寶樓閣白雨散簷溜天孫拂機絲素錦絢清晝永懷登高賦意匠困馳驟窘於遊暴秦百說不一售林間太古石稍復杯飲舊已約銘窪尊細鑿留篆籀茲山綠未了僧夏容宿留終當白餘年奇探盡雲岫

鴈門道中書所見

金城留旬浹兀兀醉歌舞出門覽民風慘慘愁肺腑去年夏秋旱七月黍稷吐一昔營幕來天明但平土調度急星火逋負迫捶楚網羅方高懸樂國果何所食禾有百膳擇肉非一虎呼天天不聞感諷復何補單衣者誰子販糴就南府傾身營一飽豈樂遠服賈盤盤鴈門道雲澗深以阻半嶺逢驅車人牛一何苦

同白兄賦瓶中玉簪

畏景衆芳歇仙葩此夷猶冰姿出新沐娟娟倚清秋昨夢今見之風鬟玉搔頭誰言閨房秀高情渺林丘碧筵古銅壺一室香四周懷人成獨詠遠思徒悠悠

野史亭雨夜感興

私錄關赴告求野或有取秋兔一寸毫盡力不易舉哀遲私自惜憂畏當誰語展轉天未明幽窗響疎雨

繼愚軒和党承旨雪詩

今古幾詩人擾擾劇毛粟吾愛陶與韋冷然扣冰玉大

欽定四庫全書

御選全詩

卷四

三

雅久不作聞韶信
忘肉求音扣寂莫
一歎動鄰屋水風
清鶴夢月露洗蟬腹
白頭兩遺編吟唱心自足
誰為起九原寒泉薦芳菊

愚軒具詩眼論文貴天然
頗怪今時人雕鐫窮歲年
君看陶集中飲酒與歸田
此翁豈作詩真寫胸中天然
對雕飾真贗殊相懸
乃知時世妝粉綠徒爭妍
枯淡足自樂勿為虛名牽

夢歸

欽定四庫全書

御選全詩

卷四

三十四

虛庭霜夜寒落葉風自埽
恍如南窗月坐失西山道
長安佳麗地遊子自枯槁
人生家居樂學稼苦不早
衡門眼中見歸意滿秋草
夜長夢已盡愁絕令人老

蕭寺僧橫軸

山空秋草寒露暗光已夕
悠悠松門月靜照禪客入
遙知夜堂深疎鐘動幽寂

杜仁傑

和信之板橋路中古風

岸風坼枯凌野日明遠燒山
晚雲煙深遊子悲嶮峭平
生文字癖所歷入吟嘯急景不貸人
佳處領其要木杪來江光中途憩道遙
佳人在空谷尺素昔見招徒老黃塵中
愧爾漁與樵永懷梁甫吟日暮風蕭蕭

髮黃有感

飄蕭中年髮既少何用白蒼黃
未甚絲明知不更黑妻孥恐生悲
勸我課鋤耨春然撫鏡鑷青山隨虛席

麻革

欽定四庫全書

御選全詩

卷四

三十五

阻雪華下

愛山久成癖得山真雋永
太華阻風塵五年夢幽境傳聞十丈蓮
擬扣玉仙井雪花忽迷漫蒼巔隨昏暝
寒子世緣深方外久自屏意是希夷君
俗駕踈造請行行風撼林稍稍雲度嶺
雲間三峰面隱約露芒穎初如灑瀕堆
屹起勢奔猛漸如倚天劒萬仞鐵花冷
煙霞半明滅瞬息變光景乃知造物心
相哀亦相警歸鞭忽忽晚回首心耿耿
浩歌夜深寒孤月挂峰頂

置酒半山亭

懷抱久不寫兀坐如繫囚永懷西山勝浩蕩成茲遊巖
壑互窈窕叢蘿鬱深幽飛煙入虛無長風跨崑丘楚甸
散蒼莽商顏亦綢繆雷雨天地空景氣入夜浮況當節
律變萬物颯以秋雲來白日慘天淡清江流西望渺關
河沈沈生暮愁蘭苔暗幽谷艾荷老芳洲一笑舉酒觴
浩歌聊自酬幽賞興未極慨歎心悠悠世事蒼茫外寒
沙明白鷗

欽定四庫全書

御選全詩
卷四

三六

歸潛堂為劉京叔賦

逃淵漁深處避弋鴻冥飛古來賢達士亦復歌采薇南
山先廬在兵塵悵睽違山空無人居惟見草木肥翩然
千歲鶴一朝復來歸新築臨潭水行徑窈以微清流鳴
前除白雲入晨扉迴顧陵谷遷萬事倏已非著書入理
奧得句窮天機前路政自迫此道倘可幾殷勤抱中璧
龜勉留餘輝第恐遜世志還負習隱譏永懷泉上石一
觴與君揮惜無凌風翰遐舉非所稀

守約齋為呂仲和作

讀書不務博造道當入微一理貫萬理一歧會衆歧譬
彼庖丁刀駉然解牛時節間即有得肯綮寧復疑道喪
向千載聖遠孰可期養勇敢所愾養氣動以隨心非安
如山遇變鮮不移吾門有聖學觀心乃其師晏坐一室
中自得實在茲胡為滯紛感紉繹如蠶絲人生矧多欲
事物日以滋牛羊踐徑蹊虎豹攻藩籬我嘗叩天理誠
明不容欺第恐達者事還為狷者嗤

欽定四庫全書

御選全詩
卷四

三七

張宇

送趙宜之歸辛安兼簡洛下諸友

悽惻復悽惻送君汾水側人生歡會少一別難再得昔
經劫火然二鳥奮驚翼嗷嗷各何之同落天西北日夕
相和鳴此樂未易極狂風忽吹散一鳥歸故國翱翔入
寥廓萬里期一息鄧林有餘陰未肯栖枳棘玉山有嘉
禾未肯求粒食一鳥獨未歸培隄老無力矯首思舊羣
潛然淚沾臆

陳賡

子猷訪戴圖

兩晉崇元虛風流屬古雅舉世尚清談天地指一馬依
阿竹林賢鴻名重天下王郎衣冠冑亦復慕草野偶來
剡溪上溪水正清瀉扁舟信沿洄氣韻何瀟灑誰與好
賢心丹素入圖寫山陰懷古意欲攬不盈把賦詩心夷
猶六義媿騷雅西風塵冥冥倘有知音者

房皞

題張信之見山堂

自古朝市人罕與山相會山豈欲遠人人自與山背張
侯創新居正在闌閣內何以得青山坐上日相對胸中
有丘壑眼前無障礙人物既蕭散山不問內外晚來天
氣佳收目入清快乾坤無一塵草木有多態千里好風
來幾縷殘霞在拄笏當此時未覺功名大

段克已

同封仲堅采鷺鷥藤因而成詠錄寄家弟誠之

兼簡李衛二生

有藤名鷺鷥天生非人育金花間銀蕊翠蔓自成簇寒
裳涉春溪采采漸盈匊藥物時所需非為事口腹牛溲
與馬勃良醫並猶畜況此香色奇兩通鼻與目尤善療
瘡瘍先賢講之熟世俗不知愛棄置在空谷作詩與題
評使異凡草木

贈荅封仲堅

念昔始讀書志本期王佐時或不我與觸事多輒軻歸
來濯塵纓羸裝聊解馱午芹多奇峰流水出其左誓求
十畝田於此養慵惰種椒盈百區栽竹僅萬个自謂得
所依心口默相賀經營久未成蘊積乏奇貨低回不能
去借宅便高卧始構茅三間椽桷久摧挫暑雨畏霖潦
霜風苦掀簸豈無富貴人粟帛救寒餓恥隨肥馬塵擁
鼻不敢唾淹延歲月深十手指慵悞塵薶劔鋒缺彈缺
悲無奈時當春之仲桂魄月半破丁丁聞啄門有客來
相過探懷出新作高唱成寡和清辭麗卿雲齊梁那復

課蹇余鞭不前躑躅蟻旋磨枯腸藜莧苦竒字厭搜邏
君乎真可人沽酒酌通播酒酣膽氣麤狂言驚四座舊
遊渺何許行路方坎坷作詩寄同聲別離傷老大

寄張弟器之

愛酒陶彭澤映世清節耀乞食賦新詩不復事邊徼士
生多軼軻異代或同調東山不可作敢望蟠溪釣壺觴
聊自傾登高一舒嘯但恐汗世塵永為達人笑

山堂久岑寂晏坐度昏曉倚壁一蒲團幽人活計了日

欽定四庫全書

御選全詩

卷四

高鼎茶鳴風細爐煙裊曳杖步庭除看雲頭屢矯安得
謫仙人神遊八極表

段成已

吾兄同仲堅采鷲鷲藤於午芹之東溪因詠詩

見示前代詩人未嘗聞賦此者此花長於田野

籬落間人視之與草芥無異是詩一出好事者

將知所貴矣感歎之餘敬次其韻有與我同志

繼而述之不亦懿乎

微雨洒郊垆百卉欣並育幽花發溪側間錯金珠簇徐
看是鷲藤香味濃可掬忍飢出新句大笑負此腹遺落
榛莽間采擷誰見蓄情知無俗姿安能悅衆目先生日
來往東溪路應熟一經題品餘名字耀巖谷遇合良有
時不在異山木

呂氏用靜齋

兩岸夾嵯峨一水中委蛇是間有高人靜與山林期結
茅並溪石故迹司空遺因山愛其山佳處應自知心閒

欽定四庫全書

御選全詩

卷四

境隨勝眼靜山增竒寥寥丈室中日用夫何為不書吐
吐事高詠休休詞無人書一編有興酒數卮便是一生
了安問著與龜依依中條雲夢想紫芝看昨朝寄書至
謂我來何時急營買山錢已覺從君遲他年兩絕牀分
忍西山飢

蒲城董公余素不識其何如人也一日油橫軸
所謂龍窩圖者同仲堅見過而以詩見謁余雅
不能文詩尤非所長者加之老病日久縱不避

拙惡亦安能為他人椎肝腎耶渠請益堅余重
違封意且念其勤姑因所見以敘之云爾

封生攜客來謁我蓬蒿裏軒軒抗塵俗不知誰氏子所
主我既賢伊人亦云喜探懷出新圖一語煩舉似蹇余
不能文三請意未已溪山有素期入眼盡其美層雲蔽
重淵萬木夾兩溪飛流瀉絕壑千丈垂幅紙餘霏散如
霧點滴亂紛委何物竅其傍相傳龍所止廟貌寄空山
何代為經始年深祭血乾亂久誰復祀威靈昔所聞對

欽定四庫全書

御選全詩

卷四

三

面隔千里誠通感必應雖遠猶在邇巍巍窟宅尊安卧
久不起何當洗甲兵倒挽幽溪水

余懶日甚不作詩者二年矣間者二三子以歌
詠相樂請題於吾兄遜菴遂以歲月坐成晚命
之因事感懷成五章以自遣志之所之不知其
言之陋也覽者將有取焉

負暄頽檐下病骨喜新霽微風動天宇木葉墮虛砌緬
懷平生事奔走愧非計投身田野間心迹得少憩時榮

豈不慕省躬自當逝薇蕨滿春山猶可以終歲

罷書掩關卧窗牖亂清樾風枝驚宿鳥札札畏顛越葉
聲走前庭誤聽雨未歇不知霜已重但覺寒切骨耿耿
不能寐起坐候明發試問夜如何虛檐轉殘月

晨起坐高齋鳥啼幽寂破小兒具文墨信手供日課既
無寵辱驚又不至寒餓自量亦云幸到此能幾箇更欲
希世榮所望毋乃過蒲團正温厚得穩且安坐

連蹇拙進宦艱難昧理生一事且不免況欲二者并忍

欽定四庫全書

御選全詩

卷四

三

窮分所安不為世所縈牀頭一卷書淨洗胸次平偶逢
會心人款款話中情瓶儲喜不空今年賴西成

青山如有情向人呈偃蹇我本山中人一出偶忘返崎
嶇半天下始覺居山穩力極勢自迴若不費推挽稅駕
良自茲千里豈云遠舉手謝山英應笑歸來晚

陳子正容安堂

陳子少英邁逸氣不可挫典刑肖乃翁出語輒驚座行
止非所能造物聽掀簸功名鷹在鞞歲月蟻旋磨區區

一邑中十載供史課結廬慕淵明志向有許大淡墨寫
形似終日相對坐一室足我容百念付慵慵青山隱檐
檻流水出其左植花數十叢種竹千百个事來若機張
事去如甌隨浩然方寸間不受一塵宛豈無二仲賢閒
暇日相過有酒相獻酬有詩互賡和溪山入笑談珠玉
霏咳唾徜徉天地間一物莫非我醉來語更真卿去我
將卧主人正高枕山鳥莫啼破

松陽歸隱圖

欽定四庫全書

御選全詩
卷四

落落出世入視世猶穠秣獨惟愛山緣一念未渠已嘗
行松陽道經觀畧可紀有山皆孱顏有水盡清泚寒藤
絡古木奇花開芳枳風從四山下紅綠亂紛委雲日互
蔽虧百態呈怪詭微泉不知處叢蒼鳴宮徵山鳥忽驚
飛花落空巖裏靜聞雞犬聲人家應在邇百年能幾日
山間有餘畧孰知桃花源不出武陵水回首視人間器
噐足塵滓便擬結椽茅息息迫行李一來汾沮洳留滯
緜幾祀幽懷渺難忘淡墨寄形似舊遊一經眼未往差

可喜此心本無著夫豈為物使昔何從而來今何從而
止翛然來往間於是得之子幻影竟安用我亦聊爾耳
一笑兩忘言庭花委階祀

題梁氏靜樂堂

攘攘區中人役心名與利於身竟何有乾沒不少置叔
敬有耳孫犖犖與時異一官不肯覓閒居養高志築室
塵境中中有塵外意方其厭器啾歸來行少墜牀頭一
卷書淨洗紛華累苟能樂其樂寧復事吾事見客不吝
情有酒即成醉為問東華塵何如北窗睡清風吹我懷
萬事覺無味誰知方寸間自有清涼地

曹之謙

感寓

中林有幽蘭羅生雜眾草地僻人不知芬芳空自好巖
霜凋古木歲晚難獨保願充君子佩採擷尚未早安得
清風來吹香出林表

閔中作

欽定四庫全書

御選全詩
卷四

雄雞啼一聲驚起五更睡出門何擾擾競逐名與利冥
冥車馬乘白日暗城市蕭條蓬蒿居獨有羲皇地高情
杳秋雲靜性凝止水俛仰天地間淡然無一事

秋日雜詩

山中有佳人考槃歌在澗別來今幾時歲月忽已晏相
思不得書矯首望飛鴈

天游老人

題熊耳山

熊山為一丘漳水為一壑夜眠雲底牀晝登雲外閣不
知如何人得來享此樂自恨塵緣深不能頓辭爵

欽定四庫全書

御選金詩

卷四

三六


御選金詩卷四

謹案第十六頁前三行朝我何所營按宋元詩會
載此詩無此下四句今仍刊本

第十八頁後二行霜氣條已淒刊本條訛候據元

遺山集改

欽定四庫全書



總校官庶吉士臣侍朝
校對官檢討臣蕭九成
謄錄監生臣李本

欽定四庫全書薈要

集部
御選金詩卷五
六

欽定四庫全書薈要卷一萬八千三百九十一 集部

御選金詩卷五

七言古詩一

蔡松年

晚夏驛騎再之涼陘觀獵山間往來十有五日

因書成詩

兜羅蔥鬱浮空青曉日馬頭雙眼明
名山不作世俗態千里傾蓋來相迎
老松閱世幾千尺玉骨冷風戰天碧

欽定四庫全書

御選金詩
卷五

應笑年年空往來塵土勞生種陳迹
山回晚宿一川花翦金裁碧明煙沙寒
鄉絕豔自開落欲慰寂寞無流霞
明日行營獵山麓古樹寒泉更深綠
強臨水玉照鬢毛只恐山靈怪吾俗
陂潮不盡水如天清波白鷗自在眠
平時朝市手遮日思把一竿呼釣船
驛騎回時山更好過雨秋容淨如掃
山英知我宦遊心為出清光慰枯槁
可憐歲月易侵尋慙愧山川知我心
一行作吏豈得已歸意久在西山岑
他年俗累龐能畢雲水一區供老佚

詳校官原任主事 臣 李斯咏

舉杯西北酹山川為道此言吾不食

小飲邢巖夫家因次其韻

東風初度野梅黃醉我東山雲霧窗只今相逢暮春月
夜牀風雨翻寒江人生離合幾春事霜雪行侵青鬢雙
大梁一官且歸去酒腸雲夢吞千缸

宇文虛中

白菊

西風蕭颯百草黃南齋白菊占秋芳主人好事不專饗

欽定四庫全書

御選全詩
卷五

二

擷送客館分幽香幽香清豔兩難得冰雪肌膚龍麝裏
悄然坐我藥珠宮玉斧瑤姬皆舊識仙家莢菊名日精
我今號爾為月英月中風露秋夕好感此仙種來曾城
憑君傳與金天令月與霜姿駐清景重陽好伴白衣來
五柳先生憶三徑

還舍作

燕山歸來頭已白自笑客中仍作客此生悲歡不可料
况復吾年過半百故人驚我酒尚狂為洗餅罍貯春色

酒闌人散月盈庭靜聽清渠流瀼瀼

邊元鼎

八月十四日對酒

梧桐葉彫輓轡井萬籟不動秋宵永金杯瀉酒澁十分
酒裏華星寒炯炯須臾蟾蜍弄清影恍然不是人間景
金波淡蕩桂樹橫孤在玻璃千萬頃玻璃無限月光冷
頰洞一色無纖穎清風颯颯四坐來吹入羲皇醉中境
醉中起歌歌月光月光不語空自涼月光無情本無恨

欽定四庫全書

御選全詩
卷五

三

何事對我空茫茫我醉只知今夜月不是人間世人月
一杯美酒蘸清光常與邊生舊交結亦不知天地寬與
窄人事樂與哀仰看孤月一片白玉露泥泥從空來直
須卧此待雞唱身外萬事徒悠哉

馬定國

秋日書事

南山悠悠去天尺雀寒未晚爭投棘野人籬落不勝荒
溪欲絕流堆亂石小園蔬藥知有無未免杖藜煩兩屐

霧蒙甘菊細莖紫風動牽牛晚花碧鄰舍翁歸竹几空
秋天日落松窗寂小杯翻酒足自娛閭巷浮沈真可惜
朱之才

次韻東坡跋周昉所畫欠伸美人

巫峽昭君有奇色毛生欲畫無由得但作東風背面身
看來已可傾人國朝來睡起髻髮垂手如春笋領蝸蟻
繡帷幽夢斷難續想像翠黛顰修眉春光三月濃於酒
燕燕雙飛鶯喚友不教膩臉露桃花且喜腰支似楊柳
君不見漢宮多病李夫人轉面不顧君王嗔古來畫工
畫意亦自足煙霧玉質何由真

復用九日詩韻呈黃壽鵬

忽忽天星二十九當年曾醉瓊林酒癸未歲登科第
適二十九年春
風射策紫垣深猶記靈和殿前柳與君雖異千佛名出
入南宮同戶牖春蠶食葉七千人看君運筆如揮帚妙
齡忠氣軼衡嵩餘子紛紛真培塿那知晚節岱陽城白
髮蒼顏兩間史君材有如萬斛舟顧我碌碌才筭斗時

窮壯士或飯牛遇合封侯起屠狗東臯有田供王賦天
寒且輟扶犁手寂寥主賓對書冊火冷燈青夜方久先
生乘興肯相過亦有青錢沽玉友

七夕長短言

牛不可以服箱女不可以成章其名則然實豈爾政如
箕斗難挹揚河漢特水象安有波浪為津航惟鵲乃巢
居詎能上天構橋梁星經有躔次東西永相望今夕復
何夕乃謂合并如鸞皇一人唱誕惑萬世浪令兒女爭
猖狂瓠牛載槃何等秩金梭擲地殊荒唐吾命有貴賤
吾性本直方探官與乞巧是豈吾所臧何如舉酒邀明
月更遣清風屏炎熱星光落盞黃金空露華糝袂真珠
滑我方幕天席地醉兀兀癡牛駭女知何物

朱自牧

晨起趨省

鄰雞一唱僕再呼三星已在東南隅霜風繞屋伺我出
布衾尚欲留須臾才疎性懶真勉強飢寒見迫誰能遁

山靈笑我真有謂能使我庚如陵乎

自鄜州歸至新市鎮時方渡險喜見桑野

閭山自天降為田洛水自瀑舒為淵山川險盡鞍馬穩
昔居檠棹今乘船三年官業無毫髮萬里裝囊更蕭瑟
歸來何以謝鄉閭細說艱難為土物

自鄜州罷任歸宿澠池道中有虎為暴

峭山之阿澠之澣行路蕭條正艱阻日落山空澗水哀
市門靜閉防飢虎前年張茅殺餉婦今歲食驢斷行旅
我來萬里逐一官安可不戒為汝脯晝持弓矢夜枕戈
靜匿兒童防笑語白額將軍莫笑人世無劉琨當畏汝

蔡珪

醫巫閭

幽州北鎮高且雄倚天萬仞蟠天東祖龍力驅不肯去
至今鞭血餘殷紅崩崖暗谷森雲樹蕭寺門橫入山路
誰道營丘筆有神只得峰巒兩三處我方萬里來天涯
坡陁繚繞昏風沙直教眼界增明秀好在嵐光日夕佳

欽定四庫全書

御選全詩
卷五

六

封龍山邊生處樂此山之間亦不惡他年南北兩生涯
不妨世有揚州鶴

保德軍中秋

定羌城下河南流定羌城上三層樓使君置酒勞行役
今夕何夕當中秋孤燵落日明天末洶湧碧雲俄莫合
惺惺騎馬雨中歸造物戲人無乃虐紉如戍鼓方三更
夢回一室還虛明出門驚笑遽如許浮雲四捲秋天清
誰家高會舉珠箔笑語聲從雲外落倦客明朝又短亭
行人何似居人樂

劉長言

通叔以詩送古鏡為長言生日之壽次韻謝之

綵衣祿隱非矚仙猶有向來文字緣都城一別兩歲晚
寄聲勞苦常相先人間始生俗禮重而我永感方頽然
遠憑詩句致奇物欲挽暮景迴虞淵規摹九寸函大方
古製不作菱花妍開奩拂拭愧陋質但喜虹氣浮晴天
夫君久要心不遷期與鐵杖論清堅保身賴此孤月圓

欽定四庫全書

御選全詩
卷五

七

明年上印歸行由

任詢

庚辰十二月十九日雪

馮夷掬水翻銀璣北風浩浩如兵威瓊臺玉樹壓金碧
三十六宮明月輝五更待漏雞人唱近衛臚傳九天上
須臾龍馭踏飛瑤萬戶千門寂相向皓齒才人宮袖窄
巧畫長眉梅半額含嚙一笑競春妍繡勒錦韉生羽翮
城外雪深迴馬首別殿傳觴燈作晝歡聲一曲借春謠
欽定四庫全書 御選全詩 卷五 八
半夜西園滿花柳霑濡已見盈阡陌況是隆冬見三白
帝力如天人得知今慶明年好春澤

浙江亭觀潮

海門東嚮滄溟闊潮來怒捲千尋雪浙江亭下擊飛霆
蛟蜃爭馳奮鬚鬣鉅鹿之戰百萬集呼聲響震坤軸立
昆陽夜出雨懸河劔戟奔衝潰尋邑吳儂稚時學弄潮
形色沮濡心膽豪青旗出沒波濤裏一擲性命輕鴻毛
須臾風送潮頭息亂山稠疊傷心碧西興浦口又斜暉

相望會稽雲半赤詩家誰有坡仙筆稱與江山作勍敵
援毫三叫句不成但覺雲濤滿胸臆

孟宗獻

龔平甫森玉軒

古人借宅亦種竹大是饕奇心未足高齋聞有萬琅玕
坐對懷山飲秋綠官閒勝日無一事尊酒不空仍有肉
他時剝啄叩君門高枕矮牀容我宿

舊蓄一琴棄置者久矣李君仲通為張絃料理

仍鼓數曲以詩贈之

我家箏奴憂樂同塵埃滿面鬚髮蓬徽絃不具挂牆壁
似慙無以娛衰翁夫君一見為披拂坐使寒谷回春融
中含太古意味足雜以新態來無窮繁聲流水不可喻
直與造化相冥通形神久已坐灰槁一旦抉剔驅盲聾
寂然反聽香難詰但覺萬竅俱玲瓏千金不得和扁力
誰謂起廢由枯桐曲終元旨竟誰會非絃非指仍非空
拂衣欲往君且止為我乘興彈悲風

欽定四庫全書 御選全詩 卷五 八

欽定四庫全書 御選全詩 卷五 九

梁襄

謁禹王廟

波涵九域民為魚帝奮忠勤親決除水涸茫茫盡桑稼
萬世永賴功誰如功高受饗宜閔久廟貌方方無不有
砥柱神靈最偉奇會稽血食尤隆厚父山所建在空山
庠殿短廊纔數間遊謁人多題字鬧祭祀禮數儀尊閒
欽惟帝道崇勤儉此郡民繁地磽嶮辛苦耕耘衣食麤
乞偏孚祐無令歎

欽定四庫全書

御選全詩
卷五

十一

党懷英

徐茂宗蝸舍

萬生擾擾安其安鸞鳩不羨鵬飛搏端知扶搖上九萬
無異跳躍蓬蒿間是身江海一漂粟身外紛然皆外物
一塵倘可容所寓何用渠渠作高屋知君從道由心成
昔焉忘俗今忘形物來弭角不知競觸蠻血戰良虛名
我夢敲門訪君舍舍小不容相對話覺來驚見壁間蝸
俯仰人間真物化

壬辰二月六日夜夢作一絕句其詞曰矯冗連

天花春風動光華人眠不知眠我佩絳紅霞夢

中自以為奇絕覺而思之不能自曉故作是詩

以紀之

夢中作詩真何詩夢中自謂清且奇覺來反覆深諷味
字偏句異誠難知豈非夢語本真語無乃造物為予嬉
君不見莊周古達士栩栩尚作蝴蝶飛我生開眼尚如
此況在合眼夫何疑

欽定四庫全書

御選全詩
卷五

君錫生子四月八日

左君錫前
北名士

堂前種護憂可忘不知生兒喜殊常嘔啞啼笑綵衣側
滿堂和氣生嘉祥燕寢香凝佳夢兆與佛同生佛親抱
我來初見出錦綉肌肉照人看字好世間兒子空紛紛
如君此兒真慰人薊山東盤出英秀政與德門宜子孫
天馬駒海鶴子氣骨初成便超異籟雲冲霄從此始

黃彌守畫吳江新霽圖

江雲捲宿雨江風散晨煙山光煙雨潤欲滴影隨江水

空明間修娥新粧翠連娟下拂塵鏡窺明罽漁舟來何
許觸破青茫然中流水肥魚逆上受網應有松鱸鮮借
問張季鷹西風幾時還漁郎理網喚不應但見水碧江
涵天如何塵埃中眼界有許寬道人胸次陂萬頃為寫
此境清而妍蒼岨無塵樹影寒直欲坐我苔磯邊我家
竹溪陰小艇橫清漣異時赤脚踏兩舷不應尚作披圖
看

金山

我從渡淮涉高郵雪風連日吹行舟維揚地西闔夜色
星月隱見邊城樓晴光破曉射瓜步照耀玉宇開瓊洲
馮夷收威浪妥帖容我一到金山頭金山勝槩冠吳楚
萬礎蟠峙江中流平生夢寐不到處乃以王事從私遊
鍾山雨花落眼底海門鶴崖波際浮川開林闔望不極
但見遠色明輕鷗風煙渺漭異吾土行役有程難久留
一杯未舉帆影轉已看浙樹捎旗旒

和濟倅劉公傷秋

川流為瀦鉅野闊水色天容兩開豁山隨水遠勢奔騫
駿馬西來銜轡脫山前雲木散不收坐看木末來歸舟
秋容澄明納萬象畫本寂默橫雙眸謫仙曾來釣煙磧
想見夕陽寒影隻騎鯨去作汗漫遊只有荒臺壓澄碧
臺邊昨夜西風來倦游羈宦心悠哉豈無瓊艘百柁載
春色是中可以忘形骸官居得秋況不惡高吟何遽悲
搖落君不見中郎詩翰憶湖山秋色正滿連雲閣

題春雲出谷圖

春雲乍出山有無春雲已去春山孤山光空濛不可寫
正要雲氣相縈紆山吞雲吐變明晦半與巖谷生朝晡
輕林蕭蕭暗溪樹餘影漠漠開樵居舟人艤棹並沙尾
坐看縹緲搖空虛巧分天趣出畫外韻遠不與丹青俱
今人重古不知畫但愛屋漏煙煤汗惜哉東坡不及見
此本詩中獨有疊嶂煙江圖

新泰縣環翠亭

官居坐官府不見青山青閒來亭上看青山遶重城左

見青山縱右見青山橫具教浮虛碧崢嶸羣峰連娟相
繚縈縣庭無事苔蘚生獨攜珍琴寫溪聲琴聲鏘鏘激
虛亭罷琴舉酒招山英山英莫相嘲我雖朝市如林垞
客有山中來聞說令尹清山英異時合有情周遮不放
公馬行

送崔深道東歸

君從鬱蔥幾時來鬱蔥山色空崔嵬白雲已自動歸意
蟪蛄蚻蚻況可懷薰風濁酒非莓苔那知空齋響蚊雷

欽定四庫全書

御選全詩
卷五

十四

酒酣臨風解相憶喚取玉笛傳清哀

楚清之畫樂天小娃撐小艇偷採白蓮回不解

藏蹤跡浮萍一道開詩因題其後

樂天歸卧湖山邊閒買池塘娛暮年小蠻已老樊素去
心地玲瓏如白蓮室中誰遣散花天故點禪衣香破禪
鴛鴦為報竊花處題詩要戲小嬋娟紅妝秋水照明燭
清之粉本清且妍道人無心被花惱對畫作詩真適然
君不見元亮投名蓮社裏不妨更賦閒情篇

題大理評事王元老雙橋堂

朱橋復朱橋傳分包貢實煌煌中堂榜奇畫照公堂前
護草碧公今致養豐祿食更取蠻珍奉顏色舉觴一笑
三千秋坐看諸孫索梨栗

劉迎

梁忠信平遠山水

憶昔西遊大梁苑玉堂門閉花陰晚壁間曾見郭熙畫
江南秋山小平遠別來南北今十年塵埃極目不見山

欽定四庫全書

御選全詩
卷五

十五

烏鞞席帽動千里只慣馬蹄車轍問明窗短幅來何處
亂點依稀澹寒具煥然神明頓還我似向白玉堂中住
濛濛煙靄樹老蒼上方樓閣山夕陽一千頃碧照秋色
三十六峰凝曉光懸崖高居誰氏宅縹緲危闌蔭青樾
定知枕石高卧人常笑騎驢遠遊客當時畫史安定梁
想見泉石成膏肓獨將妙意寄毫楮我愧甫立隨諸郎
此行真成幾州錯區區世路風波惡還家特作發願文
伴我山中老猿鶴

連日雪惡用聚星堂雪詩韻

朔風朝來放雲葉紛紛吹落龍沙雪山河大地同一如
變化須臾亦奇絕參天松頂老猶強搶地竹頭低欲折
亂飄書帙愛窗明狂入地爐驚火滅重衾方擁膚尚粟
凍筆將書肘先掣未容衰白點鬢華只許醉紅生面頰
何人清唱隨梁塵有客高吟霏鋸屑昔賢句法今尚在
斷臂阿誰心地瞥後生曠世安敢望故事歷劫徒能說
是中聖處公會無一粒靈丹工點鐵

欽定四庫全書

御選全詩

卷五

十六

鰕魚

君不見二牢山下獅子峰海波萬里家魚龍金雞一唱
火輪出曉色下瞰扶桑宮榭林葉老霜風急雪浪如山
半空立月闕軒騰水伯居瓊瑰噴薄鮫人泣長鏡白柄
光芒寒一葦去橫煙霧間峰巒百疊破螺甲宮室四面
開螺山碎身粉骨成何事口腹之珍乃我崇郡曹受賞
雖一言國史收痴豈非罪筠籃一一千里來百金一笑
收美材色新欲透瑪瑙盃味勝可浥葡萄酒飲客醉頰

浮春紅金盤旋覺放箸空齒牙寒光澈明月胸臆秀氣
噴長虹平生浪說江瑤柱大嚼從今不論數我老安能
汗漫游買船欲訪漁郎去

題十省圖

寶箱拂塵金屈戌周昉丹青見真筆春風曾憶賦妖嬈
人共畫圖成十一燭奴香底花光凝錚錚鐵響聞三更
車聲雷動不通語眼態波橫空送情蠻雲盤鶴遼天闊
犀玉依依對書札人生何處不相逢還醉武陵溪上月

欽定四庫全書

御選全詩

卷五

十七

雲中君圖

衣若新沐蘭湯薰靈巫拜舞方迎神恍然相見帝者服
九歌昔詠雲中君畫史亦可人妙入造化域羽衣玉塵
美且閒此意不知何處得空明倏忽紛溟濛胡為眷眷
臨壽宮飄然來下復遠舉想像決去隨飛龍祠空人散
秋蕭瑟落日猿聲喚秋色湘天極目青茫茫憑高一望
無南北

楚中清曉圖

山涓涓江茫茫綠山林木老已蒼穿林細路縈羊腸汀
洲人家蘭杜香兩山秀出江中央宛如雙劍森鋒鋌層
巒架空化寶坊墪波突兀一氣傍雞聲嗶嗶林鳥翔顧
瞻暑色開東方清風宿霧方蒼涼兜羅綿網淡平野紫
磨金餅暎浮桑櫓聲纔動欲離岼鐘韻已殘猶殷床當
年有米維楚狂生子亦復肖阿章想從乃翁住朝陽收
拾山綠餐湖光膝前翰墨觀琳瑯此圖戲出遂擅場彼
衆史者何敢當不然安得牙籤犀軸古錦囊賞鑒一朝

欽定四庫全書

御選全詩

卷五

十八

蒙古皇

題劉德文戲綵堂

郵傳文書日傍午過眼不容留頃許先生遣決談笑間
退食歸來奉慈母吾不愛錦衣榮歸誇梓里吾不愛繡
袞徒步登槐府傳家所愛作寧馨入室不愁無阿堵堂
中怡愉奉顏色堂下嬉戲同兒女十分壽筭汎醇酎五
色綵衣紛雜組映堦萱草弄春色循陔蘭葉榮朝雨先
生蘊藉古人似早歲聲名天尺五拘縻豈合坐冗曹獻

納直宜趨禁所更書屈指今幾日矻看褒詔傳天語龍
光歆豔動庭闈湯沐疏封分郡土芝封鈿軸爛雲錦羽
衣寶帔輝金縷形容何止入畫圖歌詠亦須流樂譜區
區賤子獨何幸晚喜宗盟同鼻祖他年一笑約升堂萬
石尊前拜嚴姥

郭熙秋山平遠用東坡韻

槐花忙過舉子閒舊遊憶在夷門山玉堂會見郭熙畫
拂拭縑素塵埃間楚天極目江天遠楓林渡頭秋思晚
煙中一葉認扁舟雨外數峰橫翠巘淮安客宦踰三霜
雲夢澤連襄漢陽平生獨不見寫本慣飲山綠餐湖光
老來思歸真日日夢想林泉對華髮丹青安得此一流
畫我橫筇水中石

袁輔之得鄴南城注雨瓦筒以之支琴

鄴城城南青雀來五樓突兀肩三臺胡桃萬瓦淨如水
春陰不敢生莓苔簷雨闌干三百尺多年雨齒空階石
繁華已逐水東流斷甃時從耕者得可憐此君落君手

欽定四庫全書

御選全詩

卷五

十九

愛之不博連城壁錫花如雪錯菱花小字興和猶可識
晴窗拂拭支桐君上下一般蛇蚶文哀彈遽止不成弄
千古雨聲愁殺人

王庭筠

舍利塔

蒼山亭亭如覆盎佛塔東西屹相向林頭朝日射重簷
黃金丹砂暎生光中華此塔第十五圖記所傳知不妄
智慧薰成舍利羅夜半奇芒時一放想見當時阿育王

欽定四庫全書

御選金詩

卷五

三

麾叱神工鞭鬼匠雲車瘴海挽炎沙沙底黃腸三萬丈
石排方面蔑石段鐵錮瘦中腰鼓樣功夫精密業長久
位置尊嚴氣高張地皮浮水膚寸許旱溢與之俱下上
崧山歸山夏秋雨雨潦從衡歲相盪天龍圍護夜叉守
終劫不敢生波浪塔前樹秀老不死樹下水流多益壯
再拜初嘗一勺甘洗我三生煩惱障

王琢

癸酉歲大熱

似動不動雲蒸空欲雨未雨天無風時時日脚蹴雲破

一射萬土紅爐中纖絺挂體劇重鎧大屋僅可為樊籠

積水為丘坐自潰輕策況得微涼通山林亦聞有渴死

城市偏側宜無容吾生於熱亦屢度此熱盡可并前鎔

雖然一氣播常令頓作駭異疑非公曾聞天南有祝融

出入毒霧騎雙龍自從鼎去昧神怪無乃煽處行心胸

手搖斗柄酌炎海力逐熯怒乘離宮喜為鬱蒸怒為火

流爍金石乾河洪熾昌自欲弄朱夏驕寒未肯官炎農

欽定四庫全書

御選金詩

卷五

三

霞煙灼灼燥昏曉鳥獸喘喘茫西東此而不制滿三伏

遂恐百物隨枯蓬太白之兵攢萬鋒銀河之浪滔無窮

可洗虐焰夷姦凶我欲呼想煩神功耿耿九虎天關重

趙溈

和崔深道春寒

長風忽落青林端風聲洶若江聲寒太陰盤礴亂天序

推書撲筆成長歎美人何許媼幽獨使我不見心無歡

頗聞隱居誦莊屈篷窗坐擁塵編殘琴歌酒賦雨寂莫

懸知此興殊未闌
遲君一來吐款要
舉杯放目雲天寬

西城觀水

西山秋水來天地
巨野橫流浩無際
長風颯浪鱗甲生
兩角斜分半山際
繚堤壯去接飛橋
鼓鞞洶洶翻驚濤
中流突兀玉山起
直疑河伯驅靈鼈
冷光搖蕩秋雲白
渾似夢中遊震澤
隔林我欲喚漁郎
孤帆忽如過鳥翼
安得酒船常拍浮
四時甘味置兩頭
何人與我同此樂
潁陽試覓元丹丘

欽定四庫全書

御選全詩

卷五

三十三

路鐸

高唐劉氏駐春園

風光去人無咫尺
人自塵勞不相及
此心既定境從之
雪樹霜林亦春色
劉翁有道久陸沈
十年種樹今成陰
醉鄉天地白日永
鷓鴣粟留皆好音
良辰行樂今已矣
依舊東流泛蘭芷
誰道青春挽不留
鯉庭看取新桃李
膏車秣馬吾將歸
誓與清景相追隨
安用苦求三徑資
明月常滿千家墀

劉昂

都門觀別

買酒消閒愁剪刀
剪流水閒愁不可消
流水無窮已悠悠
窗下斷腸波總是
行人隨淚多門外
馬嘶思遠道小
嘯猶唱渭城歌聲
未斷征鞍發望斷
垂楊人影滅斜陽
照影却歸來兩地
相望今夜月閱人
多矣主人翁離別
都歸一笑中陌上
行人終不悟年年
楊柳怨春風

周昂

清放齋

平生眼白嫌物俗
此身誰要冠帶束
茶甌飯飽一飲足
卧聽松風仰看屋

莫州道中

大陵河東古莫州
居人小屋如蝸牛
屋邊向外何所有
唯見白沙累累堆
山丘車行沙中如
倒拽風驚沙流失
前轍馬蹄半跛牛
領穿三步停鞭五
步歇雞聲人語無
四鄰晚風蕭蕭愁
殺人人有禱沙應
神遼東老兵非使

欽定四庫全書

御選全詩

卷五

三十三

臣何必埋却雙行輪

利涉道中寄子端

行武昌望利涉高青煙低白雪岡陵瀾漫溝澮滅氤氳
冷日從東來照我清影忽作溪水卧明月凌兢羸馬蝟
毛縮詰曲微行蛇腹裂遺鞭脫鐙初不知指僵欲隨骨
欲折羶裘毛襪良可念我自無備誰從輟人家土榻借
微暖坐久清冰落鬚頰黃花懼仙怯風馭久向笙歌窟
中蟄徑須持此遠相餉一洗夜堂花酒熱

欽定四庫全書

御選全詩
卷五

三四

底柱圖

鬼門幽險深百萬人門逼窄逾兩牢舟人叫渡口流血
性命咫尺輕鴻毛開圖頓覺風雷怒素髮飄蕭激衰腐
河來天上石不移安得此心如底柱

王礪

暮春郭南

大梁城外孤臺傍煙昏水碧春林芳憑高極目見歸鴈
風物令人思故鄉紫金山下斜陽暮萬里川光照雲樹

山間細雨花落時何人來往東風路

田特秀

題獻陵梁氏成趣園

淵明昭曠人韻高難適俗折腰肯為五斗米三徑歸來
理松菊千年何人為賞音伯鸞之孫懷古心幽園日涉
自成趣手植佳木成清陰問公是中有何好杖屨婆娑
不知老涼風月夕竹自笑輕雲春晝花相惱鴻飛冥冥
無弋網萬事不理醉醇釀忘機便是葛天民高情真到

欽定四庫全書

御選全詩
卷五

三五

羲皇上人生古今貴適意兩公解作一生事君不見平

泉樹石名九州主人萬里著窮愁

蕭貢

中秋對月

去年中秋客神京露坐舉杯邀月明今年還對去年月
北風黃草遼西城年年月色長清好只有悲秋人易老
兒童不解憶長安歌舞團圍繞翁媪人生宦游真可憐
不知何處度明年預愁老罷廢詩酒負此冰玉秋嬋娟

我生萬事隨緣耳居自無憂行亦喜君不見杜子閨中
只獨看鄜州寂寞千山裏

趙秉文

秋懷次高參軍韻

秋風蕭條秋氣傷歲云暮矣思故鄉客行未歸正落木
鴈飛不下空斜陽白草岡頭風似箭黃沙戍下月如霜
聞君近有從軍作愁思與之誰短長

倣太白登覽

扁舟過海島風便一日爾咫尺不可期波濤四十里劫
來雞山下具浴桃花湯洗盡塵土骨心期雲水鄉夜夢
挂席南斗傍金山寺影水中央海雲噓蜃化樓閣撞鐘
擊鼓聞海陽施食狎鷗沾法味銜花馴鹿散天香夕陽
萬里鷗沒處水涵天影青茫茫臨風朗誦太白句鳥飛
不盡吳天長海山道人種白玉碧眼方瞳照巖谷遺我
天書三十六糲糊塵眼不可讀醉乘天上紫玉麟一問
東海青童君天風吹衣毛骨冷銀河倒浸扶桑雲麻姑

兩騎垂秋霜人間滄海變耕桑歸來笑撫靈松下春風
幾度桃花香

霜葉

天上設色繪雲屏山光劈破煙嵐青夕陽閃閃見鴉起
晚風蕭蕭吹客醒林間老僧倚瘦藤一枝秋水冷金瓶
日暮千巖秋影裏紛紛吹落讀殘經

人日遊西山寺觀謝章壁畫山水

蕭寺荒堂三五間謝章滿壁畫江山天涯霜雪少春意
一日攜酒開心顏飢禽穿窗啄官粟歲久利牆樵指禿
山僧送客不關門寒雲夜夜飛來宿

重九登冷禪寺冷翠軒

北風吹倒磨雲峰冷然雙角蟠白龍邊城雪花大如席
黃花紅葉誰為容冷禪西軒作重九登高望遠開心胸
煙嵐捲盡暮山碧冷雪萬里迷元穹山北花豬大如馬
割鮮飫食如長虹酒酣起舞望兩寺烏鷺踏雪摧長松
天低日落望不盡一徑何處來樵踪君不見七金山下

打圍處貂裘風帽寒蒙茸跑風駿馬下平野迎霜老兔
咻榛叢歸來得雋托朋友臨風一飲輕千鍾飲餘勝地
兩蕭瑟百年聚散如飛蓬明朝却望登眺處城中惟見
白雲封

伯時畫九歌

楚鄉桂子落紛紛江天日暮天無雲煙濃草遠望不盡
翩翩吹下雲中君九歌一曲送迎神還將歌曲事靈均
一聲吹入汨羅去千古秋風愁殺人

與龐才卿雨中同遊太寧山

羣山西來高崔嵬太寧萬疊屏風開半天截斷參井分
夕陽不到吟詩臺近都形勝甲天下況此萬斛藏瓊瑰
青蛟百道走玉骨下赴僧界如奔雷泉聲夜雨倏飛來
冷雲滴破煙嵐堆柏梯可望不可到石鱗冷砌黏莓苔
塢上一鈴時獨語慎勿促裝遽如許徑須攜被上方眠
明日顛崖看懸乳寺後一峰高更寒歸來駐馬更重看
蕭蕭易水寒流廣蒼茫不見雲中山西風栗葉高陽道

澹澹長空沒歸鳥荆卿墓前溼暮螢昭王臺畔沾秋草
擬豁千秋萬古愁更須一上郡城樓西山應在闌干外
注日晴空浩蕩秋

重午遊冠山寺

南風搖百草吹我遊山樊青山映華髮似我頭上冠長
松五月窗戶闕終古不散蒼雲寒步出喬木杪俯視林
下鞍飛亭枕爽塏更覺天宇寬憑高送遠開心顏白雲
青嶂非人間深林冥冥白日暮飛鳥喬喬長空閒夕陽
萬里開野色晉趙形勢空河山臨青老守客癡頑臨風
把酒遺巾綸明朝却望題詩處城樓惟見煙中竿

魯直烏絲欄黃庭

太清虛皇玉景經琅函瓊笈秘始清囊以雲錦金鈿局
四神守衛訶百靈中夜一氣存黃庭元霜瓊膏灌子形
方瞳綠髮魂魄寧上壽千秋下百齡天書下降勅六丁
控駕三素乘風冷鳳笙龍箎超冥冥揚旌抗旆燿飛星
八威吐毒驅雷霆擲火萬里流金鈴仙人拂石劫不聽

笑視人世風中螢世間醉夢徒紛紛三尸調汝丹田螟
有如尾閼泄滄溟一朝神離鳥飛鉗涪翁書法出蘭亭
名書此經實自銘開卷恍然如酒醒養生新發庖丁斲

游華山寄元裕之

我從秦川來徧歷終南游暮行華陰道清快明雙眸東
風一夜橫作惡塵埃咫尺迷巖幽山神戲人亦薄相一
杯未盡陰靈收但見兩崖巨壁插劒戟流泉夾道鳴琳
璆希夷石室綠蘿合金仙鶴駕空悠悠石門劃斷一峰
出婆娑石上為遲留上方可望不可到崖傾路絕令人
愁十盤九折羊角上青柯平上得少休三峰壁立五千
仞其下無址傍無儔巨靈仙掌在霄漢銀河飛下青雲
頭或云竒勝在高頂脚力未易供冥搜蒼龍嶺瘦苔蘚
滑嵌空石磴誰雕鏤每憐風自四山而下不見底惟聞
松聲萬壑寒颼颼捫參歷井到絕頂下視塵世區中囚
酒酣蒼茫瞰無際塊視五岳芥九州南望漢中山碧玉
簪亂抽况復秦宮與漢闕飄然聚散風中漚上有明星

玉女之洞天二十八宿環且周又有千歲之玉蓮花開
十大藕如舟五鬣不朽之長松流膏入地盤蛟虬采根
食實可羽化方瞳綠髮三千秋時聞笙簫明月夜芝軒
羽蓋來瀛洲乾坤不老青山色日月萬古無停翰君且
為我挽回六龍轡我亦為君倒却黃河流終朝汗漫游
八極乘風更覓元丹丘

張翰

贈石德固

西湖之月清無塵橋中之樂猶避秦向來所見止此耳
渠亦豈是真知津如君眼孔乃許大萬事付之塵甌隨
兒能詩書又肯播著脚世間看踏破青巾玉帶桃李花
日斜空望紫雲車布衣誰識隱君子一馬瘡然何處家

高廷玉

天津橋同李之純待月一首

驂鸞追散仙乘槎抵銀潢跳上玉龍背抱得銀蟾光素
娥愁不歸再拜捧瑤觴問以天上事玉色儼以莊爾能

為我歌白雪我亦為爾搗元霜不然借我廣寒殿與我
長作無何鄉傍有謫仙人拍手笑我狂天風忽吹散人
月兩茫茫

壺溪

我觀壺廬溪未易以蠡測大若溪上翁有口吸不得壺
中別是一洞天溪上翁即壺中仙畢竟人間無著處杖
頭挑取屏山去

御選金詩卷五

欽定四庫全書薈要卷一萬八千三百九十二 集部

御選金詩卷六

七言古詩二

龐鑄

雪谷曉裝圖

溪流咽咽山昏昏前山後山同一雲天公談笑玉雪噴
散為花葢白紛紛詩翁瘦馬之何許忍凍吟詩太清古
老奴寒縮私自語作奴莫比詩奴苦木僵石老鳥不飛

山路益深詩益奇老奴忍笑憐翁癡不知嗜好乃爾為
楊侯胸中富丘壑醉裏筆端驅雪落因何不把此詩翁
畫向草堂深處著

田器之燕子圖

田君才略燕雲客少年累有安邊策悔從筆硯取功名
直要橫馳沙漠北塞垣春雪白皚皚東風未放元陰開
烏衣之國定何許一雙燕子能飛來三年驛舍安西道
眼底鶯花無夢到忽見低飛入短簷此身似向邯鄲覺

君居海東我中原相逢乃在穹廬前天涯流落俱為客
感時念遠空潛然長安何限高高閣晝夜風閒開翠幕
底事猜嫌不往依甘從此地風沙惡土人嗜肉無仁心
一生弋獵誇從禽有巢幸穩勿浪出汝身未必輕千金
朝來暮去益狎昵物我相忘情意一但怪重裘積漸添
元是西風催社日須知音巧惟鷓鴣忽來坐隅如告辭
我方留寓未歸得為君忍賦傷心詩詩成自述聊為戲
繫足封之亦無意燕已歸飛我未歸刁斗聲中忽驚歲
旄頭夜落妖氛收嫖姚獻凱歸神州玉關早喜班超入
北海不聞蘇武留君才經世寧終枉幕府須賢來上黨
別後歸期兩及瓜人間秋燕十來往沈沈官舍紅芳稀
葛衣燕居澹忘機忽聞巧語入簷戶大似相識來相依
一飛簷外窺庭樹一上屏山驚不去解足分明得帛書
真是當年留別句天生萬物禽最微固耶偶耶吾不知
古道益遠交情醜朝恩暮怨雲遷移當時握手悲別離
一旦富貴棄如遺聞予燕歌應自疑慎無示之嗔我譏

山谷透絹帖

君不見李廣射虎如射兔霹靂一聲石飲羽又不見巨
靈擘山如擘雲蓮花萬仞留掌痕精神入物物乃爾筆
端有神亦如此熙豐以來推善書日下無雙黃太史胸
中八法蟠虹霓峨嶠仙人容並馳平生敗筆塚累累妙
處不減磨崖碑呂侯好古兼好異與字分身作遊戲清
潭錯落印星壁大澤縱橫散龍蛻又如漢宮粉黛爭嬋
娟倚風顧影影更妍豈無硬黃官紙與臨做畫師寫照
非天然呂侯之子今詩仙傳家以此為青氈須防神物
有時合却逐六丁飛上天

李純甫

雪後

玉環暈月蟠長虹飛沙卷土號陰風黃雲幕幕翳晴空
屋頭唧唧鳴寒蟲天符夜下扶桑宮元冥震怒鞭魚龍
魚龍飛出滄海底吐嗟如律愁神工急料北斗捲雲漢
凌澌捲入天瓢中椎璋碎壁紛破碎六花剪出寒瓏璉

翩翹作穗大如手千竒萬巧難形容恍如隨我銀沙界
清光縞夜寒腫臃肝腸作祟耿無寐試把往事閒追窮
男兒生須銜枚卷甲臂琯弓徑投虎穴策竒功不然羊
羔酒漲玻璃鍾侍兒醉臉潮春紅誰能蹇驢駝著灞陵
東骨相酸寒愁煞儂屏山正吐黃蘗氣笑倒坐間亡是
公

赤壁風月笛圖

鈺鼓掀天旗脚紅老狐膽落武昌東書生那得麾白羽

欽定四庫全書

御選金詩

卷六

四

誰識潭潭蓋世雄裕陵果用軾為將黃河倒捲湔西戎
却教載酒月明中船尾嗚嗚一笛風九原喚起周公瑾
笑煞儋州秃髯翁

送李經

髯張元是人中雄喜如俊鷲盤秋空怒如怪獸拔古松
老我不敢嬰其鋒更著短周時緩頰智囊無底眼如月
斫頭不屈面如鐵一說未窮復一說勅敵相扼已錚錚
二豪同軍又連衡屏山直欲把降旌不意人間有阿經

阿經瓌竒天下士筆頭風雨三千字醉倒謫仙元不死
時借竒兵攻二子縱飲高歌燕市中相視一笑生春風
人憎鬼妬愁天公徑奪吾弟還遼東短周醉別默無語
髯張亦作衝冠怒阿經老淚如秋雨只有屏山拔劍舞
拔劍舞擊劍歌人非麋鹿將如何秋天萬里一明月西
風吹夢飛關河此心耿耿軒轅鏡底用兒女肩相摩有
智無智三十里者睫之間見吾弟

張謂伯玉
周謂晦之

灞陵風雪

君不見浣花老人醉歸圖熊兒捉轡驥子扶又不見玉
川先生一絕句健倒莓苔三四五蹇驢駝著畫詩仙短
策長鞭似有緣政在灞陵風雪裏管是襄陽孟浩然官
家放歸殊不惡蹇驢大勝揚州鶴莫愛東華門外軟紅
塵席帽烏靴老却人

趙宜之愚軒

羿窮射殺金畢通老盧磔殺玉蟾蜍朝夕相避崑崙墟
忽見天公一目枯塵昏土昧萬萬古雲眇雨淚寒糝糊

欽定四庫全書

御選金詩

卷六

五

嗟哉區中人么麼如蚍蜉書生不惜兩瞳子長使看書
如老奴水部一奇士西河君子儒二公正坐詩作出崇得
句令人不敢書先生有膽乃許大落筆突兀無黃初軒
昂學古澹家法出關雎暗中摸索出奇語字字不減瓊
瑤琚神憎鬼妬天公阻戲將片雲翳元珠九竅鑿開混
沌死罔象未必輸離朱靜掃空花萬病除一片古心含
太虛屏山有眼不如無安得恰似愚軒愚安得恰似愚
軒愚

欽定四庫全書

御選全詩
卷六

六

虞舜卿送橙酒

屏山持律不作詩硯塵筆禿紫蛛絲枯腸燥吻思憂憂
法當以酒疏淪之何物督郵風味惡振觸閒愁無處著
苦思新釀壓橙香世間那有揚州鶴乞詩送酒並柴門
瀛洲仙裔令公孫肺腸情痒芒角出傾瀉長句如翻盆
怪汝胸中雲夢大老我眼皮危塞破徑呼短李與黔王

快取錦囊收玉唾

欽叔
士衡

元德明

送德温同舍赴簾試

太常侍祠水蒼珮內相夜下金蓮燭皇家結網未曾疎
亦有佳人在空谷一從唐賦變遼律仰視折楊猶雅曲
雲臺勲業一青衫被髮操戈踵相屬筋疲力涸僅乃得
墨水一升凡幾辱英雄俛首入彀中舉世悉然非子獨
子家口衆親又老歲月甘須寸祿薦書聞說過南宮
冷暖人情到僮僕我初與子偕計吏人後人前隨碌碌
不慙齊客售鼓瑟頗為荆人悲獻玉一詩今日送君行
萬里秋風看鴻鵠功名前路知不免雞黍後期良未卜
錦標無用咤龍頭帛書且當傳雁足

欽定四庫全書

御選全詩
卷六

榴華

山茶赤黃桃絳白戎葵米囊不入格庭中忽見安石榴
歎息花中有真色生紅一撮掌中看模寫雖工更覺難
詩到黃州隔千里畫家辛苦費鉛丹

寒林圖為侯子晉賦

川茫茫風景暮一雪無情天地素長安閉門千萬家

亦有行人踏長路新豐煙火灞橋水畫史工作荒寒趣
雪中故事知幾何偏識詩翁忍寒處君不見淮西城下
鷺鶴鳴官軍夜斫吳家營只如黨家麕俗亦不惡銀燭
金荷天未明拈出雪詩三十韻蹇驢席帽可憐生

雪詩三十

韻見坡集

謝張使君夢弼餽春肉

牙猪肋厚一尺玉鹽花入深蒸脫骨韭芽蓼甲春滿盤
走送茅齋慰幽獨山人食貧才一粥幾被艾生嘲首肯

欽定四庫全書

御選全詩

卷六

八

食前方丈非素懷頗憶懸貍繞高屋呼來鄰叟共一飽
為說使君方繼肉饑民待哺今幾家無策替君慙此腹
區區一肉見歌詠說食書生良未足却愁今夕夢寐間
有物踏破園蔬綠

仙雞詩

并序

繁峙義興鎮酒家韓氏子畜一雞以善鬪雄其鄉
一日敵家以藥飼雞使不知痛求與韓雞對韓雞
鬪久果被傷口下頷不收垂死矣一賣藥道人過

其門曰我能活此韓欣然使療之里中諸兒隨看

者一二十輩皆使向壁立道人以雞置籠中探手

良久若摩拊然者已而取瓢水啜之置瓢籠上即

出門兒曹怪其久不還竊視之雞喙已復生矣道

人布袍草冠腋下懸青囊落魄嗜酒夜宿寺閣上

韓氏子與里中人奔走求之并所卧草薦不在矣

是時明昌七年仲規弟為此鎮酒官子亦在焉作

仙雞詩以記之

欽定四庫全書

御選全詩

卷六

九

老雄健鬪誇擅場韓郎抱歸神色揚豈知黠兒出微倖
毒手一發不得防毳毛散灑尚可養利嘴一哆何由張
青囊道人何許来自言救藥吾有方垂髯啖水濯殘血
半喙隨手生新黃筠籠半開聞膈膊草冠已往徒驚忙
神仙世有寧虛荒惜哉詭激不可量世人鷙勇天且劓
况於物也資強梁敷榮折柀變金石未若與世鍼膏肓
何須變化示狡獪知君辨作淮南王蓬萊東望雲茫茫
愛而不見心為狂刀圭不願換凡骨且欲共醉無何鄉

從趙敷道覓石榴

仙人囊中五色露得種昔與蒲萄俱
猩猩染花開五月已覺秋實懸庭除
張園一酸齒欲裂若家兩株蜜不如
竹馬兒童厭梨栗綠囊聊為刺紅珠

王特起

沁原山中

野夫不識武城宰問之無言色微改
但說今年秋雨多黃茂滿谷無人采
踏遍西城錦石盤暮投佛屋解征鞍

欽定四庫全書

御定全書
卷六

隔林休約見燈火山谷人家初夜寒

張溫

感懷一首

彌月不出門出門沙漲東風昏老樹擺撼轟雷奔
鬼物叫嘯山前村僞居客子驚心魂歸來繞屋尋
蘭蓀蘭蓀落索靈苗斃主人醉倒老瓦盆衣袖半
帶淋漓痕云云蕭艾同歸根天生天殺何怨恩
糟牀與翁共清渾絕勝被髮叫帝閭

李經

雜詩

塵埃汨沒伺候工離騷不振矜魚蟲風雲誰復話著蔡
不圖履絺袞屠龍挾戕搦管坐書空咿嘸堂上酣歌鐘
乃知造物戲兒童不妨遠目送歸鴻莫怪魏瓠無所容
此去未許江船東五經不掃途轍窮門庭日月上皇風
太阿剖室礪以石坐掃鶴鶴搖天雄

趙元

欽定四庫全書

御定全書
卷六

題裕之家山圖

繫舟盤盤連石嶺牧馬澄澄倒山影山光水氣相混淆
中有元家舊廬井雁門一開豺虎傷駕言投迹嵩之陽
青山偃蹇不可將十年竟墮兵塵黃東巘風物知猶在
說與寄庵神已會一揮澹墨能似之清輝遠寄形骸外
元家故山吾與鄰夢見不如畫圖真舊曾行脚聊經眼
未得歸時亦可人

欽若遠有商於之行作長語為別兼簡仲澤弟

一笑

廬山銚然深可居洛水蚓然清可漁嘉哉山水有如此
不能留客如蘧廬楚茅不入干王誅大帥分閫臨商於
謀參帷幄渴英俊蒐羅遠到山間癯隴西四欽出將種
人愛若也温而愉竭來誰飛薦鸚書枕前隨檄催馳驅
行參幕賓亦大可把酒當為帥君賀王家仲澤如仲宣
共看吐奇飛玉唾一軍號令雅歌中聲落荆蠻膽先破
愚軒退居如甌墮閒暇多君時見過明朝笑語隔關山
一月須拚面牆卧

欽定四庫全書

御選全詩

卷六

十三

趙滋

黃石廟

狂豪擊車代無人神石一砭志乃信吹噓風雲遮楚秦
炎精熾然四百春一編尚吝續後塵江山有待終此身
望望久愁橫目民朝陽淒淒霜未休江燕竟來江北游
山回鼎移海橫流天風何時清九州草泥自古踰王侯
神棄不卹誰當羞割牲醜酒空千秋

王木

題吳萃老萬卷堂

吳生祖父皆賢明清選幽居殊世俗碧水晴嵐燦戶庭
白雲宿霧封林麓好收書史構新堂豈羨珠璣誇潤屋
文字都為子孫藏子孫能勤文字熟撐腸各有五千卷
插架更盈一萬軸尺璧非寶競寸陰五經何多捫便腹
簡編不失鎮時習燈火稍親兼夜讀敏厥修兮就有功
學而優則期干祿况宜養志無辭勞又欲分金調不足
青報吾聞如執券盍為高門待華轂

欽定四庫全書

御選全詩

卷六

十三

翟升

羣賢登第詩

陶山先生主文盟甲公緯郭令建學加勸懲郭好學平
陰儒學日復振不讓五虎專前名斬侯才名馳冀北斬
昭邑主簿初官佐治肥子國下車首詢沂上人供室勸學增
潤色文章圓熟推許公典而麗兮詞更工山城天荒從
此破白袍換綠榮鄉中許蘇仙久藉家學力內抱英華

外謙抑十年作賦氣凌雲唾手功名不勞得蘇德秀古學

眾許芝亭劉下筆萬字何能休俯就繩墨入賦室一戰

而勝酬焚舟劉格賢哉鄗河子董子八舉終場人罕比廣

陽就試欲投名尚以老成為所恥董哲孝感里中重王兄

德與才稱非過情耽經玩史日無輟藹然素有場屋聲

王升也文學宗董氏陶山竹溪亦席侍靳老餘緒復稔

聞駕馬卜駕蹄駮耳翟升明昌天子試飛龍董子王兄文

并雄金門獻賦僕亦與北宮唱第三人同至今地脉何

曾斷吾鄉士風天下冠學者體法舊淳樸豈止為文思

過半甲氏名族世共知後之苗裔振復奇潛依祖德借

餘論又向蟾宮折桂枝甲振溪上先生號醇德動為儀表

言為則發明聖道得其傳恩不及身後蕃息乃孫經學

有淵源乙科優中光儒門靳侯名卿能遠慮居賢因此

石硤村王知李君力學人難企弱冠聲華藹鄉里早承

鷄薦上天庭一舉明經取青紫李可翠華警蹕幸南都

聖心願治求碩儒日邊詔下免秋試三英笑指龍門趨

欽定四庫全書 御選金詩 卷六 四

錡氏兼經勤博古蘇子天才中規矩李生伯仲三豪間

鼎甲科名俱力取錡中蘇霖明年較藝入明光王氏文

詞復擅場聖代人才罔遺棄特恩賜第名亦彰王天筠

窗晝寂閒屈指仕者十有三人矣不才魯鈍甘隱居但

慶諸公膺器使為報後來為學人前進已達猶教存勉

旃勉旃學而仕食祿無忘先輩恩

劉從益

題蘇李合畫淵明濯足圖

天機本自足人事或相須東坡畫三昧乃與龍眠俱黃

州富丘壑餘杭渺江湖已因口嘲弄更堪手糊塗其來

本游戲所到非功夫平生斜川翁尚友千載餘可聞不

可見風標定何如笑倩李居士為予巧形模臨流想有

詩滄浪元非漁不入聲利場政恐吾足汗二公有深意

百年留此圖不著色塵相澹然如游天地初主人牢絨

滕丹青有渝此不渝

雷淵

欽定四庫全書 御選金詩 卷六 五

愛詩李道人若愚崧陽歸隱圖

我家崧前凡再期詩僧騷客相追隨春葩繽紛香澗谷
夏泉噴薄清心脾霜林置酒曳錦障雪嶺探梅登玉螭
重陽夜宿太平頂天雞夜半鳴喔咿整冠東望見日出
金輪湧海光陸離神州赤縣入指顧風埃未靖空嗷歔
窮探極覽不知老泉石佳處多留題簡書驅出踏朝市
期會迫窄愁鞭笞襟懷塵土少清夢齒頰荆棘真白癡
叩門剥啄者誰子道人面有熊豹姿披圖二室忽當眼
貫珠編貝多文辭我離山久詩筆退摹寫豈復能清奇
再三要索不忍拒依依但記經行時道人愛山復愛詩
嗜好成癖未易醫山中詩友莫相厭遠勝薰酣聲利乾
沒兒

宋九嘉

題太白泛舟圖

江心月影盡一掬船頭杯酒盡一吸夜深風露點宮袍
天地之間一李白

李獻能

贈王飛伯雜言一首

東風吹客衣敗絮逐風飛曉雪沒寒齋無物充朝饑空
簞噴噴號饑鼠饕蝨蠕蠕綠破袴人生豈是犬與雞終
歲區區守門戶游說萬乘苦不早儀秦殆是穿窬盜六
國印千金車滿眼榮華鏡中老孔子聘列國孟軻游齊
梁能令千載後名與日月光男兒生世不虛生死恨身
後無聲名不然鳴玉遊紫京不然著書談六經九日可

欽定四庫全書

御選金詩
卷六

十七

射天可補鞭笞百蠻訂愚魯離騷一篇亦不惡雄筆盤
盤映千古君不見彩鳳翔丹霄一鳴應九韶寸雲起泰
山霖雨滿人間丈夫窮達果在天安用兒女得志相歆
羨失志相悲憐仰天大笑出門去四海今誰魯仲連

司馬朴

無餘居士齋壁有沈傳師游道山岳麓詩石刻

穆仲等和之因亦次韻

湘西勝景豈易論羣山騰闖萬馬奔鶴泉一麓騫鵬喙

松風十里藏祇園當時侍御偶題寫筆力孰敢爭雄尊
東京少年妙詞藻南陽舊族齊陰樊天心月脇出奇語
使我展讀忘朝昏差差戈戟隱一敵落落旗鼓嚴千屯
無餘居士厲幽志細研六藝方嵩門凍斲嬌兒慣腸覓
啼饑瘦婦餘淚痕惟君得意允相愜每窮道妙角與根
他人勸酒驚逐魂二子頻酌勤空尊醉中詩成渺江海
風外幡影徒飛翻卷藏篋笥已戢戢風生襟袖何軒軒
嗟乎我亦有餘腐陋哉羊政囚華元

欽定四庫全書

御覽全詩
卷六

王渥

餐秀軒

秋風幾日搖霜樾秋色南山兩奇絕野人窗戶終日開
要看千秋秦嶺雪層崖深谷相吐吞落日白鹿東南奔
野花雙塔古蘭若樓觀縹緲煙霞昏玉山生玉人不識
草木四時空好色輞川舊與藍橋通細水至今流石室
一川黃葉長安秋望望不見令人愁書生不是濟時具
收得閒身成此遊主人開筵留客醉山雨多情溼征袂

明朝騎馬上七盤回首山家但空翠

遊藍田

甲申之秋月建成我行商顏正落木山英似與行子期
撥霧披雲到山腹古潭千丈照錦峰下有整龍上棲鵠
高風吹雪已多時熊耳雙尖寒欲縮新乘一水出龍渦
驚見千峰遮木榭南山秀拔北山雄劔戟森然對羣玉
崎嶇直過藍田西始見商山真面目悟真峽口忽中斷
天末修耆畫濃綠此峽何年得此名曾有金仙構華屋
西巖石室懸細水萬斛瓊珠輸輞谷行人尚說有七盤
瘦馬已愁疲百曲風門放眼望秦川擾擾更嗟塵界跼
去年游騎渡葭蘆萬里橫行如鬼速灞陵原下馬飲血
太華峰頭虎擇肉今年九月未防秋始見登場有新穀
一鞭暮指古招提疎雨有情留客宿主人聞客喜相接
尊酒談笑如昔夙蹇予懶散本真性臨水登山此生足
一行作吏志益違十載從軍雙鬢禿官家後日鑄五兵
便擬買牛耕白鹿

欽定四庫全書

御覽全詩
卷六

秦略

贈趙宜之

年時見君行路難喜於長安新得官日來見君鄰婦哭
驚似藍田尋得玉愛官愛玉樂有涯愛君之詩無盡期
古人骨冷不復作主張騷雅非君誰

麻九疇

跋范寬秦川圖

山水人傳范家筆畫史推尊為第一竭來因看秦川圖

欽定四庫全書

御選金詩
卷六

三

天下丹青能事畢大山巖巖如國君小山鬱鬱如陪臣
大石盤盤社與稷小石落落士與民一山一形似爭長
一石一態如布軍想君胸中有全秦見鑿削鑿鑿乃真
掌上長安近於日千樹萬樹生青春憶昔岐山鳳凰語
蔥蔥柞械霑新雨昆夷束手密須降不見功勳見歌舞
黃金鑄牛西入隸五丁雲棧通中國驪山宮闕九天高
六處孱王走銜壁不信詩書信法家關東半被魚書惑
盡卷圖籍亦大好五十年克都一掃章邯董翳舉如毛

沐猴冠委金陵道北原兵自天而下漢室傾頽如解瓦

祁山六出縱無功渭水猶堪飲君馬螭蟠老将骨未朽

草付那能濟陽九技癢投鞭抵歲星歸來鹿死何人手

神武空矜賀六渾投機常落周人後竟令馮翊軟沙邊

東風一夜吹新柳侵尋阜角相料理拋擲龍津浮汴水

鷓頭過處已非隋不覺晉陽人姓李華清高宴宴宮梧

舞馬如何護兩都縱得青驪還蜀道肉得沙場白骨無

興亡自取不足吁可憐神州為盜區貪徵往古山川事

欽定四庫全書

御選金詩
卷六

三

忘却題詩賞畫圖

松筦同希顏欽叔裕之賦

犧尊青黃災木命羈絆剪剔傷馬性折松為筦得之天
此君幸免戕殘橫初象形似有代無不料奇功乃差勝
人間斤斧不須勞坐中活火鳴笙簫千秋墊骨養霜雪
一日奮鬣翻雲濤巖煙擊拂殷雷起顛風蹴踏銀山高
莫嫌勺水懦無力如捲三江都一吸借汝歲寒姿扶我
衰朽質掃除幻夢不到眼洗刷埃霾下胸臆捫霞真與

羨門期一笑桑田海波白

竹癭冠為李道人賦

東方有物字豐隆以鳴為職驅羣孽萬頭濺濺囚凍窟
欲出不出愁天公迴寒作暖出一噫黑帝不敢藏昆蟲
所以獨為六丁長揮斥元氣周神功車轟鼓震頃萬里
六甲雲風隨喚起四陰用事合收聲猶奮狂陽鳴不已
號令非時遭物玩草木不凋花再蕾惱得司秋訴帝閭
漏洩機緘法當死天公大怪下桎梏推落車中墮巖谷

欽定四庫全書

御選全詩
卷六

三

非程非馬亦非人化作蒼筤一枝竹勁氣剛風難遽銷
夜聞風雨猶蕭蕭聳身直上三千尺天公又怪干雲霄
鬼壓神縛不聽出只見白雲鎖三日雲散惟餘青屈盤
頭隱於臍變仙質道人真是萬物盜斫取為冠就天巧
秋霜爭敢上頭顱常與春風同醉倒此冠固奇惜未大
有冠獨在方之外日月為藤織四時煙霞為梓綿千載
天潢絕漢梁虛碧北斗旋衡簪沉澁不隨脂粉侶狡狴
不逐風霜陪獬豸一任旋乾復轉坤頭上峨峨終古在

欲作檀那施此冠不識先生若為戴

夏日

亭柯碧合龍蛇影睡起轆轤鳴曉井一簾曉雨捲不晴
槐花滿地黃金冷屈指西風又到門相思團扇欲生塵
何時萬戶垂楊裏高拂金鞭逢故人

跋伯玉命簡之臨米元章楚山圖

巴東峽壁如駮霞天鑿荆門當虎牙下有奔湍沈碧沙
直衝北固如投家雲煙昏曉互明滅朝看沃日暮吞月

欽定四庫全書

御選全詩
卷六

三

遠山如指近如拳過客那知空一瞥高人廬此恨來晚
不厭孤篷疊往返莫言造物好窮人許大乾坤富君眼
以心為鏡照諸山山如人面紛殊顏扁舟日日青山上
青山却在滄波間人道癡兒固貪取我怪高人亦如許
已將胸次衽長江更把豪端扛巨楚薺列風林葉浮舸
巧促魁梧入么麼丈尋收拾無邊春千里遊教坐中我
自此頭吳尾甌越蠻煙五月髡人髮江山多處乃爾毒
始信中原天下甲楚山可覽不可上水氣昏昏且多恙

畫山縱不到真山有楚之峰無楚瘴靜明居士見山饒
想在庵中得飽參戲呼老李臨君畫已坐君貪我更貪

雷瑄

陽夏懷古

短衣匹馬西北來十年去國隨風埃解鞍呼酒歌一曲
玉鞭倒捉敲金壘君不見項王臺昔時崔嵬今已頽秋
風蕭瑟吹草萊又不見漢王城昔時宮堯今已平寒煙
寂寞啼鼯猩牧童擡頭學楚聲野老扶犁城上耕耕勢
不斷楚聲哀行人欲去還徘徊劉項英雄安在哉人間
俯仰易陳迹閒身健在須啣杯

李汾

古月一篇為裕之賦

古月天不收敵君三萬秋天孫弄明鏡光湧雲間流憶
昔放逐江南州金陵女兒歌擢謳草裏烏紗巾散著紫
綺裘酒酣把玉笛直欲捫參歷井騎斗牛醉中呼兒搖
雙舟吾欲乘流下石頭起來茫茫視八極萬里只有元

丹丘丹丘子游人間風塵何為往復還玉華山人近招
我九日朝帝蒼梧山

侯冊

醉中

爛醉歸來驢失脚破靴指天冠倒卓起來白眼望青天
狂氣崢嶸無處著陶潛止酒意有在舖糟醲醑良未害
君看謝奕對桓温得失老兵何足怪螟蛉螺贏待二豪
飲中寧有山家濤平明徑訪陳驚坐相對春風把蟹螯

學古體

桐風吹月烏啼升蟾波溼露沈雲影素絲牽玉轉泉華
美人睡覺燕支冷銀鈎挂簾北窗曉翠鬟臨鏡雙鸞小
黃衫少年望不來寂寂庭堦滿春草

王元粹

武侯廟

武侯祠廟南山曲苔滿荒碑不堪讀客子登臨又一時
秋色蒼蒼入喬木天下不可無奇材千年精爽安在哉

孤吟徘徊不忍去寒日欲下悲風來

丹陽東樓

仙人樓居避蒸溼東樓縹緲羣仙集風吹高栢影在衣
忽驚滿座蛟龍入日晚流連共一觴歸來如夢海生桑
片雲送雨山頭黑傍水低飛燕子忙

馮延登

郾城道中

北風慘澹揚沙塵郾西三月無行人十村九村鷄犬靜

欽定四庫全書

御選全詩 卷六

三十一

高田下田狐兔馴昨朝屏息過溪口知有白額藏深榛
赤子弄兵更可惻路傍僵尸衣血新野叟偃偻行拾薪
欲語辟易如驚膚瘦梅疎竹未慰眼只有清淚沾衣巾

李俊民

司諫許道直徵復圖

君不見退休綠野平淮相靈臺不許丹青狀又不見五
湖歸去鷓夷漿越人爭鑄黃金像功成身退天之道道
直天憐去官早鹽梅須借築巖人羽翼重来採芝老袖

中諫草力回天害除利興車載懸何憂不識荊州而圖
畫如今處處傳

宣差射虎

十一月 初九日

北原風勁霜草枯草間出沒藏於兔眈眈來此被誰驅
不妨邂逅馮婦車將軍膽氣勇有餘手中笑拈金僕姑
等閒如射兔與狐兩眼錯莫精光無深山大澤失所居
或撩汝頭編汝鬚可憐肉食無遠圖伎倆不及黔之驢

直屨

欽定四庫全書

御選全詩 卷六

三十一

待詔門前東郭趾藍關路上仙人迹雪花紛披蓋地白
東家不借借不得雖然近市屨亦無以故為新即有餘
同行留我木上座補過仰渠金十奴一生能著屐幾兩
用心猶在阮孚上不須更覓下邳侯山林此計成長往

時守 下邳

籌堂尋梅

蕭疎籬落誰家園尋芳信逐遊蜂去眼前荆棘少人行
馬蹄直到香來處怕愁貪睡獨闌花瘦損春寒鶴膝枝

可是東君苦留客斜風細雨不堪詩

羣鼠為耗而猫不捕

欺人鼠輩爭出頭夜行如市晝不休渴時欲竭滿河飲
飢後共覓太倉偷有時憑社竊所貴亦為忌器不忍投
某氏終貽子神禍佑甫恨不猫職修受畜於人要除害
祭有八蜡禮頗優近憐銜蟬在我側何故肉食無遠謀
耽耽雄相猛於虎不肯捕捉分人憂縱令同乳不同氣
一旦反目思為讐君不見唐家拔宅鷄犬上昇去彼鼠

欽定四庫全書

御選全詩

卷六

三

獨墮天不收

唐公昉師李八百得其神丹遂舉家昇天
鷄犬皆去唯鼠空中自墮腸出一月三易

其腸今山下有拖腸
鼠東廣微所謂唐鼠

掃晴婦 并序

世俗為掃晴婦者蓋假變理之手導陰陽之和使
民間免乾溢之患也感其事而賦之

卷袖褰手持帚挂向陰空便搖手前推後却不辭勞
欲動不動誰掣肘偶人相對木與土神女但誇朝復暮
龍公不作本分事中間多少閒雲雨見說周人憂旱母

寧知東海無冤婦慙慙更倩封家姨一時斷送龍回首

姚子昂畫馬

雄姿卓立開天骨騰踏萬里如神速可憐不過九方皋
空使時人指為鹿自從大奴守天育無由更騁追風足
中原一戰收乾坤白髮將軍髀生肉

綵樓 并序

高平縣綵樓聞之舊矣今始親見議者猶謂高下
侈麗不及向者三分之一因感而賦之

欽定四庫全書

御選全詩

卷六

三

層層華構高且崇萬綵糾結填青紅何人下手奪天巧
都入意匠經營中書契以來未省見異事驚倒百歲翁
郢斤般斧莫敢近却立屏息慙無功寒窗戛戛鳴機婦
積年杼軸一日空山川謂可錦繡裹塵土盡皆羅綺封
前者攀轅後者挽奔車徑欲趨靈宮三年送迎禮雖舊
人事不與天時同方當炎厲行夏令權勢大抵歸祝融
神之於人無厚薄蓋以至誠能感通豚蹄豆酒道傍祝
所獲神賜亦已豐閭閻疾苦還知否我為大夫歌大東

上九里谷與濟之君祥仲寬李德方朱壽之姚

子昂

太行巍巍形勢尊造物設險雄中原巨靈一朝劈石裂
連峰忽斷開山門侵雲直上幾千尺挂壁一徑愁攀援
十步回頭五步坐慄慄汗出如漿翻清風披至最高頂
下視寰海塵埃昏天壇咫尺若有待顧我不往慙食言
世間好處豈不愛脚力雖盡心常存為君試寫遠遊興
夜半月出清吟魂與祁定之約遊天壇不果

欽定四庫全書

御選全詩

卷六

三十一

籌堂燕并序

籌堂梁上巢燕將雛幾隨鼠計飛鳴哀訴者久之
主人得其情而護焉卒無所害夫舐犢之愛物物
皆爾感而為之賦且以戲克紹

陰陰池館落花泥出入通家獨見知曾遭江上淘河嚇
又被巢邊野雀欺且欺且嚇亦不惡奈有鼠輩窺其兒
兒方在卵卵何危哀鳴若訴奚勝悲主人能得腹中事
百計護持彼毒無所施羽毛養就刀剪齊雌雄相隨引

雛飛尋常百姓家汝巢非汝宜春兮來秋兮歸莫忘烏
衣巷裏時

游濟源并序

庚子仲季與劉濟之君祥仲寬仲美姚子昂秦懿
夫馬子溫李德方深之伯英朱壽之下太行抵覃
懷望方口臨沈水二十三日丁亥郡侯段正卿因
西山鎮過回自析城來赴期值雨留宿奉仙觀翌
日己丑天霽具牲酒幣帛謁清源王廟禮畢會友

欽定四庫全書

御選全詩

卷六

三十二

人郭伯玉李慶之王天益史德秀王輔卿紇石烈
仲傑完顏壽之方外士祁定之郭道正元明道部
將段玉等大飲於裴公亭用麾下鼓吹以樂賓薄
暮極歡而罷故賦之紀一時之勝遊也

元戎小隊間登臨悠悠旌旆穿山林太行南下路險澀
不憚著脚窮幽尋清源祭秩世所重喬木掩映靈宮深
是時方口雨初過天風破曉開微陰入門為問廟見禮
白髮黃冠通古今且言享誠非享物那在與俗占浮沈

鞠躬執簡默有禱脯酒縱薄神所歆幾年願違莫能遂
至此始得償初心點檢圖經歎禹迹山青水綠無知音
竹根醉倒客星散夜聽波底蛟龍吟

剝蓮蓬

相將去採秋江蓮青房戢戢實且圓倒靛收蒔亦可喜
春筍未剝空流涎玉井有花開十丈至今依舊藕如船
試索綠莖不尋藕與誰共此從巢仙

御選金詩卷六

謹案卷五第十七頁後四行空明倏忽紛溟濛刊

本紛訛分據中州集改

第十八頁前四行兜羅綿網淡平野刊本綿訛錦

據中州集改

第二十二頁前四行兩角斜分半山際刊本兩訛


雨據中州集改

卷六第十七頁後五行司馬朴刊本訛李獻甫據

中州集改

第十八頁前八行嗟乎我亦有餘腐刊本腐訛糜

據中州集改



總校官庶吉士臣侍朝
校對官檢討臣蕭九成
謄錄監生臣李本

欽定四庫全書薈要

集部
御選金詩卷八

欽定四庫全書薈要卷一萬八千三百九十三

集部

御選金詩卷七

七言古詩三

元好問

畫馬為邢將軍賦

大宛城下戰骨滿駑駘入漢龍種藏將軍此紙何處得
便覺房駟無光芒人中馬中兩勅敵天門鴈門皆戰場
并州父老應相望早晚旌旗上太行

欽定四庫全書

御選金詩
卷七

南溪

南溪酒熟清而醇北溪梅花發興新前年去年花下醉
今年冷落花應嗔梅花娟娟如靜女寂莫甘與荒山鄰
詩人愛花山亦好幽林穹谷生陽春風髮莪莪一尺雲
芳香幽臥如相親山堂夜半北風惡一點相思愁殺人

范寬秦川圖

亂山如馬爭欲前細路起伏蛇蜿蜒秦川之圖范寬筆
來從米家書畫船變化開闔天機全濃淡覆露清而妍

詳校官原任主事_臣李斯咏

雲興霞蔚幾千里著我如在裁眉巔西山盤盤天與連

九點盡得齊州煙浮雲未清白日晚矯首四顧心茫然

全秦天地一大物雷雨瀕洞龍頭軒因山分勢合水力

眼底廓廓無齊燕我知寬也不辨此渠寧有筆如脩椽

紫髯落落西溪君長劍倚天冠切雲望之見之不可親

元龍未除湖海氣李白豈是蓬蒿人愛君恨不識君早

乃今得子胸中秦作詩一笑君應聞子七年前過郾城伯玉和子來而都

無賓主意予亦偃蹇而去爾後雖願交而髯沒矣未嘗不以為恨也今日子思兄弟出此圖求予賦詩酒惡無

欽定四庫全書

御選全詩

卷七

三

聊中勉為賦此畫本米元章家物有韓子蒼題名元章以為中立而元暉以為中正以予觀之此特張髯臂中物耳知者當不以吾言為過云

寄荅溪南詩老辛愿敬之

五年不喚溪南渡日夕心馳洛西路山中今日見君詩

惆悵良辰久相誤龍蛇大澤變風景虎豹天門鬱煙霧

大夫不合把鉏犁青鬚無情忽衰素平泉漫作窮愁志

笠澤休題自憐賦長安正有五侯鯖骭誰能作樓護

青燈老屋深蓬蒿蝙蝠掠面莎雞號劔歌夜半激悲壯

松風萬壑翻雲濤區區墓上曹征西我知慚媿王東皋

人生只有一杯酒蟻蛉螺贏安能豪

雙峰競秀圖為參政楊侍郎賦

紅煙霏霏雲拂石山木蕭蕭山鬼泣江岸人家失南北

兩峰突兀何許米元氣淋漓洗秋碧畫家晴景費經營

共愛移山入杳冥安得北風吹雨去倚天長劍看崢嶸

西窗

西窗烏聲千種好樹陰離離動微風青山滿前掩書生

欽定四庫全書

御選全詩

卷七

三

欲語懷抱無人同花枝不笑綠鬢改尊酒自與黃金空

少年樂事總消歇落日澹澹天無窮

二月十五日鶴

九龍岡上玄元祠人言尊像神所遺年年二月降靈鶴

來無定數有定期城頭曉露生新警萬首望穿雲際影

不知濁世誰下臨只許霜毛見修整石壇花落松風冷

戛然長鳴人語定百年鷺老誇見聞萬里黃冠赴靈應

只從游騎突重圍城郭并與人民非可憐陟殿荒煙裏

無復當年丁令威

閻商卿還山中

阿卿去月從我來今日西山成獨往野人不是城中物
澗飲巖棲夢餘想翰林溼薪爆竹聲待詔履穿沾雪行
蘭臺從事更閑冷文書如山白髮生孤燈靜照寒窗宿
北風夜半歌黃鵠田家閉門風雪深梅花開時酒應熟
半世虛名不療貧棲遲零落百酸辛憑君莫向山中說
白石清泉笑殺人

欽定四庫全書

御選金詩

卷七

四

鄧州城樓

鄧州城下湍水流鄧州城隅多古丘隆中布衣不復見
浮雲西北空悠悠長鯨駕空海波立老鶴叫月蒼煙愁
自古江山感遊子今人誰解賦登樓

遊黃華山

黃華水簾天下絕我初聞之雪溪翁丹霞翠壁高歡宮
銀河下濯青芙蓉昨朝一遊亦偶爾更覺摹寫難為功
是時氣節已三月山木赤立無春容湍聲洶洶轉絕壑

雪氣凜凜隨陰風懸流千丈忽當眼芥蒂一洗平生胸

雷公怒擊散飛電日脚倒射垂長虹驪珠百斛供一瀉
海藏翻倒愁龍公輕明圓轉不相礙變見融結誰為雄
歸來心魄為動蕩曉夢月落春山空手中仙人九節杖
每恨勝景不得窮攜壺重來巖下宿道人已約山櫻紅

巨然松吟萬壑圖

胸中刺鯁無九澤畫裏風煙繞一漚阿師定有維摩手
斷取江山著筆頭石林蒼蒼崖寺古銀河浩浩松聲秋

欽定四庫全書

御選金詩

卷七

五

方外賞音誰具眼莫將輕比李營丘

密公寶章小集

天東長白大寶幢天河發源導三江有木蔽映山朝陽
云誰巢者雛鳳皇雲間吐氣日五色百鳥不敢言文章
名都盤盤魏大梁黃金甲第羅康莊王家書絕畫亦絕
欲與中祕論低昂密公書院無絲簧窗明几潔凝幽香
元光以後門鑰廢文士稍得連壺觴客來喜色浮清揚
典衣置酒餘空箱生平俊氣不易降眼中俗物都茫茫

淵明素琴嵇阮酒妙意所寄誰能量在昔武元握乾綱
扶桑為弓射八荒獵取大國如驅羊民風朴魯資鷲疆
文洽未及武尅剛興陵之孫越王子天以人瑞歸明昌
十三執經侍帝傍十八健筆凌阿房撐腸文字五千卷
靈臺架構森鋪張高陽苗裔襲衆芳胡不置之貢玉堂
袖中正有活國手地下纔得修文郎悲風蕭蕭吹白楊
丘山零落可憐傷承平故態耿猶在拂拭寶墨生輝光
恰似如菴連榻坐一甌春露澹相忘

明昌寶玩羣玉中
祕內府圖書印也

欽定四庫全書

御選全詩

卷七

六

越邱有柳公權紫絲鞵歐陽率更海上楊凝式乞花等
帖然獨推元章華陀為古今絕筆宋畫譜山水以李成
為第一國朝張太史浩然王內翰子端奉旨品第書畫
謂成筆意繁碎有畫史氣象次之荆關范許之下容公
識賞超詣亦以此論為公郭乾暉崔棘公以為當在太
古無上唐以來諸人筆虛筆實皆非其比故予詩及之
樗軒公自號也又所居有如菴詩集號如菴小槩越王
諸子惟樗軒貧甚典衣沽酒之句蓋實錄云甲午三月
二十有一日為輔之書
于聊城至覺寺之寓居

荆棘中杏花

牆東荒蹊抱村斜荆棘狼籍盤根芽何年丹杏此留種
小紅濺濺爭春華野人慣見謾不省獨有詩客來咨嗟

天真不到鉛粉等富豔自是宮闈花曲池芳徑非宿昔
蒼苔濁酒同天涯京師惜花如惜玉曉擔膏徹東西家
杏花看紅不看白十日忙殺遊春車誰家園亭有此樹
鄭重已著重幃遮阿嬌新寵貯金屋明妃遠嫁愁清笳
落花紫簾拂牀席亦有飄泊沾泥沙天公無心物自物
得意未用相陵誇黃昏人歸花不語惟有落月啼棲鴉

送張君美往南中

南朝詞臣北朝客樓遲零落無顏色陽平城邊握君手

欽定四庫全書

御選全詩

卷七

七

不似銅駝洛陽陌去年春風吹鴈迴今年鴈逐秋風來
春風秋風鴈聲裏行人日暮心悠哉長江大浪金山下
吳兒舟船疾於馬西湖十月賞風煙想得新詩更瀟灑

贈休糧張鍊師

金砂霧散風雨疾一點黃金鑄秋橋中林晏坐人不知
野鹿銜花蜂課蜜富兒盤饌羅羶葷葷撥撥飛蠅復聚蚊
見說西山好薇蕨一枝青竹願隨君

讀書山雪中

前年望歸歸不得去年中途脚無力殘生何意有今年
突兀家山墮眼前東家西家百壺酒主人捧觴客長壽
先生醉袖挽春迴萬落千村滿花柳山靈為渠也放顛
世界幻人兜羅綿似嫌衣錦太寒乞別作玉屑妝山川
人言少微照鄉井準備黃雲三萬頃何人辦作陳瑩中
來與先生共炊餅

陳先生貶官後答京師人書去南州
有何事今年好雪明年炊餅大耳

贈荅張教授仲文

秋燈搖搖風拂席夜聞歎聲無處覓疑作金筮怨曲蘭

欽定四庫全書

御選全詩

卷七

八

晚辭元是寒蟬月中泣世間刺繡多絕巧石竹殷紅土
花碧窮愁入骨死不銷誰與渠儂洗寒乞東坡曾次丹
青國天孫縹絲天女織倒鳳顛鸞金粟尺裁斷瓊綃三
萬匹辛郎偷發金錢箱飛浸海東星斗溼醉中握手一
長嗟樂府數年今幾家剽借春風染華髮筆頭留看五
雲花

高門關

高門關頭霜樹老細路千山萬山繞亂餘村落不見人

雪霰霏霏暗清曉芊川百里如掌平閑田滿眼人得耕
山中樹藝亦不惡誰遣多田知姓名許李申楊竟何得
只今惟有石灘聲

許致忠楊湯臣申伯勝李仲常名宦
四家隱羅氏時以多田推之亂後俱

不知所
在矣

甲辰秋洛陽得黃葵子種之南菴明年夏六月
作花佛經所謂閻浮檀金明淨柔軟令人愛樂
者此花可以當之因為賦長韻予方以病止酒

故卒章及之

欽定四庫全書

御選全詩

卷七

九

芳蕤浥露嬌黃涇五疊湘裙輕襞積晨妝午醉一日間
白白紅紅總狼籍上陽宮女要頭冠摹寫雖工破的難
看來明淨復柔軟花甲乃有閻浮檀千里移根洛陽陌
主人不飲誰看客乞與金杯自傾側明年為渠當舉白

雲巖

并序

觀州倅武伯英崞縣人少日舉進士有詩名其賦
剪燭刀有啼殘瘦玉蘭心吐蹴落春紅燕尾香之
句甚為時輩所稱家故饒財第宅園亭為河東之

冠貯書有萬卷樓嘉花珍果悉自他州移植為人
多伎巧山水雜畫斲琴和墨皆極其工嘗得宣和
湖石一窾竅穿漏殆若神剗鬼鑿炷香其下則煙
氣四起散布槃水上濃淡霏拂有煙江疊嶂之韻
吾鄉衣冠家法書名畫及藏書之多亦有伯英相
上下者伯英獨恃寶石以擅竒汾晉間耳興定末
伯英沒於關中楊戶部叔玉購石得之壬辰圍城
中以示予且命作詩危急存亡之際不暇及也乙

已冬十一月來東平過聖與張君之新軒而此石
在焉聖與名之曰雲巖予問石所從來聖與言夏
津王帥得之汴梁泥塗中而以見貽予因歎一物
之微經歷世變遷徙南北仍復為好事者之所寶
玩似不偶然乃為詩道其故聖與三世相家以文
章名海內其才情風調不減前世賀東山晏叔原
故卒章以蕭閒明秀峰故事屬之

壺中九華玉孱顏紫煙著水往復還小窗虛明淡相對

不數漢宮銅博山會稽禹穴深無底寶石偷來定山鬼
一堆寒碧殊不凡滿谷春雲更堪喜阿欣秀發見眉宇
小杜才情淪骨髓摩挲不作几上看縑白紵青使千里
渾沌日鑿餘空嵌漏天蒸溼饒風嵐世外元無種香國
海南真有補陀巖觀州愛玩頻前被民部平生幾熏沐
藏舟夜壑未厭深竟作新軒坐中物一天星斗入金尊
翠射娉婷自有人只欠宣和鄭先覺為君留寫五湖真

天涯山

九州上游推大鹵獨恨山形頗椎魯天涯一峰今日看
快似昂頭出環堵何年氣母此融結鬼鑿神剗未竒古
八窗玲瓏透朝日洞穴慘澹藏雷雨名花錦石聚可喜
乞與雲煙相媚媼半空擲下金芙蓉想得飛來自元圃
傳聞絕頂更靈異云是清都羣玉府五雲飛步吾未能
風袂冷冷已輕舉東州死愛華不注向在陋邦何足數
敬亭不著謝宣城斷岸何緣比天姥酒船何時朝復暮
倒卷滄沱浣塵土喚起山靈搥石鼓漢女湘妃出歌舞

詩狂他日笑遺山飯顆不妨嘲杜甫

山有石鼓神祠

王右丞雪霽捕魚圖

江雲澗澗陰晴半沙雪離離點江岸畫中不信有天機
細向樹林枯處看漁浦移家媿未能扁舟蕭散亦何曾
白頭歲月黃塵底笑殺高人王右丞

世宗御書田不伐望月婆羅門引先得楚字韻

瑤光樓前按歌舞桂樹秋香月三五白頭誰解記開元
四海歡聲自簫鼓兩都秋色皆喬木三月阿房已焦土

欽定四庫全書

御選全詩

卷七

十三

天人亦有離別情可是田郎心獨苦承平舊物霓裳譜
寶氣暉暉映千古銀橋望極竟不歸滅沒燕鴻下平楚

贈別孫德謙

津橋垂楊雪花白挽斷春衫苦留客西河一雨春意濃
絕似銅駝洛陽陌河亭轟醉臥春風到手金杯不放空
鵲山一帶傷心碧羨殺孫郎馬首東

大原贈張彥遠

并州城邊十月末清霜稜稜風入骨因君夜話吳江春

酒光激灑金杯滑閒閒騎鯨去滅沒當年愛君俊於鷓

平生我亦識翁人惆悵流年如電抹官家新築文昌臺

蒼生不憂墮巔崖眼者東閣奇士滿如君豈得藏蒿萊

晨雞未鳴子當發明星煌煌大於月野夫一笑冠纓絕

過劉子中新居

鄆中城隅兩茅屋市聲喧喧自幽獨春風吹盡山杏花
只有青青一叢竹先生愛畫如惜玉練鵲翔鸞餘百軸
大兒踉蹌挾書歸土銚疎煙繞一粥微官枉負半生閒

欽定四庫全書

御選全詩

卷七

十三

也著區區簿領間何時却與溪南老紫蓋山前共往還

王學士熊岳圖

洗參池水甜於蜜玉堂仙翁髮如漆膝前文度更風流
盡卷風流入詩筆長松手種欲摩天海岳樓空落照邊
古來說有遼東鶴仙語星星誰為傳五百年間異人出
却將錦繡裏山川

虎害

北山虎有穴南山虎為羣目光如電聲如雷倚蕩起伏

山之垠百人一飽不留骨敗衣墜絮徒紛紛空谷絕樵
聲長路無行塵呀呀垂涎口眈眈闕城闔天地豈不仁
社公豈不神哀哀太山婦叫斷秋空雲可憐封使君生
不治民死食民世上無復裴將軍北平太守今何人

王黃華墨竹

為郭輔之賦

古來畫竹尊右丞東坡斂袂不敢評開元石本出摹寫
燕市駿骨留空名亦有文湖州畫意不畫形一為坡所
賞四海知有筓篲亭深衣幅中老明經老死不敢言縱

欽定四庫全書

御選金詩
卷七

十四

橫豈知遼江一派最後出運斤成風刃發研雪溪仙人
詩骨清畫筆尚餘詩典刑月中看竹寫秋影清鏡平明
白髮生娟娟略似萱草詠落落不減叢臺行千枝萬葉
何許來但見醉帖字歌頌君不見忠恕大篆草書法趙
生怒虎嘖墨成至人技進不名技遊戲亦復通真靈百
年文章公主盟屏山見之踞且擎聲光舊塞天壤破議
論今著兒曹輕有物於此鳴不平悲邪嘯邪誰汝令只
恐破窗風雨夜怒隨雷電上青冥

泛舟大明湖

待杜子不至

長白山前繡江水展放荷花三十里看山水底山更佳
一堆蒼煙收不起山從陽丘西來青一彎天公擲下半
玉環大明湖上一杯酒昨日繡江眉睫間晚涼一櫂東
城渡水暗荷深若無路江妃不惜水芝香狼籍秋風與
秋露蘭襟鬱鬱散芳澤羅襪盈盈見微步晚晴一賦畫
不成枉著風標誇白鷺我時驟驚追散仙但見金支翠
旌相後先眼花耳熱不稱意高唱吳歌叩兩舷喚取樊

欽定四庫全書

御選金詩
卷七

十五

川搖醉筆風流聊與付他年

九月七日夢中作詩續以末後二句

桃花紅深李花白昨日成團今日拆歌聲滿耳何處來
楊柳青旗洛陽陌拊君背握君手朝鐘暮鼓無了期世
事於人竟何有青青鏡中髮忽忽成白首六國印何如
負郭二頃田千載名不及即時一杯酒

下黃榆嶺

北崖元武莫黥黑如積鐵東崖劫火餘絢爛開錦繡就

中嶺頭一峰凸樸奇剝費寒雲幾千疊摩圍可望不可
到青壁無梯猿叫絕林煙日射彩翠新跬步疑有黃金
闕畫工胸次墨汁滿那得冰壺貯秋月直須潮陽老筆
迴萬牛露頂張顛揮醉帖石門細路無暗泉行人飢渴
挽不前辛苦黃榆三十里豈知却有看山緣

唐子達扇頭

溪光冷於冰山骨淨如玉白雲自老人自閒莫遣秋風
破茅屋

欽定四庫全書

御選金詩

卷七

十六

宛丘歎

秦陽陂頭人迹絕荻花茫茫白於雪當年萬家河朔來
盡出牛頭入租帖蒼髯長官錯料事下考大笑陽城拙
至今三老背腫青死為逋懸出膏血君不見劉君宰葉
海內稱飢摩寒拊哀孤惇碑前千人萬人泣父老夢見
如平生冰霜紈袴渠有策如我碌碌當何成荒田滿眼
人得耕詔書已復三年征早晚林間見雞犬一犁春雨

麥青青

李令南陽配流民以牛頭租迫而逃者萬餘家劉雲卿御史宰葉除逃戶稅三萬斛百姓為

之立碑頌德賢不肖用心相遠如此李之後十年予為此縣大為逋懸所困辛卯七月農司檄予按秦陽陂田感而賦詩李與劉皆家宛丘故以宛丘歎命篇

過晉陽故城書事

惠遠祠前晉溪水翠葉銀花清見底水上西山如臥屏
鬱鬱蒼蒼三百里中原北門形勢雄想見城闕雲煙中
望川亭上閱今古但有麥浪搖春風君不見繫舟山頭
龍角禿白塢一摧城覆沒薛王出降民不降屋瓦亂飛
如箭鏃汾流決入大夏門府治移著唐明村只從巨屏

欽定四庫全書

御選金詩

卷七

十七

失光彩河洛幾度風煙昏東闕蒼龍西玉虎金雀觚稜
上雲雨不論民居與官府仙佛所廬餘百所鬼役天財
千萬古爭教一炬成焦土至今父老哭向天死恨河南
往來苦南人鬼巫好襪祥萬夫畚鍤開連岡官街十字
改丁字釘破并州渠亦亡幾時却到承平了重看官家
築晉陽

鹿泉新居二十四韻

土門西邊井陘渡野日荒荒下汀樹榆關石嶺都幾程

客夢往往迷歸路塵埃風雨半生過儘著筋骸支世故
寧州假館又兩年未保東來不西去山城百家家有山
靚面呈山誰一顧賣書買得呂氏園不謂全山舉相付
壯崖老作土灰色擁腫形模一夸父娟娟正有小峨眉
却立不容親杖屨就中抱犢尤峭拔望見韓山即攀附
韓王砦頭四望闊全趙米如纔數聚眼中麾蓋天上來
泝水鼓旗紛偃仆漢家威靈萬萬古石子連岡猶虎距
夏秋衆壑會鹿泉浩浩湍聲瀉餘怒西南諸峰不知數
蕩海鯤鱷尻背露霏煙空翠有無中百態陰晴變朝暮
靈巖龍泉曾一到獨欠封龍展衰步學仙不愛徐童花
李相書龕心所慕平生懷抱向山盡老氣崔嵬如有助
巖居枯寂朝市喧喧寂兩間差有趣得行固願留不惡
流坎且當隨所遇何曾萬錢何用許方丈有山容下筋
管城初無食肉相黃帽非供折腰具明年高築野史亭
天已安排看山處多慙不及謝宣城標出敬亭天一柱

紀子正杏園燕集

甲午歲

紀翁種杏城西垠千株萬株紅豔新今年寒食好天色
曉氣鬱鬱含芳津天公自愛此花好朝薰暮染頰花神
融霞暈雪一傾倒非煙非霧非卿雲未開何所似乳兒
粉妝深絳脣能啼能笑癡復駭畫出百子元非真半開
何所似里中處女東家鄰陽和入骨春思動欲語不語
時輕顰就中爛漫尤更好五家合隊號與秦曲江江頭
看車馬十里羅綺爭紅塵陽平一邑多詩豪主人買酒
邀衆賓花時有成約恨少楊子張吾軍落花著衣紅續
紛四坐慘澹傷精魂花開花落十日耳對花不飲花應
嗔愛花常苦得花晚爭教行樂無閑身芳苞一破不更
合且看錦樹烘殘春

湧金亭示同遊諸君

太行元氣老不死上與左界分山河有如巨鼇昂頭西
入海突兀已過餘坡陀我從汾晉來山之面目腹背皆
經過濟源盤谷非不佳煙景多覺蘇門多湧金亭下百
泉水海眼萬古留山阿窟沸灤水源濟淪晉溪波雲雷

涵鬼物窟宅深蛟鼉水妃簸弄明月璣地藏發泄天不
訶平湖油油碧於酒雲錦十里翻風荷我來適與風雨
會世界三日漫兜羅山行不得山北望空長哦今朝一
埽衆峰出千鬟萬髻高峨峨空青斷石壁微茫散煙蘿
山陽十月未搖落翠蕤雲旂相盪摩雲煙故為出濃淡
魚鳥似欲留婆婆石間仙人迹石爛迹不磨仙人去不
返六龍忽蹉跎江山如此不一醉拊掌笑殺孫公和長
安城頭烏尾訛并州少年夜枕戈舉杯為問謝安石蒼
生今亦如卿何元子樂矣君其歌

欽定四庫全書

御選全詩

卷七

三

題劉紫微堯民野醉圖

蒼苔濁酒同歌呼白鬚紅頰醉相扶堯時皇質未全散
不論朝野皆歡虞望雲雲非雲就日日非日先秦迂儒
強解事極口譽堯初未識堯民與酒同一天此外更誰
為帝力仙老曾經甲子年戲將陳迹畫中傳山川淳朴
忽當眼迴望康衢一慨然不見只今汾水上田翁鞭背
出租錢

堯甲子年仙
人張果事

遊龍山

曩予魏大梁得交此州雷與劉自聞兩公誇南山每恨
南海北海風馬牛老龍面目今日始一見更信造物工
雕鏤是時山雨晴平田綠油油並山涼氣多况得通深
幽山泉谷口出迎客石罅戛擊琳琅球蜿蜒入微行漸
覺藤蘿冒衣樹打頭惡木拉颺棲直幹比指稠石門無
風白日靜自是林響寒颼颼一峰忽當眼仰看看不休
一峰一峰千百峰雖欲一一顧揖知無繇金城偃蹇不

欽定四庫全書

御選全詩

卷七

三

得上瑤壑回合如相留苔花萬錦石丹碧爛不收天關
守虎豹武庫開戈矛小山隨起隨偃仆獨立千仞絕頂
縹緲之飛樓百花岡頭藉草坐瀟灑正直金蓮秋亭亭
妙高臺玉斧何年修登高覽元化快如鷹脫鞵山靈故
為作開闔巧與詩境供冥搜白雲何許來纖絲弄輕柔
蓬萊作霧湧飄飄與煙浮玉衣仙人鞭素蚪翕忽變化
令人愁須臾視六合浩蕩不可求初疑陶輪比運甕今
悟夜壑真藏舟劫石拂未窮杞國浪自憂斷鼇立極萬

萬古爭遣起滅如浮漚快哉萬里風一掃天四周誰言
太始再開闢日馭本自無停輟舉手謝山靈就無清涼
毫相非神差賤子貪名山客刺已屢投黃華挂鏡臺天
壇避秦溝太山神明觀二室汗漫遊胸中隱然後有此
大物便可揮斥八極隘九州玉峰有佳招絕唱須一酬
為君探囊擲下珊瑚鈎白雲相望空悠悠異時華表見
老鶴姓字莫忘元丹丘

遊承天懸泉

欽定四庫全書

御選全詩
卷七

三

詩人愛山愛徹骨十月東來犯冰雪懸流百里行不前
但覺飛湍醒毛髮間問老仙仙去久石壁姓名苔蘚滑
此翁可是六一翁四十三年如電抹并州之山水所狀
駭浪幾轟山石裂只知晉陽城西天下稀娘子關頭更
奇劇周南留滯何敢歎投老天教探禹穴君不見管涔
汾源大車輪平泉丈八玻璃盆不知承天此水何所本
乃與沈瀆爭雄尊平地突出隨崩奔洶如頽波射天門
太初元氣未凝結更欲何處留胚腴素蚪騰擲翠蛟舞

袞袞後出皆鱷鯢雷車怒擊冰雹散石峽峻滑蒼煙屯
憑崖下視心魄動自愧氣衣筆老勝槩過眼無繇吞少
東水簾亦瀟灑珠琲一一明朝曠陽龍暗滋瑤草活巖
石自與蓮湯溫神祠水之滸儀衛盛官府頗怪祠前碑
稽考失莽魯吾聞尹革臺駘宣汾洮障大澤自是生有
自來歸有所假而自經溝瀆便可尸祝之祀典紛紛未
何取子胥鼓浪怒未洩精衛銜薪心獨苦楚臣有問天
不酬肯以誕幻虛荒驚聳聳宇宙有此水萬古萬萬古

欽定四庫全書

御選全詩
卷七

三

人言主者介山氏且道未有介山之前復誰主山深地
古自是有神物不假靈真誰敢侮稗官小說出閭巷社
鼓村簫走翁媪當時大歷十才子爭遣李諶鏡陋語石
林六月清無暑人家青紅溼窗戶射鹿有場魚有浦好
築漕臺俯洲渚甕面柳瓢挹膏乳醉扶紅袖別吳歌風
雨不憂驚妬女開湖公守平定以大安庚午來遊至今
壬子四十年矣土俗傳介子推被焚
其妹介山氏秘兒要君積薪自焚號曰如女祠碑大歷
中制官李諶所撰辭音殊異至有百日積薪一日燒之
語鄉社至今以百五日積薪而焚之謂之祭妬女云

麻革

送杜仲梁東遊

野馬何決驟飛雲何悠颺商品不足稽此士又欲東略
 宋與梁青山不知老白山乃許忙菊潭之水清冷淵野
 人飲之得長年芳醲不買壽淡泊差可久北山我我蒼
 翠巔丹崖石老生紫煙靈芝秋杞老霜骨黃精茯苓飽
 新斲望君嶄嶄病以癯酌之食之可以還膚腴況有劉
 荆州元丹丘子寧舍之汗漫遊涼秋佳月酒一杯送子
 東下心徘徊半山亭前一茅屋歲寒霜勁君當來

欽定四庫全書

御選全詩

卷七

三十四

楊將軍坳馬圖

古人相馬不相肉畫工畫馬亦畫骨淡淡生絹一片雲
 眼中羣龍何突兀飛菟汗血天驥種筆墨之間見飛動
 前趨後逐互有態涉躄行留分向背豐草長林性本真
 駟駟駟相與馴開元天子盛監牧四十萬匹錦繡屯
 人言息馬戰所重風鬣霜蹄惜無用君不見幽燕飛鞚
 時中原流血成淵池祗今征討苦未休金鞍鐵甲彌山

丘安得放歸如此馬飲水求芻恣閑暇

張宇

雲溪秋泛圖為閩國寶賦

晴嵐滴翠霜樹殷石錦錯落苔花斑人家隱約荒霽外
 但見籬落連柴關兩山中斷忽空曠下有碧水之潺湲
 幽人杭葦迷遠近思致偃蹇無容攀定非鷓夷成霸業
 一舸五湖煙浪寬又悲坡仙遊赤壁酒酣浩歌江月寒
 亦當拄杖橫膝看南山心與白雲相對閑胡為厭山瞰
 芳渚岸草汀花適幽趣有聲詩畫無聲詩夏蟲未易寒
 冰語或云此本張季鷹尊鱸忽憶扁舟輕蹇予有家歸
 未得一見秋風羽翼生

欽定四庫全書

御選全詩

卷七

三十五

採蓮

分得底字

溪風搖搖波瀾瀾十里芳華照清泚蘭舟女郎紅玉春
 日射新粧明水底芙蓉雙臉百媚生吳宮西施漢良娣
 藕腸折斷雪絲牽入手花枝香茫茫隔岸誰家貴公子
 調笑新詞歌豔體吳儂變風有如此誰念采蘋供祭禮

陳賡

遊龍祠

黃河如絲導崑崙萬里南下突禹門支流潛行天地底
派作八道如霆奔吾聞川真嶽靈有真宰況乃利澤開
洪源龍神窟宅瞰平野千古廟貌何雄尊深林含蓄雷
雨潤冷殿似帶波濤痕我來南州走塵坭執熱未濯憂
思煩試料甘冽洗肝肺一勺注腹清且燉悠然晞風坐
東廡條見繪畫如飛騫仙官華裾乘朱軒旗纛掩謁蛟
伏轅雷公電母踏煙霧天吳海石驅鬩龜何時借取霹
靂手倒挽銀漢清乾坤廟前老翁顧我語孺子未易排
天闢胡為高論乃如此一笑滿面春風溫是時三月遊
人繁男女雜選簫鼓喧寒炎沈玉峇靈貺割牲醜酒傳
巫言巫言恍惚廟扉闔拜手上馬山煙昏

峴山秋晚圖

太行高嵯峨小山低培塿清江錦樹帶秋煙煙際人家
在林藪荆河迤南三峴山此圖定繪襄陽否詩人翰墨

丹青手落筆天機隨所有峴首真在襄陽西遙觀漢水
含風漪上有龜龍一片石云是羊公隋淚碑試披禹跡
考地志畫師寧免詩人疑且看滿眼江山好休作燕人
過晉悲

鐵拄杖

閩王鐵杖如椰粟得自荒虛鬼神域鞭笞蜚蠻今幾年
霧翳雲蒸老蛟黑腹中有筮如細泉牙節宛然聲鏗然
天生神物不虛棄提攜萬里歸坡仙坡仙騎鯨凌紫煙
海山一去今千年人間俯仰成今古紛紛長物何須數
洛陽銅駝臥荆棘昭陵石馬埋煙雨百斛鼎兩錢錐小
大用舍俱兒嬉商顏鶴髮一節竹何似凌煙功臣玉具
高楮頤黃閣得君真耐久扶持四海經綸手會須拄到
崑崙顛九點青煙看九有鐵拄杖吾不知試將道眼窺
天機一朝雷雨轟空陂須防化作蛟龍飛

武善夫桃源圖

武郎種桃滿雲溪三月紅雨行人迷自從玉勒入雲馭

春風杜宇年年啼飛黃騰踏有天倪紫電轉盼天山低
要將白壁沾蛾眉更把黃金鑄蹇蹄義和扶軒六龍馳
暮景恐迫虞淵西新詩擬喚槐安夢咫尺溪邊春色動
飛花漠漠水泠泠蒼苔荒了煙霞洞聞道西風解浣人
何處江山可問津征塵障斷仙源路且看丹青萬樹春

房皞

送王升卿

傷哉船子峰頭月昨夜團團今夜缺月華猶自不長圓

欽定四庫全書

御選金詩

卷七

三九

人生安得無離別世上憂端千萬許惟有別離心最苦
盧川春晚送君行落花為我啼紅雨四海紛紛尚戎馬
我曹只合歸林下如椽大筆今無用日課新詩自陶寫
嵩陽佳處如菴畫溪可漁方田可稼我欲從君覓隱居
却恐山靈嫌俗駕

題呂仙亭

岳陽城南呂公洞道人見慣無迎送事少方知日月長
身閑未覺功名重竹影松陰生午涼山色湖光設朝供

高吟下視世間人幾人不在黃梁夢

段克己

贈劉潤之

平生不願萬戶侯但願一識劉荊州荊州已遠不可見
喬孫今幸從吾遊慨然議論吐肝膽腰間古劍鳴蛟虯
酒酣醉墨出險怪筆勢愜愜令人愁世人爭欲得一諾
黃金不用如山丘結交以義不以利樂人之樂憂其憂
自從管鮑死此道今悠悠豈憶流落中忽見古人儔古
來賢哲仕不達飢寒不解為身謀紛紛眼底知音少幾
向西風歎白頭

乙巳清明遊青陽峽

東山氣象太猛悍萬馬駸駸來楚甸中分不肯割鴻溝
鍛礪戈矛期一戰西山折北如西漢獨餘絳灌奔而殿
誰為劉項決雌雄賴有韓彭力相援盧溝直下兩水合
泯泯暗流通一線突為瀑布出山口流沫成輪浪成漩
前逾百步落石甕黛蓄膏渟那敢晒沈沈南去若白虹

欽定四庫全書

御選金詩

卷七

三九

為嶼為泚互隱見鑿開渾沌幾千秋世俗雖見如不見
今人雖有筆如椽為寫佳名傳寓縣人間佳節重清明
呼兒折簡招諸彥一生能著幾兩屐佳處每欲經行遍
山靈著意勸遊人吞吐煙霞生萬變山阿玉女跪焚香
巖呼仙人一笑倩居者儼若帝王尊劍佩雍容侍間宴
植者磊落如鉅人聚立廣庭議封禪拱者矯矯如勇夫
執戈夾祀著綦弁平灘淺瀨乍可揭溪路曲隨峰勢轉
葛屨偏宜苔蘚滑行襟時被薔薇罨當面煙嵐舞翠蛟

欽定四庫全書

御選全詩

卷七

三十

出岫閒雲飄素練羣行不復事拘檢眼正明時脚還倦
班荆共坐溪上石粗糲濁醪具時饌良辰無奈夕陽催
羽觴正要清歌薦醒心况復有寒泉玉池遍返成三嘯
三分春色二分休風外飛花時一片古人行樂欲及時
半百之年猶掣電惟有愛山緣未斷夢寐孱顏添健美
一窮到骨不自治虛負胸中書萬卷謾向山村老却人
生來不識荊州面肝膽槎牙須酒澆顧我非狂亦非狷
紛紛世無真是非棄置從渠若秋扇歸來新月偃林梢

寂寞衡門掩深院

戊申四月遊禹門有感

黃河一線天上來兩山突兀屏風開天生聖人為萬世
驚濤拍岸鳴春雷冷雲直上三千尺石巔古廟高崔巍
斷碑歲月不可考丹青剝落空莓苔嗟乎去古蓋已遠
荒辭漫汗相驚猜安居平土果誰力愚民耳目誠可哀
一聲漁笛起何處滄洲雅興還悠哉

景純浩然見過徑飲成醉夜中雨作比近五鼓

欽定四庫全書

御選全詩

卷七

月色滿室曉起書長語贈二子

退之方北歸見蝸即成喜東坡還泗上鐸聲欣入耳而
況羈旅中邂逅遇知己東風澹蕩百草芳游絲飛絮白
日長一杯相祝對流水白酒微帶芹溪香漁歌樵唱競
相屬不覺半山無夕陽醉臥山堂聽山雨冰雪對牀揮
夜語一燈照壁映悠悠恰似孤舟泛清楚夢回酒醒明
月高風雨向來無處所人生哀樂本皆空莫令身世如
飛蓬

段成已

送尋正道歸浦中

江頭楊柳不堪折
陌上行人還又別
春光不解苦留人
兩岸楊花飛白雪
江風搖搖吹綠波
欲別未別傷如何
勸君且住聽我歌
後日重來白髮多

松溪幽隱圖

何宮遺構山之隅
長松蔽映千萬株
中有一徑穿紫紆
冷風蕭瑟無時無人
間赤日如洪爐
恍疑仙景來蓬壺

欽定四庫全書

御選全詩

卷七

三三

蹤跡一隨聲利區
回首自覺泥塗污
歲月因循歸計迂
松溪想像勞形模
可憐塵夢今始蘇
空對溪山慚畫圖
一日來歸聊自娛

暇日意行姑射山下奉借遜菴先生聽雨堂韻

簡詩社諸君

散策步幽巖所遇良
可喜戀戀蝶遶衣
涓涓泉入耳俯仰
天地間一物莫非已
暄妍坐閱春事芳
飄飄思與春雲長
呼兒置酒飲花下
風來滿袖攜花香
白白紅紅紛

澗谷恍然身世如
河陽東風吹落山
頭雨山鳥春歸共
人語拂苔便欲枕
流臥却恐傍人笑
孫楚眼看六合塵
土滿歸袂翩翩去
何所乘風便擬凌
青空人間無處尋
方蓬

題秋暮山行圖

亂山崒岸爭清妍
寒林寂歷相繚聯
人間黃塵千萬丈
一點不到山林邊
秋光澹薄秋氣爽
浮雲積翠何蔥芊
高風淒其脫木葉
向來面目仍增娟
江流一曲抱山麓

欽定四庫全書

御選全詩

卷七

三三

孤舟斜日棲江湍
行人何適來負擔
腰脊踣確石頭路
蹇驢鞭不前人家
前途渺何許望之
不及憂悄悄問公
何從得此本筆勢
髣髴營丘傳我本
山中人見之心惘
然嶽嶽歷落真可
笑對畫題詩思昔
年

曹謙

東坡赤壁圖

先生矯矯人中龍
京塵千丈不可容
五年一夢落江海
翩然野鶴開囚籠
雪堂閉戶讀書史
興來飄然弄雲水

黃泥坂下醉三更赤舄磯頭杭一葦明月清風共一江
邁往之氣無由降酒酣作賦記清賞袖有巨筆如長杠
一朝騎鯨尋李白人間俯仰成今昔續絃無處覓鸞膠
見畫思公空歎息

秦彥容

寄李用章

先生高見真吾師速營菟裘猶恨遲窗明炕暖十笏地
松風蕭蕭和陶詩山野已尋雲外路直入天壇最深處
踏開李愿舊游踪請君自草盤谷序

欽定四庫全書

御選金詩

卷七

三四

御選金詩卷七

欽定四庫全書薈要卷一萬八千三百九十四 詩部

御選金詩卷八

五言律詩一

蔡松年

閒居漫興

歸田不早計歲月易云徂但要追蓮社何須賜鏡湖簿
書欺俗吏繩墨守愚儒安得如嵇阮相從興不孤

吳激

窮巷

窮巷無來轍貧家有舊醅窗明憐雪在睡美覺春回
甲方齊折梅花亦半開茅簷鳴好鳥節物莫相催

歲暮江南四憶

瘦梅如玉人一笑江南春照水影如許怕寒糝未勻花
中有仙骨物外見天真驛使無消息憶君清淚頻
天南家萬里江上橘千頭夢繞閣門迴霜飛震澤秋林
深宜映屋香遠解隨舟懷袖何時獻庭闈底處愁

欽定四庫全書

御選金詩

卷八

吳淞潮水平月上小舟橫旋斫四腮鱸未輸千里羹
擣齏香不厭照箸雪無聲幾見秋風起空悲白髮生
平生把螯手遮日負垂竿浩渺渚田熟青熒漁火寒憶
看霜菊艷不放酒杯乾比老垂涎處糟膾箇箇團

述懷

旅食空彈鋏歸休合挂冠煙塵榆塞遠風雨麥秋寒巢
燕長如客鳴蛙不屬官柴門江漲到落日下漁竿

喜晴和張魯瞻

原野悅新沐豐隆寧世情鳥歸林靄暝樓射澗虹明春
草牛羊遠人家機杼鳴慘舒長有命誰復問陰晴

招趙資深拾遺

別久貌逾壯道同心更親移居近韋杜相對邈參辰雪
少似饒客鳥喧知得春歸期淹幾日莫厭馬蹄頻

同兒曹賦蘆花

天接蒼蒼渚江涵裊裊花秋聲風似雨夜色月如沙澤
國幾千里漁村三兩家翻思杏園路鞭裊帽簷斜

國公女生日席上命賦

雪射瑤堦月春回玉女扉雲中三秀草石上六銖衣酒
熟鵝兒色身輕燕子飛客槎還汎斗誰解卜搗機

早春

寂寂重寂寂出門春草齊晚芳猶著樹江漲欲平溪山
暝有時雨村深何處雞遠山綠底恨故作傍人低

宇文虛中

過居庸關

奔峭從天拆懸流赴壑清路回穿石細崖裂與藤爭花
已從南發人今又北行節旄都落盡奔走愧平生

晚宿耀武關

山與煙雲暝溪兼冰雪流寒枝啼枯鞠煬室聚咿嗶此
日征行因何時喪亂休尚矜爭席好無復舊鳴騶

安定道中

落日塵埃壯陰風天地昏牛羊爭隘道鳥雀聚空村跛
曳傷行役光華誤主恩未甘遲暮景伏櫪意猶存

歲寒堂

洞戶延清吹庭除貯綠陰不隨風月媚肯受雪霜侵潤
入珠泉爽聲傳玉帳深主人留勝賞同此歲寒心

和高子文秋興二首

沙碧平猶漲霜紅紛已多駒年驚過隙鳧影倦隨波散
步雙扶老棲身一養和羞看使者節甘荷牧人蓑養和
凡名
搖落山城暮棲遲客館幽葵衰前日雨菊老異鄉秋自
信浮沉數仍懷顧望愁蜀江歸棹在浩蕩逐春鷗

又和九日

老畏年華短愁隨秋色來一持旌節出五見菊花開強
忍元猿淚聊浮綠蟻杯不堪南向望故國又叢臺

中秋覓酒

今夜家家月臨筵照綺樓那知孤館客獨抱故鄉愁感
激時難過謳吟意未休應分千斛酒來洗百年憂

高士談

將赴平陽諸公祖席分韻作

灞橋波似箭南浦草如裙此夜燈前淚他年日暮雲醉
和醒一半悲與笑相分莫作陽關疊愁多不忍聞

秋興

鼓角邊城暮關河古塞秋淵明方止酒王粲亦登樓搖
蕩傷殘歲棲遲憶故丘乾坤尚傾仄吾敢歎淹留

不眠

不眠披短褐曳杖出門行月近中秋白風從半夜清亂
離驚昨夢漂泊念平生淚眼依南斗難忘去國情

秋晚書懷

肅肅霜秋晚荒荒塞日斜老松經歲葉寒菊過時花天
闊愁孤鳥江流憫斷槎有巢相與急獨立羨歸鴉

早起

曉起先烏鵲愁多竟不眠風霜嚴塞草星月淡秋天落
葉親攜帚垂瓶自汲泉禁門朝萬馬魂斷憶當年

春日

遲日回輕暖東風掃積陰客愁眉上見春意柳邊尋健

犢躬耕計歸鴻去國心醉鄉如可隱會放酒杯深

孫九鼎

甄莊三藏真身

三藏來中土時其師授記謂當逢甄而住歿後三百年見夢於

白氏出地中

生自龜茲國來從大業年緣甄駐飛錫夢白出重泉鐵

石亦有毀筋骸何尚全應知待彌勒萬劫庇山川

王仲通

送客

欽定四庫全書

御選金詩 卷八

六

措足疑無地捫心幸有天故人成邂逅殘喘見哀憐落

日驚魂外孤雲淚眼邊西歸萬里夢今夕到君船

邊元鼎

暮鐘

落日行人斷深秋暝雨殘一聲煙樹外千里暮山寒倦

鳥方知止哀猿冷不安蕭蕭風葉下時與野僧還

張斛

沙邊

晚雨漲平堤沙邊獨杖藜長風催鴈北衆水避潮西楚

客相逢少吳天入望低故園無路到春草自萋萋

東川春日

巴蜀三年客江湖萬里情滄波何處盡歸棹幾時行世

態浮雲變春愁細草生羣山遮望眼片月上高城

巫山對月懷湖外親友

衆壑斂新雨孤舟增暮寒巫山今夜月湘水幾人看不

得臨湖醉惟愁下峽難雙魚憑寄遠尺素勸加餐

欽定四庫全書

御選金詩 卷八

七

盧臺峭帆亭

高秋客未還何處望鄉關喬木蒼煙外孤亭落照間雨

晴山覺近潮滿水如閒目斷峒陽路歸雲不可攀

高寺

高寺鳴鐘後孤舟落鴈邊已知歸徑晚故就上方眠石

峻溜聲急月高松影圓明朝下煙靄回首阻清川

寓中江縣樓

武江斜轉石文岫獨參天

江曰玄武山曰文達

綠漲他山雨青浮

近市煙松新炊白粲水蔓繫江鮮自喜飄蓬跡安居過
兩年

仙門驛聽泉

一亭圍古木雙磎瀉清流行到雲山暮臥聞風雨秋客
塵何日浣病渴此時瘳歸去南溪上輕舟細浪浮

海邊亭為浩然賦

夙有滄洲趣雲扃夢幾回臨深疑地盡望遠覺天開月
湧冰輪出濤飛雪陣來無機同海客鷗鳥莫相猜

欽定四庫全書

御選全詩
卷八

馬定國

客懷

結髮遊荆楚勞心惜寸陰草長春徑窄花落曉煙深穀
早惟祈雨年饑不問金三齊雖淡薄留此亦何心

送王松年之汶上

去去東平道飛轅不可攀地隣邾子國天近穆陵關問
俗徵前事移家卜好山溪堂醉花月春興幾時還

雨晴離開化寺

澗谷流秋水樓臺入暮寒連城遭雨積一日得泥乾利
劍青鯨室名駒白鐵鞍回頭樓隱地風樹響珊珊

劉著

渡遼

身隔遼東渡心懷冀北羣會歸蘇屬國却憶范將軍風
陣橫秋鴈雷聲吼夜蚊方言莫相笑唐梵本殊分

病中言懷呈韓給事

潦倒淮山客金臺五見秋退飛嗟宋鷁畏暑甚吳牛問

欽定四庫全書

御選全詩
卷八

疾憐摩詰分曹類子猷自慚無補報只合隱林丘

趙亮功

甘露寺

鄭南峰下寺泉石間疎篁飛雨度山閣閒雲生野塘簷
前松子落廚際柏煙香別後聞鐘磬山陰空夕陽

姚孝錫

睡起

睡起日侵牖開軒遙見山曉風吹臘盡芳草惹春還煙

暖鶯遷谷雲低鴈渡關衰年人事減遇酒得開顏

閒居

無客訪衰殘柴門盡日關耽書真是癖惜酒近成慳苔
徑行搜句茅簷臥看山却嫌明鏡裏偏照鬢毛斑

次韻秋興

老畏年光速愁添旅夢多西風著梧竹歸思入煙波夜
永憑詩遣顏衰得酒和故溪千樹柳誰復曬漁蓑

次韻李相公偶成

簾鳥喚歸夢竹風追夕涼感時空有淚却老分無方流
水依山白孤雲帶日黃無人共尊酒散髮臥藜牀

用峰山舊韻二首

信步西風寺窮幽未覺賒松根纏石瘦雲磴出巖斜思
爽餘三唱詩成自一家空餘幾兩屐不踏渡溪槎

春水上堤沙春晴散望賒衰年花近眼久客夢還家映
日孤鴻沒迎風雙燕斜平生江海意早晚送浮槎

寄田朝散善輔

粉署標名舊山城識面新青雲摧勁翮空谷滯幽人世

路謀身拙心田育德醇久要知可卜傾蓋已情親

春日書懷

雲散交情薄基翻世態新山容猶帶臘鳥語已回春節
物驚心遽丘園入夢頻東風如解語端笑未歸人

施宜生

社日

濁澗迴湍激青煙弄晚暉綠隨春酒熟分與故山違社

鼓喧林莽孤城隱翠微山花羞未發燕子喜先歸

割少詼諧語分均宰制功靈祇依古樹醉更泥村童萬

里開耕稼三時順雨風行春從此樂著意酒杯中

朱自牧

對雪

寂寂袁安舍柴門雀可羅青氈無舊物黃竹有新歌罷
飲瓢仍棄供吟筆旋呵殷勤掃荒徑尚憶子猷過

李晏

贈燕

王謝堂前燕秋風又送歸向人如惜別入戶更低飛海
闊迷煙島樓高近落暉不知從此去幾日到烏衣

通州道中

冉冉年華老飄飄客路難塵埃山色斷雲霧日光寒念
遠心先折孤吟鼻亦酸平生江海意潦倒愧儒冠

遊龍門回投超化寺

還邀二三子共到鑿龍遊冷壑泉初動春巖氣欲浮竹

欽定四庫全書

御選全詩

卷一

藏深崦寺人渡晚川舟始覺山風急歸鞍不自留

題海會寺以禪房花木深五字為韻得花字

地僻人行少溪深路趁斜解鞍投翠篠倚杖問黃沙石
罅涓流水林梢秀晚霞此心機盡矣何必染衣花

趙慤

蜀山曉發

曉發蜀山道山深入自迷殘星數徽小斜月一梳低隔
舍綠車響遙林杜宇啼區區事行役何日得安栖

寒齋雪中書呈許守

翦水作花開紛紛天上来聲清偏傍竹豔冷欲欺梅積
潤滋年麥餘膏丐草萊窮閭休歎息數日是春回

蔡珪

飲陳氏第代主人留客

風定息林葉雨晴開夕陽停歌方待月插羽且傳觴文
舉客常滿次公醒亦狂更闌君莫去促席就新涼

寄通州王倅

長夏少人事官閒簾戶深枕涼秋入夢林密翠交陰適
欲非吾事謀閒遂此心絕交吾豈敢覓句識知音

出居庸

亂石妨車轂深沙困馬蹄天分斗南北人問日東西側
脚柴荆短平頭土舍低山花兩三樹笑殺武陵溪

劉汲

慶州回過盤嶺宿義園

隨馬雨不急催人日欲晡山從林杪出路到水邊無拘

欽定四庫全書

御選全詩

卷一

縛嗟微宦崎嶇走畏途村家應最樂雞酒夜相呼

到家

三載塵勞慮翻然盡一除園林未搖落庭菊正扶疎
遶屋看新樹開箱檢舊書依然故山色灑灑入吾廬

喬辰

凌虛堂

木暗蒼煙合池荒碧草深高臺平竹杪幽徑入花陰
奔走成何事登臨慰此心晚涼山更好風處一披襟

欽定四庫全書

御選金詩

卷八

十四

郝侯

七月十五日夜顯仁寺東軒對月

野迴雲歸盡山高月上遲暗螢依露草驚鵲遶風枝
素影隨波遠新涼與酒宜中秋更有味試為卜歸期

次仁甫韻

渺渺橫煙渚淒淒挂月村酒非鄰舍取詩復故人論世
態烏棲屋生涯雀在門西山却多思松雪動吟魂

題溫容村寺壁

草樹醒朝雨烏鶯快晚晴山光自明潤野氣亦淒清
茗椀閒中味紋楸靜裏聲此懷能自適未要縛簪纓

晚過壽寧

稻壠分碁局松門入畫圖牛羊歸自急鷗鷺宿相呼
落日低青嶂高風起暝途歸僧上煙靄回首愧區區

攬秀軒

寺得新遊處軒餘舊賦詩山川蒲子國松柏晉侯祠
行止非人力登臨且歲時道人應笑我真負鹿門期

欽定四庫全書

御選金詩

卷八

十五

三月望日次邊德舉攬秀軒

水遶千家邑山圍一席天桑麻新雨露檜柏老風煙
夢後餘芳草愁時更杜鵑亦知推不去端用得忘年

馮子翼

和張浮休舊韻

嫩水籠篁碧新霜染樹紅石潭沉曉月山雨暝秋空
燈火吟窗下關河醉眼中西風喚張翰南望思何窮

小圃茅亭新成

榆柳清陰下茅亭近水湄抵簷栽美竹橫榻賦新詩朴
陋從人笑栖遲止自怡歲寒天地肅松雪有心期

劉仲尹

秋盡

利祿蝸涎壁年華蟻夢槐秋隨庭樹老寒逐鴈聲來養
性論三適分愁詠七哀閉門人客少書籍遶牀堆

晚陰

歲澆饒秋雨雲寒結暝陰晚芳留凍蝶疎木立飢禽閒

欽定四庫全書

御選全詩
卷八

覺交游減衰從老病尋安眠恐微倖底用說初心

王遵古

過太原贈高天益

天益能
作大字

盜海渺千里風塵今二毛心雖如筆正官不稱才高
筦庫非君事山林必我曹相期老鄉國拂石弄雲璈

桑之維

白髮

白髮近年見十中三兩莖半因愁僭出多為病添成梳

裏有時落鑷餘還又生老知無可避何處是功名

党懷英

宿宣灣

清潁去無極悠悠楚甸深人家半臨水村徑曲穿林積
雨猶行潦荒煙易夕陰夜涼淮浦月寂寞照邊心

奉使行高郵道中

細雪吹仍急凝雲凍未開牽間時掠水帆飽不依桅岸
引枯蒲去天將遠樹來行舟避龍節處處隱漁隈

欽定四庫全書

御選全詩
卷八

送高智叔歸濟南

已作西溪約還為汶上行漂流知分際會合見平生旅
枕勞歸夢家山入去程空齋桃李月寂莫照清明

維密道中懷古

十二全齊勢興亡俯仰中地傾維水北山斷穆陵東破
塚餘殘甕荒蹊足轉楚燕齊舊懸隔不接馬牛風

過棠梨溝

地僻人煙少山深澗谷重坡迤下長坂迤躡失諸峯間

俗知懷土聽歌識相春幾家茅屋外田畝自衡從

次文孺韻

病眼花生紙羈懷棘遶牆挑燈簷溜急到枕漏聲長響
徹雞時曙寒迎鴈背霜淒涼三徑菊無夢到壺觴

劉迎

秋郊馬上

故壠松楸暗空城草棘荒數峰橫鳥道一徑繞羊腸桑
葉露仍沃稻花風已香兒時十年夢懷舊一悲涼

欽定四庫全書

御選金詩

卷八

海上

潮蹙三山島煙橫萬里沙蜃樓春作市鼙鼓暮催衙一
曲水仙操片帆漁父家安期定何處試問棗如瓜

秋郊

秋水四五尺暮山三兩峯浮雲白毫相落日紫金容
蒼笠前村笛樓臺古寺鐘殷勤小平遠圖畫記渠儂

代人憶舊

緩步素絲障微吟紫綺裘醉便風側帽歌愛月明樓犀

軸題春恨銅荷滴夜愁風流十年夢燈火漫揚州

題雪浦人歸圖

亂日寶花雨過眉斑竹筇擎音迎畫鷁喜態動烏龍水
鏡千江月風琴萬壑松遙知永今夕情話得從容

王庭筠

書西齋壁

世事雲千變浮生夢一場偶然攜拄杖來此據胡牀有
雨夜更靜無風花自香出門多道路何處覓亡羊

欽定四庫全書

御選金詩

卷八

秋郊

瘦馬踏晴沙微吟度隴斜西風八九月疎樹兩三家寒
草留歸犢夕陽送去鴉隣村有新酒籬畔看黃花

王琢

和張仲宗雪詩不用體物諸字

天人應卜歲出此當佳占舞巧穿幽隙堆寒壓短檐閒
門誰擁篲醉館自開簾比興非無物詩人正避嫌

趙滄

郊外

迴野饒秋色高臺半夕陽
鷗眠沙渚靜鳥沒嶺雲長
薄宦違幽興浮生更異鄉
歲華成白首丘壑愈難忘

貢院中懷山中故居

歲晚西溪路誰過舊草堂
苔紋侵柱礎竹色度隣牆
白首光陰疾青山意緒長
相思老九弟夜夜夢還鄉

貢院聞雨

燈暗風翻幔蛩吟葉擁牆
人如秋已老愁與夜俱長
滴盡塔前雨催成鏡裏霜
黃花依舊好多病不能觴

九日懷尹無忌

茅屋秋蕭索幽居盡日間
碧雲看欲暮遠客幾時還
書劍成何事風塵只強顏
思君千里夢夜夜到燕山

秋郊晚望

桃竹猶堪杖幽尋興頗嘉
池荷能幾葉籬菊不多花
地拆成龜兆林枯出犬牙
村農慶豐歲社鼓已三挝

元日

馬上逢元日東風送客愁
潯沲春水渡瀛海夕陽樓
雪照潘郎鬢塵侵季子裘
勞生已強半更欲玷清流

過良鄉縣學

儒宮宜地僻竟日有餘清
殿古碑仍在庭空草自生
風高時脫木雲重欲摧城
客興已瀟灑秋堂更雨聲

和詵上人雪詩

貧巷仍飛雪空庭迴絕塵
照窗疑不夜著樹忽驚春
枕冷夢魂短山明天宇新
賦詩分氣象定有灞陵人

澗上

遠徑留殘照疎林出小園
山川半豺虎歲月且琴尊
杜老新雞柵龐公舊鹿門
不才真忝竊人道典刑存

新涼

頗覺小眠快便知秋意真
清風論世舊老圃得時新
移竹觀君子翻書訪古人
可人陶靖節隨意寫天民

路鐸

書州驛壁

雉堞俯已見羊腸行尚難炊煙界沮水老木識橋山時
廢無人弔臺高有鳥還客懷秋館雨未老鬢先斑

雨中

月翳有時吐風薰俄自清雲迴暑天影雨進夜窗聲眠
聽參天籟神游得化城覺來還故處飢鼠撼燈檠

朝川

畫圖風景是亭榭歲年非秋色半黃落人煙深翠微暗
溪魚得計香靄鳥忘機觸物增惆悵吾廬早晚歸

欽定四庫全書

御選金詩

卷三

汴梁公廨西樓

雲態看來變簷陰坐次移一蟬吟未了雙鳥去何之薄
宦槐安夢浮名劔首炊安心元有法遣興可無詩

風閣

河山陳檻外象緯挂簷牙微吹來千里清音散萬家坐
深忘畏日飲久失餘霞賢守後民樂歌工盧水涯

尹無忌

游同樂園

晴日明華構繁陰蕩綠波蓬丘滄海遠春色上林多流
水時雖逝遷鶯暖自歌可憐歡樂極征鼓散雲和

周昂

早起

覆斗臨霜閣號鐘滿夜城飛揚他日事去住此時情文
字工留滯塵沙管送迎百年今已半凜凜畏虛生

曉望

曉樹雲重隱春城日半陰蒼茫塵土眼恍惚歲時心流

欽定四庫全書

御選金詩

卷八

卷三

落隨南北才華閱古今柴荆生事窄寧憶二疎金

羈旅

羈旅情方慘暄寒氣尚膠谷風連遠陣原樹鬱春梢要
路嗟何及浮名久已拋百年麤飯在真欲事誅茅

早春

小雪寒仍在煙花意已深老侵長路鬢春蕩故園心幸
可追沂詠何勞費越吟微躬應自愛莫作愧千金

雪

小雪暮能繁愁雲久更昏細燈寒出戶欹樹老當軒竹
葉舊時釀梅花何處村賦詩空入夜愁絕與誰論

夜

門巷溪聲爽衣裳夜氣蘇地清林影散月靜桂花孤左
省詩頻詠南樓興不辜關山冰雪裏何處覓天隅

獨酌

渺渺清溪闊悠悠弱藻沈客衣臨水靜鳥影過船深暫
把魚竿坐因知靜者心滄洲高興動巢父可東尋

欽定四庫全書

御選全詩

卷八

十四

秋夜

高閣鐘初殷層城月未光淨空含宇大臥斗帶星長暗
覺巢鳥動清聞露菊香誰家砧杵急應怯暮天涼

鵲山

西征疲短服北望慘衰顏再宿殊難舍相看獨鵲山旆
沾新雨過鳥逐暮雲還白首瞻星漢何時鼓角閒

望山中松

地險蟠根古人稀小徑消雨斂開白雪風響入青霄未

畏斧斤逼惟愁霹靂燒解鞍那避遠冷色故相招

晚步

鬱鬱孤城隘飄飄絕塞游短衣忘遠步高興會清秋白
水深樵谷黃雲古戍樓居人半表毯橫管莫生愁

晚望

疊嶂何時出荒城落日低音書雲去北烽火客愁西鷹
隼乘秋擊狐狸倚暮啼吟詩且排悶佳句敢攀躋

對月

月近天河白秋深夜氣清蛛絲時隱見兔杵正分明欹
帽中宵落孤舟幾處行清風殊未發樹穩鵲休驚

促織

促織來何處秋風暗與期苦吟人不解多恨爾如知獨
枕難安夜寒衣欲及時凌晨攬青鏡一半已成絲

溪南

小徑通沙穩清溪帶樹深岸危低白屋雲近沒青岑灑
落高秋氣飛騰志士心雲臺與麟閣莫遣二毛侵

欽定四庫全書

御選全詩

卷八

十五

繼人韻

高興秋方逸幽居晚見過歡交寧厭數詩好不論多五
字含風雅千篇費琢磨自知才力拙相報欲如何

宿西藍

聞道西藍好能來定有緣青山避喬木流水信平田步
屨迷深竹題詩惜暮煙塵心壓翻倒一室暫安禪

北湖清明

碧水隨時酒春風著處花歡娛萬國本富貴五侯家金

欽定四庫全書

御選全詩

卷八

三六

動樓頭管香迴日暮車老夫唯欲睡兒女莫相誇

中秋夜高陽對月

端正高陽月空庭又見過清風禁睡得白髮奈愁何尚
識王良策難知織女梭金波流汨汨應為照滄沓

丘家莊早發

渡馬危橋立村雞暗樹號星稀白水闊霧重黑山高外
物誰能必人生會有勞鷗鵬終變化早晚借風濤

邊月

邊月弓初滿山城角尚孤中天看獨立永夜興誰俱未
覺風生暈空懷斗轉隅含情知白兔欲下更踟躕

侍祠太室

設燎彤庭啟懸燈玉殿深星河含爽朗城闕動陰沈祗
慄誠初薦馨香德已歆清風動雲幕有喜見神心

夜步

擊柝隣居靜開門宿鳥驚西風秋半急北斗夜深明獨
立乾坤大徐行杖屨輕遙憐漢宮闕重露濕金莖

欽定四庫全書

御選全詩

卷八

三七

晨起

鼓聲隨曉角合杳起平荒宿火連岡小寒星墮水長鯨
翻驚日動馬食快宵涼白首登壇將功名好自強

送客

相見席不暖送行情更牽只愁人面隔不放馬蹄前塞
迴雲垂地溪平水接天山川後期闊把臂兩茫然

翠屏口

去歲翠屏下東流看湧波愁將新鬢髮還對舊關河翅

健翻秋隼峰高並晚馳草深饒虎跡夜黑欲誰過
地擁河山壯營關劔甲重馬牛來細路燈火出寒松刁
斗方嚴夜羔裘欲禦冬可憐天設險不入漢提封
玉帳初鳴鼓金鞍半偃弓傷心看塞水對面隔華風山
去何時斷雲來本自通不須驚異域曾在版圖中
野蔓梢駝架輕泥濺馬鞍徑斜來險石溪急上清灘羽
檄千山靜羔裘六月寒長松空夾道蕭颯不成看
旌節瞻前帳風塵識舊坡眼平青草短情亂碧山多晚
起方投筆前驅効執戈馬蹄須愛惜留渡北流河

欽定四庫全書

御選全詩
卷一

山家

秋日山田熟山家趣轉奇壟苞銀粟綴牆蔓綠雲垂野
飯留佳客青錢付小兒主人愁喪亂數數問邊陲
蕭颯晚風涼高杠引旆長嶺雲殘宿陣陵日湛晨光已
作依劉表終須問葛疆俯身馳萬里未覺鬢毛蒼
簡易軍中事川原人望多草平鋪碧錦山遠出青螺遠
愧桃花水重臨杏子河去年關塞意蕭颯起悲歌

赤磻蟠雙闕青山壯一門放歌遊遠目箕踞得高原地
險勞天設邊戈厭日屯廟謀新控扼萬里可雄吞
官舍暫投轄塞垣還著鞭路移新歲月心醉好山川方
丈何由到桃源恐浪傳相看不隔水遺恨惜他年
翡翠長松秀氍毹細草斑屢經新渡水不數舊看山太
華愁登陟終南費引攀豈知圖畫景長在馬蹄間

寄金山長老

庭前雙柏樹作別似晨朝書信隨溪茗音聲落海潮嶺
雲間可翫邊月若無慘相見愁他日風沙兩鬢凋

欽定四庫全書

御選全詩
卷一

寄王子明

病起身仍懶眠多意尚迷筆成今夕把書似隔年題久
恨心期阻難邀物理齊燈花應解事岑寂向人低

萱草

萬里黃萱好風煙接路傍迹踈雖異域心密竟中央
染練成初色移瓶得細香客愁無路遣始為看花忘

得家書

窮愁非昔境白髮有深根淚破孤城郡書來萬里村鴈聲寒日夜秋色老乾坤為問遊方子何時慰倚門

書齋

夜雨書齋冷西風木葉拋暗蛩侵壞壁低鴈落寒郊壯志初嘗膽吾生豈繫匏草元雖閉戶未用客相嘲

竇氏園亭

雲樹春秋色風泉日夜聲過庭高幕暗吹簟轉雷驚翠袖擎詩罷銀壺得酒傾平生耽野趣到此眼偏明

欽定四庫全書

御選金詩

卷八

三十一

磴鑿蒼崖破池通碧澗流憩深憐洞室吟穩憶扁舟谷口堪高隱河梁厭遠遊卜居真此地幽寂更何求

家園

五畝園連竹三間屋向陽氣和春浩蕩心靜日舒長花鳥成相識琴書付兩忘陶然一尊酒誰復記羲皇

晚望

獨立孤城上關山望不休異鄉驚絕域遠日豁清秋未擬登樓作空歌出塞愁故園飛鳥外溪水正南流

新秋

畏日經時暑清秋一夕涼真堪近燈火不復病衣裳宋玉悲搖落安仁愧老蒼鄙夫那及此睡美百憂忘

欽定四庫全書

御選金詩

卷八

三十二

御選金詩卷八

謹案卷七第二十三頁前五行吾聞尹革臺駘宜


汾洮障大澤刊本駘訛胎據左傳改

卷八第二十九頁前七行寄金山長老刊本脫長

字據中州集增

第三十頁前七行過庭高幕暗刊本庭作亭據中

州集改



總校官庶吉士臣侍朝
校對官檢討臣蕭九成
騰錄監生臣李本

欽定四庫全書薈要

集部
御選金詩卷九

御選金詩卷九

欽定四庫全書薈要卷一萬八千三百九十五

集部

五言律詩二

王礪

謝竹堂先生見過

學稼古寺側結廬高柳陰音書故交絕歲月杜門深
新雪添衰鬢寒灰沒壯心西州賢別駕連日肯相尋

次友人秋日雨後韻

欽定四庫全書

御選金詩卷九

涪州秋雨後幽勝可供閒白首留他縣歸心遠故山野

泉來竹底危磴入雲間尚記登高會重巖細菊斑

蕭貢

靈石縣

古道行人少荒城亂石侵天橫機素直河入土囊深澗

近雲長潤山高日易沉田翁樂豐歲歌笑下崎嶇

路枕

秋懷

詳校官原任主事 李斯咏

落日留虛壁秋風急戍樓高歌鬼神夜揮涕虎狼秋夢
貴少青眼文章多白頭何時挂長劍天地一扁舟

趙秉文

擬和韋蘓州遊開元精舍

松軒風掃靜終日閉門居犬卧青苔地鳥銜红柿初瓶
殘夜禪起經潤雨翻餘自是少人迹非關來往疎

擬漠漠來帆重冥冥去鳥遲

薄暮蕭蕭雨何人獨倚闌濛濛山氣重澹澹水紋寒草

欽定四庫全書

御選全詩
卷九

際光猶泣松梢滴未乾燈前未歸客無夢到長安

塞上四首

窮邊四十里野戶兩三家山腹過雲影波光戰日華汲
泉尋澗曲樵路入雲斜隨分坡田罷還簪野草花
因循射鵰壘偶到殺狐川鹵地牛羊瘦邊沙草木羶廢
城餘井白古戍斷烽煙自說無征戰今經六十年
薄宦邊城裏經年無客過一川平地少四面亂山多野
色連秋塞邊聲入暮河舊貂寒更薄飄寄欲如何

樹靄連山郭林煙接塞垣斷崖懸屋勢漲水沒沙痕烽
火雲間戍牛羊嶺外村太平閑撒手文字付清尊

寒夜

歲晏寒無那夜深清欲餓竹風驚夢斷雪意聽窗知稍
稍鵲翻樹蕭蕭人語籬虛明滿吾室何許月來時

三山渡口

春水三山渡斜陽八字堤河淤樹身短沙截草痕齊地
納黃流大天銜浚澤低故人不我見愁思使人迷

欽定四庫全書

御選全詩
卷九

西陵

藹藹西陵樹蕭條歌吹聲容愁連斷鴈地古更荒城草
色嬌新雨河流怒不平浮雲臺上起不盡古今情

正覺院

西日轉廊腰疎鐘送次寥壞牆綠苦竹破屋上凌霄白
髮知僧臘青燈更客宵葉聲風外盡窗雨續蕭蕭

開元寺

歲久開元寺黃花落石龍瓶深派碧梵蝸壁篆金容窗

影年年塔禽棲夜夜鐘平生睡秋雨竹閣味偏濃

散策

解鞍成小憇散策逐幽欣偶拂水邊石坐看巖上雲
麻深畏景水竹淡斜曛興寄方自得清涼誰與分

寒食遙真西山寺

榆中草色無春水稍漸車野祭一盃飯鄉愁千里餘
年寒食客日日故園疎莫訝交親絕徂康懶寄書

代都張氏瑞柏堂

鬱鬱何年植盤盤元老蒼文章深籀篆忠義抱風霜
子舍占烏鵲高枝託鳳皇主人廊廟具會見拂雲長

過黃崖

患難驚身在龍鍾感歲新山川愁倦鳥歲月老行人
落日黃崖古東風白霄春傷心潢水北無乃久風塵

大雪

大雪無朝暮衰年見未曾園林春浩蕩川岳氣憑陵
雲慘天應漏陽微井欲冰欲尋安道舍何處一龕燈

欽定四庫全書

御選金詩

卷九

四

梁園中秋

今夜梁園月相逢照一尊他時千里共此會幾人存
老我追隨盡憐渠笑語溫不眠瞻玉兔終夕露荷翻

和西溪歸思

好在西溪隱人令白玉堂興來看畫本夢去拂詩牆
舊竹多年合新松幾許長從渠黃石老獨占白雲鄉

徙倚

徙倚秋原上長吟動所思草荒天馬瘦日落野鷹饑
多

欽定四庫全書

御選金詩

卷九

五

病親朋改中年齒髮衰功名付公等才力況明時

赴寧化宿王道

山屋如雞柵才容卸馬鞍風吹四山雪月照一川寒
不敢侵星起惟愁上嶺難中宵問前路客枕若為安

北垞

驅馬北垞上山先淡復深夕嵐無遠近返照有晴陰
泉落莓苔石風先松櫟林悠然成獨酌啼鳥是知音

蘆芽山

荷葉平初盡蘆芽勢漸分朝來知宿雨谷底見歸雲日
上松猶滴風來草自薰臨溪歸路險萬篾下河汾

管州道中

龜手酸風裏寒多酒不勝馬蹄荒店雪人跡斷橋冰瘦
骨成山字霜髯作戟稜綠窗三丈日政爾夢騰騰

桃花島寄王伯直

冰破村橋擁春寒旅鴈低遠山封霧小高浪與雲齊島
寺明松雪潮船濺藕泥詩情吟不盡寄與畫中題

欽定四庫全書

御選全詩
卷九

六

咸平道中

道壞緣岡遠村流自作塘夕陽開野色秋水納山光雨
住林逾黑鳥歸天更蒼冥搜無好句淡墨寫微茫

慶雲道中

對岸青山隔孤城碧浪開綠蕪天際合白鳥日邊回波
口呼舟急沙頭立馬催夕煙生極浦欲上客衣來

登巢雲樓

烽火三年成沙陀幾戰場自予甘薄宦與子各殊方寒

木錮春色高樓傾夕陽如聞洗兵馬失喜問臨潢

和陽子元

紅葉如人老黃花與世疎物華行晚晚天宇迎澄虛山
作屏風畫鴈成人字書相逢一杯酒秋興客何如
小雨班班落庭槐撼撼疎秋涵山骨冷天入水痕虛多
病難忘酒窮愁強著書深慚靈感老時復問何如

松下獨酌

行人隱微徑古寺帶平岡山勢依城斷河流入野長樹

欽定四庫全書

御選全詩
卷九

七

歌支壤道草卧壓頽牆獨酌無人共松風薦一觴

松山道中

松漠三百里飄然一日中山長雲不斷地迴雪無窮遠
嶺舍殘照深林貯晚風煙村一迴首獨鶴下晴空

疊翠巖

枯枿似黔突斷崖如削瓜林深自風雨地古更煙霞脚
力行將盡雲山殊未涯試窮千里目直北際龍沙
飛身清曠外著眼有無間崖斷疑無地雲開更有山鳥

隨天影没人自日邊還歸夢扶清境詩情不得閒
帳殿臨青嶂蒼崖裊翠煙孤根盤厚地秀色入蒼天井
有四時雪巖垂萬古泉皇情非暇豫問俗到山川

陪李舜咨登憫忠寺閣

日月躔雙拱風煙納寸眸雲山浮近甸宇宙有高樓鳥
外餘殘照天邊更去舟登臨有如此况接李膺遊

宿崔家莊

野次寒山外人家霽雨中饑鴉蹲落照危葉顛西風牆

欽定四庫全書

御選全詩
卷九

缺青山補橋歌白水通豐年聞好語倚杖問衰翁

過潯水

夕陽山豁處平照大河流漠漠雲間樹悠悠天際舟黃
塵隨匹馬白水自雙鷗會得閒中趣浮生半白頭

通許道中

曉逐三軍發清寒苦不禁征驂過野店寒犬出疎林宿
火留行客霜枝滑凍禽據鞍覓句愁些不成吟

廬州城下

月暈晚圍城風高夜斫營角聲寒水動弓勢斷鴻驚利
鏃穿吳甲長歌斷楚纓回看經戰處慘淡暮寒生

暮春

自嗟中歲在不與暮春宜非復歡娛地其如老大時百
年歸覽鏡萬事入支頤此意無人會陶情一賦詩

湧雲樓雨

滿地江河夢連陰晦朔秋雨中山似醉風外浪如愁眼
病憎黃卷心安任白頭明年一官滿誰復話登樓

欽定四庫全書

御選全詩
卷九

窮愁

何處新秋好飄蕭意欲仙乍涼新雨後欲曙未明前莎
影蛩吟地松梢鶴唳天物情無好醜適意各天然

和潘師韻

睽離三十載重此叩元微日月雙蓬鬢乾坤一布衣月
明馮水宿秋老華峰歸不得陪仙馭浮生有是非

和政老九日韻

數日間齋卧體中殊不嘉那知是重九但喜見黃花矯

首懷天末攜壺傍水涯琳宮題壁處醉墨字歌斜

贈茅先生

二室神仙宅三茅道士家野人遺竹箒劉仙編竹箒以給公朝夕弟

子掃松花有道能擒虎無心任踐蛇天平有陳迹吾欲

老煙霞

雪霽

黃雲霽雪感寒日淡暉暉雨砌晴先滴風簷落更飛侵

凌池面瘦擁腫樹身肥長憶廬陵老憂時詠鐵衣

欽定四庫全書

御選全詩
卷九

十月菊得深字

地偏開較晚風勁可能禁雨清金英淺寒添紫暈深抱

叢無曉蝶窺蕊有貞禽留待飄零後梅花約重尋

白鴈

波淨影逾白霜清鳴更哀乾坤雙鬢老風雪一聲來林

迴隱猶見天長去復回物情嫌太潔莫使羽毛摧

野菊

離離巖下菊無主混蓬茅路斷秋光隔山明水影交荒

叢鳴蟋蟀寒葉掛蠨蛸擬訪陶廬飲柴扉何處敲

嶽觀

步屨方壇上行吟避草芽簾聲風拂燕池影柳蹲鴉天

入濛濛雨春歸淡淡花遊春心未老牆外皮香車

秋雨

天邊認遙電雲際尚殘陽雨脚夜深白濤頭曉霽黃沙

邊明鴈影林外見山光擬盡登高興秋懷祇自傷

早出新安

夜宿新安驛平明雪塞驛馬頭迷舊路虎跡印新蹄冰

凍寒流狹天銜遠路低人稀山店遠茅屋只聞雞

欽定四庫全書

御選全詩
卷九

呂子羽

廣平道中

風色著顰面霜華侵老須昏埃埋故驛積雪縞脩途凍

岫新詩句寒林古畫圖夜寒孤月上天地一冰壺

宿章義廣勝寺

小邑本無寺我來勞簡書路長頻問馬人靜厭烹魚鐘

冷僧叅外燈殘客夢餘此心誰領會松月夜窗虛

鄺權

西游雜詩

茅店雞聲外柴車犬吠間疎星涵積水殘月墮昏山好
夢人何在秋風我獨還梨園有名酒聊此慰間關

七夕

縹緲針樓外天教彩羽過步雲榆送影拂月桂交柯綉
縷縈芳袂瓜蓮得巧梭姮娥如解妬還與試斜河

欽定四庫全書

御選全詩
卷九

十三

盧元

閒詠

天近蒼龍闕居連白馬堂松聲得鄰舍山色出宮牆巷
陋輪蹄少庭閒日月長九衢紅霧裏亦有白雲鄉

李通

使高麗

去國五千里馬頭猶向東宦情蕉葉鹿世味蓼心蟲倦
枕三更夢征衫八月風山川秋滿眼歸思寄孤鴻

劉濤

宿平遙集福寺

院僻和僧靜門閒與晝長燕泥朝雨淖蝶蕊晚風香野
興煎詩思乾愁繞客腸青奴如解事供我暮窗涼

張棫

客中

絳脣花不語青眼柳初眠塵去尋芳馬香來載酒船歸
期仍鴈後野興已鷗邊惆悵無家客春風又一年

欽定四庫全書

御選全詩
卷九

十三

秋興

飄零千里道牢落半生愁殘月如新月今秋似去秋露
濃花氣重風細竹聲幽何日清溪上煙蓑一釣舟

楊雲翼

大秦寺

寺廢基空在人歸地自閒綠苔昏碧瓦白塔映青山暗
谷行雲度蒼煙獨鳥還喚回塵土夢聊此弄澄灣

煙雨

涼氣先秋至重陰接望迷有無山遠近濃淡樹高低鳥
雀枝間露牛羊舍北泥支頤政愁絕風雨過前溪

父老

寄樂平令
胡德玉

老去宦情薄秋來鄉思多遙憐桑壠在無奈棘林何白
水青沙谷黃雲赤土坡幾時隨父老社酒太平歌

龐鑄

晚秋登城樓二首

山勢碧環合溪光縹帶明牛羊成晚景砧杵助秋聲酒

欽定四庫全書

御選全詩
卷九

十四

薄人情廢官閒吏事生天東歸興滿不為憶萼羹
落日危樓上詩成只自哦清商行老矣紅葉奈秋何墮
甌前非悟跳丸去日多功名猶誑我未許著漁蓑

景骨城驛中夜雨

畫角邊城暮孤舂野水秋一川霜樹老萬葉雨聲愁自
古誰青眼勞生只白頭何時問漁父容我一扁舟

喜夏

小暑不足畏深居如退藏青奴初薦枕黃妳亦升堂鳥

語竹陰密雨聲荷葉香晚涼無一事步屨到西廂

梨花

孤潔本無匹誰令先衆芳花能紅處白月共冷時香縞
袂清無染冰姿淡不妝夜來清露底萬顆玉毫光

張建

送張子玉

渭水玻璃碧秦山劒戟明秋光如我瘦竹色與君清蟬
嘒西風柳鴉翻落日城歸舟幸無物且莫苦貪程

欽定四庫全書

御選全詩
卷九

十五

王世賞

立春後十日登樓

今日登樓眼風煙倍覺新溪梅初破萼屋雪半融銀鴈
外天逾碧鷗邊水自春兒曹應見笑吟望猶傷神

春雪

只謂春天暖寧知雪霰飛龍蛇且深蟄花柳不勝威糝
糝凌風細紛紛帶雨稀誰當問穹昊生殺果何機

李純甫

雜詩六首 錄五首

乾坤大聚落今古小朝昏諸子蠅鑽紙羣雄蝨處禪一
心還入道萬物自歸根却笑幽憂客空招楚些魂
丹鳳翔金鼎蒼龍戲玉池心源澄似水鼻息細於絲枕
上山川好壺中日月遲神仙學道者那許小兒知
空譯流沙語難參少室禪泥牛畊海底玉犬吠雲邊仰
嶠圓茶夢曹山放酒顛書生眼如月休被衲僧穿
狡兔留三窟獼猴戲六窗情田鋤宿草心月印澄江酒
戒何曾破詩魔先已降雄蜂雌蝶正自不成雙
道義富無敵詩書貴不貲浮生幾兩屐狂樂一絢絲豪
俠非吾友臞儒即我師誰知茅屋底元自有男兒

閻長言

丁氏思祖亭

鶴野三千里鳧函五百年人間仍舊德龜筮得新阡族
屬東州望衣冠鼻祖傳異時誰式墓應識子孫賢

王若虛

憶之純三首

幼歲求真契中年得偉人傾懷當一面投分許終身燈
火談元夜鶯花逐勝春何時重一笑胸次欲生塵
面目三年隔音書萬里遙宦途俱蹭蹬人事各蕭條志
大謀長拙身孤道易消本無當世用隱處會相招
雋氣輕天下高情到古人銜盃曼卿放下筆老坡神時
論誰優劣人材自屈伸窮愁須理遣不必淚沾巾

病中二首

學道今何得謀生久不成藍衫幾棄物絳帳亦虛名事
拙應天意交疎即世情煩憂時自解感觸又還生
鬱鬱窮愁意營營久病身詩情渾欲減藥物但相親未
得驅窮鬼終須問大鈞三時勞慰拊甚愧故人真

劉昂

零口早行

馬上兀殘夢沈沈天向晨行雲如如月古道不逢人野
曠畊聲遠山高露氣新哦詩無好語聊爾一吟呻

王仲元

雪

初稀時拂拂稍密自紛紛老樹曉迷月瘦峰寒帖雲色
從空際得聲向靜中聞客枕清無夢哦詩徹夜分

贈青柯平隱者

太華神明觀青柯小有天大哉霄壤內無此弟昆賢
齊物三千行棲雲二百年初平初起後又得兩臞仙

刁白

欽定四庫全書

御選全詩
卷九

渭水

渭水秋天白驪山晚照紅行人迷古道老馬識新曲
霜雪滿歸鬢乾坤猶轉蓬愁來成獨酌醉袖障西風

物質

物質方圓定營營止自疲鶴鳧傷斷續鷓鴣失高卑
巧宦多成拙徐行未必遲可憐箏上鴈來往聽人移

許古

青柯平二道人

深谷緣危磴長林繞碧山山中四時好方外兩翁閒
身世青雲上塵埃大夢間高情應笑我才到却空還

劉鐸

三陽述懷

蟻穴吾猶夢蝸廬此僅容一川青靄合半嶺白雲封
地僻宜藏拙官閑足養慵只慙無補報潦倒不歸農

即事

亦在三陽時作

地與中州迥民餘上古淳峽長深東渭路險曲通秦
煙柳千家曉風花百里春一官如自擇閒處若閒身

欽定四庫全書

御選全詩
卷九

師拓

陪人遊北苑

繫馬溪邊酌啼鶯柳外聞望長魂欲斷愁豁酒微醺
草色明殘照江聲入暮雲故園春已到歸思日續紛

曲江秋望

山遠嶂重出野平天四圍涼風芟實坵久雨藕花肥
水闊漁舟小天長去鳥微紫蒲行處有采采莫盈衣

和王逸賓繁臺詩

憑望憐臺迥長吟苦思荒行雲春郭暗高鳥暮天蒼草
色傷心極松風灑面涼故園兵革外殊覺路途長

贈雲中劉巨濟

雲廓乾坤迴霜摧草樹殘風聲秋晚急月色夜深寒綠
綺音誰會青霄氣自干那知燕市裏把酒得交驩

郡城南郭早望

曉立回塘上何人逸興同柳濃天霽雨萍圻岸含風鳥

欽定四庫全書

御選金詩
卷九

三

影明蒼靄湖光倒碧空秦川何日到解髮濯清澧

中元後二日

暑謝涼生際庭虛雨過時天長雲斷續風急樹離披世
態貧逾薄秋光老易悲燕城寒事近還與舊貂期

史肅

河上

堤外三竿日河邊八尺泥夜風喧馬櫪秋露冷雞棲歲
月吾生老關山客夢迷故園桃李樹搖蕩不成蹊

別張信夫

破壘殘星沒寒城曉角孤天低雲錯莫野曠雪糝糊小
市千錢米征人丈八及邊愁故未已不敢恨長途

登憫忠寺閣

淨宇懷超想層梯企俊遊喧卑三界盡製作六丁愁聚
土間童子移山老比丘能除分外見寸木即岑樓

讀傳燈錄

閉戶嬾不出真成住夏僧肝腸雖自苦面目得人憎處

欽定四庫全書

御選金詩
卷九

三

世若大夢學禪猶小乘早知文字悞更用讀傳燈

夏夜

一雨昭蘓外羣山宴寂中移牀就佳月引袂納涼風蝸
舍憐渠小蚊雷訝許同幽懷閱清境舒嘯夜將終

物化

物化能忘我天游不用心羶香羣蟻聚樹靜一蟬吟敗
井勞深汲荒庭關近尋枕書聊假息夕日半牆陰

立秋日

舊穀催新穀今秋似去秋年衰猶健飯官達也窮愁樹
鳥依依宿簷螢細細流箇中詩句在倚杖得冥搜

感興

避俗嫌高絕干榮恥盜誇居貧偶從仕學道不忘家樹
果蕃秋實園葵粲晚花一軒吾事了無意競紛華

立秋日

畏景流庭過涼颿即坐來物隨時共換人覺老相催
蝶依叢穩嘶蟬抱樹哀玉簪香好在牆角數枝開

欽定四庫全書

御選全詩
卷九

三

曉出東廬

谷口子真隱水濱韋氏莊鷓鴣賓客對鴻鴈弟兄行小
圃叢生竹平林半是桑朝陽生野渡濕盡馬蹄霜

元德明

雨後

十日山中雨今朝見夕陽乾坤覺清曠草棘有輝光竹
影搖殘滴松聲送晚涼南窗聊自適無用說羲皇

覽鏡

四十宜未老年年添鬢絲直教隨牒去也是掛冠時
閣多新賦山林有逸詩悠然一尊酒滿酌不須辭

室人生朝

新酒清渾共糟牀洗盞嘗平時唯欲醉此日重難忘
容服慚王霸山林得孟光白頭翁與媪萬事聽諸郎

山中秋夕

黃卷存餘習青燈共晚涼只知書味永不覺鬢絲長
老檜千年物幽蘭一國香平生陶靖節此夕邈相望

欽定四庫全書

御選全詩
卷九

三

秋暮王氏園亭

細徑雲林底危亭澗水湄秋先殞黃葉寒未老紅葵嚼
句幽禽荅尋花晚蝶隨無人共幽興思與野僧期

遣興

張翰一盃酒林逋千首詩性惟便自適材敢論時
狡兔從三窟鷓鴣分一枝青山有佳色只似往年時

發冀州留別恩禪師

詩拙非同社情親本故鄉共知成遠別且復暫相將
池

古蓮花淨窗深檜葉香何時重攜酒來宿贊公房

燈下讀林和靖詩

落葉落復落清霜今幾番疎燈照茅屋山月入頽垣老
愛寒花淡幽嫌宿鳥喧卷中林處士相對兩忘言

郝天挺

永寧寺

絕壁秋容冷荒壇露氣清野僧留客飯山鳥為人鳴已
極登臨興無窮今古情浩歌一尊酒四海共昇平

欽定四庫全書

御選金詩
卷九

五

趙元

喜霽

片段溪雲破縱橫野水涼人間泥塞路蠅動日烘窗印
壁苔痕滿侵塔樹影雙還思釀新黍甕面挹秋江

丁亥三月二十五日雪

夙變乾將至陰凝陽不流雨飛猶帶雪風急似號秋草
木無春意關河慘客愁天心寧易測三歎索冬裘

題陳居中畫唐崔麗人圖 并序

余丁卯春三月銜命陝右道出於蒲東普救之僧

舍所謂西廂者有唐麗人崔氏女遺照在焉因命

畫師陳居中繪摹真像意非登徒子之用心迨將

勉情鍾始終之戒仍拾四十言使好事者知伯勞

之歌以紀云

並燕鶯為字聯徽氏姓崔非煙宜采畫秀玉勝江梅薄
命千年恨芳心一寸灰西廂舊紅樹曾與月徘徊

呂中孚

欽定四庫全書

御選金詩
卷九

五

送李嘉甫信都令耘甫之弟

溪水碧於草溪邊送客行寫詩傳別意把酒聽歌聲去
路青天遠歸心白羽輕尊前折楊柳一一離情

寫懷

秦川西去遠不意過漳州歸夢三千里羈愁二十年謀
生空白髮行路若青天餘事休相問相留只醉眠

御選金詩卷九

欽定四庫全書薈要卷一萬八千三百九十六 集部

御選全詩卷十

五言律詩三

張琚

移河中

畊戰連年廢吾知有此行條山猶在眼渭水若為情飽
肉豺狼喜傾巢燕雀驚西樓今夜月愁絕是空城

秋夜

欽定四庫全書

御選全詩
卷十

人與年華老愁兼節物雙高風梧墮砌久雨竹侵窗客
簟悲秋卧僧鐘數夜撞更堪衰鬢影蕭颯照寒缸

郭安民

題獻陵梁氏成趣園

樂壽有高士買園鄰郡城坐尋嘉樹蔭卧聽野禽聲閒
裏書頻讀歡來酒自傾醉歌歸去曲應不愧淵明

雷淵

紫芝峪

仙徑元雲覆靈芝紫氣浮朝霞屯錦蓋春雨潤珠旒蘭
有香偏襲苔無色可侔如何采真客辟穀費冥搜

雪

風定雲仍暖天圍四顧低紛紛俄攪野浩浩欲平溪
擔歸時重漁舟望處迷饑鴉空遠樹若箇可安棲

劉從益

聞蛩用少陵韻

唧唧不堪聞村居更惱人青衫傷久客華髮念雙親歲
暮那逢雨秋宵未向晨石心猶可轉百感本來真

欽定四庫全書

御選全詩
卷十

除夕用少陵韻

窗送迢迢漏燈開豔豔花正愁聞過鴈久客羨棲鴉放
眼春猶好驚心日又斜一蓑江上雨歸思浩無涯

即事

卧疾劉公幹躬畊鄭子真溪山留好客天地許閒人花
醉紅沾袖松吟翠繞身捫心無所歎持此壽吾親

張德直

叔能見過

度嶺千峰閣沿溪一徑微
山寒花發晚村迴客來稀
強飲酬佳節悲歌送夕暉
平生愛歡聚衰病與心違

周馳

穀子私益反
支起也

勿以微才棄安危任不輕
誰憐一片小能使四方平
几案由吾正槃盂免爾傾
何當遇夷坦沈默更何營

秦略

欽定四庫全書

御選金詩
卷十

三

元日

新歷從頭數殘冬與我違
不知垂老至但覺拜人稀
汲水泥融井看書暖入幃
淺情牆外柳新綠已依依

劉昂霄

趙村晚望

放眼東原上風煙接渺茫
林疎出村落野迴散牛羊
天地浮元氣山河半夕陽
登高一長嘯未覺阮生狂

孫益

送張安中還雲中名保極雲
翔名士

相送還相送臨分手重分驂
驕欣得路鴻鴈惜離羣
木落黃花露城低紫塞雲
中秋月正好千里謾思君

麻九疇

秋望

雲氣東南壯風煙正北長
遠人投屋小寒草帶城荒
馬鳴便秋潦饑牛背夕陽
閒情儘堪畫未要雨浪浪

辛愿

欽定四庫全書

御選金詩
卷十

四

亂後

兵去人歸日花開雪霽天
川原荒宿草墟落動新煙
困鼠鳴虛壁饑鳥啄廢田
似聞人語亂縣吏已催錢

贈趙仲常名憲宜
之從弟

趙子年雖小論詩樂最深
秋風凡幾首冬日更多吟
老大吾無力文章爾用心
荒山松竹底莫厭數相尋

贈劉菴主劉遠
貴族

蚤薄軒裳貴高尋綺皓踪
一囊閭里藥六尺水雲筇
午

枕眠芳景晴簷望遠峰柴門常不掩應得野夫從

贈趙宜之二首

夫子今詞伯胡為遠帝京青雲無轍迹白髮有柴荆鬼
戲多年病人高四海名麟經方有缺無惜繼丘明

轉徙家無地逢迎客有尊光陰連病枕天地一愚軒霜

雪青松古風塵白壁溫從渠投隙者衮衮向金門

送裕之往許州酒間有請予歌渭城朝雨者因

及之

欽定四庫全書

御選全詩
卷十

五

白酒留分袂青燈約對牀言詩真漫許知己重難忘爽

氣虛韓岳文星照許昌休歌渭城柳衰老易悲傷

張澄

積雨

積雨生頑痺新晴意自怡幽花依小徑野蔓媚疎籬髮

少從梳懶年衰與杖宜腐儒慚用拙糲食復何辭

王元粹

送李文起令鄜城

好去鄜城宰當途有薦章長才試縣邑嘉政寄循良遠
路連秋草征衫帶夕陽濟時公等在吾欲泛滄浪

旅次

旅次渾無定生涯亦漫勞病求方士藥寒憶故人袍避
俗惟黃卷忘憂但濁醪柴門多落葉昨夜朔風高

馮延登

雪

屋破寒無那庭空雪已深山川非舊觀松柏見貞心凍

欽定四庫全書

御選全詩
卷十

六

雀爭遺粒棲鴉點暮林攜琴訪溪友清興憶山陰

李俊民

答祁定之韻

黃菊催秋暮青山勸客歸事隨時漸改人與物皆非爽

氣收殘暑閑雲送落暉平生會心侶別後往來稀

游太平泉

稍有林泉興相陪杖屨遊百年人易老千種事堪愁是
處花無主誰家酒可筇芳時好行樂春去不能留

宿夾谷彥實菴

挂名仙籍上晦迹茂林間門外丹河水牆頭明月山境
隨心自遠人與話俱閒應笑紅塵客區區謾往還

河橋成并序

橋成有日必有佳句寫河上逍遙之興贈子榮及
督役楊成之

預積他山木重新兩岸堤龍依天上卧虹傍水心低不
假鞭秦石何勞立蜀犀落成應有日誰向柱先題

欽定四庫全書

御選金詩
卷十

七

勢截長河浪橫陳百步梁經營方斷手過涉不褰裳漫
惜千金瓠休誇一葦杭西風簫鼓咽真酒水仙堂

乙未冬至

已應黃宮律初生復卦陽道隨天在北愁與日俱長節
物驚時換年先有底忙浮雲多變態試與問何祥

五哥生日

落落青雲器天然骨骼奇自從懷橘後每恨學書遲同
樂憐荆樹相煎笑豆萁氣豪常自許躍馬是男兒

寒食

為戀風光好那堪節物催事隨浮世往花似去年開莫
灑無家淚酒傾有限盃詩人多少興都向醉中來

游青蓮

閒攜方外友同謁梵王宮山吐三更月松搖萬壑風流
年飛鳥過浮世落花空不有歸來興何能見遠公
行處春風惡山中勝槩藏漸佳如蔗尾薄險似羊腸翠
揖雙峰角清臨一水堂夜長僧睡少為我話興亡

欽定四庫全書

御選金詩
卷十

八

過雲中

把酒不成醉出門行路難客愁千里破歸夢五更殘三
仕有何喜一生常鮮歡恨無南去鴈為我報平安

宿海會寺二首

同孫講師明上人趙叔實劉巨濟夜酌

佛堂光未放桑下喚難回是處皆堪歌何山不可開泉
因龍吐出經自兔銜來徑向黃沙過尋僧問劫灰

青山雲水窟杖錫幾時來竹待香嚴擊松經道者栽西
江無水吸震旦忽花開三笑圖中友同傾破戒盃

游碧落 并序

已亥仲夏十有九日平水曹漢卿楊子平本郡李
鑑臣劉濟之君祥姚子昂史遂良同謁治平院與
上人和霽月煮茗道話抵暮而歸

寂歷松間寺臨流勝槩藏
斷雲開石壁橫翠爽溪堂謾
興詩情在留連道話長
行人貪弔古歸路半斜陽

九里谷

九曲羊腸路千層劔戟山
行鈎藤蔓刺坐印石花斑樹

欽定四庫全書

御選全詩 卷十

九

發三春暮雲歸萬壑間
相陪林下屐雖倦不知還

陽城懷舊

呈陽敬之燕
子和李文卿

路梗傷時事春歸感物華
風波千萬丈煙火兩三家
樹杪失巢燕牆根無王花
當年人不見何處是生涯
道塗行處惡故舊別來稀
澗口分流水林梢掛落暉
好山留客住幽鳥背人飛
門外秋光老征鞍尚不歸

上長平寄楊成之

衰遲長在外矍鑠愧征鞍
世路驚心惡天風刮面寒
迢迢

迢人漸遠冉冉歲將殘
今夜梅梢月同誰共倚闌

獨坐

地偏無俗客日在掩柴扉
暑退開蒲扇涼生掠葛衣
風高雲散影露下月揚輝
獨據胡牀坐心清即道機

乙亥過河

一身長道路四海尚風塵
昔作依劉客今為去魯人
渡河年在亥乞酒歲非申
別後山中友相逢話又新

中秋對月

欽定四庫全書

御選全詩 卷十

雲山懷素隱秋興暫來歸
月與人同醉星隨客漸稀
入河蟾不沒遠樹韻何依
浩氣凝光界瑤臺夢欲飛

元夜有感

春城行欲徧百感到愁邊
市冷猶燈火人稀尚管絃
梅從今夜落柑憶舊時傳
歸去西窗月無情照不眠

自遣

居間聊自適造物果何如
生理年年拙交情日日疎
吠猶聞跬犬技可笑駮驢
誰識徘徊意西山有舊廬

過星軺

古道開天險危峰拔地形連營南北戍過客短長亭野
燒驚山鬼湖雲掩將星何人弄羌管哀怨不堪聽

元好問

老樹

老樹高留葉寒藤細作花沙平時泊鴈野迴已攢鴉旅
食秋看盡行吟日又斜干戈正飄忽不用苦思家

陽翟道中

欽定四庫全書

御選全詩
卷十

十一

長路伶俜裏羈懷蒼莽中千山分晚照萬籟入秋風頻
見參旗縮虛傳朔幕空故園歸未得細問北來鴻

月觀追和鄧州相公席上韻

月觀知名舊池亭發興偏露涼驚夜鶴風細咽秋蟬綠
泛兵廚酒紅依幕府蓮無緣逐清景空羨飲中仙

太室同希顏賦

壯矣崧維嶽盤盤上窈冥中天瞻巨鎮元氣有遺形雨
入秦川黑雲開楚岫青鼇掀一柱在萬古壓坤靈

送登封張令西上

罷縣人稱屈悠悠復此行渭城秋鴈到秦嶺暮雲平道
路衣從典風塵劍已鳴山西多俠客莫說是書生

方城道中懷山中幽居

技拙違時用年饑與食謀江山貧士歎日月賈胡留楚
客頻招隱文園故倦遊衡門有幽事還我北窗秋

孟州夾灘飲承之御史家

同欽叔作

黃酒禁愁得芳梅發興饒紛紜聊且置碗磊故須澆難

欽定四庫全書

御選全詩
卷十

十二

秦成前約干戈有此宵平生楊大理惜不預佳招

雲鄉赴召

五日矣

送曹吉甫兼及通甫

意氣羨君豪憐君屈騎曹安能事筆硯且復混弓刀風
雪貂裘暗關山馬骨高南飛見鴻鴈應為惜哀勞

勝槩

三鄉作

勝槩煙塵外新詩杖屨間偶隨流水去澹與暮雲還吾
道三緘口時情一解顏從今便高臥已負半生閒

少室南原

地僻人煙斷山深鳥語譁清溪鳴石齒暖日長藤芽綠
映高低樹紅迷遠近花林間見雞犬直擬是仙家

聞希顏得英府記室

近得髯參信知從免苑遊文星映朱邸勝槩減黃樓進
退存中道功名接上流徒懷貢公喜塵土隔瀛洲

落魄

落魄宜多病艱危更百憂雨聲孤館夜草色故園秋行

欽定四庫全書

御選全詩
卷十

十三

役魚鱗尾歸期烏白頭中州遂南非殘息付悠悠

長壽新居三首

地古村墟迴川迴縣郭斜蒲池餘老節菊水引新芽卜

築欣成趣歸耕覺有涯迎門顧兒女今日是山家

隱去心初在新朋復此偕荒田歸別業高樹表新齋泉

石深三徑風塵限兩崖青山坐終日無物寄幽懷

昔有姜夫子來家寂寞濱墓田畊已熟碑石字猶新詩

酒娛中歲山林有外臣三生可信否吾亦寄前身

宣和中姜

落得處士常隱於此茲碣在馬得曾上書仁宗既老以詩酒自娛碣文說地名白鹿原長壽村也

短日

短日砧聲急重雲鴈影深風霜侵晚節天地入歸心零
落溝中斷酸嘶繫下音五年朝與夕清血幾沾襟

乙亥元日

五十未全老衰容新又新漸稀頭上髮別換鏡中人野
史纔張本山堂未買鄰不成騎瘦馬還更入紅塵

送母受益自潞府歸崧山

薄俗科名賤孤生志願遠正須謀獨往何暇計羣飛泌

水真堪樂荊州況可依青山吾舊隱此日羨君歸

送楊次公兼簡秦彥容李天成

海國山如染雲堆草易荒時危頻虎穴路絕更羊腸弔
影雙蓬鬢携家一藥囊殷勤秦與李無惜借餘光

倪莊中秋

強飯日逾瘦袂衣秋已寒兒童漫相憶行路豈知難露
氣入茅屋溪聲喧石灘山中夜來月到曉不曾看

欽定四庫全書

御選全詩
卷十

十四

陽興若

亂石通樵徑重岡擁戍城山川帶溥朴雞犬見昇平雨
爛沙仍軟秋偏氣自清年年遊營馬幾向此中行

蘇州八府

避騎兵奪馬者多由此路

送崔振之迎家汴梁

老伴不易得殘年惟有閒桑麻一村落雞犬兩柴關樊
守能供酒周侯許買山從君釣溪上日日望君還

懷粹中

醉解不復寐吟君田舍詩從知石門老未比木菴師日

月淹書尺江山入鬢絲何因重談笑却似少林時

聚仙臺夜飲

永夜留歡席高懷遠市塵月涼衣有露風細酒生鱗鄉
社情親舊仙臺姓氏新殷勤詩卷在長記坐中人

九月晦日王村道中

水涸沙仍濕霜餘草更幽煙光藏落景山骨露清秋坐
食知何益行吟只自愁隨陽見鴻鴈三歎惜淹留

十月四日往關南

行路見新月獨行還獨謔勞生塵袞袞晚色鬢蕭蕭野
曠無遺穗林疎有墮樵回頭麥山嶺更覺馬蹄遙

寄王文德新

沙際春還去雲頭雨不成興來誰共醉事往獨含情紫
邏留行客黃流隔戍城岸花何處在空憶櫂歌聲

孟津時事

欽定四庫全書

御選金詩卷十

十六

廊州幕官

和仲梁

林影魚秋薄雲陰帶晚涼石潭魚近藻沙渚鴈留霜笑
語無長路登臨豈異鄉一尊堪共醉惜不是重陽

陽泉栖雲道院

方外復方外儵然心迹清開窗納山影推枕得溪聲川
路遠誰到石田平可畊霜林不嫌客留看錦崢嶸

九日詠菊

秋菊有何好祇緣風露清花中誰比數霜後獨鮮明
日惜虛過一尊還自傾今年病居士吟遠更關情

感事

壯事本無取老謀何所成人皆傳已死吾亦厭餘生
潦倒封侯骨淹留混俗情百年堪一笑辛苦惜虛名

同冀文明秀山行

暮景披橫幅山間二老同雲如愁戍苦雪亦笑詩窮古
木凍欲折斷崖行復通從今胡谷夢時到水聲中

欽定四庫全書

御選金詩
卷十

庚子三月十日作

殘夢忘書帙餘寒滯酒盃青銅原嫩照白紵更寬裁
水際時獨往花邊知幾迴殷勤雙語燕應自謝家來

七月十六日送馮揚善提領關中三教

為愛秦中好西游日苦遲青雲動高興白首得新知道
在貧何病官閒老更宜相思詩酒社無計與追隨

八月并州鴈三鄉詩作

八月并州鴈清汾照旅羣一聲驚晚笛數點入秋雲滅

沒樓中見哀勞枕畔聞南來還北去無計得隨君

甲寅十二月四日出鎮陽寄寧魯伯

潯水曉光動灞橋詩境同衝寒騎瘦馬認影識衰翁
長路風聲裏孤城雪意中回頭歌笑處淒絕意何窮

送文生西行

今夜東山月隨人知幾程從軍少年事分手故鄉情
渭水風霜早秦川煙樹平相招有仙掌無計與君行

送楊叔能東之相下

海內楊司戶聲名三十秋文高徒自苦食盡與誰謀
老檜風霜飽芳蘭澗壑幽東游無可慮敬客有蕭侯

乙卯十一月往鎮州

村靜鳥聲樂山低鴈影遙野陰時澗朗冷雨只飄蕭
涉遠心先倦衝寒酒易消紅塵忘南北渺渺見長橋

杜仁傑

禹城道中

自發醯雞覆蓬心得少瘳乾坤一尺筭今古幾全牛
歲

欽定四庫全書

御選金詩
卷十

十一

月憐丹竈雲山笑白頭此生真欲止何地不莧表

病中枕上

忽忽卧幾月遂成疎懶名却因久病後更覺萬緣輕月
落窗影動夜寒燈暈生狸奴似相慰分坐守殘更

送信雲父

居士身輕日秋天木落時山青雲冉冉川白草離離涉
世心將破懷人鬢已絲相逢琴酒樂應怪久違期

病中憶坦夫兄

共脫壬辰亂他鄉見愈親論才惟有子知己更無人避
世相看老通家未擬貧竹林平日約早晚得為鄰

從軍

野闊牛羊小天低草樹平吳疆連晉境漢卒雜番兵日
合圍城暈風酣戰陣聲中原良苦地上古錯經營

雨中寄高無塵

久客饒孤悶連陰動決旬行雲應已倦細雨亦傷頰飄
泊嗟吾道饑寒任此身人家酒應熟誰為問南鄰

欽定四庫全書

御選全詩
卷十

十九

雪後書事

雪罷山原淨日晴風景新一川花氣午萬壑水聲春天
地開華國關河失戰塵無邊春色裏惆悵獨行人

至日

松竹澆花里桑麻杜曲田蒼茫辭蜀地辛苦見秦天死
去誰憐汝生還事偶然但甘終隴畝待聘豈前賢

宿金線泉

官舍值淫雨客衣驚早秋泄雲迷灌木行潦帶清流蛛

欽定四庫全書

御選全詩
卷十

三

網翻新霽蟬聲咽暮愁古今何限事白首對滄洲

中秋夜宿普照喜周卿至

久客厭孤寂楚然聞子來夜涼風縮瑟雲破月徘徊舊
事休重說新詩且細裁幾年無此夕獨欠兩三杯

無題

老淚河源竭憂端秦華齊苦吟知有恨細寫却無題事
與孤鴻北身攜片影西催歸煙樹外不用向人啼

麻革

送李端卿之鄴臺

僮馬戒晨裝新霜木葉黃嗟予無壯節送子慘離腸林
慮荒秋色清漳下夕陽遙知一尊酒弔古鄴城傍

贈王明伯

遼海遺珠在黃華秀未空百年書法裏萬事酒盃中耿
耿此心在悠悠吾道窮好賢明達事獨喜與君同

秋夜感懷

老境歡娛少愁懷感歎長世途多險阻歸興渺蒼茫疎
雨梧桐夜西風蟋蟀牀平明攬清鏡衰鬢又添霜

雲中夜雨

憔悴杜陵客悲涼王仲宣四圍晴立壁一突午無煙病
卧秋風裏夢迴夜雨前聽來情緒惡自語自還憐

渡洛

泉石經行久林丘彌望間溪鳴風蕩水谷暗雨含山淡
淡輕鷗沒飛飛倦鳥還世緣良自苦空羨野雲閒

浩浩

浩浩春風裏悠悠倦客情天寒花寂寞冰泮水縱橫念
遠心長折聞兵夢亦驚江山憔悴久倚杖歎餘生

張宇

和劉敏之韻

城居寧不好未易著閒人客至慙無酒詩成莫療貧談
天雖有口無地可安身羨殺清江鷺生來不受塵

房皞

寄王文炳

愛客孔文舉能詩陸士衡十年來識面千里飽聞名郁
郁芝蘭秀蕭蕭風露清幾時尊酒畔容我話平生

和楊叔能之字韻

遭亂重相見寬心不用悲江山佳麗地人物太平時白
蟻千家酒黃花九日詩鹿門不可隱吾道欲安之

段克己

方平道中

沙軟新經雨風輕不起塵溪山隨處好花柳著行新放

浪聊終日蹉跎又一春行年已如此猶復向來人
病怯春衫薄衰憐葛屨輕平蕪迷舊迹幽鳥變新聲興
與雲俱遠心同水共清膠膠還擾擾回首笑浮生

微雨後偶成

孤憤憑誰訴長歌聊自怡整衣憐瘦減扶杖覺衰遲小
飲非愁敵輕寒與睡宜今朝春雨好穉子莫啼饑
寂寂春歸後悠悠夢覺時病添花懊惱愁耐酒禁持瓶
貯無多粟囊封有許詩倚牀成獨笑此意幾人知

欽定四庫全書

御選全詩
卷十

三

余僑居龍門山十有餘年封張二子曰從余游
而貧又甚焉因寫所懷魚簡二子共成一笑

病久慵增劇途窮事轉迂木魚形共槁錐與地俱無醉
語勞揮塵悲歌漫叩壺鮮鮮籬下菊笑汝益羈孤

仲堅見和復用韻以荅

道在山林勝心閒歲月迂家風病更好習氣老難無日
力分詩卷生資負酒壺儒冠三十載轉覺此身孤

枕上再廢前韻

幾年成懶散一榻了慵迂詩酒心猶在功名夢亦無雨
來催覓句鳥去勸提壺靜裏那須此應憐客意孤

野步仍用韻示封張二子

散策溪頭路溪回路更迂山隨行處好人似往年無波
靜魚千里天晴春一壺龍門何限景歲晚不相孤

段成已

壽李濟夫

夫子何為者昂藏不入時眼前諸事罷膝下兩兒嬉落

欽定四庫全書

御選全詩
卷十

三

落真難合悠悠聽所之黃花一盃酒歲喜與君持

送王子壽之平遙

卜築謀南邁回轅遽北之有情漸見厚無語只空悲易
忍行時淚難堪別後思明年鴈來日屈指數歸期

曹之謙

懷劉京叔

奕世金蘭契於今只有君英才殊落落餘子謾紛紛一
別幾春草相思空暮雲何時展良覲把酒共論文

宿雲堂觀

趨程疲水路寄宿喜琳宮
蓮嶽三峰對松林一徑通
地偏殘暑失境靜俗塵空
入夜清詩夢山泉落枕中

中條阻雨

行李淹蒲坂歸期念晉州
高峰千葉下寒雨一山秋
澗響頻驚夢蟲聲亂入愁
酒醒孤館裏心折大刀頭

初秋雨後

積雨蕩煩暑迴風吹早涼
老苔翻舊碧病葉墜新黃
久客應吾道浮生半異鄉
黑貂渾敝盡愁看一開箱

鴈

北塞迎霜雪西風送羽翰
數行天澹澹萬里路漫漫
日落秋聲急江空暮影寒
故人書斷絕矯首望雲端

幽居有感

閒居仍地僻門閉草萊深
車馬無還往詩書有討尋
巖霜催歲晚破屋覺寒侵
計拙煩新舊誰能數賜金

應州廟學釋奠

夜色齋廚肅秋風殿宇清
右文遭聖代備禮引諸生
牢醴嚴三獻豆籩陳兩楹
祭餘同飲福旭日樹頭明

送李端卿東行

故人有所適驅馬出東城
紅樹添秋色青山滿去程
曾為同省掾偏愴遠離情
別後能相憶因風為寄聲

謹案卷九第二十二頁後三行平林半是彖刊本


彖訛重據中州集改

卷十第四頁後四行宜之從弟刊本從訛仲據中

州集改

第五頁前七行有請予歌渭城朝雨者刊本朝訛

煙據全唐詩改



總校官庶吉士臣侍朝

校對官檢討臣蕭九成

謄錄監生臣李本

欽定四庫全書薈要

集部
御選金詩卷十一

欽定四庫全書薈要卷一萬八千三百九十七

集部

御選金詩卷十一

七言律詩一

蔡松年

師還求歸鎮陽

春風卷甲有歡聲
漸識天公欲諱兵
節物無情新歲換
男兒易老壯心驚
落身世網癡仍絕
挂眼山光計未成
間道恒陽似江國
一官漫學阮東平

初卜潭西新居

喬木千章畫不如
白鷗煙雨到江湖
誰為求仲營三徑
竊比揚雄有一區
故國興亡樹如此
他年聲利蔓難圖
屋西便與秋山約
莫遣歸來見白頭

寄王仲侯

冰簟風簾千柱宮
月華清浸雪芙蓉
誰教曉馬三千里
好在行雲第幾峰
酒市烏紗懷李白
仙人鶴氅看王恭
拍浮花裏知思否
寄與新詩洗醉悰

詳校官原任主事
臣李斯咏



欽定四庫全書
御選金詩
卷十一

讀疎詠之安陽對竹二詩懷家山次韻見意

短髮新霜及未侵幾年和月買泉林偶然行李對寒碧
憶得故園驚歲陰枕上秋風吹醉夢門前沙鳥立清深
箇中須著脩脩玉落日微風伴我吟

和子文寒食北潭

夢裏潭光翠欲流何時春水一虛舟吾廬想見扶疎樹
宦意渾如浩蕩鷗聞道西山明酒面應無外物到眉頭
別來誰唱驚人句十里珠簾有暮愁

欽定四庫全書

御選全詩

卷十一

二

雪晴呈玉堂諸公

雪晴松頂玉欄斑曉眼清於化鶴山欲立凍雲搜傑句
却思仙客退清班耀翰帳底沉香火蒼菊花中碧霧鬟
喚取廣寒修月手月波千丈捲春還

和子文晚望

醉眼郊原感慨生夕陽長向古今明高人法士互憎愛
美酒空名誰重輕二頃只謀他日老五絃猶喜晚風清
因君欲賦思歸樂安得穿雲一笛橫

兵府得告將還鎮陽府推官王仲侯以書促余

命駕先寄此詩

老驥心疲十二閑天教洗眼小江山名園無處不宜酒
勝日有朋方解顏老木溪光留月駐禪房竹徑約花關
先憑樂府求風骨或有佳人字玉環

渡混同江

十年八喚清江渡江水江花笑我勞老境歸心質孤月
倦遊陳迹付驚濤兩都絡繹波神肅六合清明斗極高
湖海小臣尸厚祿夢尋煙雨一漁舸

欽定四庫全書

御選全詩

卷十一

三

初至遵化

出山風物便清和森木如雲秀靄多白水臨流照疎鬢
青門折柳記柔柯重遊化國驚歲月有象豐年占麥禾
亦有黃公酒壚在微官自要阻山河

黃海棠

清陰不歎晚尋芳縹緲雲翠袖長萼綠江花輸帶葉
醉紅蜀豔恨無香南州氣味連三月東晉風流共一觴

老眼寒來易愁絕溫柔乞與醉中鄉

夜坐

吾生有幾事無涯清夜漫漫歎物華但願聞鈺似疲馬
可能黏壁作枯蠅只今雪屋重衾濕去歲梅溪醉帽斜
終得蕭閒對牀語青燈挑盡短檠花

槽聲同彥高賦

糟牀過竹春泉句聚簷秋雨喧疎溜過竹春泉咽暗冰
門巷蕭條三尺雪琴書寥落一龕燈

彥高詩也他日人云吾亦云自愛淳音含太古誰傳清溜入

欽定四庫全書 御選全詩 卷十一 四

南薰秋風幾共橙香注曉月曾和鶴唳聞我欲婆娑竹
林國洗空塵耳正須君

韓侯晁仲許送名酒渴心生塵以詩促之

好在銀瓶秋露光借君雲夢到枯腸解澆萬里客愁破
暫吐十年黃卷香江水苦搖梁苑夢海棠新學漢宮粧
天東四月春如許坐待白衣投醉鄉

吳激

過南湖偶成

杏山松檜紫坡陀湖面無風亦自波綠鬢朱顏嗟老矣
落花啼鳥奈春何詩人未必皆憔悴世事從來有折磨
列坐流觴能幾日知誰對酒愛新鶻

長安懷古

佳氣猶能想鬱葱雲間雙闕峙蒼龍春風十里灞陵樹
曉月一聲長樂鐘小苑花開紅漠漠曲江波漲碧溶溶
眼前疊嶂青如畫借問南山共幾峰

晚春言懷寄燕中知舊

閒雲洩洩日暉暉林斧谿春響翠微天氣乍晴花滿樹
人家久住燕雙飛隣村社後容賒酒客舍新來未綻衣
遙憶東郊亭畔柳歸時相見亦依依

秋夜

豈有涓埃補盛明強扶衰病厠豪英夜窗燈火青相對
曉鏡髭鬚白幾莖年去年來還是夢江南江北若為情
石田茅舍君家近借與林泉送此生

宇文虛中

欽定四庫全書 御選全詩 卷十一 五

予寫金剛經與王正道正道與朱少章復以詩

來輒次二公韻

平生幸識繫珠衣窮走他鄉未得歸有客為傳祇樹法
此心便息漢陰機百千三昧一門入四十九年諸事非

寄與香山老居士要憑二義發餘輝

次正道韻

前世曾為粥飯僧此生隨處且騰騰經年因認人我相
教外都忘大小乘寫去欲云居士頌信來如續祖師燈

他年辱贈茅庵句誰謂因緣昔未曾

次少章韻

欽定四庫全書

御選全詩

卷十一

六

郊居

芒屨松冠野外裝茶鐻藥竈靜中忙含風苻逐波紋展
著雨花連土氣香停策仰簷朝覓句披襟穿樹晚追涼
蓬蒿似欲荒三徑疎懶誰知意更長

重陽旅中偶記二十年前二詩因而有作

舊日重陽厭旅裝而今身世更悲涼愁添白髮先春雪
淚著黃花助晚霜客館病餘紅日短家山信斷碧雲長
故人不恨村醪薄乘興能來共一觴

己丑重陽在劔門梁山鋪

兩年重九皆羈旅萬水千山厭遠遊白酒黃花聊度日
青萍綠綺共忘憂却憐風雨梁山路不似蓴鱸楚澤秋
何必東臯是三徑此身天地一虛舟

和題稽古軒

堆架繡紉祭部居眼前長物掃無餘避器肯要隣人卜
論友先尋上世書汲古不須憂綆短隨波聊復任舟虛
勿欺丈室纔容膝六合神遊有日車

欽定四庫全書

御選全詩

卷十一

七

涇王許以酒餉龍溪老人幾月不至以詩促之

龍溪叔通別號也

先生寂寞草元丈正要侯巴作富鄰客至但須樽有酒
日高不怕甌生塵急催嶺外傳梅使來餉籬邊采菊人
已埽明窗供點筆為君擬賦洞庭春

從人借琴

嶧陽慣聽鳳雛鳴瀉出冷然萬籟聲已厭笙簧非雅曲
幸從炊爨爨脫餘生昭文不鼓緣何意靖節無絃且寄情

乞與南冠囚繫客為君一奏變春榮

姑蘓滕惇禮榜所居閣曰齋心成都宇文某作
詩以廣其志

不是憑虛避世喧此中於物本無緣靜看畏影徒勞爾
題作齋心亦且然意識已隨言語斷生涯聊任歲時遷
老夫未涉天游趣三復南華第四篇

高士談

庚戌元日

欽定四庫全書

御選金詩
卷十一

舊日屠蘓飲最先而今追想尚依然故人對酒且千里
春色驚心又一年習俗天涯同爆竹風光塞外只寒煙
幾年無復功名望志在蘓君二頃田

次伯堅韻

公道向來惟白髮浮生何處用黃金東風吹散三年恨
春色驚回萬里心急景只教人貌改滄溟不放酒盃深
異時倘及公榮酌準擬歸來卧柳陰

次韻飲巖夫家醉中作

月中招得飲中仙草露吹風灑淨便地有溪山真可樂
人如冰雪自無眠清新李白詩能勝勃宰張憑理最玄
功業本非吾輩事此身聊復鬪尊前

晚登遼海亭

登臨酒面灑清風竟日憑闌興未窮殘色樓臺山向背
夕陽城郭水西東客情到處身如寄別恨他時夢可通
自歎不如華表鶴故鄉長在白雲中

風雨宿江上

欽定四庫全書

御選金詩
卷十一

風雨蕭蕭作暮寒半晴煙靄有無間殘紅一抹沈天日
濕翠千重隔岸山短髮不羞黃葉亂寸心常羨白鷗閒
濤聲午夜喧孤枕夢入瀟湘落木灣

志隱軒

家居瀟灑似江村花草侵階水映門元亮結廬山掛眼
孔融好客酒盈尊肯教軒冕移心志未厭林泉入夢魂
我亦平生倦遊客一廬無處問東屯

杜充

塵

汨汨勞生為爾忙，只除不到白雲鄉。
步回洛浦生羅襪，歌斷秦樓落杏梁。
閒撲衣襟迷遠望，靜穿窗隙鎖斜陽。
帝城別有風流在，輦路春風十里香。

邊元鼎

村舍二首

何事區區守一丘，春花過了月明秋。
等閒濁酒籬邊興，寂寞寒花雨裏愁。
不識故人今在否，每思前事隔重遊。

欽定四庫全書

御選金詩 卷十一

十

西風又是青山晚，落葉無聲水自流。

牆外青山半在樓，山村晝晚雨悠悠。
旃裘擁腫無餘事，尊酒飄零又一秋。
學得屠龍無用處，祇如畫虎反成羞。
回頭為向淵魚道，鴻鵠而今不願游。

出門騎馬

出門騎馬即三千，面目塵埃動慘然。
生計若為田二頃，饑顏翻媿官三年。
乾坤造物能無用，富貴由時枉自鞭。
達否從今已知計，五湖煙裏有漁船。

帝城

帝城回想夢魂中，秋月春花在處同。
朱雀橋南三月草，鳳皇樓上四更風。
錦囊別後吟箋少，玉笛閒來酒盞空。
贏得當時舊標格，九分憔悴入青銅。

新香

新香終比舊香濃，只是相逢久不容。
繡被瞥同巫峽夢，銀鞍多負景陽鐘。
寶檀煙斷間金獸，玉鎖聲傳惱睡龍。
簾影漸分風又起，一塘秋水落芙蓉。

欽定四庫全書

御選金詩 卷十一

十一

聞簫

弄玉吹簫玉瑄低，秋風散入滿天悲。
滄波夜漲龍吟細，琪樹霜風鳳嘯遲。
漢月有情如靜聽，蕭郎無路不相知。
秦樓虛負清宵意，惆悵乘鸞舊有期。

和致仕李政奉韻

車馬年年陌路塵，安知六驥過窗頻。
雲泉是處堪為樂，軒冕從來只累人。
浮世夢中無限事，紅顏花上霎時春。
五湖興有扁舟笛，好在晴天月一輪。

惜春

春來春去惱春晴
花落花開又幾經
夜雨多情愛沾灑
楊花無賴只飄零
每成宴賞須成醉
不恨歸來却恨醒
眼見紅英留不住
綠枝深處一星星

客思

客思逢春易感傷
不堪殘淚愛家鄉
離親恍惚來千里
餬口淒涼在四方
羞向孫劉圖富貴
浪從李杜學文章
官街坐對黃昏月
半屋青燈滿地霜

欽定四庫全書

御選全詩

卷十一

王文伯還家詩以迎之

陌上東風故國春
瘦驂羸僕倦行塵
十年一夢成何事
千首新詩不負人
重對孤燈聽軟語
遞憐華髮各清貧
西齋煙草應如舊
桃李新蹊滿四鄰

晚行

隔浦行間晚寺鐘
斷坡寂歷對寒松
蒼煙暮合孤城暗
破月微昏遠岫重
宿翼飛投空自急
斷蓬無計竟何從
新年又入應添歲
歸把青銅怨暮冬

山中

世路風波老不禁
一塵歸買就槐陰
坐詩為累言難解
因酒成狂病轉深
山月荒涼窺斷夢
壁燈青黯伴微吟
十年積毀應銷骨
豈礙孤雲萬里心

新秋示友

一頃山田半已蕪
閑門高卧著潛夫
不才分作溝中斷
舊好誰瞻屋上烏
南阮強須攀北富
東丘何用歎西愚
自憐幽默相忘久
鬪鳥鳴蟬枉叫呼

欽定四庫全書

御選全詩

卷十一

偶題二首

當年樂事歎今衰
人世空驚日未移
風榭醉眠推鳳燭
雨窗狂飲殫蛾眉
長松茂草窮年事
野水孤村入夢時
強鑷鬢絲臨晚鏡
瞥然塵念不勝悲
短髮臨風懶不冠
窪尊塵坐寂無歡
離騷夕賦醒尤獨
孤憤空書說轉難
晚節慣成林壑僻
幽居深入水雲寒
蒼崖瘦柏無窮思
鵠立溪頭盡日看

新居

鏡裏巖花落澗泉對窗青壁便參天幾當雪月開春酒
時有松風入夜絃遠廟山田多種黍稀經城市少言錢
平生謾忽王侯貴俯仰村鄰更可憐

張斛

南京過馬文朝美

浮雲久與故山違茅棟如存尚可依行路相逢初似夢
舊遊重到復疑非滄江萬里悲南渡白髮幾人能北歸
二十年前河上月尊前還共惜清輝

欽定四庫全書

御選全詩

卷十一

十四

訪香林老

風雨無時浪蹴天南浮舟楫信多艱半生夢破寒江月
萬里春回故國山歸客自傷青鬢改高僧長共白雲閒
誅茅借我溪西地未厭相從水石間

張孝純

中運使寄酒清明日到以詩謝之

芳樽到日恰清明似與嘉辰默計程擬助林園延勝賞
肯容桃李落繁英老來官爵渾無味閒裏杯盤却有情

見說使車臨岱麓僅能相過共飛觥

馬定國

清平道中

棘林苦苣野花黃一馬駸駸渡滎陽別墅酒旗依古柳
點溪花片落新香伏波事業空歸漢都護田園不記唐
今日清明過寒食又將書劔客他鄉

登歷下亭有感

男子當為四海遊又攜書劔客東州煙橫北渚芰荷晚
木落南山鴻鴈秋富國桑麻連魯甸用兵形勢接營丘
傷哉不見桓公業千古遼城空水流

題崇子中菴

羨君高節似陶潛五畝園林老不添遯世人情雖淡薄
開門秋色自清嚴案頭黃卷香終日砌下蒼苔雨一簾
後夜中秋更應好隔窗雲木看飛蟾

送圓南

壺觴送客柳亭東回首三齊落照中老去厭陪新客醉

欽定四庫全書

御選全詩

卷十一

十五

興來多與古人同
戍樓藤角垂新綠
山店檉花落細紅
他日詩名滿江海
薺堂相見兩衰翁

招康元質

此生依著定如何
不傍畊疇即釣蓑
北阜平蕪隨鳥遠
東湖新漲與天多
詩成重墨題飛葉
睡起輕芒踏軟莎
猶有客愁消不盡
風軒茶竈待君過

四月十日遇周永昌

竹裏涓涓雨未晴
日高窗牖受虛明
數家燕雀青雛出

欽定四庫全書

御選全詩
卷十一

六

是處園林綠
顆成貧覺酒盃
真有味病思丘壑
豈無情

東山舊隱許相過
他日秋原看耦耕

幼時種木已巢鷲
猶向花前作酒顛
郭外青山招曉出

圃中明月照春眠
世無蘓黃六七子
天斷文章三十年

今日逢君如舊識
醉持盃杓望青天

祝簡

舟次丹陽

船頭東下趁晨鐘
船外青霜氣暗通
斷鴈聲歸煙靄裏

孤帆影落月明中
隋河波浪千年急
梁苑池臺一半空
試問碧堤無限柳
敗條衰葉幾秋風

張子羽

壽張和滑益之

理髮秋庭趁夕陽
靜中誰可共傳觴
雲橫故國三年別
水遠孤村六月涼
病眼只貪書味永
渴心頻夢橘奴香
魚山早有終焉計
少日應容解印章

朱之才

暴雨

掣電奔雷晡霧間
崩騰白雨襲人寒
顏山黑霧傾濃墨
倒海衝風瀉急湍
勢似陽侯夸海若
聲如項籍破章邯
炎歊一濯須臾耳
已看天圍碧玉寬

劉著

次韻王子慎玉田道中一首兼呈韓公美閣老

東晉風流屬子猷
開元峭直讓韓休
絲綸對掌驚三雋
尊酒更酬失四愁
古道陰陰槐樹老
歸鴻杳杳荻花秋

欽定四庫全書

御選全詩
卷十一

七

浩然詩思天涯遠月滿江南小謝樓

次韻彥高暮春書事戊申歲

平生漫浪老清暉却埽丘園屬少微世亂傷心青眼舊
天涯流淚白雲飛羈愁只憶中山酒貧病長懸子夏衣
澤畔行吟誰念我祇應形影自相依

寄題張浩然松雪樓

八座山光秀玉柯岸巾絕景意如何瘦來豈為寒松句
和寡還驚白雪歌地近雲煙來鶴駕簷高星斗瀉銀河

欽定四庫全書

御選金詩

卷十一

十八

懸知老子登臨處渺渺滄波月色多

文季侍郎得綠萼香梅子文待制有詩輒亦同

賦

一枝綠萼冠羣芳瀟灑猶疑楚岸傍香骨瘦來冰蕊細
夢魂清處月波涼賡酬便合成千首醒醉寧須計百觴
橫玉叫雲吹不盡只教今古洗離腸

李之翰

題密雲州學壁

崎嶇到此興何堪況復風謠意未諳旅舍蕭條空自遣

胸懷磊落向誰談留連暮雨侵疎牖宛轉飛雲埽翠嵐
因憶林泉歸去好一燈幽夢遶春潭

中京遇因長老

天涯流落偶生還古剎相逢語夜闌歎我歸途千里遠
喜君禪榻一身安松聲不斷風吟細月影無邊露氣寒
分手山堂更寥索冷雲衰草伴征鞍

歲暮

欽定四庫全書

御選金詩

卷十一

十九

休怪年來白髮新天涯三載困埃塵偶離砂磧窮陰地
收得桑榆老病身對雪莫吟秦嶺句撥醅且醉漢江春
此生自斷無餘事何必區區問大鈞

楊興宗

出劍門

嘔啞鳴鶻下長川萬壘青峰只眼前山鷓啄殘紅杏粉
杜鵑啼破綠楊煙夢回蜀棧雲千片醉枕巴江月一船
物色誰分杜陵老風騷牢落劍南天

范擘

和高子初梅

春風也自惜流光只放寒梅一樹芳
玉粉更糝前夜雪
口脂猶注昔年香
江湖昨夢誰同記
詩酒風流豈易忘
東閣何郎未全老
花枝休笑鬢絲長

姚孝錫

睡起

生涯甘分寄畊桑
山色圍門水遶牆
困病久懲耽酒癖

欽定四庫全書

御選金詩

卷十一

十一

愛閒猶有和詩忙
簷冰滴砌春猶冷
野馬浮川日漸長
舊事老年多記憶
故園歸夢正悠颺

柳溪別墅

安車隨意飽甘肥
晚食徐行理亦齊
山市日高人未集
柴門客至鳥先啼
溪橋散望攜筇度
野寺牽吟信筆題
容膝易安聊自適
甕天間看舞醪雞

歲晚懷二弟

少易成歡老易傷
壯遊垂白未還鄉
煙塵無復音書到

魂夢猶疲道路長
爆竹又驚新薦歲
屠蘇空憶舊傳觴
年年此日遙相憶
鴻鴈何時續斷行

次李平子登臺有感韻

落日孤雲帶遠崗
戍樓煙瘴舊邊場
疲民卒歲方懷土
遠客憑高自憶鄉
漢使一朝廷四皓
秦詩千古弔三良
行藏此意無人解
聊借青山送酒觴

九日題峯山

不須歌吹上叢臺
千里晴川入座來
世事難憑休挂口

欽定四庫全書

御選金詩

卷十一

十一

生涯現在且銜盃
無情趁暖花先老
有信迎寒鴈已迴
遙想故園親種菊
霜枝露蕊向誰開

次韻王無競見寄

客懷重倚仲宣樓
白草黃雲塞上秋
山色不隨塵世改
水聲還抱故城流
隙中畏景那堪玩
鏡裏衰顏祇自羞
多媿詩人苦相憶
遠傳佳句弔清愁

和成冠卿見寄

別恨頻添鬢雪深
百年懷抱鬱沈沈
標名不挂金銀榜

涉世空堅鐵石心俗物何勞供一醉殘僧正欲伴孤吟
朱絃三弄虛簷寂唯有清風是賞音

感白髮

彈鈇憑誰聽客歌震雷那復化魚梭梳頭白雪驚新有
障眼元花比舊多鄉問阻兵猶斷絕羈懷憑酒暫消磨
不須更問今朝客門外原無雀可羅

曉霽

一夜雲峯卷迅雷殘紅狼籍點蒼苔鸞聲豈解留春住

欽定四庫全書

御選金詩

卷十一

三

燕語虛勞喚夢回愁寂頓疑詩思減衰殘偏感歲華催
柳溪魚鳥應相識乘興無嫌日日来

重九偶成

天邊今日又重陽隴樹紅飛鴈信霜且插茱萸慰衰鬢
莫將詩句撓回腸歌勤皓齒人俱醉舞戀晴暉蝶也忙
來日預期扶宿酒未應籬菊減秋香

溪橋早春

輕黃未染柳梢勻連日溪風卷塞塵乍暖乍寒花信晚

相呼相應鳥聲頻少勤謾挾經綸策老懶空餘病患身
追憶故園桃李樹年年紅紫為誰新

村居偶成

靜愛柴門野興幽杖藜徐步到巖丘深林有獸鳥先噪
廢圃無人泉自流土瘠稅租隨力辦年豐未黍過時收
客來不慮無供給白酒黃雞亦易求

題佛光寺

臧穀雖殊竟兩亡倚闌終日念行藏已忻境寂洗塵慮
更覺心清聞妙香孤鳥帶煙來遠樹斷雲收雨下斜陽
人間未卜蝸牛舍遠目橫秋益自傷

欽定四庫全書

御選金詩

卷十一

三

次韻子才對菊見懷

髮蓬新感二毛侵尚阻清尊對菊斟久擬芝蘭同臭味
莫疑魚鳥自高深食貧豈復甘秦炙客病空懷奏楚音
掛席無由上牛斗漫憑流水送歸心

春日溪橋

留戀春光慰病顏無情風雨卷春還陰陰密綠籠溪暗

細細疎紅點徑斑老去益憐詩思澀
懶來聊破酒腸慳
不嫌門外無車轍得遂哀慵一味閒

登樓有懷

老媿凭闌目力昏百年懷抱向誰論
晴空鴈起雲邊塞
夕照人歸郭外村因記昔遊驚迅晷
暫將離恨付清尊
誰人肯似邊居士遠駕朱輪過雀門

劉彥

秋雨得雲字

欽定四庫全書
御選全詩
卷十一
一室蕭然半掩門
簷牙懸溜喜初聞
棲鴉不動寒偎樹
過鴈無聲冷貼雲
歷耳半隨風
浙漉舞階仍帶葉
繽紛
隔籬為問東皋叟
麩麥前春定十分

王琦

游太寧寺

西山踏破萬層青
與客攜壺上太寧
泉石有情容避俗
軒裳無術可逃形
雲縈屋角僧禪靜
露下松梢鶴夢醒
明日却尋塵境去
晚猿啼月若為聽

王珣

王元仲海岳樓同諸公賦

十二朱闌倚半空
元龍高卧定誰雄
簷楹翠濕蓬山雨
枕簟涼生弱水風
物色橫陳詩卷裏
雲濤飛動酒盃中
謫仙會有騎鯨使
八極神遊路可通

朱自牧

晉寧感興

欽定四庫全書
御選全詩
卷十一
莫將官況說葭蘆
一味蕭條稱鄙夫
老圃不禁蔬代肉
樵丁還喜炕連廚
兒音半已漸秦晉
鄉信無因接魯洙
三見秋風落庭樹
年年歸意負尊鱸

年節嵐州席上贈同知王子直中散

別時風雪暗龍津
一夢經年復見君
去國光陰雖易得
夾河形勢且平分
心如征馬常嘶代
身伴秋鴻却渡汾
此日一尊難惜醉
新年風景舊知聞

送鄜州節判任元老罷任東歸二首

長途冰雪歲崢嶸
客裏那堪送客行
萬里歸心應接漸

一尊別酒且班荆春生汶水庭闈近人去雕陰幕府輕
欲仗征鴻寄消息地寒不肯過邊城
都騎駸駸指汶陽關門應識棄繻郎暮寒煙浪歸期阻
細雨簷花飲興長束帶暫為彭澤令曳裾休忤漢梁王
邊城情味君應會為說無慘與故鄉

小雨不出寧海司理廳

吏散庭空鎖碧苔冷官門戶幾曾開疎疎細雨槐花落
寂寂虛堂燕子來多病始知窮有鬼獨賢方覺仕無媒

欽定四庫全書

御選全詩
卷十一

五

故園拋擲奔馳外剛道江山未放回

過渾源留別田仲祥同知節使

金臺前夢香無踪一阻雲山莫計重雙鯉附書常不達
兩萍浮海偶相逢燕南落日車分轍代北春風酒滿鍾
明日去留牽世務燈前談笑且從容

訪山寺僧

踏破蒼苔叩竹扃晚晴庭院有餘清幡腰落日紅千颿
簷際遙岑翠一橫種林公田聊卒歲栽蓮僧社擬投名

從今興熟頻來往未信齋鐘午後鳴

謝吳堡知寨安巨濟贈紙百幅

百幅溪箋遠見羞故人佳餉若為酬幸將晚節收魚網
未得良工起鳳樓柿葉學書差足慰芸香辟蠹會須求
揮毫不見雲煙落愚賈操金愧暗投

清河道中暮歸

緩轡溪邊喜乍晴夕陽流水浸孤城川平佛塔層層見
浪穩商舟尾尾行十里煙霞隨野步兩崖禾黍撼秋聲

欽定四庫全書

御選全詩
卷十一

五

雨暘雖有豐年兆久客都無地可畊

晚泊濟陽

江北秋陰一半晴晚涼留與客襟清水邊畫角孤城暮
雲底殘陽遠樹明旅鴈為誰來有信斷蓬如我去無程
寥寥天地誰知己村酒悠然只獨傾

冬日江樓晚望

萬里長空淡落暉歸鴉數盡下樓遲山如駭浪高低湧
天似寒灰黯淡垂紫塞西橫連統萬黃河東下接汾睢

此邦形勢雄今古只與羈人百不宜

郊行

緩步尋春水一涯最憐朝雨浥輕沙小溪煙重偏宜柳
平野雲垂不礙花青眼步兵原好酒黑頭江令未還家
興長不覺歸來晚過盡城頭陣陣鴉

和郭仲榮郡城秋望

城高野闊思何窮人在西風一笛中樓影不搖溪水淨
春聲相答暮山空海天引望能供碧霜樹經秋更倚紅
回首客魂招不得蓴鱸歸興滿江東

欽定四庫全書

御選金詩

卷十一

三

病起書事

牢落衰年病轉侵醫編藥裏廢閒吟卧銷白日塵凝屢
起對青銅雪滿簪霜後癡蠅看老態天邊倦鳥識歸心
維摩不出文殊去門巷蕭條翠蘚深

李晏

白雲寺

白雲亭上白雲秋桂棹蘭橈記昔游往事已隨流水去

青山空對夕陽愁興亡翻手成舒卷今古無心自去留
獨倚西風一惆悵數聲柔櫓下汀洲

題武元直赤壁圖

鼎足分來漢祚移阿瞞曾困火船歸一時豪傑成何事
千里江山半落暉雲破小蟾分樹暗夜深孤鶴掠舟飛
夢尋仙老經行處只有當年舊釣磯

潞州形勝

東迎壺口壘羣山吞吐嵐光紫翠間削玉遠排珪首銳
暈痕輕拂黛眉彎五龍飛去松杉老萬井喧囂日月閒
遊客乍醒塵土眼仙局誰指扣元關

欽定四庫全書

御選金詩

卷十一

三

遊龍門迴投超化寺

精藍三日飽溪毛俗累紛紛覺可逃採水尋源通月冷
披榛得路接雲高山圍故壘懷千古河轉孤巖激怒濤
回首煙霞應笑我人間官職信徒勞

韓汝嘉

寄元真同年

十年塵土鬢毛斑杖履還來踏故山
葉寄殘紅春尚在雲酣濕翠雨仍慳
不堪倚樹追前事更恐臨溪見病顏
一日暫來千日去何時倦鳥得真還

郭長倩

義師院叢竹

南軒移植自西壇瘦玉亭亭十數竿
得法未應輸老柏植根兼得近幽蘭
雖無穠豔包春色自許貞心老歲寒
百草千花盡零落請君來向北中看

麻秉彝

題廣勝寺

盤雲梯石上崇岡殿閣崢嶸古道場
寺紀汾陽親奏額塔傳阿育久騰光
簷前山聳千層秀檻外溪分二帶長
種種塵緣都洗盡祇因身在白雲鄉

蔡珪

雪和坡公韻

門外黃昏噪晚鴉瑤塵細逐九雲車
豐年待作三登兆

暮景重開六出花濁酒無人同此興
扁舟有客訪誰家明朝試望東林樹
百尺寒梢倚玉叉

到廣黃河

清漳節物似清江不復萸鱸夢故鄉
歷下果能留太白鏡湖端是屬知章
身隨客路常岑寂心與沙鷗共渺茫
尚困馬蹄三百里小舟聊欲過滄浪

登陶唐山寺

嶺外高槐驛路長嶺頭蕭寺俯朝陽
定知絕頂有佳處聊與瘦藤尋上方
千里好風隨野色一軒空翠聚山光
道人底是憐行役不惜禪牀坐午涼

簡王溫父昆仲

荷鈿小小半溪香槐幄陰陰一畝涼
飛絮亂將春色晚行雲閒屬暮山長
求田已喜成三徑適意真堪寄一觴
君是山陰換鵝手可無傑句傲風光

秋日和張溫仲韻二首

琴裏忘憂盡日彈百憂俱息夜初闌
青燈把卷逢真味

綠酒傾尊破薄寒
月色半留梧影上
露華應到菊花團
在家須信貧猶好
夢想人間行路難

照水疎林萬木蒼
迎軒爽氣一襟涼
有時獨聽溪春坐
無事方驚晝景長
雲薄西山聊隱現
煙橫白鳥去微茫
可憐騎省多秋思
拘士安能識大方

和彥及牡丹時方北趨薊門情見乎辭

舊年京國賞春濃
千朶曾開共一叢
好事祇今歸北圃

知音誰與醉東風
臨觴笑我官程遠
賦物輸君句法工

欽定四庫全書

御選金詩
卷十一

三

却笑燕城花更晚
直應趁得馬家紅

戲楊新城

長短亭中竟日忙
解鞍初喜水雲鄉
風前列席花鈿秀

雨後行廚杏粥香
春色紛紛驚過眼
歌聲故故促傳觴

蓬萊殿下同年客
定笑狂夫老更狂

和曹景蕭暮春即事

戶部尚書望之

甕頭春色開重耐
門外春風改袂衣
灼灼向來花又笑

翩翩幾處燕于飛
山陰未辨羲之集
沂上聊從點也歸

節物驚心遽如許
却因觀化識天機

并門無竹舊矣李文饒嘗一植之至今寺僧日

為平安報其難可知已官舍東堂之北種碧蘆

以寄意因作長句

青君那肯顧寒鄉
試著葭蘆擬汶篁
有若何堪比夫子

虎賁猶想見中郎
色添新雨簾櫳好
聲入微風枕簟涼

他日東堂慙政拙
只將此物當甘棠

春陰

欽定四庫全書

御選金詩
卷十一

三

城上春陰暗晚空
城頭山色有無中
似聞啼鳥來幽樹

已有游絲曳好風
流水小橋歸未得
落霞孤鶩興無窮

林花不解東君意
邀勒遊人未破紅

御選金詩卷十一

欽定四庫全書蒼要卷一萬八千三百九十八 集部

御選金詩卷十二

七言律詩二

劉汲

題西巖

卜築西巖最可人，青山為屋水為鄰。
身將隱矣文何用，人不知之味更真。
自古交游少同志，到頭聲利不關身。
清泉便當如澠酒，澆盡胸中累劫塵。

欽定四庫全書 御選金詩 卷十二

王寂

易足齋

吾愛吾廬事事幽，此生隨分得優游。
窮冬夜話蒲團暖，長夏朝眠竹簟秋。
一榻蠹書閒處看，兩盃薄粥飽時休。
紅旗黃紙非吾事，未羨元龍百尺樓。

送張仲謀使三韓

照海旌幢出樂浪，過家上冢路生光。
鴨江桃葉朝迎渡，岳嶺松花夜煮湯。
恩詔肅將芝檢重，醉鞭低裊玉鞘長。

遺民笑指天車道，酷似南陽異姓王。
高麗稱中原使節皆曰天車某官事見閩

子秀鴨江行記

黃桃花

應嗔國色朝酣酒，賜與羽衣如太真。
道士厭看千樹老，令君別換一城新。
細梅拂額更不俗，粟玉削肌殊可人。
想得乞漿尋舊約，東風不似去年春。

奉題少保張公曲阿別墅二首

休沐時時散馬蹄，綠陰如染轉長堤。
帝城和氣融春圃，相國餘波到兩溪。
無數龜魚欣作主，不言桃李自成蹊。
聖時正要傳衣事，賀監從渠老會稽。

欽定四庫全書 御選金詩 卷十二

鍾湖亭下水淙淙，綠野平泉未易雙。
千里藕花紅步障，一軒松蔭碧油幢。
洛中獨樂有司馬，天下不名知曲江。
紙尾欲煩賢宅相，雨蓑添我坐蓬窗。

喬辰

翠貞菴訪晦之不過

飛錫南遊久未歸，北藍清勝與誰期。
明窗但見橫經處

靜坐還思酌茗時獨誦隔林機
杼句謾題渴井轆轤詩
翠貞菴外千竿竹嘯月吟風待阿師

趙可

來遠驛雪夕

使高麗時作

江上東風冷不禁晚雲翻手弄晴陰
春來天氣不全好
夜久雪花如許深暖老正思燕地
玉辟寒誰有魏臺金
空齋寂莫青綾被學得東山擁鼻吟

題嵩陽歸隱圖

欽定四庫全書

御選金詩

卷十二

三

風煙萬頃一椽第丘壑端能傲市朝
窈窕雲山三兔穴
飄飄風樹一鳩巢本來無取亦無與
只合自漁還自樵
三十六峯俱可隱願從君後不須招

郝侯

郝吉甫蝸室

草草生涯付短椽身隨到處即安然
功名角上無多地
風月壺中自一天世路久諧甘縮首
麴車才值便流涎
一生笑我林鳩拙辛苦營巢二十年

應制狀元紅

仙苑竒葩別曉叢緋衣香拂御爐風
巧移傾國無雙豔
應費司花第一功天上異恩深雨露
世間凡卉謾鉛紅
情知不逐春歸去常在君王顧盼中

故城道中同元東巖賦

客亭南北厭飄零尚喜揚鑣過故城
桐葉不堪追往事
泥丸尤足見民情青山閱世幾興廢
白塔向人如送迎
佇立夕陽無限思西風禾黍動秋聲

欽定四庫全書

御選金詩

卷十二

四

子文致君九日用安字韻聊亦同賦

旅食京華秋又殘舊遊真似夢槐安
閒居浪說重陽好
塵世端知一笑難黃菊已堪增悵恨
白衣無復慰荒寒
馬頭明月應相笑依舊紅塵滿客鞍

題孔氏園亭

嚴勝諸孫賢至今相承種德滿家林
綠槐丹杏風流遠
翠竹蒼松歲月深傾蓋昔誰陪後賞
過庭今復嗣徽音
此生夙有東游願杖屨他時或可尋

上巳前後數日皆大雪新晴游臨漪亭上

十日陰風料峭寒試從花柳問平安野亭寂歷春將晚
山徑縈紆雪未乾足踏東流方縱酒手遮西日悔投竿
淵明正草歸來賦莫作山中令尹看

奉陪太守游南湖同郭令賦

翠幄千章蔭晚空年華心賞兩無窮雲頭欲落催詩雨
池面微生解愠風經筭使君談似綺仙舟令尹飲如虹
媿隔自適清池樂不信參軍是郝隆

欽定四庫全書

御選全詩

卷十二

五

新秋

旅食京華困鬱蒸可人秋意又新晴夜窗便覺風千里
曉鏡從添雪數莖蟬噪不離羈客耳燕歸還動故園情
軟紅塵外西山色乞與閒人眼暫明

寺樓晴望

詰曲闌干面翠微蔥蘢窗戶溢清暉雨侵斜日明邊過
雲望前山缺處歸多病過春猶止酒薄寒向晚却添衣
宦名不負滄波願羞見陂田白鳥飛

馮子翼

贈張壽卿

美如冠玉張公子知是留侯幾世孫老境流離少歡趣
天涯邂逅對清尊貂裘聊作西州客物化終同北海鯤
十日相從又言別關山明月正銷魂

劉仲尹

西溪牡丹

為雲為雨定成虛醉臉籠嬌試粉初舉國春風避姚魏
換胎天質到黃徐百年金谷憑欄袖三月揚州載酒車
我欲禪居淨餘習湖灘枕石看游魚

冬日

刁騷短髮鑷還生鏡裏形骸只自驚睡枕食槃翻歲月
頭風股痺識陰晴鳩棲任笑謀生拙免簡難忘照眼清
不用暖爐公庫酒試容擁被聽雞聲

秋日東齋

一區寂莫子雲家便腹那能貯五車筋力只今如老鶴

欽定四庫全書

御選全詩

卷十二

六

筆頭新愛結秋蛇樹間風定葉漫徑籬外雨寒梅著花
勝日一尊能笑客更須官鼓候晨樞

謝孔遵席後堂畫山水圖

後堂號
秀隱居

家在龍沙弱水東劫來塵世笑春風都將天外蓬壺景
漏作人間畫手工玉腕雪迴屏管細寶煤香散鳳綃空
只應大地山河影常記飛鸞下月中

別墅二首

牆根雨大土花碧秋筍寒添一雨莖愛買僻書人笑古

欽定四庫全書

御選金詩

卷十二

七

痛憎俗事自知清黃花催織鈿鈿出白髮欺人故故生
饑粥年來我稍具厭隨鞍馬逐浮名
風雨驅寒入散裘閒齋氣味冷颼颼年華過眼驚飛鳥
利祿催人窘督郵竈下旋添溫炕火牀頭剩買讀書油
可人誰似黃夫子著意裁詩寄四休

龍德宮

碧拱朱甍四面開翠雲稠疊鎖崔嵬連昌庭檻渾栽竹
罨畫溪山半是梅藻井香銷塵化網銅欄秋澀雨留苔

只應千古華清月狼藉春風媿露臺

醑醑

相看絕似好交友著眼江梅李益中海窟笙簫來鶴背
月林冰雪繞春風滿前玉蕊名尤重特地梨花夢不同
安得涪翁香一瓣種成聊供小南豐

王啓

王右轄許送名酒久而不到以詩戲之

燕酒名高四海傳兵厨許送已經年青看竹葉應猶淺

欽定四庫全書

御選金詩

卷十二

八

紅比榴花恐更鮮枕上未消司馬渴階前空墮汝陽涎
不如便約開東閣一看長鯨吸百川

高公振

裴氏西園

簿領沉迷倦不禁偶從名勝此幽尋竹陰疎處見潭影
人語定時聞鳥音陳迹謾留千古恨歡遊聊慰十年心
多情一片梁園月送我垂鞭出上林

魏道明

佛巖寺

虎谷西垠北口南橫橋過盡見松菴舊遊新夢猶能記
般若真如得徧參霜圃擷蔬充早供石泉煮茗薦餘甘
殘年便擬依僧住過眼空花久已諳

張公藥

往郪州

出門旋復入崎嶇行路真將蜀道如埽凍村童燒積葉趁
春田婦鬻新蔬雪花被岸中流黑雲氣涵山衆壑虛老

欽定四庫全書

御選全詩 卷十二

九

子頻年厭羊酪故溪新綠正肥魚

史旭

懷郭碩夫劉南正程雲翼

已將春夢等浮生更著秋光比官情薄有酒銷閒日月
苦無心向老功名黑城村晚鴉千點白土坡高雁一聲
天末何人慰寥索正思張丈與殷兄

高德喬

坐忘女

女環州張氏年十三異夢之後
坐忘已四年矣贈詩者甚多

結習銷來性自圓去留元不間人天消搖自是忘形蝶

枯寂寧同委蛻蟬無礙真空常蕩蕩若存餘息尚綿綿
立忘坐脫皆游戲定力何嘗有變遷

楊子益

題吳草老萬卷堂

隨分蠶鹽不力珍一堂書史日相親五經尚說無癡子
萬卷于今見古人既有鄴侯籤滿架更知工部筆如神
堦前蘭玉十才子指日鵷行列縉紳

欽定四庫全書

御選全詩 卷十二

十

步元舉

下第過榆次

棲遲零落未歸人已坐無成更坐貧意氣敢論題柱客
晨昏多負倚門親囊空漸覺錢餘買衣敝翻饒虱滿身
遙望秦關獨惆悵一天風雨落花春

馮文叔

客舍

禿襟衲褐破書囊十五年來客異鄉生事穿中搖虎尾

窮途天上轉羊腸三朝不遇馮唐老半夜悲歌寧戚狂
獨倚牛車望遠海西風塵土鬢蒼蒼

鮮于溥

魯村道中

小橋沙路已堪圖更著衰翁跨蹇驢暮靄似催寒日短
秋容仍帶遠林疎鵬盤平野黃榆落兔走橫岡白草枯
漸喜閒身遠朝市一年強半在村墟

春日倣舊詩體

年老逢春莫等閒逢春能得幾回看插花儘要花枝滿
把酒休辭酒殘乾好向酒邊留舞袖不妨花外駐吟鞍
閒身健在須行樂燕語鶯啼春又殘

耶律履

史院從事日感懷

不學知章乞鑑湖不隨老阮醉黃墟試從麟閣諸賢問
肯屑蘭臺小史無一戰得侯輸妄尉長身奉粟媿侏儒
禁城鐘定燈花落坐村墟編借壯圖

孟宗獻

巢雲

元氣氤氳天四垂我來高處足棲遲笑看烏鵲空三四
肯與鷓鴣共一枝露濕衣裳星斗近煖生毛骨夢魂知
有時借得天風便喚取仙人白鶴騎

閏月九日

南崖烘煖貯秋光勝處相沿醕一觴俚諺難逢兩寒食
閏餘今值小重陽頭風比似常年愈菊面渾如去歲黃
老矣歡遊定能幾佳時此樂最難忘

許安仁

達摩菴

巖壑深巖入翠微少林金碧霧煙霏五峰屏簇禪菴小
萬劫天開佛日輝聞說九年深面壁得逢二祖便傳衣
千秋少室山靈在曾見神僧隻履歸

郭用中

偶得

參徧叢林懶出游
指端孤月照高秋
大千界裏閒窺掌
不二門中暗點頭
埽地燒香聊自遣
栽花種竹儘風流
莊蒙抵死談齊物
無物齊時也合休

党懷英

夏日道出天封寺

疊澗重岡掩復開
烏啼人寂路縈回
微涼暫逐行雲過
細雨俄從遠樹來
世事自嗟吾老矣
山僧那識興悠哉
婆娑十畝溪邊櫟
借汝清陰感不材

欽定四庫全書

御選金詩

卷十二

十三

龍池春興

三十餘年惜別心
重來獨興此登臨
佳人何在暮雲合
遊子不歸春草深
曲檻凭欄花冪冪
扁舟繫岸柳陰陰
避人白鳥忽驚去
雙影飛翻明翠岑

雪

寶花天雨曉紛紛
佛界粧嚴盡白銀
待臘風雲初接勢
犯寒糟麴若為神
園中芳草誰能賦
江上梅花獨自春
半臂騎驢得佳句
九原誰喚灞陵人

蟬

槁壤陰潛罷轉丸
飄飄便作飲風仙
幽叢何處拳枯蛻
別樹還來續斷絃
小院日長清夢覺
空庭人靜綠陰圓
無情物化誰能料
觸撥羈懷一慨然

書因叔北軒壁

生涯自分老林泉
欲止還行信有緣
未許綸竿歸醉手
且教煙水入吟鞭
雲山聊欲追聲叟
風腋何妨借玉川
獨卧北軒元不寐
竹間寒雨夜琅然

欽定四庫全書

御選金詩

卷十二

十四

世華將有登州之行作是詩以送之

少陵兄弟蓋三人
坡老相知只卯君
五畝有期將共隱
一樽何易便輕分
秋鴻渺渺看孤往
夜雨瀟瀟忍獨聞
他日書來問無恙
我應深釣竹溪雲

昫山驛亭阻雨

東海地名蒼梧舊說云此島自蒼梧浮來又州有景疎樓

脫葉蕭蕭山木稠
連檣飄汎海蓬秋
浪回昫島馮夷舞
雲暗蒼梧帝子愁
欲往未行淹僕馬
乍來還去羨鷓鴣
景疎樓下無邊水
暫濯塵纓可自由

弔石曼卿

曼卿嘗通守岫山道人以泥封桃李核彈之巖石間其後花開滿山又嘗

攜妓飲山之石室間
鳴琴為水車鐵馬聲

城頭山色翠玲瓏尚憶情狂四飲翁鐵馬水車斷遺響
桃花石室自春風平生詩價千鈞重身後仙遊一夢空
想見蓬萊水清淺芙蓉城闕五雲中

應制粉紅雙頭牡丹二首

卿雲分瑞兩嫣然鏡裏妝成穀雨天曉日倚闌閒如豔
春風拾翠兩駢肩水南水北何曾見桃葉桃根本自仙

欽定四庫全書

御選金詩
卷十二

十五

夢想沈香亭北檻畧修花譜記芳妍

春意應嫌芍藥遲一枝分秀伴雙蕤並肩翠袖初酣酒
對鏡紅妝欲鬪奇上苑風煙工獻巧中天雨露本無私
更看散作人間瑞萬里黃雲麥兩歧

寄賈因叔

鷓居穀食兩迷陽四十猶貪桂子香石汶為君拋水月
憲陵回首見冰霜蟲魚細碎成書癖荆棘崢嶸失醉鄉
舉白北軒真一夢竹間猶記雨浪浪

題王廣道環翠堂詩

誅茅結構畧三楹顧揖青山共落成一徑宛如通輞口
甘岑何用說南城清風枕簟人間世黃卷聖賢天下名
只恐山靈留不得暮年合起為蒼生

劉迎

數日冗甚懷抱作惡作詩自遣

生涯吾亦愛吾廬踏地從來出賦租曾次有懷空碗磊
人間無處不崎嶇扶搖安得三千里應見真成百億軀

欽定四庫全書

御選金詩
卷十二

十六

直欲棄家參學去一龕香火供齋盂

寄題安巖起官舍北溟

一軒高占鳳麟洲要作人間汗漫遊海國風煙自朝暮
洞天日月幾春秋夢魂欲拂三花樹活計聊隨一葉舟
待我丹成訪君去闕風佳處卜菟裘

莫州道中

楓林葉葉墮霜紅天未晴容一鏡空野曠微聞烏鳥樂
草寒時見馬牛風人生險阻艱難裏世事悲歌感慨中

白髮孀親倚門處夢魂千里付歸鴻

上施內翰

十年不見建安公草木依然臭味同
賴有酒尊煩北海可無香瓣禮南豐
天墀禮樂三千字海國鷗鵬九萬風
正以高軒肯相過免教書客感秋蓬

題吳彥高詩集後

片雲踪跡任飄然南北東西共一天
萬里山川悲故國十年風雪老窮邊
名高冀北無全馬詩到江西別是禪

頗憶米家書畫否夢魂應逐過江船

代王簿上梁孟容副公二首

妙年椽筆賦長楊一日聲名滿四方
天上風流青鎖客人間嘉慶綠衣郎
錦囊看讀金花語畫戟閒凝燕寢香
預恐政成趨急詔海沂無計駐王祥

自笑微官馬骨高十年霜鬢雪刁騷
長林豐草未適性尖帽短鞵安得豪
名宦真同一雞肋簿書空束兩牛腰
故園清興湖山裏歸去經營一把茅

清明前十日作

雨餘天氣動朝寒寒食都來數日間
羯鼓催開小桃李畫屏圍出好溪山
塵埃老我真堪笑風物撩人欲破慳
梅雪已殘春過半一尊無處與公閒

聞丘丈晚集慶壽作詩戲之

桃李欲開風雨多花時猶得屢經過
緩聽一曲玉連瑣滿汎十分金卷荷
紅燭影紗聞喚馬翠羅承鞵見凌波
杜陵老矣孤春事奈此詩愁惱亂何

明日復會客普照繼呈此詩去及瓜不數日矣

室中呼起散花天來伴維摩到處禪
百刻篆香消晝永一番風雨破春妍
雲山真欲追聲使風腋何妨借玉川
他日相思共明月舊遊應說禁煙前

觀古作者梅詩戲成一章

翠袖佳人修竹傍風姿綽約破湖光
靜中慣識形神影妙處誰知色味香
觀想有靈通水月孤音無侶伴冰霜
故人愁絕今何許煙雨霏霏子半黃

贈人

何必羅浮訪稚川相逢一笑共談玄
蓬萊咫尺三萬里銅狄因循五百年
夢幻莫論身外事嘯歌聊得醉中天
幾時丹竈同收拾去入雲山了舊緣

別後有懷元濟

聞說風流靖長官宦游寥落廢清閒
酒狂吞盡喙三尺詩瘦聳成肩兩山
世事君方厭蝸角生涯我欲賦魚蠻
脫身何日扁舟去相對一簑煙雨間

欽定四庫全書

御選金詩

卷十二

十九

贈董丞秉國

迫窄十年冠蓋場誰憐王謝有諸郎
俗緣不脫三生債豪氣都無萬丈長
遣興久憑詩作社避愁專欲酒為鄉
黃塵投老逢青眼賴有知音未可忘

聞彥美服藥以詩問訊

耳邊塵事且無喧聽我歸耕郭外村
賤子自藏蝸殼舍故人誰並雀羅門
書窗共作三年計尊酒相逢一笑溫
不信家山不堪隱仇池今在古銅盆

和人七夕韻

今古良宵此會同望窮雲物有無中
人間鈿合三山隔天上靈槎一水通
鴛鴦樓空紈扇月鴛鴦機冷苧羅風
不須更乞蛛絲巧久矣人間百巧窮

次曹次仲韻因以自感

自笑區區學道難未容香火訪名山
因循憂患餘生裏收斂光芒窘步間
白社祝公今日始丹丘容我幾時還
相從願結翻經會共過壺中日月間

欽定四庫全書

御選金詩

卷十二

二十

寒食阻雨招元功會話

滿城風雨殿餘春燕坐儵然亦可人
楊柳杏花相對晚石泉槐火一時新
愁邊興味渾如酒句裏機緣欲脫塵
早晚阿咸來顧我坐中軟語慰情親

次韻諸園不暇游覽

故人家有小池臺桃李成蹊手自我
尊酒幾時邀客去園林無日不花開
丹青一一歸圖畫紅紫紛紛費剪裁
勝槩須公與題品杖藜何惜醉中來

自解

投紱歸來歲月過清閒殊勝吏分窠人思狡兔藏三窟
我願白鷗同一波棊局何妨爛樵斧印章終欲博漁蓑
人間萬事俱塵土醉倒尊前奈我何

陪諸友登三山亭二首

半濠清淺芰荷彫落日登臨未寂寥山色逼秋渾作市
海聲迎暮欲吞潮沙頭白鳥疑相熟木末青旗苦見招
不似常時對官府可無閒話及漁樵

欽定四庫全書

御選金詩

卷十二

三

霜林餘葉未全彫極目西風對沈寥萬里沙荒秋後草
三神山動晚來潮移尊正及兵廚近結客何須驛騎招
老素撫牀端可必未甘隨分隱畊樵

次劉元直韻二首

秋來何事憶歸頻正以家無如婦津未許桂枝招隱士
不妨桃葉贈行人夢魂歷歷千山遠客宦悠悠五斗貧
犀箸鸞刀許何日歸來舉案得紛綸

半年歸夢別離間只有音書雁足還羅幕翠橫秋掩冉

玉壺紅濕淚爛斑天明不作霧非霧月破可憐山復山
準擬春風對眉嫵一尊相對洗愁顏

次韻夜雨

海山何處是蓬瀛節物催人意自驚客裏厭逢今舊雨
夢餘愁聽短長更故園頗覺歸期緩老境難堪此段清
想得成詩正蕭瑟竹窗燈火夜微明

梅

誰道江梅驛信遲碧琅玕裏見橫枝為尋疎影暗香處

欽定四庫全書

御選金詩

卷十二

三

獨立嫩寒清曉時嚼蕊不妨浮白飲認桃休賦比紅詩
平生東閣風流在何遜而今鬢欲絲

城南菴

故鄉歸思白雲邊斜鉢東來想浩然桑下久無三宿戀
室中今許一燈傳夢驚城郭風塵窟興寄湖山雪月船
老矣重游恐難得平生四海與彌天

寄題薊丘僧房

道人休去白雲邊老矣分明懶瓚然參學誰能知許事

退休聊得息諸緣忘形馬跡車塵外適意山光水影前
想得松根憩寂寞壞殘雲衲半垂肩

虛春亭

碧琅玕裏小蘆廬想像幽人手植初不獨禪心破諸有
還於法性識真如古宿有翠竹真如之句應緣任笑風月底出世
要觀霜雪餘他日升堂參玉版會須傍出賞春蔬

雨後

塵埃日月厭風霾一雨方容眼界開水底天光大圓鏡
樹頭山色小飛來馬牛涉地無相及鷗鷺知人已不猜
更得扁舟待明月一杯容我醉雲壘

題歸去來圖

筆端奇處發天藏事遠懷人涕泗滂餘子風流空魏晉
上人談笑自羲皇折腰五斗幾錢直去國十年三徑荒
安得一堂重寫照為公桂酒瀉蕉黃

寄題孔德通東園

花木陰陰一畝宮平生高興與誰同尊壘北海無虛日

鄉里東家有故風先業固知衣鉢在大門何惜橐囊空
襄陽耆舊今誰識尚喜風流見阿戎

次韻鄜元與贈于元直道舊二首

人物傷心萬馬空于今聲價歛然東教條不獨行千里
籌策曾經奉一戎事契百年知有自笑談三語記無同
白頭賴有髯參在解說當時喜怒公

倦游方歎錦囊空此道誰知一夕東客裏簿書慙老子
詩中旗鼓避元戎叩門莫厭經過數促席聊容語笑同
此樂只憂兒輩覺不因品藻待渠公

昌邑道中

屋角雞號夜向晨客牀相對話悲辛流離僅脫噲等伍
老大空為濟上人却埽欲安無事貴累人猶屬有錐貧
故山鄰里今安否歸去同尋筍蕨春

題仲山枝巢

鏡中青鬢雪霜皤歲月從教落魄過物理不容人太過
生涯休歎我無多百年竟似繩鑽紙萬事終同鼠飲河

祇恐徐公宿緣在東風時夢海棠窠

王庭筠

示趙彥和

四柳危亭坐晚陰殷勤難忝故人心
兒孫滿眼田園樂花木成陰歲月深
十畝蒼煙秋放鶴一簾涼月夜橫琴
家山活計良如此歸興秋風已不禁

送士選山東外臺判官

秋天寥廓使星明光動山東七十城
玉署文章厭閒冷繡衣風采試澄清
人隨白雁霜前到詩繞青山馬上成
才力如君君未老只愁無地避功名

超化寺

隔竹微聞鐘磬音牆頭修綠冷陰陰
山迎初日花枝靚寺裏清潭澹影深
吾道蕭條三已仕此行衰病獨登臨
簡書催得息息去暗記風煙擬夢尋

被責南歸至中山

短轅長路兀呻吟行李遲遲日益侵
親老家貧官職重

恩多責薄淚痕深向人柳色渾相識
著雨花枝半不禁回首觚稜雲氣隔
六年侍從小臣心

棲霞觀

偶尋溪水到仙宮身世渾疑是夢中
風動霓旌雲縹緲煙籠瑤樹鬱青蔥
曾聞白鶴歸華表試為丹砂問葛洪
明日挽舟重相訪桃花滿路失西東

林慮南樓

殿閣偏宜落照間倚天無數玉孱顏
黃華墨竈知名寺荆浩關仝得意山
遊子也如紅樹老殘僧偶與白雲還
人生既說功名好不博南樓半日閒

毛麾

遊河西孫氏園

臺榭依山水亂鳴已如罨畫障中行
照溪芳樹紅雲合迎客幽禽翠羽輕
豪氣未饒金谷友醉魂如到錦官城
猶慙歸騎息息去不得持杯待月明

魏城馬南瑞以異香見貽且索詩為賦二首

梅心蘭甲類元同氣壓荀家百和功借潤更煩纖手玉
出雲初試博山銅崇朝日下亭亭蓋三月花間細細風
我有因緣在香火鼻端消息為君通

二卉真香豈復加便宜編譜入雄誇留殘一點薔薇水
幻出諸天蒼菊花佩帶正垂金鈿小薰爐孤起翠雲斜
金籠甲帳豪華事慙愧桑樞甕牖家

新春雪與韓府推

春到千門氣自嘉更教飛雪助年華六街官柳枝枝絮

欽定四庫全書

御選金詩

卷十二

三

一夜江梅樹樹花况是縱吟多伴侶直須爛醉作生涯
掃庭迎客東風裏幕府風流有故家

和思達兄杏花

碎翦明霞役化工曉園香散暖煙中羞逢柳眼三眠白
分得桃腮一笑紅上苑繁華迷故國曲江顛顛老春風
欲傳此恨花無語強對芳時作醉翁

春賞

潤入梅天雨乍晴喚回春意有新鶯雲霞照眼青山近

羅綺吹香白晝明翠勺銀罌沽酒市暖風遲日賣花聲
人人共喜華胥世何用遨頭羨錦城

傷醉軒

蓋世清芬五十年直疑湖海水雲仙不矜江夏無雙譽
便造南華第一篇松菊就荒堪笑晚尊鱸託興果誰賢
佳城鬱鬱高名在應與臺山萬古傳

王琢

元夜雪

寶燈樓閣澹連雲轉盼俄驚糝玉塵遊伎行歌俱失意
蔬畦麥壟自知春良宵不肯平平過造物應誇著著新
獨有中天端正月一尊梅影屬閒人

同漕使趙中憲對雪

投隙穿窗苦見侵向無湘耐若為禁花多不入貧家眼
歲好方知造物心躍馬共思追兔跡抱戈誰與置羊斟
新詩與雪爭奇峭擁褐空齋得細吟

趙泯

欽定四庫全書

御選金詩

卷十二

三

駕幸春水放海青扈從得鸞應制

駕鸞得暖下陂塘採騎星馳入建章
黃金傘輕陰隨鳳輦綠衣小隊出
鶯坊搏風玉爪凌霄漢瞥目風毛墮
雪霜共喜園林得新薦侍臣齊捧萬年觴

黃山道中

小穀城荒路屈蟠石根寒碧漲秋灣
千章秀木黃公廟一點飛雲白塢山
好景落誰詩句裏蹇驢駭我畫圖間
膏肓泉石真吾事莫厭乘閒數往還

欽定四庫全書

御選金詩

卷十二

二十九

用仲謙元夕詩韻

聞道藍田輞口莊歌湖前日具飛航
李膺定已回仙棹王績無由入醉鄉
薄宦繫人如坐井窮愁染鬢欲成霜
早知上界多官府只向人間作酒狂

盆池荷花

一泓寒碧甃波光雨後妖紅獨自芳
不許纖塵汙天質政須清吹發幽香
洛神初試凌波襪妃子來從礬石湯
休笑埋盆等兒戲要令引夢水雲鄉

扈從車駕至荆山

海上飛來碧玉峯瑤林琪樹更青蔥
參差樓觀浮雲表顛倒山光落鏡中
侍從有臣司碧落笑談無處不清風
好分靈沼為膏澤乞與人間作歲豐

中秋

秋氣平分月正明蕊珠宮闕對蓬瀛
已驅急雨消殘暑不遣微雲點太清
簾外清風飄桂子夜深涼露滴金莖
聖朝不奏霓裳曲四海歌謳即樂聲

欽定四庫全書

御選金詩

卷十二

三十

路鐸

慶壽寺晚歸

九陌黃塵沒馬頭眼明佛界接仙洲
清溪照影紅蕖晚禪榻生涼碧樹秋
少室宗風開木義裕陵遺墨爛銀鈎
對談不覺山銜月只為松風更少留

賦文室碧玉壺善甫賦詩鐸亦奉和二首

心知雲路等榆枋戲作方壺當玉堂
虛靜自應詳止止逍遙均是一蒼蒼
心含寶月無中外身著青霞可頡頏

政爾天遊到疑始覺知誰送竹風香

隨人作計魚千里知命無憂鳥一天碧落雲深堪避世

碧落洞名九華煙暖可忘年平章萬有歸元覽收拾方心入

大圓上界真人自官府不妨聊作橘中仙

次韻荅季通

華顛何意軟紅塵霄漢聊收退鷁身方喜長松倚東野

又從淨社得遺民高山流水知音少霽月光風發興新

賴有好詩相慰藉不然開口欲誰親

欽定四庫全書

御選金詩

卷十二

三十一

郝仲華求賦鄴臺張氏野堂

白沙翠竹小江村路轉西郊隔市塵入坐好山如有素

忘情鷗鳥澹相親芋魁飯豆平生足澗草巖花各自春

得酒誰能更羈束不妨倒著白綸巾

題鄒公所藏淵明歸去來圖

牛刀小試義熙前一日懷歸豈偶然有意候君門外柳

無機還我酒中天貞姿佳菊秋霜裏真意南山夕鳥還

善學展禽唯此老萬人海裏小斜川

衛州贈子深節度

淇上風光萃一樓尊前北海百無憂平分玉鑑漁村晚西

望黃雲寡婦秋斜照鈎簾納煙翠微颺高枕看安流梅

天消息和羹近老穉寧容挽鄧侯

七夕與信叔仲荀會飲晚歸有作

秋香瀉月笑談香飲散歸來夜未央闕角星河搖淡影

柳行燈火試新涼雄飛勲業歸時輩信美江山著漫郎

萬事浮雲心鐵石休將梁國嚇蒙莊

欽定四庫全書

御選金詩

卷十二

三十二

襄城道中

有言長官暴橫者

禾黍低風汝水長遲遲驛騎困秋陽病軀官事交相礙

夢雨行雲肯借涼盡說秋蟲不傷稼却愁苛政苦于蝗

詩成應被西山笑已炙眉頭尚否臧

感寓

泫泫一水抱山流路轉岡陵到渡頭張翰秋風動歸興

惠崇煙雨著孤舟祿輕道重從三黜日暮人遙發四愁

世事悠悠莫回首聊憑酒聖作天游

冠氏雨中

氣肅關河萬綠推
遠遊節物動悲哀
人牛不見曉煙重
草樹有聲山雨來
老矣何堪米鹽事
中之安得聖賢杯
遙憐鶴髮孤雲底
日望林梢一葉迴

次韻鄴著作病起

元晏耽書昔坐癡
如今手板對山持
病知居士安心處
貧是詩人換骨時
單見敢參東觀論
徐行休歎後山遲
山林朝市元無異
怨鶴驚猿自不知

欽定四庫全書

御選金詩
卷十二

三十三

披雲樓

步上雲端曉碧空
恍然身似出樊籠
斜陽飛鳥陶丘外
淡月耕牛禹跡中
聊混古今千榼酒
不分賓主一襟風
挽鬚笑語真難得
明日泥沙印爪鴻

御選金詩卷十二


謹案卷十二第二十頁後三行愁邊興味渾如酒

刊本如作宜據中州集改

第三十一頁後一行郝仲華按中州集郝作赫今

仍刊本

欽定四庫全書



總校官庶吉士臣侍朝
校對官檢討臣蕭九成
騰錄監生臣李本

欽定四庫全書薈要

集部
御選金詩卷十三

欽定四庫全書薈要卷一萬八千三百九十九 集部

御選金詩卷十三

七言律詩三

周昂

登綿山上方

環合青峯插劍長，小平如掌寄禪房。
危欄半出雲霄上，秘景盡收天地藏。
野闊羣山驚破碎，雲低滄海認微茫。
九華籍甚因人顯，迴秀可憐天一方。

欽定四庫全書

御選金詩卷十三

謁先主廟二首

東市臍乾照夜脂，雲龍風虎各乘時。
地中鼓角表方捷，天下英雄操已知。
壘畝見賢誰恨晚，心中得計不妨遲。
亦知漢祚難恢復，聊擲荊州恐未宜。
暗粉陳丹半在亡，短垣殘日共悲涼。
不須古碣書綿竹，自有荒邨紀葆桑。
塵土衣冠曾繫馬，歲時歌舞亦稱觴。
不應巴蜀江山麗，能使英靈忘故鄉。

香山

詳校官原任主事 臣 李斯咏

山林朝市兩茫然紅葉黃花自一川
野水趁人如有約長松閱世不知年
千篇未暇償詩債一飯聊從結淨緣
欲問安心心已了手書誰識是生前

即事

遠目傷心千里餘凜然真覺近
狼須雲邊處處是青塚
馬上人人皆白鬚正憶荒邨臨古道
不堪獨樹點平蕪
誰人與話西園路梅竹而今似畫圖

九日

不堪馬上逢佳節況是天涯望
故鄉高會未容陪戲馬
舊遊空復憶臨香癡雲黯黯方垂地
小雪霏霏欲度牆
猶賴多情數枝菊肯留金蕊待重陽

和路宣叔梅

月底明肌粲壽陽道人呼入竹
西堂安排臘味千鍾酒
消破春風萬斛香花鳥有情應見惜
蛾眉傾國故難藏
西湖骨朽東坡遠又為君詩惱一場

憶劉及之

千株何處封君橘二頃誰家負郭田
長路風塵空費日故園書札動經年
未能免俗真聊爾不為懷憂亦悄然
襟抱何人與開釋論文除得老臞仙

王礪

記南塘所見簡孟友之

大橋南郭野橋東十里垂楊十里風
渺渺煙波連御道
離離雲稼入郊宮雨滋蔓草曉逾綠
日映荷花晚更紅
登覽只宜開笑口尊前六客四衰翁

次文遠韻

野性唯便閨寂居蒼苔鳥跡滿庭書
林花過雨紅猶重
籬竹和煙翠亦疎已與農人成保社
更令兒輩學耕鋤
賞音只有東郊客日袖新詩到敝廬

田特秀

宿萬安寺

長途鞍馬倦黃塵喜見空巖萬疊雲
漫漫野煙迷去鳥
蕭蕭林葉帶殘暉苔封老檜龍鱗起
石礪流泉燕尾分

夜敞松窗耿無寐一庭蘿影月紛紛

楊庭秀

成臯道中

瘦馬成臯道阻長崢嶸冰雪老年光九關欲上虎豹怒

三徑未歸松菊荒萬少雲煙聊駐馬漢唐宮殿兩亡羊

鄭南嶺下梅花發千里相思空斷腸

蕭貢

假梅

欽定四庫全書

御選金詩 卷十三

四

綠窗嬌小似梅人素手東風巧思新鸞尾翦裁千顆雪

蜂脾點綴一家春長教客枕生幽思不逐林花委路塵

莫道去非詩破的免毫那解寫花真

樂府崔生

徽蘭二
崔名

徽門晝暖柳啼鴉蘭閣窗深月照紗腰素輕盈珠極穩

鬢雲鬆亂玉釵斜春風一去空陳迹暮雨三生只當家

自倚廣平腸似石不妨綺語賦梅花

梨花

丰姿閒淡洗妝慵眉綠輕顰秀韻重香惹夢魂雲漠漠

光搖溪館月溶溶陳家樂府歌瓊樹妃子春愁慘玉容

安得能詩韓吏部郭西同去醉千鍾

保德州天橋

鬱鬱風雲入壯懷天潢飛下碧崔嵬兩崖偏側無十

沈音

步萬頃逡巡納一杯濺沫紛紛跳亂電怒濤殷殷轉晴

雷曾聞電火魚燒尾會趁桃花漲水來

族兄才卿下第後赴宜祿酒官以詩寄之

欽定四庫全書

御選金詩 卷十三

五

久期老距擅文場命壓人頭可得忙兩脚塵泥官業晚

十年燈火夜窗涼霜添老葉山梨紫雨浥寒叢野菊香

南北相望無百里幾時尊酒浣離腸

趙秉文

春山詩意圖

何年身入畫圖傳似是三生孟浩然詩句工夫驢背上

醉鄉田地酒旗邊一川芳草綠堪染夾路杏花紅欲燃

想見歸來泥樣醉却如蘸水柳三眠

寄王學士子端

寄語雪溪王處士年來多病復何如浮雲世態紛紛變
秋草人情日日疎李白一杯人影月鄭虔三絕畫詩書
情知不得文章力乞與黃華作隱居

鶴鵲樓

樓成鶴鵲幾時還人去樓空境自閒地接連城秋水渡
河分兩岸夕陽山汀煙冉冉籠秦樹隴雁依依度晉關
千古廢興還造物暫攜風月出塵寰

欽定四庫全書

御選金詩

卷十三

六

除日

梅花無信報平安又聽譙門畫角殘荒郡人煙窮臘外
上方樓閣晚雲端沉沉烏沒天無盡漠漠煙昏山更寒
日暮數峰猶帶雪城頭霽色入欄干

連雲島望海

壯觀天東第一遊曉披絕島寄冥搜煙中熊岳隨潮沒
天際遼江入海流地絕四維那辨樹風來萬里忽通舟
我從析木西南境回望中原四百州

白霄雜詠十首 錄五首

白霄

黑山潢水解弓刀茅屋朝來聽伯勞萬里馬辭邊雪苦
一聲雁拂朔雲高關山落日家何在詩酒春風氣尚豪
試上荒城望鄉國重來清鏡鑷霜毛

翠微軒

千里風煙棟宇間地形西去接松關尊前奚霫來朝地
雲外幽營不斷山故壘燕城人物換斷霞落日古今閒

欽定四庫全書

御選金詩

卷十三

七

百年興廢人空老水自東流鳥自還

七金山寺

刻簷篆額蝨蝸涎像教塵埃閱百年殿棟猶題遠日月
圖經不載禹山川荒碑盤屈蜿蜒古壞壁參覃罔象拳
想見當年崇奉日無邊花雨散諸天

靈感寺

徒河岸北白蓮東法鼓驚飛碣石鴻塔上風煙高鳥路
山頭雲雨化人宮松林礙日蜂房冷石砌頽沙蟻穴空

欲盡休公揮塵樂鬢絲羞對落花風

蘭若院

傳經蘭若四時同繡轂珠簾處處逢
花院鳥歸深殿磬
雨樓人散隔城鐘
長空淡淡吞平野
落日微微見遠峯
年去年來人自老
空餘壞衲挂長松

琵琶嶺

曉拂朱欄滿袖風
支頤吟望翠微中
薄雲漏日巖間碧
露淺離花澗滴
紅馬散平陂
臨水聚人來
盤路到山窮

欽定四庫全書

御選金詩

卷十三

八

子雲老大無才思
懶賦長楊五柞宮

金蓮川

一色天連王氣中
離宮風月滿雲龍
向來菡萏香消盡
何處薔薇露染濃
秋水明邊羅鞵步
夕陽低處紫金容
長楊獵罷回天仗
萬燭煌煌下翠峯

五月牡丹應制

好事天工養露芽
陽和起及六龍車
天香護日迎朱輦
國色留春待翠華
穀雨曾霑青帝澤
薰風又卷赤城霞

金槃薦瑞休嗟晚
猶是人間第一花

代州

金波曾醉雁門州
端有人間六月秋
萬古河山雄朔部
四時風月入南樓
漢家戰伐雲千里
唐季英雄土一丘
繫馬朱闌回首煙
波誰在釣魚舟

上清宮

暇日登臨近吹臺
夷門城下訪寒梅
黿頭他日幾人在
尊酒而今一笑開
秋潦滲餘村徑出
夕春歌處野禽來

欽定四庫全書

御選金詩

卷十三

九

醉歸扶路人爭看
知是詩仙闌苑回

寄陳正叔

渺渺西風去翼輕
長林風葉動秋聲
嵩邱競秀容多可
河洛交流忌獨清
廣武山川迷故壘
成臯草木闕空城
憑高一掬英雄淚
寄語窮途阮步兵

寄裕之

久雨新晴散痺頑
一軒涼思坐中間
樹頭風寫無窮水
天末雲移不定山
宦味漸思生處樂
人生難得老來閒

紫芝眉宇何時見誰與嵩山共往還

和欽正河中即事

鶴鵲樓前一望時長河寂寞送斜暉人歌人哭幾興廢
年去年來今是非寒雨涓流人斷渡秋風汾水雁來稀
千村萬落生煙靄更許砧聲莫搗衣

古餅臘梅

石冷銅腥苦未清瓦壺溫水照輕明土花暈碧龍紋澀
燭淚痕疎雁字橫未許功名歸鼎鼎且收風月入餅罌

欽定四庫全書

御選金詩

卷十三

十

嬌黃睡醒朝陽夢漢苑荒涼草棘生

暮春得寒字

九日聊偷一日閒三分春事二分闌鄉關夢裏人空老
風雨夜來花又殘乍拆泥封餽酒熟未開火禁粥飭寒
却思投劾歸田去楊柳陰中把釣竿

九日會極目亭

孤亭高壓冷雲堆九日登臨貫酒杯魏國河山殘照在
梁王臺殿野花開鷗從白水明邊沒雁向青天盡處回

未必龍山如此會座中三館盡英才

過慶陽

地形占得古金湯感歎當時幾戰場父子一家三范帥
功名異代兩汾陽西山帶郭環天險二水分流會女牆
想見公堂無一事臨川閣上日飛觴

朱瀾

寒食不出

地偏無客過吾廬寒食清明入燕居驢子捧甌仍臘茗
孟光舉案只春蔬蠅沾香篆渾傷字蜂感餅花半墮書
習氣未除還自笑却將佳節付三餘

欽定四庫全書

御選金詩

卷十三

十一

張毅

贈劉雲卿

丘垤孰與南山尊公卿皆出山翁門遺文人共師夫子
陰德天教有是孫問禮庭中新有桂忘憂堂下舊多萱
人間樂事君兼有歌我新詩侑壽樽

張翰

再過回公寺

山川風土極邊頭二十年復此游青鬢已隨人事改
碧溪猶繞寺門流輕寒翦翦侵駝褐小雪霏霏入蜃樓
為問勞生幾時了不成長抱異鄉愁

萬寧宮朝回

宿雨初收變曉涼宮槐恰得幾花黃鵲傳喜語留鞞尾
泉打空山輟鞠場已覺雲林非俗境更從衣袖得天香
太平朝野歡娛在不到蓮塘有底忙

高廷玉

道出平州寒食憶家

柳色方濃別玉京程程又值石龜城山重水複人千里
月苦風酸雁一聲上國春風桃葉渡東陽寒食杏花飭
楚魂蜀魄偏相妬兩地悠悠寄此情

劉仲傑

題獻陵梁氏成趣園

附郭新營五畝園不親闌闌樂郊原樹頭黃粟留求友

欽定四庫全書

御選金詩
卷十三

十三

庭下碧梧桐長孫漁唱遠聞歸別浦牛歌卧聽在前村
何時適彼清閒地共醉田家老瓦盆

酈權

八渡崖

奔湍百折似蟠虬響入山根匯復流咫尺蒼崖溪八渡
等閒藜杖我頻游層崖障日樵聲晚寒谷呼風樹影秋
安得剩栽溪上竹一菴領盡兩山幽

留仲澤

朝衫酒濕紫宸霞暫輟旌旗擁使華馳馬彎弓真將種
載書囊筆自名家江湖萬里春回雁燕趙千林月滿花
明日升沉便霄壤更留玉樹倚蒹葭

寄唐州幕官劉無黨

白髮青衫宦苦卑邊荒誰識鳳麟姿河西落魄高書記
劍外清貧杜拾遺紫玉山高傳楚夢蟪珠淵靜照黃陂
禁中頗牧他年事先遣江淮草木知

除夜

欽定四庫全書

御選金詩
卷十三

十三

殊方節物老堪驚病怯諸鄰爆竹聲梨栗異時鄉國夢
琴書此夕故人情眼看歷日悲存沒淚濺屠蘇憶弟兄
白髮明朝四十七又隨春草一番生

劉濤

小雪

黃紬被暖起還慵小雪經簷落旋空舊館簿書寬半餉
冷官庭戶滿西風馬遭其窘三山瘦人坐詩工五鬼窮
安得東風囑桃李也教春色到衰翁

欽定四庫全書

御選金詩

卷十三

十四

和德卿雪

南華香火是真依不學呼鷹雪打圍梁苑舊遊荒徑改
潁濱新唱綵箋飛春生東閣酣朝飲寒入西鄰泣夜機
夢寐扁舟釣江水重嗟白髮此心違

送王純叔守曹州

柏路人看御史聽年來眼落簿書叢單車乍別金鑿月
五馬頻嘶玉勒風故國山河連小鄆舊家雞犬識新豐
遙知別夜詩成處醉袖淋浪蜜炬紅

李好復

雨中與客飲

門外平橋一水分數聲漁唱隔溪聞暖風落絮飄香雪
小雨沾花濕夢雲釀具未甘名長物詩壇聊足張吾軍
相逢莫惜通宵飲明日閒身不屬君

趙文昌

軍中寄親舊

軍中從事鬢絲垂把釣江湖與願違紅葉關河為客久
黃花時節寄書歸霜天不盡孤雲遠秋意無聊一雁飛
鄉社故人應念我豈知南望更依依

欽定四庫全書

御選金詩

卷十三

十五

張楫

蓮實

水妃擎出紺珠囊玉筍雕盤喜乍嘗膚白已攪新藕嫩
心青猶帶小荷香鬪餘翠鳥零珍羽飛盡黃蜂露蜜房
口腹累人良可笑此身便欲老江鄉

初夏

小園綠筍間朱櫻點綴年華似有情露浥葛巾晨氣潤
風隨竹簟晚涼生閒窺黠鼠潛身處靜厭飛蚊遶鬢聲
安得冷泉幽石畔解衣盤礴樹陰清

楊雲翼

光林寺

煙浮霜堦閉禪關今落先生杖屨間碧水同來弄明月
黃塵不解汙青山因緣多自成三宿物我終同付八還
欲識光林全體露松花落盡嶺雲閒

欽定四庫全書

御選金詩

卷十三

十六

上白堦寺

睡飽枝筇徹上方門前山好更斜陽苔連碧色龜趺古
松落輕花鶴夢香身世窮通皆幻影山林朝市自閒忙
簾幙不動天風靜莫聽鈴中替戾岡

張廣文消搖臺

方寸田間了萬緣太空物物自儻然鶴鳧長短無餘性
鵬鷃高低各一天身內江湖從濩落眼前瓦礫盡虛圓
叩門欲問姑山事聾瞽由來愧叔連

侯右丞雲溪

功成何許覓菟裘天地雲溪一釣舟夢破煩襟濯明月
詩成醉耳枕寒流西風歸興隨黃鵠皎日盟言信白鷗
政恐蒼生未忘在草堂才得畫中游

謾興

乍寒簾幕一燈青從吏羈情爾許清葉擁西風秋有思
天垂北斗夜無聲吟蛩遶夢家千里過雁連愁月四更
寄語黃華耐岑寂好看霜蕊到歸程

欽定四庫全書

御選金詩

卷十三

十七

應制雪詩

陰雲破臘不曾晴瑞雪隨風落五更積玉未平鴉鷁瓦
飛花先滿鳳皇城潤深農畝千疇綠塵壓龍沙萬里清
最好壽杯浮喜色明年洗眼看昇平

元日

香炮猶餘去歲煙五更斗柄已回天來從天外春何早
俵向人間老不偏莫問流光似流水且從今日數今年
東風五十七年夢夢覺還驚雪滿顛

應制白兔

聖德如天物效祥禍夫祈賜雪衣裳光搖玉斗三千丈
氣傲金風五百霜禁籞合棲瑤草影御爐猶認桂枝香
中興慶事光圖譜黼坐齊稱萬壽觴

燕子

危巢客舍久相依常記西風社日歸海國傳心千驛隔
塞垣回首十年非新詩尚在人空老舊夢無憑鳥自飛
寄語齊諧休志怪沙鷗相款解忘機

欽定四庫全書

御選金詩

卷十三

劉中

冷巖公柳溪

斗印輕拋繫肘金故園風物動歸心柳含煙翠絲千尺
水寫天容玉一尋山色只於湖裏好風波不似向來深
人間桃李栽培滿換得溪南十畝陰

龐鑄

冬夜直宿省中

吏散庭空宿鳥過凍啞聊復戰詩魔陶泓而冷真堪唾

毛穎頭尖漫費呵畏事政宜賓客少不才偏覺簿書多

西窗燈暗尊無酒奈此迢迢夜漏何

却暑

九夏樓居不厭高更須直至冷雲巢風來蘋末聊自快
暑滿人間無處逃蔗蜜漿寒水皎皎畫簾鈎冷月稍稍
閒思殿角生涼句誰為誠懸作解嘲

懷友

鏡裏衰顏失舊紅當年豪逸夢魂中山城對月中秋夜
隴雁寄書西北風遣興與誰同酒盞相思無處附詩筒
憑高想到消魂處落日無言水自東

欽定四庫全書

御選金詩

卷十三

十九

田琢

贈燕

幾年塞外歷崎危誰謂烏衣亦此飛朝向蘆陂知有為
暮換茅舍重相依君憐我處頻迎語我憶君時不掩扉
明日西風悲鼓角君應先去我何歸

陳規

送雷御史晞顏罷官南歸

五事前陳志拂劇屹如砥柱閱頽波一麾共指延年去
三黜何傷柳季和連蹇仕途如我老激昂衰俗在君多
扁舟南去知難戀萬頃煙波一釣簑

趙思文

試院中呈同官崔伯善李順之

睡起松陰鳥雀譁忽驚霜果墮檐牙簡書迫促全疎酒
眼力眵昏只費茶不學道人餐柏葉却隨舉子踏槐花

欽定四庫全書

御選金詩

卷十三

三十一

提衡文字非吾事崔李風流有故家

嵩山承天谷又云逍遙谷

煙霞直山逍遙谷路轉山腰咫尺迷已覺洞天分聖境
更疑石磴是天梯霜添紅葉黃花好天與金壺玉柱齊
兩峯名醉倚西風正南望暮雲煙草一時低

張建

韓信廟

一檄風馳莫壘降當時意趣已難量既能歸漢識真主

何必下齊求假王將幄深巖巖樹碧門旌搖曳嶺雲橫
我詩責備春秋法勝把君侯美處揚

梨花

蠹樹枝高茁朵稠嫩苞開破雪搓球碎粘粉紫鬚齊吐
潤卷丹黃葉半抽月影曉窗留好夢雨聲深院鎖清愁
瓊胞已實香猶在散入長安賣酒樓
長安酒家有梨花樓

答華陰宋先覺

雲臺清集憶當年詩筆逢君厭老拳後會邈如千里遠

欽定四庫全書

御選金詩

卷十三

三十一

壯懷不似十年前風帘搖曳橋南酒煙樹溟濛渭北天
咫尺靈山飛不到夢魂長遶玉峯蓮

送賀彥淳還南邠

玉峯明滅暮雲邊默計歸程約半千襁負尚憐靈照幻
家貧賴有孟光賢臨岐淚眼三年別夾路風槐六月天
佇立望君西去遠夕陽村落起孤煙

送王主簿還鄉

笑君習氣只書生薄有歸裝亦自清瘦僕擔詩雙籠重

羸牛引軛一車輕長亭已過那知遠別酒猶多未忍傾
記取明年斷腸處玉梨花底月三更

李純甫

真味堂

問渠真味若為言不著鹽梅也自全龜鼎大夫徒染指
麴車公子漫流涎胸中已有五千卷徽外更聽三兩絃
此老清饒何所嗜宦名嚼蠟已多年

貓飲酒

欽定四庫全書

御選全詩

卷十三

五

枯腸痛飲如犀首竒骨當封似虎頭嘗笑廟謀空食肉
何如天隱且糟丘書生幸免翻盆惱老婢仍無觸鼎憂
只向北門長卧護也應消得醉鄉侯

天游齋

丈人未始出吾宗草靡波流盡太冲七竅鑿開無混沌
六根消落盡圓通法身兔角聲聞外塵事牛毛夢幻中
誰會天游更端的瘦梅疎竹一窗風

偶得

包裹青衫已十年聰明更覺不如前簿書叢裏先抽手
鼓笛場中少息肩餅底剩儲元亮粟又頭高挂老坡錢
會須著我屏山下却平生不問天

瓢菴

書生只合飽黃齏大嚼屠門計似癡壁上七絃元自雅
囊中五字更須竒橫陳已覺如嚼蠟皆醉何妨獨啜醅
此味欲談舌本強如人飲水只渠知

閻長言

欽定四庫全書

御選全詩

卷十三

五

應制中秋

壁月當秋夜未闌漢宮高會決宸歡瑰蘇塵世三千界
珠翠瑤光十二欄桂實飄香浮壽筭露華零潤溢仙槃
都人側聽雲韶奏共指天家是廣寒

李著

觀音院書閣

門巷蓬蒿一尺深小軒岑寂似山林鳥聲落枕有高下
山色闌人無古今客裏三年侵老境牀頭一易浣塵襟

晚涼癡坐忘言裏滿地西風白玉簪

馮壁

和希顏

虎守天門未易通庾塵無扇障西風主人何負盜憎主
公論不明私害公老伏固非千里驥冥飛似是五噫鴻
紛紛往事渠知幾都付崧巔一笑中

河山形勝圖

書劔丁年記昔遊中條之麓過蒲州地形西控三秦遠

欽定四庫全書

御選金詩

卷十三

三十四

河勢南吞二華秋晉魏兵爭一春夢漢唐壇祀幾荒丘
披圖弔古今人慨不必重登鸛雀樓

雜帥覓蘭作詩以寄

雲插高牙畫戟森春移寶檻燕堂深水南紅藥初退舍
嵩麓紫蘭令嗣音壘足頰肩坐香累高梁華棟豈渠心
使君有問花應語玉樹誠佳非故林

元光間予在上龍潭每春秋二仲月往往與元
雷游歷嵩少諸藍禪師汴公方事參訪每相遇

輒揮毫賦詩以道閒適之樂今猶夢寐見之兒

子渭近以公故抵任城禪師附寄詩以叙疇昔

未幾駐錫東菴因造謁間出示裕之數詩醉筆

縱橫亦略道嵩遊舊事感歎之餘漫賦長句二

首

性理諸方已徧參歸來一錫住東菴山中蓮社舊招隱
旅舍阿戎新對談詩筆如君僧有幾文章媿我老無堪
綾書大字拈香疏須趣微之酒半酣

欽定四庫全書

御選金詩

卷十三

三五

少林修竹欲天參竹外幽閒草結菴顧我雖存惟白髮
與君曾此共元談干戈橫絕境猶夢草樹荒殘人豈堪
臘甕春醪髯莫預商歌悲壯不能酣

王若虛

西城賞蓮呈晦之

晦之自號放公

舊賞回頭已隔年高花又見出新妍偶成濁酒狂歌會
恰及斜風細雨天樂事適來偏有興閒身常得分無緣
作詩莫怪多誇語差比放公先著鞭

舒穆魯世勣

紙鳶

鷓鴣誰雌雄假手成形本自同
果物戲人人戲物為風乘我我乘風
扶搖漫擬層霄上高下都歸半紙中
兒輩啾啾方佇目豈知天外有冥鴻

劉昂

讀三國志二首

虎視鯨吞卒未休一時人物盡風流
婦翁正得黃承彥

欽定四庫全書

御選金詩

卷十三

五十六

兒子當如孫仲謀乳臭蒙孫真寄坐
齒寒鄰國莫分憂

阿瞞狐媚無多罪誰作桓文得到頭

泣漢遺黎血未乾繁昌新築受終壇
天球寶鼎私臧獲

坎井坳堂局鳳鸞地易主賓窮赤壁勢
成螳雀事烏丸

陳言衮衮令人厭枉就輸棋覆舊槃

王仲元

雪中同周臣內翰賦

天上瑞花散不收溫溫協氣浹皇州
橫溪月淡梅宜臘

平野風閒麥有秋清興雅高東武會
孤吟誰似灞陵游
西山玉立三千丈好句都輸趙倚樓

李節

漁父

舉世從誰話獨醒短蓑輕箬寄餘生
半篙春水世塵遠
一笛晚風山雨晴稚乳滿船生事簡
魚蝦到市利源輕
旁人莫怪機心少曾與滄洲白鳥盟

許古

欽定四庫全書

御選金詩

卷十三

五十七

訪箕和尚峴山

山中風定夜沉沉月滿禪林靜客心
蒼檜四排嚴法界
孤松中立殷潮音鼓鐘有節人如玉
臺殿無塵地布金
二月來遊春尚淺紅梅無數照山陰

楊慥

過司竹監有懷王監正之

不見崧丘跨鶴仙才名留得萬人傳
春郊漬酒傷今日
夜雨論文記昔年宰樹謾懸公子劍
高山已絕伯牙絃

故居修竹青青在寂寞終南落照邊

王良臣

送任李二生赴舉

塵澀鰲鈎公子恨風吹馬耳謫仙愁
皇天老眼成人晚今日男兒得志秋
官樣文章堆筆底世情風色候江頭
主司不是冬烘物五色迷人莫浪憂

旬休飲

嫋嫋東風雪外還又催春色動谿山
百年莫作千年調

欽定四庫全書

御選金詩

卷十三

二十八

十日須謀一日閒千丈歸心詩卷裏
一襟豪氣酒杯間醉鞭約住黃昏月
馬首低懸玉半環

九月七日飲

紫霞零落帶孤禽平楚蒼蒼秋意深
月過初三半梳玉菊迎重九滿籬金
天憐病骨商量暖雲促歸程計會陰
風雁飛來更瀟灑一枝蘆雪印波心

牧牛圖

三摩不受一塵侵本分工夫日念深
杖屨得迴遊子脚

葛藤灰盡老婆心顛狂不作風頭絮
出入誰傷井底金回首人牛在何許
一江明月夜沉沉

燕子圖

相別相尋積歲年人心不及鳥心堅
填償恩義三生債分付平安七字篇
王謝烏兜疑誕說紹蘭紅線定虛傳
何如此段人親見舊話從今不值錢

劉鐸

澠池驛舍用苑極之郎中韻

欽定四庫全書

御選金詩

卷十三

二十九

慣從鞍馬作生涯宿處依依認是家
鑪火相看衣袖暖盤餐未辨驛厨諱
淹留歲月頭如雪白沒風塵眼更花
永夜如何得消遣新詩吟罷自煎茶

御選金詩卷十三

欽定四庫全書蒼齋要卷一萬八千四百

集部

御選金詩卷十四

七言律詩四

王彥

和落花韻四首

曾見嬌窈宋玉牆忽驚遺夢到延涼聚塵非分侵凌玉
流水無情莽送香錦鞵謾拖終隔面綵灰雖吐若為腸
蒼苔碧草無窮恨木石癡兒亦自傷

欽定四庫全書

御選金詩
卷十四

可人未厭出鄰牆回首空殘翠幕涼好事只傳懷夢草
殊鄉誰致返魂香塵凝燕子慵開眼煙暗馬嵬空斷腸
穠李絳桃俱異物為歌薤露寫餘傷

綠影浮空只自傷賞心死著未能忘瓊枝不解留春色
銀燭空曾照夜妝肺腑已傳蜂蜜盡肌膏仍與燕泥香
情知青帝回車日合有翔風老退房

韶華終竟合凋傷獻笑縈懷忍遽忘露壓不禁昏淚臉
風披無奈醉愁妝芳菲頓減園林趣狼籍空餘陌路香

却憶班姬浪辛苦一生都得幾專房

禪頌七言二首

昧已全拋大事憂為渠剛攬等閒愁桑榆晚景無多子
針芥人身豈易投閒日構來忙日用此生迷却再生休
鼻頭捩轉從今始看作回程火裏牛

放下情懷觸處安生涯取取沒多般褐衣襍褻聊遮赤
短髮翳鬢底用冠一榻省緣資困歇二匙隨分了飢餐
也知苦澀人人笑烈日初心不敢謾

欽定四庫全書

御選金詩
卷十四

師拓

和張叔獻題首善閣

岿堯飛閣與雲齊來凭修欄日轉西秦客此時愁欲醉
隴山何處望渾迷九天花鳥催春事千里風煙入暮題
久怕殊方看節物不知今日在丹梯

魏搏霄

送河南府尹張壽甫赴闕

夜半恩綸出漢宮朝家虛席待燕公春風已徧湖山外

元氣還歸鼎鼐中侍從定誰陪白鳳低回空自惜冥鴻
洛川萬頃葡萄碧長與清愁日夜東

田若虛遊龍門寶應用天隨子體賦詩因次其
韻

少室右臂禹所斷開排清伊來高寒土肉養石自古秀
山腰流泉無時乾佛髻滴滴染濕翠松風颼颼鳴驚湍
白傳已矣不可見予誰從之投歸鞍

史肅

欽定四庫全書

御選金詩

卷十四

三

別懷玉

官曹不著市門仙綠髮忽忽換少年慣作簿書塵裏夢
愧無山水窟中緣蜂腰鶴膝曾搜句兔角龜毛不論禪
此別相思渺何許一川山色雁連天

方丈坐中

紙本功名直幾錢何如付與北窗眠詩書作我閒中地
風月知人醉裏天水底游魚真見性樹頭語鳥小參禪
平生習氣蓮華社一炷香前結後緣

早出遵化

朝來對酒不能觴看盡西風去鳥行山好未忘三日雅
詩窮贏得一秋忙強顏紅葉自由舞野性黃花無賴香
多謝殷勤暮雲影更留淡墨寫溪光

宿睦村

闌干河漢已西傾獨坐披衣過五更蒼馬丁東風外響
田車歷轆月中行忘形沙鳥知人意宰地雲山不世情
露草霜筠有幽意詩題分付候蟲聲

欽定四庫全書

御選金詩

卷十四

四

次韻安之飲酒

日上南窗已數竿醉頭扶起不巾冠欲開社甕多招客
先乞兵厨暫補官翫世唯知酒功聖藏身無似醉鄉寬
麒麟閣上功名字不博生前一笑歡

偶書

東風數點梨花雪吹我傷春萬里心知有高亭堪眺遠
惜無佳客共登臨晴雲入戶團傾蓋飛鳥隨人作好音
寒食清明少天色孤居未要酒杯深

次張信夫韻

絳帳先生寄一州不教文字到橫流
草玄只擬關門坐好事應從載酒遊
虎穴已曾探虎子龍溝未信出龍頭
錦囊詩句年來滿供盡閒花野草愁

髮脫

年年道路少清歡處處葵蔬餽薄餐
月色過窗同夜夢霜華著壁獨朝寒
求醫未有詩千首破老惟消竹數竿
衰髮從今不須脫少留衰白戴黃冠

欽定四庫全書

御選金詩

卷十四

五

復齋

居士年來一復齋馴庭鳥雀絕驚猜
雨添窗下硯池滿風揭牀頭書卷開
身似卧輪無伎倆心如明鏡不塵埃
紛紛寵辱人間世付與浮雲任去來

北潭

竹陰松影玉蔥籠十里平堤一徑通
碧水乍開新鏡面青山都是好屏風
寒蟬高鳥清愁外折葦枯荷小景中
酒力未多秋興逸夕陽聊貸半林紅

晚興

秋蟲已息又還吟晚雨初晴又作陰
水面微風掠蒼玉雲頭落日緣黃金
年豐酒價應須賤睡起茶甌未要深
人道雙清到心迹年來無迹亦無心

雜詩二首

春江日暖舞清連客舍蕭蕭一縷煙
幽鳥隔林招我醉小桃當戶為誰妍
禪心已作沾泥絮詩思渾如上水船
却是官閒得無事一簾紅雨枕書眠

欽定四庫全書

御選金詩

卷十四

六

南皮城下荒秋草說是當年燕支臺
世事翻騰只如此吾生棄置已焉哉
迎風紫萸因循老背日黃花次第開
獨夜不眠思阿謝白羊如駕小車來

春雪

豐年不救兩河饑臘盡纔看小雪飛
謾說春來膏澤好其如壟上麥苗稀
空花只解驚愁眼濕絮寧堪補敗衣
頗笑西臺瘖御史日斜騎馬踏泥歸

元德明

太原古城惠明寺墪秋望

西山萬古壯陪京一日汾流入廢城浩浩市聲爭曉集
的的原隰但秋畊晉公老去詩仍在晉公晉陽官舍春日詩云白頭官舍
裏今日越石亡來恨未平千尺浮圖暮煙底瓦盆濁酒
為誰傾

薄暮同郝漕子玉賦

全晉山河百戰場登臨歷歷見興亡夷居猶雜尤堪歎
霸氣沉雄亦未量石甕煙霞詩秀潤駘祠風月酒淋浪

書生不是功名具慙媿山翁問葛強

寒食再遊福田寺

春山寂寂掩禪扉複嶺盤盤入翠微布鞵青鞵供勝踐
粥魚齋鼓薦元機日烘幽徑綠煙暖風定曉枝紅雨稀
曾是西堂讀書客不應啼鳥也催歸

送張冀州致政還都狀元行簡之父

一札恩書下紫宸東門祖道畫圖新路人也解賢疏傳
河內猶思借寇恂父子文章千載事田園松菊自由身

玉京才過梨花節靈沼行春莫厭頻用宋退傅張公開遊靈沼探春回故事

春雪

幾日韶華雪更侵龍公試手本無心寒留整整斜斜態
暖入融融洩洩陰著柳直疑香絮重擁堦還似落花深
前頭桃李應無恙刺破相如買賦金

觀柘枝伎

腰鼓聲乾揭畫梁綵雲擎出柘枝娘簾間飛燕時窺影
鑑裏驚鸞易斷腸輕細不妨重暈錦迴旋還恐碎明璫
杖頭白雨催花急拂散春風兩袖香

郝天挺

送門生赴省闈

青出於藍青愈青小年場屋便馳聲未饒徐淑早求舉
却笑陸機遲得名嗟我再衰空眊矚喜君初筮已崢嶸
此行占取黿頭穩平地煙霞屬後生

高憲

寄李天英

稻結蒼蒼陂已枯
西風翦翦弄楸梧
蒹葭水落魚梁迴
蟋蟀聲高山驛孤
社甕新成元亮酒
并刀細落季鷹鱸
作詩遠寄霜前雁
人在海東天一隅

題新山寺壁

列壑攢峰發興新
落花飛絮舞餘春
虛堂坐視三千界
冠者相從五六人
澗草軟宜承屐齒
溪泉清可濯纓塵
靜聽山鳥松風裏
始悟人間樂未真

欽定四庫全書

御選金詩
卷十四

九

王特起

謾作

有時幽鳥話心事
無限秋蟲誇口才
北闕上書吾老矣
東籬把菊思悠哉
竹林留得巨源在
蓮社招入淵明來
不然餘子敗人意
懷抱耿耿胡為開

白君舉

酬元遺山

夢裏薰風湛露歌
花開漢苑舊經過
拾遺老去青春暮

司馬歸來白髮多
橫槩賦詩吾豈敢
短衣扣角夜如何
相逢未盡相思話
草色連雲水碧波

毛端卿

題崞縣郝子玉此君軒

桂林名姓一枝新
萬竹青青德有鄰
渭上風煙分別派
山陽詩酒屬閒人
心期已到冰霜窟
眼界不知花柳塵
萱背從今看輝映
嫩香新粉四時春

梁持勝

欽定四庫全書

御選金詩
卷十四

十

海棠

野杏山桃委路塵
芳華都屬錦城春
只緣造物偏留意
任使無香亦可人
粉白謾誇妝樣巧
胭脂難染淚痕新
沉香亭子勾欄畔
消得君王比太真

張温

致仕作

病身衰退謝明朝
北洞閒眠晝寂寥
十畝晚禾煙冉冉
一林修竹雨瀟瀟
黑花遮眼秋不落
白雪撲頭春未消

世事悠悠吾老矣一壺濁酒且逍遙

趙元

客况

廬山踏遍却歸嵩世事悠悠付老慵
樂近僧居非佞佛苦無田種強為農
菊花雨似人情冷梨葉霜如酒力濃
一十五秋河表客合教節物笑龍鍾

學稼

不堪炊煮一箱書十口東西若可餬
食祿已慙中隱吏

欽定四庫全書

御選金詩

卷十四

十一

壑山聊作下農夫藁遺場圃無多積
子入官倉困遠輸近日愚軒睡眠少
打門時復有追胥

立秋日

况味年來老比丘禪房三伏得遲留
連宵雨作垂垂曉十口家貧盼盼秋
熟未先須伺禾黍有無何暇問衣裘
半生枉却親燈火一事不成空白頭

次韻答裕之

薄暮敲門喜客佳水萍風絮共天涯
行藏一話傾心肺

古律三詩淬齒牙朱研不妨閒度日
青山終得共餐霞扶持老病須君輩
滿地豺狼萬里家

書懷

懶退無心慮與庖願攜諸子劇山礪
閒消白日醒吟醉猛省浮生夢幻泡
窈窕雲山三兔窟漂搖風樹一鳩巢
聯名便入村家社莫認公卿是故交

寄裕之二首

汨沒兵塵滿鬢霜買鄰心樂古清涼
閒陪老秀春行脚

欽定四庫全書

御選金詩

卷十四

十三

悶欠矐元夜對牀正欲脫身求兔窟
誰能隨世轉羊腸南陽未比嵩陽好
滿眼交游即故鄉

老懶愚軒百不能飽諳人意冷於冰
猜狂舊日耽詩客灰朽而今有髮僧
夢裏紙衾三丈日話延雪屋一龕燈
新開一徑通蘭若斬盡清涼舊葛藤

丙子夏卧病汗後有作

枯腸得水若通靈渙汗週身一雨零
行客筋骸困方歇醉人心骨喚初醒
病蟬移夢入新殼老鶴息神梳舊翎

乞得殘骸對兒女不愁無粟貯陶甌

次韻裕之見寄

魚入深淵鶴在陰飛潛何幸遠庖砧乾坤萬里雲無迹
冰雪三冬柏有心故國鈎留清夜夢歲華分付白頭吟
莘川擬作桃源隱共與青山閱古今

古屋颼颼四壁塵不堪幽獨足呻吟餅儲看客常年慣
家具為農近日新世味飽嘗惟可睡詩情漫苦不醫貧
相從分我西山半欲乞懼元伴老身

欽定四庫全書

御選金詩

卷十四

十三

早發寶應龍門道中有感

山僧送客客行東迴首雲寮夢寐中人語咿啞村店火
帽簷欹側石門風伊川遠映春冰綠少頂先攬曉日紅
為問年來幾還往只應烏鵲識衰翁

王元節

古鎮道中

秀拔諸峰鎮海墩海水氣兩昏昏鷗飛翠竹白沙地
人宿黃魚紫蟹村向背雲山行處路淺深潮浦漲來痕

同遊幸有能詩客不倦躋攀到石門

岳行甫

謝人惠二小漆冠

規製新翻出杜郎最宜閨子夜燒香不爭寶髻我宮樣
自與霓裳配道裝細攏翠鬟雲易滿淺銜牙櫛月難藏
水衡雙寄非無意要買楊枝惱孟光

立春日

銀線青絲翠椀堆爭牛擊鼓欲驚雷翻風鬪巧春頭勝
澆雪浮香臘尾杯迎暖稍稍金著柳逗寒葉葉粉飄梅
不成一事人空老半百光陰又七迴

欽定四庫全書

御選金詩

卷十四

十四

張聖予

賦古松

蟠根感足怪虬藏平頂摩雲翠蓋張不怕雪霜侵玉瘦
却愁雷雨化龍驤異材詎肯資梁棟靈夢還能避斧斤
萬古天風吹不老岱宗山色共蒼蒼

高延年

題獻陵梁氏成趣園

幽圃平堂累歲成，芒鞋筇杖日經行。
禽聲依竹自然樂，風吹過松無限清。
種藥幾番逢雨歇，接花常見趁春晴。
是中受用難窮盡，不學塵踪遠利名。

崔巍

題獻陵梁氏成趣園

梁君人品上羲皇，日涉家園引興長。
芳草翠茵承杖履，脩篁碧玉映壺觴。
自然風月情無盡，如在山林樂未央。

欽定四庫全書

御選金詩

卷十四

十五

我亦欲歸歸不得，空嗟三徑已成荒。

楊用道

題懷范樓

初載希文此屈蟠，天衢一旦遂高搏。
古人直許到夔契，當世獨能並富韓。
事與陶朱終古煥，名將長白倚天寒。
何但東坡為流涕，遺編我讀亦汎瀾。

金全

夜過寶應縣

滿湖風浪拍隄沙，雪壓黃蘆沒釣槎。
卧聽隔船歌白苧，起來和月岸烏紗。
故鄉近別無多地，歸夢應知已到家。
何日弟兄攜子姪，海天煙雨藝桑麻。

高逸

遊延祚寺留題

已向靈峰得勝遊，更來延祚少遲留。
高槐葉密晴無日，廣厦簷深氣似秋。
嘉果摘來聊自食，新詩吟就與誰酬。
一餅一鉢能隨分，休把身心妄處求。

欽定四庫全書

御選金詩

卷十四

十六

招提深靜少炎曦，衰病無堪氣力微。
一葉未聞庭下落，斷雲已見隴頭飛。
齋餘鳥雀爭殘啄，講罷松杉轉夕暉。
坐羨僧家偏省事，令人心地自歸依。

翟升

送王廷玉輩五十三人赴試

肥國英才久作成，秋闈戰藝勢崢嶸。
雖從前舉多偕計，不似今場廣薦名。
五十三人占府榜，一千里地赴神京。
定應得意秋風裏，次第同占桂籍榮。

楊天衢

宿海會寺

屋上青山屋下泉，泉聲相雜竹琅然。人生有限興無限，海會結緣終有緣。身外豈知真佛境，忙中聊復定心田。那堪更著瀟瀟雨，妝點清虛助客眠。

完顏奉國

練軍太華山陰書蒲縣壁

閱兵肄武躍驂騑，仰視蓮峯暎碧流。縱是邊陲狼燼滅，

欽定四庫全書

御選金詩 卷十四

十七

暫喧鞀鼓角聲幽，如貌似虎威風銳。積玉堆藍爽氣浮，

未老君恩須重報，終焉更卜隱巖陬。

胡光謙

遊延祚寺用高逸韻

精藍並構每攀遊，接翠連香為少留。牆外果懸紅帶日，堂前松偃老經秋。羨君利祿身非戀，笑我雲山志未酬。欲下高眠林下客，萬緣消盡更何求。

路入西郊背曉曦，給孤園近景霏微。光搖三界金繩動，

聲颺雙林玉磬飛。龍過山陰拖翠靄，僧眠溪影弄寒暉。羣公已約開蓮社，只恐陶潛未肯依。

何慮

題海會寺以禪房花木深五字為韻得禪字

槐柳陰陰首夏天，閒門塊坐正蕭然。忽蒙蘭友相為伴，來訪蓮宮一問禪。粉著衣襟穿翠竹，冰生齒頰漱寒泉。晚來更看前山雨，共借西軒對榻眠。

楊之休

題海會寺以禪房花木深五字為韻得房字

碧玉千竿蔭薜牆，水聲山色近禪房。一軒疎雨僧棋靜，滿榻清風客夢長。隔葉幾聽溪鳥弄，媚盤尤覺野蔬香。賦詩把酒龍泉上，共埽餘花坐晚涼。

劉廷彥

題海會寺以禪房花木深五字為韻得深字

凌晨策蹇從知音，來謁龍泉溪路深。一派寒流通亂石，萬竿脩竹嘒幽禽。虛簷列坐棋酣戰，小徑閒行酒旋斟。

欽定四庫全書

御選金詩 卷十四

十八

珍重老僧延倦客清談疊疊滌塵襟

李中立

題凌雲臺

山圍平野四回環天迥臺高眼界寬
雲漏殘陽明遠岫濤翻急雨漲前灘
一川勝趣四時好千里雄風三伏寒
誰見凌雲清絕處夜涼空翠濕闌干

李永安

題獻陵梁氏成趣園

花木幽深遠市塵箇中清隱作閒人
忘情勢利居安易寓意琴書得味真
成趣已追陶令迹放懷無愧葛天民
他年若遂歸休願好向東臯卜近鄰

李楫

題獻陵梁氏成趣園

蕭然三徑足雲煙須信壺中別有天
柳暗花穠隨杖屨月明風細入豪牋
亭軒侈靡非金谷交友清真似白蓮
我亦老來當辨此挂冠何日得歸田

祁昌紹

題獻陵梁氏成趣園

近郊風物小斜川竹樹陰陰晝掩門
奉已樂天無伎妾退居元亮有田園
靜中身與世俱棄妙處心知口莫言
曾到君家北窗下空涼真可卧羲軒

劉從益

清明即事

一度清明了一年溫風嫋嫋雨班班
幾家繡幃尋芳去何處蹇驢馱醉還
宿草新墳驚世短落花流水占春閒
曉鶯啼破松窗夢缺月東南挂屋山

五月十四夜對月有感

世事易隨雲變滅人生難保月團圓
淮陽旅舍三年夢河朔風聲五月寒
何處雲山端可老向來天地為誰寬
宦遊脚底生荆棘蜀道而今却不難

再過鄆城示伯玉知幾

三年兩度過潞陽鞍馬紅塵道路長
花月不應知我老

溪山也解笑人忙朔風凜凜頻驚坐夜雨蕭蕭偶對牀
他日水南營葬地愧無遺愛在桐鄉

次韻閒閒公夢歸

眉間喜色幾時黃滿貯羈愁著瘦腸萬里鄉關飛不到
十年岐路走空忙杯心蘸月松梢影鼻觀通風柏子香
最愛南山舊山色夢中相覓不相忘

題閒閒公夢歸詩後用叔通韻

學道幾人知道味謀生底物是生涯莊周枕上非真蝶
樂廣杯中亦假蛇身後功名半張紙夜來鼓吹一池蛙
夢間說夢重重夢家外忘家處處家

送儀提點西歸

自斷平生不問天拂衣歸去任吾年五侯鯖飽無多味
九老圖成又一傳回首京華瞻日遠放懷鄉社得天全
綸巾醉卧咸陽市始信人間有散仙

再賡

人定端能坐勝天刀圭有力制頽年道非出世頭頭是

丹不遺經口口傳陰魄沉迷終鬼錄陽精飛鍊即神全
三生縹緲誰能到目下安身亦是仙

次韻李公度

餅有儲糧鬢有絲蹉跎歲晚坐書癡輞川畫隱王摩詰
錦里詩窮杜拾遺應舉尚陪新進士主文半是舊相知
春闈看決魚龍陣未必尖錐勝銳錐

題無盡藏

梁斗南
所藏畫

誰開天地秘密藏今古人間用不窮眼尾搖光千丈月

耳根傳響一溪風勝遊赤壁文章在高卧燕山氣象同
二老風流渺何許後生猶可畫圖中

三弟手植瓢材且有詩予亦戲作

為愛胡盧手自栽弱條柔蔓漸縈回素花飄後初成實
碧蔭濃時可數枚試問老禪藤綴去何如游子杖挑來
早知瓠落終無用只合江湖養不才

次韻三弟贈南菴老人

一菴盤礴勝巢仙不入叢林恰是禪花圃蓮塘閒打景

粥孟齋鉢老隨緣忘言已了八千偈適意更揮三兩弦
邂逅我來推不去坐分一半好風煙

次韻劉少宣

旅窗蝶夢曉驚回默數流年祇自哀與世迂疎甘袖手
及身強健且銜杯桐凋翠葉看看盡菊著黃花旋旋開
杖屨南菴訪幽事秋光滿眼送詩來

酬李子遷

曾著朱衣侍冕旒忽乘羸馬出皇州青山有約攜琴往

欽定四庫全書

御選金詩

卷十四

三十三

白髮無成把鏡羞却笑張儀誇舌在不妨巢父有詩留

柳湖莎徑東南夢又見兒童逐細侯

過洧川次侯生君澤韻

誰能孤憤效韓非且喜元微對鏡機出得山來無遠志
寄將書去有當歸閑居已判平生了真賞從教舉世稀
日咀道腴深有味更須口腹事甘肥

論詩

楊劉變體號西崑竊笑登壇子美村大抵俗儒無正眼

惟應後世有公言光生杜曲今千丈派出西江本一源
此道陵遲嗟久矣不才安敢擅專門

樂府虛傳山抹雲詩名浪得柳連村九泉太白有生氣
千古少陵無間言登泰山巔小天下到崑崙口識河源
知君少進可入室顧我今衰不及門

宋九嘉

館中納涼書事

涼灑塵纓曠耳醒虛堂窈渺好風清雀知愛子來迴哺

欽定四庫全書

御選金詩

卷十四

三十四

鼠不畏人旁午行每用熟眠酬闌寂端知固有享高明
宦遊非不佳官府奔走塵勞漫一生

康錫

按部南陽有贈

魯山佳政霑鄰邑白水歡謠見路人縣務清談君自了
農郊夙駕我何勤星河直上冰輪轉桃李前頭玉樹春
海寓疲民望他日草堂那得遽移文

雷淵

賦侯相公雲溪

相公襟度本汪洋戲鑿陂池便渺茫解起晴雲作霖雨
更邀明月貯清光千重複嶺藏仙境萬斛香泉釀醉鄉
畢竟麟符拋不得煙波空效五湖蒼

贈陳司諫正叔

洗兵有志挽天河補袞剛留諫諍坡賦出石腸還婉麗
政成鐵面却中和寒侵桃李淒無色雪壓池塘慘不波
急手尊前謀一醉六街塵土浣人多

欽定四庫全書

御選金詩

卷十四

三五

贈荅麻信之 并序

麻弟避兵渡河徑謁裕之于崧高黃緣一見相與
之意甚厚既留數日又將過吾景元于女儿之陰
維元劉國士也而弟游於其間則弟之為人可知
已臨行復長歌相贈清平豐融蓋他日未易量也
愛仰不足詩以送之

五老英靈未陸沉一枝高秀出詞林珪璋自是清朝器
律呂偏諧治世音此去文章足知己後來功用只齋心

濟時相約元劉了索我雲山深復深

宮鴉

萬樹瓊芳鎖漢宮羣鴉容與五雲中曙光先背朝陽日
春信頻呼禁籞風青鬢巧梳欣一色秀眉學畫鬪新工
鳳樓未訝啼聲切愁滿長門信未通

馬上見桃花

九衢鞍馬苦塵腥忽見桃花倦意醒未必施朱便麤俗
最憐滌露出娉婷城東詩老圖幽絕水上仙郎記窈冥

欽定四庫全書

御選金詩

卷十四

三六

何似玉堂留故事賣花擔上有丹青

叔獻兄歸隱崧山有詩見及依韻奉寄

幾百千年一敬通飄飄歸袂振孤風平生自處神明在
衰俗無從議論公韶箭向來儀彩鳳弋矰何苦慕冥鴻
他年杖屨相尋處三十六峯雲霧中

送李執剛致仕歸洛

漕計中興屬老成引年陳請獨崢嶸果能辦此公真勇
愛莫留之我愴情塵空恐驚黃鵠舉煙波不負白鷗盟

洛陽去去春如錦
晝日神仙看地行

梨花得紅字

雪作肌膚玉作容
不將妖豔嫁東風
梅魂何物三春在
桃臉真成一笑空
雨細無情添寂寞
月明有意助豐融
相如病渴妨文賦
想像甘寒結小紅

李獻能

夜宿虛皇閣下

倚天青壁截雲霞
一水高懸界削瓜
不借玲竈攀石磴

欽定四庫全書

御選金詩
卷十四

二十七

要看絢爛坼雲華
玉峯影裏虛皇閣
鐵笛聲中秘監家
明日川塗入塵土
却應平地幾褒斜

題飛伯詩囊
飛伯以布為囊
采當世名卿詩投

其中

穎露毛錐祇自賢
智如樗腹但求全
迂疎差似淵才富
羞澀猶無杜老錢
收拾珠璣三萬斛
貯儲風月一千篇
嘔心大勝奚奴錦
要與風人被管絃

送王飛伯歸陽翟

故舊相望似曉星
平生懷抱向君傾
朱絲不入秦箏耳
彩鳳終儀韶濩聲
三楚迢迢動離思
九山落落助高情
一屢擬就隆中卧
要子同躬壟上耕

西園春日

的皪冰梢出短牆
泓澄暖綠靜橫塘
娟娟高竹迎人翠
嫋嫋長紅隔水香
病起心情疎酒醖
朝來風色妬年芳
只應歸去芸窗晚
夢到湘妃錦瑟傍

滎陽古城登覽寄裕之

欽定四庫全書

御選金詩
卷十四

二十八

突兀高臺上古城
登臨人境兩崢嶸
關河落日歲云暮
草木臨風氣未平
虎擲龍拏王伯事
天荒地老古今情
一杯欲洗興亡恨
為喚窮途阮步兵

上清宮梅同座主閒閒公賦

厭住盧家白玉堂
琳宮瀟灑占年芳
光生琪樹風霜古
影占銀潢月露涼
物外根株本仙種
世間紅紫避嚴妝
遨頭詞伯今何遜
一笑詩成字字香

燕子圖

塞上光風已十霜仁心覆護獨難忘當時相送詩仍在
此日重來話更長客舍花開新信息雲兜香冷舊昏黃
主人得報君知否千古珠璣在錦囊

丹陽觀竹宮中移賜

素士如林侍紫清紫清新許住蓬瀛娟娟粉節霜勻出
轟轟煙梢玉削成福地根莖蒙化育中天雨露借恩榮
綠章封事朝來奏又聽風前彩鳳鳴

李獻甫

圍城

碧樹蒼煙起暮雲長安陌上斷行人百年王氣餘飛觀
萬里神州隔戰塵身與孤雲向雙闕愁隨落日到咸秦
山河大地分明在莫為時危苦愴神

驟雨

龍戰雲塵擁日囚鞭驅雷電走蛟虬望中雨脚橫天落
觸處湍聲卷地流梁苑樓臺失炎暑漢家城闕動高秋
若為借得天瓢去倒瀉明河淨九州

資聖閣登眺同麻杜諸人賦

高閣凌雲眼界寬野煙碧樹有無間天邊孤鳥飛不盡
陌上行人殊未還魏國幾回時事改汴堤千古夕陽閒
愁來重倚闌干望崧少西頭是故山

題黃華幽居圖

層層佛屋貼山腰山下幽居勝午橋物外人家無稅役
坐中生理足漁樵雁踰遠障凌虛迴人與高秋共寂寥
何處人間景如此便應歸隱不須招

王渥

潁亭

三載西湖阻勝遊潁亭聊喜散羈愁九山西絡煙霞去
一水南吞澗壑流賓主唱酬空翠琰干戈橫絕自滄洲
息息匹馬從軍去慚愧煙波萬里鷗

有寄

十年鐵馬暗京華客子飄零處處家征雁久疎河朔信
小梅重見汝南花樓榭活計依蒼雀冉冉年光赴壑蛇

舊雨故人應念我不來
聯句夜煎茶

寄京父

憶昔相從在寢丘
城南城北縱歡遊
杏花聯句香隨馬
野水添杯浪拍舟
邂逅又成三月別
飄零合負一春愁
汝陽淮甸經行徧
應有新詩為我留

開福寺

翠林深處款招提
冉冉春風入鼓鞀
雲獻好山青入座
雨添新漲綠平堤
樹頭樹底見花發
山後山前聞鳥啼

欽定四庫全書

御選金詩

卷十四

三十一

踏月歸來聞好語
兒童爭唱白銅鞮

送裕之還嵩山

高懷不受簿書侵
清潁鷗盟欲重尋
老去宦情知我薄
閒來道念見君深
對林夜雨他年夢
滿馬西風此日心
嵩頂勝遊誰得共
仙聞仙馭待知音

末句用古仙人詩語

遊丹霞下院同裕之鼎玉分得留字

霜落豐山白水收
歲華全在竹園頭
賦詩鞍馬慙真賞
載酒林泉阻勝遊
野色自隨人意遠
夕陽應為鳥聲留

仙源回首旌旗隔
一笛西風喚客愁

丹霞下寺土人以竹園頭名之


欽定四庫全書

御選金詩

卷十四

三十一

御選金詩卷十四




欽定四庫全書

謹案卷十四第十三頁前五行莘川擬作桃源隱

刊本莘訛萃據中州集改

第十四頁後一行澆雪浮香臘尾杯刊本雪作酒

據中州集改



總校官庶吉士臣侍朝
校對官檢討臣蕭九成
騰錄監生臣李本

欽定四庫全書會要

集部
御選金詩卷十五
六

欽定四庫全書會要卷一萬八千四百一集部

御選金詩卷十五

七言律詩五

賈益謙

贈答史院從事

見說才名自妙年多慙政府舊妨賢物華天寶無今古
鳳閣鸞臺孰後先鄭圃道尊何敢望濟南書在子當傳
莫言老眼昏花滿及見風鵬上九天

欽定四庫全書

御選金詩

卷十五

張本

中秋雨夕呈君美

怪得秋雲不肯晴天公為惜此杯傾無邊清景闌人意
多事西風送雨聲桂樹婆娑辜勝賞桐枝點滴厭殘更
殷勤朝鏡休重攬白髮星星又幾莖

申萬金

病中遣懷

浪走天涯歲月侵病中猶作越人吟野麋本自便豐草

詳校官原任主事臣李斯咏

倦鳥寧當忘故林畫像功名元有命乞墦富貴果何心
幾時真脫塵囂累巖穴尋居不厭深

和陳舜俞詩

閭裏那容更刺頭石田茅屋喚歸休杜門便與詩書老
過隙從教歲月流繁木見容良自愧錯刀相贈若為酬
酌君安得如川酒醉眼虬蟬萬戶侯

王世昌

過華州

拔地三峰冷翠微落巖飛瀑噴珠璣吟鞭落拓騎驢過
戰刃韜藏牧馬歸十丈玉蓮秋不謝半楞掌月晝還飛
地靈人傑無遺逸未分蟠螭老布衣

郭邦彥

酒醒

少年驕氣總消磨萬事紛紜夢裏過三載自持葷食戒
一心還被性宗魔凌烟閣上榮名好聚窟洲邊樂事多
今日酒酣都忘却亂吟俳語作狂歌

田錫

故縣別業

九折驅車夢易驚一廛老計喜初成園蔬不借將軍地
宅券何勞宰相名山入平簷供遠翠水環釣石得深清
漫郎聲叟琦玕子誰悟他生與此生

崔遵

送裕之官鄧下兼簡仲澤

青燈別酒夜沉沉力負相思自不任閭裏更誰留我醉
興來無復伴君吟一枝仙桂知難擬千頃黃陂未厭深
為向荊州王粲道安排佳境約相尋

和裕之二首

行李西來便得君相從回首七經春君方備悉原思病
我亦私憐仲父貧底事却成今日別枯腸難著此愁新
鷲肩火色真將驗馬虎何勞更問津
不幸還能作幸民十年同醉潁川春酒船載我雖堪老
仕路有時或為貧少室山人三日惡夷門紙價一番新

益知哀樂中年事未唱驪駒鼻已辛

劉昂霄

中秋日同辛敬之魏邦彥馬伯善麻信之元裕
之燕集三鄉光武廟諸君有詩昂霄亦繼作

積甲原頭漢閣宮登臨還喜故人同超超萬里乾坤眼
凜凜千年草木風今古銷沉詩句裏河山浮動酒杯中
極知勝日須轟醉更待銀盤上海東

田紫芝

夜雨寄元敏之昆弟

時年十六

醉夢蕭森蝶翅輕一燈無語夢邊明虛檐急雨三江浪
老木高風萬馬兵枕簟先秋失殘暑湖山徹曉看新晴
對林曾有詩來否為問韋家好弟兄

亂後登凌雲臺

愁思紛紛不易裁凌雲臺上獨裴回亂鴉背著斜陽去
寒雁帶將秋色來破屋無烟空碎瓦新墳經雨已蒼苔
天翻地覆親曾見信得昆明有劫灰

王萬鍾

元氏桂軒為敏之賦

簾捲堂前桂子涼一軒燈火夜初長月中春好元無價
天上風來別有香棠棣一家同映秀詞林百世繼餘芳
閒花野草空無數掩盡人間獨擅場

郭宣道

送同舍張耀卿補掾中臺

摩雲頭角看昂藏意外升沉豈易量取士皆知有科舉
進身初不在文章關心雁塔功名晚試手烏臺歲月忙
此去一官先有路獨憐燈火夜窗涼

胡汲

休笑

休笑參軍靴不韉休嗟門客食無魚燕鴻來去端誰使
鵬鷃逍遙本自如潦倒淵明三徑菊荒唐惠子五車書
古人淡裏求真味身外紛華不羨渠

王敏夫

同東巖元先生論詩

林逋仙去幾年來年驚見梅花第二篇千歲冰霜松骨瘦
九秋風露鶴聲圓騰輝定出連城上得趣知從太古前
邂逅茅齋話終夕只疑人世改桑田

孫邦傑

燒筍

煨茁舊聞山谷語歡畊還憶大蘇詩傳將火候無多訣
留得天真又一奇未放錦綉開束縛已看玉版證茶毘

欽定四庫全書

御選金詩

卷十五

六

白麻初拜驚燒尾見此應慙富貴癡

張子權

甲午元日

憶昔三朝侍紫宸鳴鞘聲送鳳池春繁華已逐流年逝
潦倒猶甘昔日貧莫歷怕看驚換世椒觴愁舉痛思親
異鄉節物偏多感但覺愁添白髮人

麻九疇

手植檜印章

梁折山推入小成日華留得寸暉明不盈一握空蟲篆
未喪斯文麤姓名草木西周朝有暮圖書東觀死猶生
二千年後司封紐未信栽時出此情

贈裕之

向來三度見君詩常望西山有所思誰料并州天絕處
相逢梁苑雪消時賢人樂古聲猶在聲叟文高世豈知
只恐神蒿不留客秦川如畫渭如絲

秋懷

欽定四庫全書

御選金詩

卷十五

七

昨夜新涼御褐裘一番節物弄清愁月懸雙杵若為夜
人在一隅偏覺秋敗葉只能驚畫扇啼螢終不到朱樓
還鄉夢斷寒衾曉依舊雲山是蔡州

秋雨小霽湖陽道中

一雨初晴菊瘁花朝來啼殺報晴鴉地隣異域空懷古
人對殘秋更憶家十月紅爐是明日往年新火醉流霞
息息又上湖陽道何處還堪駐客槎

堂谿城南感寓

斷岸崩崖帶草長茂林高墪晚生涼田頭經水成駒卧
雲色因風變狗蒼戰地尚餘唐壘柵故城曾入楚封疆
牛童趁日貪捫蝨那解興亡事可傷

李道人家山圖

見說高齋住太行溪山襟帶古祠堂圭桐葉落周家雨
鐵樹根盤晉國霜烽火不堪畊夜月畫圖猶可挂殘陽
自憐不及汾州雁春去秋來過石梁

王革

寄荅劉京叔

十年相望惜睽違驚見蘭章隨客扉鄭子已聞畊有谷
榮公誰念老無衣水浮洛日流無盡山礙行雲斷不飛
千古神州亦吾土幾時同采北山薇

史學

過太室

三輔祥開表聖期三呼天壽與天齊殿楹碧瓦仍唐制
洞鎖蒼苔失漢題柱玉已聞安廟拓劔鋒重為翦撐黎

升中剩有辭臣賦滿望鸞旂鳳蓋西

王柱卓劍
二峰名

默翁溪山橫幅

默翁龐都運
才卿自號

五雲雛鳳下遼天來作金鸞翰墨仙詩酒償殘鶯館債
簡書薰破鹿門禪自憐歲月塵中老盡攬溪山筆底傳
短草疎林秋一幅典刑人物記當年

龐漢

終南谿

冷雲低壓萬長楊十頃秋陰鎖北堂門外兵塵漲秦楚
水邊烟景似湖湘荷翻山雨僧窗曉竹汎溪風客枕涼
早晚初平遂真隱遠陂閒牧石頭羊

宋景蕭

河陰望河朔感寓一首

南來邊報日駸駸思禹亭高淚滿襟野燒為誰留白草
荒城空自隔疎林雁聲不斷天連水山色無情古又今
離合興亡只如此往年爭識少陵心

郝居中

題五丈原武侯廟一首

籌筆無功事可哀
長星飛墜蜀山摧
三分豈是平生志
十倍寧論蓋世才
壞壁丹青仍白羽
斷碑文字只蒼苔
夜深老木風聲惡
尚想褒斜萬馬來

劉勳

元夜陰晦

逐逐雕鞍趁畫輪
年芳樂事一番新
芙蓉城暖東風夜
楊柳樓深笑語春
兩鬢愁添新白雪
十年夢到軟紅塵
空庭不見梅花月
寂寞春陰最惱人

欽定四庫全書

御選金詩

卷十五

十

呈呂陳州唐卿

警盜何煩鼓夜撾
麗譙晴晝捲高牙
春回和氣一千里
雪與豐年十萬家
逋賦稍寬新得帖
軍書不至早休衙
新年載酒須行樂
次第東風遶郡花

荅仲和

此身安處苦難尋
常羨歸鴉易滿林
望遠真成廣武歎
得詩空作洛生吟
逢人放適村村酒
感物悲哀歲歲心

想得濟南花正好
抱城春水一篙深

辛愿

同趙長水汎舟

洛水秦山晚自澄
孤舟烟樹綠相仍
波搖朗月浮金鏡
嶺隔華星斷玉繩
但覺轉船驚白鳥
豈煩揮翼怒青蠅
風塵浩蕩飄蓬裏
愧似林宗陪李膺

陋室

陋室何妨似燕窠
暮年終得返魚蓑
壺中日月時常好
枕上功名不足多
往古來今真夜旦
高天厚地一罍羅
鹿門幸有龐公樂
牛角徒為寧戚歌

欽定四庫全書

御選金詩

卷十五

十二

亂後還三首

兵戈為客苦思鄉
春暮還鄉却自傷
典籍散亡山閣冷
松筠憔悴野園荒
鶯銜晚色啼深樹
燕掠春陰入短牆
鄰里也知歸自遠
競將言語慰淒涼

亂後還家春事空
樹頭無處覓殘紅
棠梨妥雪霑新雨
楊柳飄綿颺晚風
談笑取官驚小子
艱難為客愧衰翁

殘年得見休兵了收拾閒身守桂叢

春來漂泊心情減老去艱危氣力微芳草際天愁思遠
干戈滿地故人稀懷金躍馬時何有問舍求田事已違
糲食敝衣聊自足白頭甘息漢陰機

題游彥明林園

先生未老厭儒冠築屋栽籬守歲寒經史日長常滿案
魚蝦溪近得供盤幽花入室無多種瘦竹關情只數竿
瀟灑遠辭車馬跡求官何必近長安

欽定四庫全書

御選金詩

卷十五

十三

不礙遙看冷翠微儘教叢竹映窗扉籬根傍水魚知樂
屋角鄰花鳥自歸濁酒野芹安已久華軒高馬到從稀
人間回首皆堪鄙羨汝幽棲得所依

函關

雙峰高聳大河旁自古函關一戰場紫氣久無傳道叟
黃塵那有棄繻郎烟迷短草秋還綠露浥寒花晚更香
共說河山雄百二不堪屈指羨興亡

寄裕之

青雲一別阮家郎甚欲題詩遠寄將好句眼前常踉過
佳人心上不曾忘誰家秋月茅亭底何處春風錦瑟旁
昌谷烟霞久寂寞歡遊還肯到三鄉

雷瑄

龍德宮

紫簫吹斷綵雲歸十二樓空盡玉梯綵仗竟無金母降
仙裙猶憶化人攜千年洛苑銅駝怨萬里坤維杜宇啼
莫倚危欄供極目斜陽更在露盤西

欽定四庫全書

御選金詩

卷十五

十三

李汾

陝州

黃河城下水澄澄送別秋風似洞庭李白形骸雖放浪
并州豪傑未彫零十年道路雙蓬鬢萬里乾坤一草亭
八月崤陵霜樹老傷心休折柳條青

州北

州北光風艷綺羅南來扈從北人多梨園法曲懷奴舞
月窟新聲倩女歌紫禁衣冠出金馬青樓阡陌瞰銅駝

薄遊却憶開元日常逐春風醉兩坡

再過長安

細柳斜連長樂坡故宮今日重經過一時人物存公論
萬里雲山入浩歌白髮歸來幾人在青門依舊少年多
自憐季子貂裘敝辛苦燈前讀揣摩

汴梁雜詩四首

天津橋上晚涼天鬱鬱皇州動紫烟長樂觚稜青似染
建章馳道直于絃犬牙磐石三千國聖子神孫億萬年

欽定四庫全書

御選金詩

卷十五

十四

一策治安經濟了漢庭誰識賈生賢

琪樹明霞五鳳樓夷門自古帝王州衣冠繁會文昌府
旌戟森羅部曲侯美酒名謳陳廣坐凝笳咽鼓送華軒
秦川王粲何為者憔悴囂塵坐白頭

樓外風烟隔紫垣樓頭客子動歸魂飄蕭蓬鬢驚秋色
狼藉麻衣浣酒痕天塹波光搖落日太行山色照中原
誰知滄海橫流意獨倚牛車哭孝孫

寥落關山對月明客窗遠夜夢魂驚二年歧下音書絕

八月河南風露清冉冉暮愁生草色迢迢秋思入蟲聲
誰知廣武英雄歎老却窮途阮步兵

上清宮三首

憶昔秋風從茂陵詞臣忝預漢公卿瑤池宴罷西王母
翠輦歸來北斗城石馬嘶殘人事改劫灰飛盡海山平
唯餘太一池邊月伴我驂鸞上玉京

蒼梧雲氣赤城霞綿絡鈞天帝子家仙掌高承九霄露
霓旌遙駐五雲車昆明火劫驚人世瀛海風濤撼客槎

欽定四庫全書

御選金詩

卷十五

十五

醉裏忽逢王子晉玉笙吹上碧桃花

千劫塵緣謝吏曹道山仙闕事遊遨樓臺縹緲滄溟闊
宮殿森羅紫極高幾代雲孫接仙李千年王母醉蟠桃
詩成便欲還山去猶待君王賜錦袍

避亂陳倉南山回望三秦追懷淮陰侯信漫賦

長句

憑高四顧戰塵昏鷄野山川自吐吞渭水波濤喧隴阪
散關形勢輒興元旌旗日落黃雲戍弓劍霜寒白草原

一飯悠悠從漂母誰憐國士未酬恩

雪中過虎牢

蕭蕭行李戛弓刀踏雪行人過虎牢
廣武山川哀阮籍
黃河襟帶控成臯身經戎馬心逾壯
天入風霜氣更豪
橫梁賦詩男子事征西誰為謝諸曹

柳塘

長安西望少城隈楊柳陂塘手自栽
渭水波光搖草樹
終南山色入樓臺平生事業書千卷
浮世功名酒一杯

欽定四庫全書

御選金詩

卷十五

十六

我亦陸渾山下去擬尋佳處劔莓苔

邢安國

楊花

細點輕團轉復飄隋家堤岸霸陵橋
非綿非絮寒無用
如雪如霜暖不消狂惹客衣知有限
巧尋禪榻故相撩
陂塘回首浮萍滿依舊春風擺翠條

鞞山

鞞鐸依稀故壘高平岡曾此挂征袍
千年殺氣連天暗

萬古重城比鐵牢地枕雲霄排劍戟
氣橫山岳弄弓刀
勝遊千載今如在一望匆匆王氣豪

薛繼先

九日感懷

衰年易感我今知無訝騷人動楚悲
故國久拋兵劫後
佳辰多負菊花期一時蘭艾同彫落
兩鬢雪霜仍別離
高世輸他陶靖節悠然高興滿東籬

曹珏

欽定四庫全書

御選金詩

卷十五

十七

白髮感懷

少年豪舉氣如虹今日蕭然一病翁
曉鏡祇添頭上雪
春風不綠鬢邊蓬文章那作一錢直
燈火空勞半世功
擬築糟丘便歸老醉鄉何者是窮通

李夷

贈國醫張子和

禁藥喧喧以字行麤工往往笑狂生
天將借手開金匱
雲本無心到玉京歌嘯動成千日醉
留連翻厭五侯鯖

祝君莫觸曹瞞怒世上青黏要指名

古劍

古柵崖推老雨天忽驚神物茁蒲然蛇吞元氣蟄千載
龍逐奔霆脫九泉逆首未歸豪馘裏缺歌聊發慨彈邊
物猶屢出為時用撫匣潸然惜壯年

書淵明傳後

南渡龍孫角禿顛不甘橫斃寄奴絃一襟義氣麾周粟
滿簡清風削宋年雪徑低迴松落落霜籬健羨菊鮮鮮
時屯謚輩輕顏節顏厚吾家草木賢

欽定四庫全書

御選金詩

卷十五

十八

贈王南雲

骯髒風儀古丈夫鶴袍鐵面戟髭鬚人間春色向頭剩
天上月明當額孤石鼎夜聯詩句健布囊春醉酒錢麤
危樓試倚街頭月應見潛飛入玉壺

張澄

和林秋日感懷寄張丈御史

塞草枯黃秋未殘北風表褐日生寒田園正憶遂初賦

冰雪莫吟行路難囊穎露錐徒自苦蒯緱有劍祇空彈

南窗明暖無塵到慙愧高人老鷓冠

別家六見月牙新萬里風霜老病身塊坐羶廬心悄悄

遠懷茅屋夢頻頻瓜田無取終成謗市虎相傳久是真

鄉國歸程應歲暮火爐煨粟話情親

王元粹

臨高

客子臨高秋思生碧山無際暮雲橫但看八月草木落

欽定四庫全書

御選金詩

卷十五

十九

未見中原塵空清流景暗徂人易老故園何在夢頻驚

尊中有物同誰盡正要相看醉膽傾

九日

憑高一望客心傷風景蕭條是楚鄉飛雁欲歸何處去
幽花還似昔年芳詩因感物聊成詠酒為隨人強舉觴
十載蹉跎身事晚每逢佳節轉淒涼

壽李長源

匹馬短衣看此行看君誰信是書生聽詩未覺秦川遠

倚劍長懷晉水清一飯見哀韓信恥千金為壽魯連輕
壯年休灑新亭淚且為江山灌巨觥

薛尹生朝

時砌初開十二奠一尊介壽為君傾昔聞存義能從政
今見元欽又繼兄謝傳階前瓊樹秀老萊堂下綵衣榮
莫言小邑徒勞爾萬里青雲第一程

萬里

萬里江山動楚吟異鄉風物長年心孤身轉覺乾坤窄
往事空驚歲月深木落高城初過雁霜飛幽館夜聞砧
蹉跎未遂東遊計醉後悲歌淚滿襟

馮延登

宿三家寺

老柏蒼蒼纏老藤招提牢落有殘僧暝禽自入藏經閣
飢鼠時窺照佛燈未得安心如北秀却思覓法趨南能
濛濛雨暗門前路更得雲房一曲肱

代郡楊黻之與余同辰月日時亦然渠有詩因

為次韻

陰陽疊疊定何如自信祥金先有模曾見唐生談躍馬
豈知阮籍哭窮途倦遊笑我哀髯白弄筆憐君醉袖烏
便欲移書與歐九略分餘論為嗑枯

寄笏青柯平

飛雪驚沙捲屋茅清寒潑水透緜袍松風度壑江聲遠
蘿月當軒扇影高敢對名山談世事不妨空腹貯離騷
且將手板牢藏起政恐山人識馬曹

射虎得山字

田翁太息論三害獵騎俄驚見一斑涎口風生雷吼怒
角弓寒勁月痕彎柳營共許千人敵魚服仍餘一矢還
我欲殘年賞神駿短衣匹馬夢南山

華清故宮

寵貴羔羊退曲江華清霧閣對雲窗層巒未了霓裳舞
遷客俄驚羯鼓腔簷際疎星疑曉鏡天邊晴樹認高幢
遊人尚喜風流在白石涵波阜莢雙

西園得西字

芳徑層巒百鳥啼芝廬蘭畹自成蹊仙舟倒影涵魚藻
畫棟銷香落燕泥淑景晴薰紅樹暖蕙風輕汎碧叢低
岡頭醉夢俄驚覺歌吹誰家在竹西

探春得波字

好雨新晴景氣和東陂冰盡水增波茅茨影裏燕雙語
桃李梢頭春幾何霽靄未收芳陌潤斜陽偏傍小樓多
雕鞍畫轂方爭道更得流連藉綠莎

春雨

山市人歸暮雨飛倚筇久立看簷霏乍來勢若懸麻密
暫止聲如鼓瑟希砌下蟻歸低赤幘簾間燕入濕烏衣
今宵客夢知安穩厭浥新涼到枕幃

小雨濛濛潤土膏谷風習習不驚條晨烟半濕低平野
春水初生沒斷橋已見鶯黃勻柳麥更看檀紫上榆椒
從今樂事知相繼櫛比雲平看隴苗

藤花得春字

白白紅紅委暗塵蒼藤次第看花新龍蛇奮起三冬蟄
纓絡紛隨百尺身見說紫雲偏得意不知翠幄巧藏春
齋厨晚甌清香滿未信侯門有八珍

蘭子野晚節軒

華顛益信寸心丹直道寧論末路難不歎士元淹驥足
但憂仲叔累猪肝離根佳菊分秋色簷外長松耐歲寒
几有琴書尊有酒却愁兒輩覺清歡

王賓

除夜

落託功名挽不前圍爐兀坐夜蕭然臘殘畫角東風裏
春到梅花小雪邊守得歲來慵覽鏡送將窮去自裝船
平明點檢人間事只有詩魔似去年

衛真道中

毳袍落託又西征陌上東風小雪晴草色喚回原燎黑
冰漸消入水痕清年華荏苒心情減邊事倉皇夢寐驚
早晚渴南傳吉語一犁煙雨趁春耕

珠赫遠

寄劉京叔

西湖風景昔同遊
醉上蘭舟泛碧流
楊柳風生潮水闊
芙蓉煙盡野堂幽
花邊落日明金勒
雲裏清歌遠畫樓
今夜相思滿城月
梁臺楚水兩悠悠

睢陽道中

又渡澱江二月時
淮陽東下思依依
丘園寂寞生春草
城闕荒涼對落暉
去國十年初避亂
投荒萬里正思歸

欽定四庫全書

御選金詩

卷十五

二十四

臨歧却羨春來雁
亂逐東風向北飛

書懷

關東客子去遲遲
飄泊炎荒兩鬢絲
三楚樓臺淹此日
五陵鞍馬想當時
春風草長淮陽路
落日雲埋漢帝祠
回首故鄉何處是
北山天險綠參差

李俊民

用趙之美留別韻四首

把酒離筵且莫辭
坐中瓜葛暫相依
花從識後常含笑

鳥自還時想倦飛
往事微茫春夢斷
故人牢落曉星稀

天涯白髮禁愁得
好在西山不早歸

長短亭中送別時
問君東去復何依
今宵明月三人共
來日紅塵一騎飛
傾蓋莫嫌相見晚
斷絃惟恨賞音稀
天涯盡道還家好
笑我雖歸似不歸

為君不惜送行詩
但恨蒹葭失所依
流水盡朝東海去
孤雲只向太行飛
仕途水炭收心早
客路參商見面稀
一曲陽關歌未徹
聲聲頭上聽催歸

欽定四庫全書

御選金詩

卷十五

二十五

遙指東山去恨遲
爭如蓮幕早來依
須知宋鷁猶能退
有底齊禽尚不飛
洛下書生憐我少
燕南壯士似君稀
主人好客慙慙醉
正要髡留肯放歸

赴山陽

寄君祥濟之
仲寬子昂

立馬西風不忍行
往回只是片時程
一年又作半年客
百里有如千里情
落日寒林山下路
淡煙疎竹水邊城
願君把酒休惆悵
四海由來皆弟兄

白文舉王百一索句送行

世事紛紛亂似麻不堪愁裏度年華傷心城郭來家鶴
過眼光陰赴蝮蛇彈鋏歌中成老境班荆話後各天涯
何時造物歸真宰却覩人間第一花

和子榮

暫使彭宣到後堂安昌只以醉為鄉浮雲世事日千變
流水生涯天一方老子興雖如庾亮故人恩不減蘇章
能消幾兩尋山屐回首狐丘本未忘

籌堂壽日用王氏故事成詩二首

欽定四庫全書

御選金詩

卷十五

三六

此生但覺醉鄉寬誰謂螭猶北海蟠處處相迎皆倒屣
人人共喜欲彈冠州應向日懸刀夢山試今朝拄笏看
仙馭未來緱氏鶴月明吹徹玉笙寒
烏衣歷歷是名家人物于今比晉多俗論不侵揮麈話
壯懷多付缺壺歌雖無金埒堪調馬賴有黃庭可換鷲
見說長江欲飛渡那湏水合望滄沱

和子搢九日謾興

此身到處賈胡留細雨斜風冷淡秋佳節又從愁裏過

故鄉不似舊時游試拈紅葉題詩句強摘黃花泛酒甌
落帽龍山幾人在雲沉鳥沒恨悠悠
節物催人分外愁干戈眼底未能休丹楓落處吳江冷
黃菊開時灞岸秋可是涼風添寂寞更堪缺月照綢繆
悠悠今古何須問淚灑牛山亦過憂

和新秋

簾捲西山雨乍停自知時節候蟲聲新涼邂逅如佳客
殘暑流連似宿醒可見韓檠燈下志且憐班扇篋中情

欽定四庫全書

御選金詩

卷十五

三七

若為解得吾民愠更鼓南風一再行

聞捷音招王德華吳天章等出山

紅塵一騎報平安知是元戎小隊還且喜好音來汴水
仍將舊事問潼關橫雲自護車箱澗落日空銜箭筈山
只恐膏肓歸不得早隨春色到人間

用子榮河橋送別韻

河橋把酒不成歡正是離人去住間公道幾時饒白髮
世情今日見青山娟娟明月無家對慘慘孤雲待我還

慙愧殷勤花裏鳥一聲聲送出陽關

承徐子賢賈仲常張伯英寵和復用韻

天涯杯酒強追歡白髮光陰轉首間獨夜夢魂千里月
暮年心事數重山回腸都為愁將斷行脚猶疑債未還
儻得一廛休老地柴門今後定牢關

宿村舍四首

別後曾無一日歡風光都在落花間眼青羞對門前柳
頭白相驚雪裏山華表鶴來猶是客烏衣燕去不知還

欽定四庫全書

御選金詩

卷十五

三六

森森庭院荒荆棘虎豹窺人夜撼關

握手親情有底歡疎籬茅舍兩三間尚憐作者千年調
那肯分人一半山安得意如張翰適憑誰放取浩然還
得君斗酒須防客不怕重門更著關

坡云重門著關不為君政恐惡客來

仇餉

懷抱何曾得少歡春愁飛上兩眉間一瓢漫酌獨清水
幾屐能窮無盡山見說酒兵長日備

江詒議酒猶兵也兵可千日不用不

可一日不備酒可千日不飲不可一飲不醉未知詩債幾時還須防別後將

軍樂不待尋盟輒斬關

三兩殘杯不盡歡強陪年少貴游間客中未必常為客
山上那堪復有山鶴髮都從愁裏變貂裘直待醉時還
一朝却入龐公市驚倒城門老抱關

坡云城門抱關卒怪我此重游

送趙慶之赴邠州

且莫怱怱數去程一壺別酒為君傾三年簿領防行樂
十里溪山管送迎湓浦蘆花風裏恨渭城柳色雨中情
三峰無復同州看休著新詩笑不平

欽定四庫全書

御選金詩

卷十五

三九

和子措來韻

新年桃李似無情回首繁華一夢驚點檢青氈非故物
等閒傾蓋昧平生雨中燕子還留客風裏楊花欲送行
試聽東流橋下水向人時作斷腸聲

和河上脩橋四首

錄二首

日日相陪杖屨遊往來林下亦風流雲間隱隱堆螺髻
雨後鱗鱗漲鴨頭休恨臨津河經始晚且看利涉橋
落成秋尋常公事閒中了詩債如何尚不酬

落魄天涯頗倦遊，片帆歸去得安流。幾年無事誇犀首，
一旦封侯看虎頭。飛將正當南渡日，拾遺還是北征秋。
龍鍾不稱凌煙像，只有山林志可酬。

壬寅九日同史正之劉濟之君祥仲寬姚子昂

東城小酌寄錦堂王君玉

興來落筆任橫斜，坐上朋樽續續加。貌似葉紅皆被酒，
頭如雪白也簪花。金風漸急秋將暮，玉樹相依客盡嘉。
酩酊入城扶不去，臨街下馬是誰家。

欽定四庫全書

御選金詩

卷十五

三十一

暮春和端甫韻

并序

暮春索詩且以不能陪郊外之遊為恨

雨夕風朝樂事妨，老來猶自為花忙。春光一歲只三月，
尊酒百年能幾場。辛苦衙蜂輸蜜課，等閒巢燕得泥香。
如何復共遨頭醉，待把銀鉗指點嘗。

客中寒食

斷蓬踪跡寄天涯，劍戟林中閱歲華。又值禁煙焦舉節，
奈無對月少陵家。驚心咄咄催歸鳥，觸目冥冥濺淚花。

老後愁懷誰遣得，未應端的酒勝茶。

調祁定之

風埃滿面髮蓬垂，欲學喬松久遠期。浮世幾場漂杵血，
流年一局爛柯碁。不須玉女引巢父，那在神官邀退之。
果待吹噓送天上，人間事了未為遲。

荅子榮

行藏事拙且乘流，游徧人間老即休。多汗愈膚三伏暑，
漸衰潘鬢一時秋。風高勢欲欺茅屋，雨急聲疑在竹樓。

欽定四庫全書

御選金詩

卷十五

三十一

今世宦情何處好，但憂無蟹有監州。

春溫軒

三尺枯桐膝上橫，一彈洗盡綺羅塵。芙蓉城裏誰為主，
姑射山前別有人。雲雨不侵行處夢，丹青難寫醉時真。
早尋林下乘鸞侶，莫遣春溫過卻春。

送郡侯段正卿北行二首

征途萬里朔風寒，過盡陰山復有山。歲既在于辰巳後，
星多客向斗牛間。漫漫積雪無冬夏，劫劫飛鴻自往還。

若到龍庭試回首太行一片白雲間
獵獵霜風隨指寒一鞭行色抵天山
馬嘶衰草孤煙外雁沒長空落照間
入塞盡穿羶帳過去鄉須待錦衣還
功名大抵黃梁夢薄有田園便好閒

中秋二首

露下天街一氣涼月明不復被雲妨
正當金帝行秋令疑是銀河洗夜光
鮫室影寒珠有淚蟾宮風散桂飄香
席間醉客忙歸去獨共三人盡此觴

欽定四庫全書

御選金詩

卷十五

三五

共對青天好舉觴從前三五是尋常
一年佳節秋將半萬里清輝夜未央
纔向缺時舒窈窕欲從盈後斂光芒
姮娥曾得長生藥我欲停杯問此方

代樂仲和張溫甫處督米

未必書生氣盡寒食常不足為居閒
清于孺子滄浪水瘦似詩人飯顆山
欲向田文彈鋏去恐因丘嫂頡頏還
聞君自有江湖量肯為枯魚少破慳

清明席上同史正之姚君寶子昂

浮雲雨後自縱橫不待風收放曉晴
百計花期成謾興一年春色過清明
誰家鑽燧罷藏火何處吹簫又賣錫
回首故園魂欲斷鳥飛只是片時程

欽定四庫全書

御選金詩

卷十五

三五

御選金詩卷十五

御選金詩卷十六

七言律詩六

元好問

咏懷

涼葉蕭蕭散雨聲
虛堂浙浙掩霜清
黃花自與西風約
白髮先從遠客生
吟似候蟲秋更苦
夢和寒鵲夜頻驚
何時石嶺關頭路
一望家山眼暫明

欽定四庫全書

御選金詩

卷十六

帝城 史院夜直作

帝城西下望孤雲
半廢晨昏媿此身
世俗但知從仕樂
書生只合在家貧
悠悠未了三千牘
碌碌翻隨十九人
預遣兒書報歸日
安排雞黍約比鄰

僕射陂醉歸即事

多生曾得江湖樂
每見陂塘覺眼明
詩酒共尋前日約
風陰新自夜來晴
春波澹澹沙鷗沒
野色荒荒煙樹平
醉踏扁舟浩歌起
不須紅袖出重城

是日招樂府不至

春日

里社春盤巧欲爭
裁紅暈碧助春情
忽驚此日仍為客
却想當年似隔生
貧裏齏鹽憐節物
亂來歌吹失懽聲
南州剩有還鄉伴
戎馬何時道路清

歐陽詹春盤賦裁紅暈碧巧助春情

為韻

橫波亭為青口帥賦

孤亭突兀插飛流
氣壓元龍百尺樓
萬里風濤接瀛海
千年豪傑壯山丘
疎星澹月魚龍夜
老木清霜鴻鴈秋
倚斂長歌一杯酒
浮雲西北是神州

欽定四庫全書

御選金詩

卷十六

野菊座主閒閒公命作

柴桑人去已千年
細菊班班也自圓
共愛鮮明照秋色
爭教狼籍卧疎煙
荒畦斷壟新霜後
瘦蝶寒螿晚景前
只恐春叢笑遲暮
題詩端為發幽妍

昆陽二首

古木荒煙集暮鴉
高城落日隱悲笳
并州倦客初投迹
楚澤寒梅又過花
滿眼旌旗驚世路
閉門風雪羨山家

忘憂只有清尊在暫為紅塵拂鬢華

去日黃花半未開南來忽復見寒梅淹留歲月無餘物
料理塵埃有此杯老馬長途良憊矣白鷗春水亦悠哉
商餘說有滄洲趣早晚乾坤入釣臺

葉縣雨中

時崧前
早尤甚

春旱連延入麥秋今朝一雨散千憂龍公有力迴枯槁
客子何心歎滯留多稼即看連楚澤歸雲應亦到崧丘
兵塵浩蕩乾坤滿未厭明河拂地流

欽定四庫全書

御選金詩

卷十六

三

穎亭

穎上風煙天地迴穎亭孤賞亦悠哉春風碧水雙鷗靜
落日青山萬馬來勝槩銷沉幾今昔中年登覽足悲哀
遠遊擬續騷人賦所惜忽忽無酒杯

山中寒食

小雨班班浥曙煙平林簇簇點晴川清明寒食連三月
穎水崧山又一年樂事漸隨花共減歸心長與鴈相先
平生最有登臨興百感中來只慨然

楚漢戰處

虎擲龍拏不兩存當年曾此賭乾坤一時豪傑多行陣
萬古山河自辟門原野猶應厭膏血風雲長遣動心魂
成名豎子知誰謂擬喚狂生與細論

後灣別業

薄雲晴日爛烘春高柳清風便可人一飽本無華屋念
百年今見老農身童童翠蓋桑初合濫濫蒼波麥已勻
便與溪塘作盟約不應重遣濯纓塵

欽定四庫全書

御選金詩

卷十六

四

寄欽用

顛穎京華首着盤南山歸興夜漫漫長門有賦人誰買
坐榻無羶客亦寒蟲臂偶然煩造物麈頭何者亦求官
故人東望應相笑世路羊腸乃爾難

內鄉縣齋書事

吏散公庭夜已分寸心牢落百憂熏催科無政堪書考
出粟何人與佐軍飢鼠遶牀如欲語驚鳥啼月不堪聞
扁舟未得滄浪去慚愧春陵老使君

遠祖次山春陵行
云思欲委符節引

竿自刺船故子美有
興含滄浪清之句

被檄夜赴鄧州幕府

幕府文書鳥羽輕
敝裘羸馬月三更
未能免俗私自笑
豈不懷歸官有程
十里陂塘春鴨鬧
一川桑柘晚煙平
此生只合田間老
誰遣春官識姓名

除夜

一燈明暗夜如何
夢寐衡門在澗阿
物外煙霞玉華遠
花時車馬洛陽多
折腰真有陶潛興
扣角空傳甯戚歌

欽定四庫全書

御選金詩

卷十六

五

三十七年今日過
可憐出處兩蹉跎

劉光甫內鄉新居

鷹冠平日凜秋霜
老去聲名只閉藏
父老漸來同保社
兒童久已愛文章
蔬隨隙地皆成圃
竹放新梢欲過牆
為向長安舊遊道
世間元有北窓涼

西齋夜宴

時為內
鄉令

飄零無物慰天涯
酒伴相逢飲倍加
誤謬君當略彭澤
迴旋我亦笑長沙
金釵翠鞵迎春髻
銀燭光搖半夜花

只欠東山游錄事
不來堅坐看紛華
叔能信之張杜諸
人皆在而麟之獨

出山

松門石逕靜無關
布鞵青鞵幾往還
少日漫思為世用
中年真欲伴僧閒
塵埃長路仍回首
升斗微官亦強顏
休道西山不留客
數峰如畫暮雲間

石門

兩崖懸絕倚山垠
草逕低迷劣可分
潭影乍從明處見
竹香偏向靜中聞
石林萬古不知暑
茅屋四鄰惟有雲
曳杖行歌羨樵叟
此生何計得隨君

岐陽二首

突騎連營鳥不飛
北風浩浩發陰機
三秦形勝無今古
千里傳聞果是非
偃蹇鯨鯢人海涸
分明蛇犬鐵山圍
窮途老阮無奇策
空望岐陽淚滿衣

百二關河草木橫
十年戎馬暗秦京
岐陽西望無來信
隴水東流聞哭聲
野蔓有情縈戰骨
殘陽何意照空城

欽定四庫全書

御選金詩

卷十六

六

從誰細向蒼蒼問爭遣蚩尤作五兵

雨後丹鳳門登眺

絳闕遙天霽景開金明高樹晚風迴長虹下飲海欲竭
老鴈叫雲秋更哀劫火有時歸變滅神嵩何計得飛來
窮途自覺無多淚莫傍殘陽望吹臺

懷秋林別業

茅屋蕭蕭浙水濱豈知身屬洛陽塵一家風雪何年盡
二頃田園入夢頻高樹有巢鳩笑拙空牆無穴鼠嫌貧

欽定四庫全書

御選金詩

卷十六

七

西南遙望腸堪斷自古虛名只誤人

喜李彥深過聊城

圍城十月鬼為鄰異縣相逢白髮新恨我不如南去鴈
羨君獨是北歸人言詩匡鼎功名薄去國虞翻骨相屯
老眼天公只如此窮途無用說悲辛

與張杜飲

故人寥落曉天星異縣相逢覺眼明世事且休論向日
酒尊聊喜似承平山公倒載羣兒笑焦遂高談四座驚

轟醉春風一千日愁城從此不能兵

秋夕

小簟涼多睡思清一窗風雨送秋聲頻年但覺貂裘敝
萬古何曾馬角生寄食且依嚴尹幕附書誰住鄧州城
洗愁欲問東家酒恨殺寒雞不肯鳴

夢歸

顛顛南冠一楚囚歸心江漢日東流青山歷歷鄉園夢
黃葉蕭蕭風雨秋貧裏有詩工作祟亂來無淚可供愁

欽定四庫全書

御選金詩

卷十六

八

殘年兄弟相逢在隨分蘼鹽萬事休

淮右

淮右城池幾處存宋州新事不堪論輔車謾欲通吳會
突騎誰當擣薊門細水浮花歸別澗斷雲含雨入孤村
空餘韓偓傷時語留與累臣一斷魂

乙未正月九日立春

十度新正九處家今年癡坐轉堪嗟一冬殘雪不肯盡
連日苦寒殊未涯重碧總誇燕市酒小紅誰記上林花

殘魂零落今無幾乞與春風惱鬢華

三仙祠

三仙祠下往來頻顛顛征衫滿路塵
簫鼓未休寒食酒
樵蘇時見舊都人
吹殘芳樹紅仍在
展放平田綠已勻
西北并州隔千里
幾時還我故鄉春

送輔之仲庸還大梁

驂騑爭道渺翩翩
誰遣風塵失壯年
四壁舊聞懸磬宅
一囊今有賣書錢
淋浪別酒青燈夜
滅沒孤帆落照邊

想得還家過春半
故都喬木滿蒼煙

眼中

眼中時事益紛然
擁被寒窗夜不眠
骨肉他鄉各異縣
衣冠今日是何年
枯槐聚蟻無多地
秋水鳴蛙自一天
何處青山隔塵土
一卷吾欲送華顛

鎮州與文舉百一飲

翁仲遺墟草棘秋
蒼龍雙闕記神州
只知終老歸唐土
忽漫相逢是楚囚
日月盡隨天北轉
古今誰見海西流

眼中二老風流在一醉
從教萬事休

衛州感事二首

神龍失水困蜉蝣
一舸倉皇入宋州
紫氣已沈牛斗夜
白雲空望帝鄉秋
劫前寶地三千界
夢裏瓊枝十二樓
欲就長河問遺事
悠悠東注不還流

白堦亭亭古佛祠
往年曾此走京師
不知江令還家日
何似湘纍去國時
離合興亡遽如此
淒淒零落竟安之
太行千里青如染
落日闌干有所思

望崧少二首

崧少飛來崑閬山
山家茅屋翠微間
雞豚鄉社相勞苦
花木禪房時往還
結習尚餘三宿戀
殘年多負半生閒
長河一葦人千里
望斷西城碧玉環

飲鶴池邊萬木稠
養龍崖上五峰秋
藤垂絕壁雲添潤
澗落哀湍雪共流
田父占年驚玉旆
詩仙留迹歎崑丘
西風落日山陽道
空對紅塵憶舊遊

飲鶴池在緱山養龍崖在五乳峯下

懷州子城晚望少室

河外青山展卧屏并州孤客倚高城十年舊隱拋何處
一片傷心畫不成谷口暮雲知鄭重林梢殘照故分明
洛陽見說兵猶滿半夜悲歌意未平

羊腸坂

浩蕩雲山直北看凌兢羸馬不勝鞍老來行路先愁遠
貧裏辭家更覺難衣上風沙歎顛顛夢中燈火憶團圞
憑誰為報東州信今在羊腸百八盤

野谷道中懷昭禪師

行行汾沁欲分疆漸喜人聲挾兩鄉野谷青山空自繞
金城白堊已相望湯翻豆餅銀絲滑油點茶心雪蕊香
說向阿師應被笑人生生處果難忘

外家南寺

在至孝社余兒
時讀書處也

鬱鬱楸梧動晚烟一庭風露覺秋偏眼中高岸移深谷
愁裏殘陽更亂蟬去國衣冠有今日外家梨栗記當年
白頭來往人間徧依舊僧窓借榻眠

官園探梅同康顯之賦

柳麥榆椒寂莫邊儘饒梅事得春偏留殘瘦骨猶堪畫
未展幽香已可憐千里移根自何許數枝臨水記當年
開時重約花前醉試手東風第一篇

再到新衛

蝗旱相仍歲已荒伶俜十口值還鄉空令姓字喧時輩
不救飢寒趨路傍行帳馬嘶塵瀕洞空村人去雨淋浪
河平千里筋骸盡更欲驅車上太行

別冠氏諸人

東舍茶渾酒味新西城紅豔杏園春衣冠會集今為盛
里社追隨分更親分手共傷千里別低眉常媿六年貧
他時細數平原客看到還鄉第幾人

杏花

芳樹春融絳蠟凝春風寂莫掩柴荆畫眉盧女嬌無奈
齟齬孫娘笑不成已怕宿粧添蝶粉更堪暖蕊鬧蜂聲
一般疎影黃昏月獨愛寒梅恐未平

賦南中楊生玉泉墨

墨不用松煙
而用燈煤

萬竈元珠一唾輕客卿新以玉泉名御團更覺香為累
冷劑休誇漆點成浣袖秦郎無藉在畫眉張遇可憐生
晴窗弄筆人今老孤負松風入硯聲

宮中以張遇麝香小團為畫眉墨

赤石谷

林罅陰崖霧杳冥石根寒溜玉玎玲雲來朔漠疑秋早

山近清涼覺地靈靜愛鳥聲存野調鬧嫌人迹帶塵腥

南臺說有金銀氣可是并汾處士星

繫舟山僧徒謂之小五臺九月中時

有景星如佛光

欽定四庫全書

御選金詩

卷十六

十三

灑亭同麻知幾賦

零落棲遲復此遊一尊聊得散羈愁天圍平野莽無際
水繞孤城閑不流柳意漸迴淮浦暖雁聲仍帶塞門秋
登高望遠令人起欲買煙波無釣舟

過應州

平野風埃接戍樓邊城三月似窮秋人家土屋纔容膝
驛路旂車不斷頭隨俗未甘嘗馬潼敵寒直欲御羊裘
十年紫禁煙花繞此日雲山是應州

感興

夜宿讀書山作

倚梯從昔望煙霄七葉何人竟珥貂道路常教車歷鹿
功名唯有鬢飄蕭勤如韓子初無補晚似馮公豈見招
五十三年等閒裏一窓風葉雨瀟瀟

送周帥夢卿之關中

狼籍麻衣見酒痕憶君醉別柳邊村離愁擾擾理還亂
來事悠悠誰與論瘴海漸添春浪濶冰崖惟覺草煙屯
人間底似三峰好箭筈通天有一門

欽定四庫全書

御選金詩

卷十六

十四

十二月二十日雪中過石嶺關

老天黯慘入平蕪朔吹崩奔萬竅呼雪意旋糝行路景
詩家新有入關圖地爐圍坐慚田父絮帽衝寒怨僕夫
故國煙花重回首蜀橙山麝記金壺

甲辰三月旦日以後雜詩二首

澌澌猩紅鬧曉晴攢頭真似與春爭舒開楊柳聊相映
瘦殺寒梅枉自清粉豔低回工作態絳脣寂莫獨含情
畫圖只愛殘妝好未信徐郎解寫生

密霧輕塵細灑勻綠雲紅雪一番新風光爛漫供歡席
酒味清醇似主人落落湖山如有喜欣欣魚鳥亦相親
新詩寫入奚奴錦從此他鄉不算春

紫牡丹

夢裏華胥失玉京小闌春事自昇平只緣造物偏留意
須信凡花浪得名蜀錦浪淘添色重御爐風細覺香清
金刀一剪腸堪斷綠鬢劉郎半白生

洛陽

欽定四庫全書
御選金詩
卷十六
十五
千年河嶽控喉襟一日神州見陸沉已為操琴感哀涕
更須同輦夢秋衾城頭大匠論蒸土地底中郎待摸金
擬就天公問翻復蒿萊丹碧果何心

為鄧人作詩

再見州人本不期相留相挽忍相違攜盤渭水空流涕
種柳金陵已合圍事去恍疑春夢過眼明還似故鄉歸
題詩未要題名字今是中原一布衣

贈張主簿偉

江岸墳荒草棘秋朱陽南下重君憂弓刀近塞人煙少
林壑經霜虎跡稠究竟畏途知有漸激昂高義報無繇
從今弟妹通家了莫向瓜田認故侯

寄劉繼先

清霜茅屋耿無眠坐憶分攜一慨然楚客登臨動歸興
謝公哀樂感中年淒涼古驛人煙外迤邐荒山雪意邊
千樹春風水楊柳待君同繫晉溪船

寄荅商孟卿

欽定四庫全書
御選金詩
卷十六
十六
窈窕朱絃寂寞心得詩何啻得黃金冷猿掛夢山月暝
老鴈叫羣江渚深異縣五年仍隔閭荒城連日想登臨
書來且只平安了撥觸離愁恐不禁

別州鄉弟

晚歲論詩辱見收相從許久重相留苦心亦有孟東野
真賞誰如高蜀州萬疊寒雲度歸鴈孤洲春水澹沙鷗
荒城後日思君處風色蕭蕭人白頭

東園晚眺

霜鬢蕭蕭試鑷看怪來歌酒百無歡
舊家人物今誰在
清鏡功名歲又殘
楊柳撓春出新意
小梅留雪弄餘寒
一詩不盡登臨興
落日東園獨倚闌

十一月五日暫往西張

城隈細路入沙汀
絮帽衝風日再經
歲歉村虛更荒惡
窮冬人影亦伶俜
林煙漠漠鴉邊暗
山骨稜稜雪外青
四十年來此寒苦
凍吟猶記隴關亭

石嶺關書所見

欽定四庫全書

御選金詩

卷十六

十七

軋軋旃車轉石槽
故關猶復戍弓刀
連營突騎紅塵暗
微服行人細路高
已化蟲沙休自歎
厭逢豹虎欲安逃
青雲玉立三千丈
元只東山意氣豪

七月十二日行狼牙嶺

狼牙路滑馬伶俜
老鶴超超欲上征
一曲松風寫幽致
九秋雲物愴離情
天開負嶠方壺境
澗落銀河月窟聲
靚面青山入渠手
定誰胸次玉崢嶸

汴梁除夜

六街歌鼓待晨鐘
四壁寒齋只病翁
鬢雪得年應更白
燈花何喜也能紅
養生有論人空老
祖道無詩鬼亦窮
數日西園看車馬
一番桃李又春風

贈李春卿

寶十郎家指顧間
因君我亦愛西山
丹房藥境平生了
禪榻茶煙歲月閒
春壘有情供白隋
秋風無力損紅顏
重來已有明年約
剩破都城幾往還

龍興寺閣

欽定四庫全書

御選金詩

卷十六

十八

全趙堂堂入望寬
九層飛觀儘高寒
空聞赤幟疑軍壘
真見金人泣露盤
桑海幾經塵劫壞
江山獨恨酒腸乾
詩家總道登臨好
試就遺臺老樹看

聽姨女喬夫人鼓風入松

白雪朱絃一再行
春風纖指十三星
雲窗霧閣有今夕
寶靨羅裙無此聲
蕭灑寒松度虛籟
悠揚飛絮攪青冥
胎仙不比湘靈瑟
五字錢郎莫漫驚

寒食
壬子清
明後作

上苑春風感物華天津雲錦赤城霞輕舟矮馬追隨遠
翠幕青旗笑語譁化國樓臺隔瀛海吳兒洲渚記仙家
山齋此日腸堪斷寂莫銅瓶對杏花

送樊順之

弓刀十驛岳蓮州渭水秦山得意秋王粲從軍正年少
庾郎入幕更風流寒鄉況味真雞肋清鏡功名屬虎頭
寄謝溪風亭上月老夫乘興欲西游

過寂通菴別陳丈

并序

欽定四庫全書

御選金詩

卷十六

十九

陳丈未識某而愛其詩曾對高御史士美言我他
日見遺山當快飲百醉後見之而公已病乃相約
易百醉為百杯每見以酒籌計之至七八十杯復
有此別故詩中及之

甲辰秋

心遠繇來地自偏不離城市得林泉從教上界多官府
且放閑身作地仙三月有期何敢負百杯未滿會須填
違離更覺從公晚却望都門一慨然

丁未寒食歸自三泉

春山晴暖紫生煙山下分流百汊泉未放小桃裝野景
已看茅屋映秋千飢烏得食爭相喚醉叟行歌只自顛
寒食明年定何計故人尊酒且流連

送李同年德之歸洛西

亡奈流光冉冉何逢君聊得慰蹉跎飛黃老去空奇骨
社燕歸來只舊窠舉世盡從愁裏過一尊獨愛醉時歌
洛中定有人相問休道今年白髮多

存沒

辛老敬之
劉兄景元

欽定四庫全書

御選金詩

卷十六

二十

行間楊趙提衡早老去辛劉入夢頻案上酒杯聊自慰
袖中詩卷欲誰親兩都秋色皆喬木一代名家不數人
汲冢遺編要完補可能虛負百年身
人曰有懷愚齋張兄緯文

書來聊得慰懷思清鏡平明見白髭明月高樓燕市酒
梅花人日草堂詩風光流轉何多態兒女青紅又一時
澗底孤松二千尺殷勤留看歲寒枝

張村杏花

丁巳三月初二日

昨日櫻桃絳蠟痕今朝紅袖已迎門只應芳樹知人意
留著殘粧伴酒尊濃李尚須羞粉豔寒梅空自怨黃昏
詩家元白無今古從此張村即趙村

送奉先從軍

潦倒書生百戰場功名都屬繡衣郎虎頭食肉無不可
鼠目求官空自忙卷月清笳渭城曉倚天長劍蜀山蒼
習池老去風流減醉後揚鞭媿葛疆

贈玉峯魏文邦彥

夢想南山掩靄間眼明驚見玉峰寒風波舊憶橫身過
世事今歸袖手看販婦庸兒識名姓故鄉遺族見衣冠
臨流卜築平生事會就遼東管幼安

鬱鬱

鬱鬱羈懷不易開更堪寥落動淒哀華胥夢破青山在
梁甫吟成白髮催秋意漸隨林影薄曉寒都逐鴈聲來
并州舊日風聲惡悵望鄉書早晚回

秋日載酒光武廟

美酒良辰邂逅同赤眉城北漢王宮百年星斗歸天上
萬古旌旗在眼中草木漸隨秋氣老河山長為昔人雄
一杯逕醉風雲地莫放銀盤上海東

丙辰九月二十六日挈家遊龍泉

風色澄鮮稱野情居僧聞客喜相迎藤垂石磴雲添潤
泉漱山根玉有聲庭樹老於臨濟寺霜林渾是漢家營
明年此日知何處莫惜題詩記姓名

茗飲

宿醒未破厭觥船紫笋分封入曉煎槐火石泉寒食後
鬢絲禪榻落花前一甌春露香能永萬里清風意已便
邂逅華胥猶可到蓬萊未擬問羣仙

杜仁傑

病中呈裕之

十載猶能復笑語歸來重覓讀書龕耒陽白酒君應具
勾漏丹砂我自慚民訟幾何消自苦山城雖小得窮探
也知清儉難持久好趁秋風醉菊潭

自遣

少日襟懷悔自豪暮年志節詎須高敢將議論輕疑孟
閒得工夫細和陶酒盡枯腸還磊礪詩成白髮轉刁騷
皇天汲汲誠何意也共人生一體勞
畚築家園手自操雖無多累足償勞十年種竹翻嫌密
一日栽松恨不高是處求田消二頃尚誰有夢到三刀
得名身後良癡計盡擬浮沉付濁醪

讀前史偶書

楊彪不著鹿皮冠元亮還書甲子年此去亂離何日定
向來名節幾人全中原消息蒼茫外故里山河涕淚邊
六國帝秦天暫醉魯連休死海東孺

解嘲呈元明府

江氣冥冥江雨飛潛夫四月著冬衣野荼糜謝薔薇發
山鷓鴣啼杜宇歸青鬢漸隨愁共減素心長與慢相違
四方餬口非君事自識飄零有是非

麻革

晚步張鞏田間

地入荒蕪過客稀村深門巷暮山圍悠悠獨鳥穿雲下
策策寒烏掠日飛人事百年梧葉老秋風萬里稻花肥
兵塵河朔迷歸路惆悵平沙送夕暉

板橋道中

篁竹蕭蕭野水濱光風過眼與時新陰崖積雪猶含凍
遠樹浮煙已帶春世古未應悲故道歲華聊得伴閒身
蕨芽筍稚行當好莫擬山中問主人

過陝

萬古茅津據上游崤函西去接秦頭悲風鼓角重城暮
落日關河百戰秋形勝古來須上策塵埃歲晚只羈愁
豺狼滿地荆榛合目斷中條是故丘

寄杜仲梁

塞上愁多雲易陰故人雖在鴈無音交情念子黃金重
世故稽人白髮深芳草春風千里夢青燈夜雨兩鄉心
岱宗入眼東南秀悵望雲山淚滿襟

寄元裕之

朔雲陰雪晚重重日入寒蕪塞草空
沂水東回無去翼
天山南斷有哀鴻三年遠別交情外
一夜相思客夢中
明日關河對雙淚祇將幽憤寄秋風

張宇

感懷

世路羊腸劇險艱天心應厭著儒冠
老無子息休心易
貧有交親託事難文字售人真滯貨
廉平養已似閒官

欽定四庫全書

御選金詩

卷十六

二十五

義經讀罷無人會庭竹蕭森夜月寒

上巳日遊平湖

微風漠漠水增波禊事重修繼永和
脆管當筵清似語
扁舟爭岸疾如梭一時人物成高會
千里雲山入浩歌
日暮芝蘭無處覓野花汀草占春多

陳賡

送李長源

月下孤鴻枕上雞高城今日又分攜
九秋雲氣嶠陵底

萬里河聲砥柱西飲罷關山秋寂寂
詩成風雨暮淒淒
千金善保并州器要放崑崙入馬蹄

寄陝郡楊正卿

遷客形容國士心春風鶴髮不勝簪
鍾儀去楚衣冠異
王粲依劉歲月深歲晚艱危無短策
酒酣悲壯動長吟
遙聞蘭省楊夫子一紙書來抵萬金

寒食登臨晉西原廢寺

前朝廢寺枕山阿尚有摩雲窳堵坡
故國已非唐日月
老僧猶指舊山河年來筋力登臨倦
亂後心情感慨多
石蘚荒碑碎文字他年更得幾摩挲

欽定四庫全書

御選金詩

卷十六

二十六

當年雲構倚天開一夕煙塵化劫灰
佛閣丹青餘瓦礫
禪房花木亦蒿萊春風萬里騷人怨
落日千秋杜宇哀
斷礎荒煙無限意一章詩律為誰裁

荅楊煥然二首

梁苑當年記盛遊亂離南北恨遲留
且教紅袖歌金縷
莫對青山歎白頭人似贊皇遷蜀郡
詩如子美到夔州

傳家況有元文在應使童烏繼纂修

獻賦當年覲紫宸羨君藻思獨超羣扶持吾道難尤力
潤色斯文老更勤學濟天人寧有畔文如風水自成紋
何時載酒清伊上奇字時來問子雲

清明後書懷

花氣薰人動竹齋貪春狂思若為裁蜂粘落絮飛還墜
燕認新巢去復來亂後精魂猶夢境貧中風景剩詩才
江山信美非吾土懷抱何時得好開

欽定四庫全書

御選金詩

卷十六

二十七

病後贈姚仲寬居士

寂寂柴關晝不開虛簷獨步意徘徊百年素業南柯夢
一寸丹心古鼎灰野老相過聊問訊溪禽近啄不驚猜
好奇誰是劉公子肯為揚雄載酒來

房皞

次韻寄王升卿

谷口人家十二三家家窓戶得晴嵐千章雲木秀而野
一脉流泉清且甘徇俗到頭終是病耽書自古不名貪

作詩為問東溪友樽酒何時愜笑談

贈趙山甫

寇盜連年劇蝟毛一身無處可奔逃陳平自合西歸漢
葛亮焉能北事曹嗟我命兼才共薄仰君名與德俱高
幾時一笑滄浪畔右手持盃左手螯

憶新牆劉德淵

雲煙杳靄水微茫何處青山是岳陽白髮滿頭空自老
黃塵兩腳為誰忙同盟濁渚言猶在偕隱廬峰興未忘
近有倦遊詩數首西風吹不到新牆

欽定四庫全書

御選金詩

卷十六

二十八

段克已

五月二十三日夜分雨作涼風颯然木葉蕭瑟
絕似往年七八月感時物之變不能為懷漫浪
成詩聊以自適

雲壓虛檐黯不收雨聲飛妥碧山頭簾幃清徹三更夢
枕簟涼生五月秋入夜悲風何浙瀝先時病葉已颼颼
心非木石能無感喚起悠悠去國愁

寄仲堅漢臣二子

經春日日卧空廬門卷蕭條長者車一卷時看王湛易
數行懶寄子公書風光少得如人意顏面從教與世疎
閒健不來花下醉明年花發定何如

和家弟誠之社燕之作

膠膠世事久經諳肯著紅塵換翠嵐驥驥捕鼯非所任
干將補履豈能堪老無成事惟多懶少不如人何更貪
花下一杯誰伴我清風明月便為三

欽定四庫全書

御選金詩

卷十六

二十九

欲歸誰不遣君歸却恨歸來事事違烽火未休家信少
山川良是故人稀黃金入手還能散白雪盈頭不肯飛
試問春愁多幾許長江滾滾日暉暉

紅梅用誠之弟韻

梅花香裏滿蒲團萬事人間總不干醉夢每憐春意淺
詩魂長遠夜枝寒記曾上苑溪頭見又向前村雪裏看
回首青蕤已如豆齒牙衰朽怯微酸

小梅初破月團團戲蝶游蜂未敢干醉臉不禁輕宿雨

芳心似欲訴朝寒乍驚別後容華換更與尊前仔細看
便好栽培近東閣免教風味一生酸

讀張志和傳

一葉輕舟一釣綸朝廷無處覓元真太虛明月為知己
細雨斜風不著人西塞貪看飛白鷺東華忘却軟紅塵
還思擾擾馳名者肯信人間有逸民

段成已

跋秦得真墨

晴窗不用辨犀紋墨妙秦郎已飲聞翠餅瑩如鴉背淨
玉圖香鄙麝臍薰永寧賜弟今猶少易水無良古亦云
老我媿非揮翰手兩丸投贈負伊勤

總管李侯移鎮京兆病久不能即門屏奉卮酒

一賀為歉謹作拙惡以餞行軒

一札飛書下日邊龍移方伯殿長安晉城父老心皆泣
秦地奸豪膽已寒千里馳驅容驥展九霄空濶看鵬搏
十年潦倒登門客卧病無由挽去鞍

欽定四庫全書

御選金詩

卷十六

三十

伯和告別北邁欲得一言以資行橐惓惓之意
蓋不能違也病卧中殊無好懷漫此以贈

聽唱離歌一再行翩翩裘馬戒晨征據鞍耿耿壯夫志
去國遲遲遊子情野店人稀休奠枕山蹊路險莫貪程
一鞭行色西風順萬里秋空片鷲橫

送婁郎中秀實北上

氣壓元龍百尺樓搏空鷲鶚政高秋珥貂自屬封侯相
借箸咸推決勝籌會計不勞談笑了功名未肯等閒休

欽定四庫全書

御選金詩

卷十六

三十一

并州豪俠風流在慚著儒冠謾白頭

送總管李侯北上

姓名合上郭公臺落落襟懷間世才飛騎屢朝天上去
好音時向日邊來中心都為明時盡東閣常因好客開
萬里鵬程從此始垂天雲翼看徘徊

辛丑清明後三日詩社諸君燕集於封仲堅別
墅談笑竟日賓主樂甚然以未得吾兄弟數語
為不足既而遯菴兄有詩余獨未也主人責負

不已因賦此應命云

善惡人情已飽諳岸紗晏坐看晴嵐折腰不是淵明嬾
作吏元非叔夜堪老去一觴猶有味病來萬事更何貪
從頭悉讀行年記慚媿春風四十三

紅梅

誰點冰梢絳雪團黃昏和月倚闌干羞隨桃李爭春意
要伴松筠傲歲寒冷豔只宜閒處著淺妝難入俗人看
天心固惜和羹便空抱枝頭一點酸

欽定四庫全書

御選金詩

卷十六

三十二

送仲堅漢臣二子過南澗歸賦是詩

螻蟻微生脫怒濤一茅容膝儘逍遙宦情更比詩情薄
日力聊憑酒力消心類候蟲寒更切鬢隨霜葉病先凋
兒童失笑翁慵甚送客今朝却過橋

寒食後有感而作

二月山城尚薄寒冬衣未解歎衰殘賞心更比年時減
酒量全非舊日寬點點花隨春共老悠悠詩與夢俱闌
此身只合山間了勛業何勞鏡裏看

薄命書生不足論
春來顛顛寄荒村
花間也作南華夢
眼底還無北海尊
風掠平波寒翦翦
雲拖殘雨晝昏昏
興來偶逐歸禽返
燈火人家半掩門

送史生仲恭北上

裘馬翩翩事遠遊
少年豪舉氣橫秋
愛君早有四方志
為我能無一日留
擊筑悲歌增感慨
倒瓶濁酒浣離憂
他時相憶勞回首
何處風沙認晉州

仲堅將別去成行之夕會飲於史氏之山齋

得子膠膠擾擾間
往來未熟各哀顏
百年更有幾回醉
一月都無數日間
不放肝腸中白隋
將何面目對青山
相逢且盡今宵樂
明日紅塵復市寰

用韻荅封張二子

心如隋絮已霑泥
身似驚禽未得棲
壺缺何煩歌老驥
冠成不復帶雄雞
黃公道跡終辭漢
范蠡逃名竟入齊
回首平生事堪笑
少年豪氣北山低

中秋之夕封生仲堅衛生行之攜酒與詩見過

各依韻以荅二首

萬籟聲沈暮靄收
長河瀉浪洗清秋
遙天千里澹如水
明月一輪光滿樓
隨意傾銀成勝賞
誰家橫玉調新愁
可憐白首蟾宮客
羞對嫦娥說舊遊

夜涼河漢靜無聲
澄澈天開萬里晴
蟾吐寒光呈皎潔
桂排疎影甚分明
良宵方喜故人共
醉語那知鄰舍驚
一片詩魂招不得
九霄直與月俱清

翼日二子見和復用韻以荅

短髮蕭蕭散不收
老來何意更悲秋
常年有酒或無月
今夕乘晴好上樓
休對嬋娟談往事
祇將笑語替清愁
冷光願照金尊裏
記得開元太白遊

戊申四月書於史氏仲恭別業

飄飄天地一癡儒
問柳尋花未要扶
老去生涯三徑在
向來意氣一分無
尊前乍喜紅潮頰
鏡裏那知雪滿鬚
睡起北窗成一笑
人間歧路足崎嶇

午芹道中

渺渺江風吹葛衣
愛閒常與世相違
青絲步障柳千樹
碧玉屏風山四圍
入眼江花如慰意
近人沙鳥信忘機
虛名到此成何事
一笑平生始覺非

元日夜與二三子小酌

一尊相對夜如何
却恨歸來白髮多
萬事到今從鹵莽
一年好處莫蹉跎
閒收暮景供清酌
醉挽春風入浩歌
多謝東君不嫌客
也教衰朽得陽和

幽懷用夢菴張丈韻

此懷耿耿付東流
蒲柳形骸不耐秋
老去始知身世幻
病來漸覺鬢絲稠
青蠅點物驅還至
白鳥猜人挽不留
收拾閒愁供晚睡
西風吹夢冷悠悠

百年過眼半羈旅
十日逢人九歎嗟
叔夜不堪常抱病
馮驩何苦久無家
飄零身世風頭絮
澹薄人情春後花
擬把餘生釣江海
為煩嚴子借魚槎

起來乘露看年華
便著芒屨待鹿車
白水明邊鎔落日
碧天盡處散餘霞
決明點檢無多實
甘菊商量有數花

滿酌一杯都不計
人間萬事足安蛇

蘭氏晚節軒

幾年會計屈微官
五斗才堪給酒錢
野鶴風標寒愈峭
巖松節目老方堅
石腸未省隨時轉
鐵面何嘗與世妍
回首風煙三徑晚
典刑當作畫圖傳
都把升沉不置懷
一尊時對好山開
張公雅有江湖志
崔子本非丞貳才
為政從渠嗤拙宦
買田已自賦歸來
高情想像常如在
不逐春風沒草萊

雨後漫成

羈思紛紛不易裁
晚涼扶病獨登台
翩翩幽鳥避人去
殷殷輕雷送雨來
已判此身閒裏老
且將笑口酒邊開
安車待聘非吾事
休作姑山隱逸猜

再和

涼月娟娟玉半裁
曉風吹夢下瑤臺
笛兼鄰杵相和切
秋共羈愁一并來
到處溪山容我懶
違時顏面向誰開
少陵可笑行藏拙
獨倚危樓剛自猜

總管隴西公自趙城以雪途行役見命賦此以

獻

曉鞍催發五更鐘
王事匆匆不易從
雪氣空濛迷馬首
霜威跋扈襲裘茸
誰家村落雞頻唱
到處園林鳥絕蹤
却憶雲山舊
栖地擁衾高卧養吾慵

萬夫長李侯西勤回作詩為賀

帷幄雍容擁萬夫
雄襟英槩漢臧吳
獠兒坐失重巖阻
戰士爭先九折驅
去日旌旗填蜀道
歸時笳鼓競堯都

欽定四庫全書

御選金詩

卷十六

三七

謬為門下登龍客
擬頌勤勞愧腐儒

坐擁貔貅十萬夫
雍容帷幄看投壺
威風栗烈前無敵
膽氣輪囷大滿軀
銅柱直期標百粵
連城潛覺失全吳
江南公事行將畢
願獻扁舟范蠡圖

曹之謙

寄元遺山

詩到夔州老更工
只今人仰少陵翁
自憐弈世通家舊
不得論文一笑同
草綠平原愁落日
雁飛寒水怨秋風

黃金鑪裏相思淚
幾隨憑欄北望中

秋日懷李仁卿

獨倚斜陽百尺樓
故人千里思悠悠
陶唐祠下煙光晚
姑射峰前鴈影秋
尊酒幾人同李白
雲山多處是并州
臨風惆悵無人會
一曲商歌寫暮愁

送王仲通

從事西遊五見春
翩翩書記日爭新
懷鄉不作登樓賦
佐府真為入幕賓
世事忽驚翻手雨
馬蹄又踏化衣塵

欽定四庫全書

御選金詩

卷十六

三八

古來燕趙多豪傑
定有飛書薦鷄人

上巳日感懷

舊游桃李浣丘塵
十六年悲客裏春
浮白可能澆魂魄
踏青聊且慰酸辛
蘭亭修禊人何在
庾信傷心賦又新
芳草喚愁花濺淚
東風回首一沾巾

白菊

數枝的皜照秋清
何物為花乃寧馨
玉骨冰肌誇皎潔
風瑤月珮想娉婷
霜迎葉上迷青女
露下籬邊泣素靈

見說寒英能愈疾擬開三徑著茅亭

紅葉

枝上萎黃慘未乾嚴霜一夕總成丹色烘曉日燕脂暖
影濯秋江蜀錦寒南鴈數聲催晚晚西風幾度見凋殘
橫山樓下梨千樹每憶童年九日看

寄鄉中故人

十年夢繞故山薇世事悠悠與願違華表未成遼鶴語
青冥空羨塞鴻歸雲橫北嶺迷鄉眼塵滿西風浣客衣
為報吾州舊新識短書相慰莫令稀

欽定四庫全書

御選金詩

卷十六

三九

自趙城還府

簡子城邊過盡春却尋歸路並清汾落花亂逐溶溶水
遠樹低連漠漠雲姑射雨晴山似染洞羊風暖草如薰
獨憐疲俗誅求困愁歎聲多不可聞

讀唐詩鼓吹

傑句雄篇萃若林細看一一盡精深才高不似人間語
吟苦定勞天外心白壁連城無少玷朱絃三歎有遺音

不經詩老遺山手誰解披沙揀得金

王嘉

煙霞洞

古洞無門掩碧砂四山空翠鎖煙霞天開玉樹三清府
地湧金蓮七子家闡教客來傳道法遊仙人去換年華
可憐此地今誰管春暖桃夭自發花

譚處端

題洛陽朝元宮

宮門寂寂鎖祥煙古蹟靈蹤尚儼然雲罩連枝烹藥鼎
霞生靈井溉丹泉日魂煉就華胥國月魄收將不夜天
紫詔師真歸去後未知孰繼大羅仙

欽定四庫全書

御選金詩

卷十六

四十

述懷

天機深遠少人知一粒刀圭午上持霧捲古潭秋靜夜
雲收碧嶂月明時蛟龍縱得囚離鼎猛虎擒來鎖坎池
煉就仙丹超造化去奔蓬島擅真師

離峰老人

寄郭菴主

浮生忽忽葉辭柯
百歲光陰已半過
塵外青山空悵望
鬢邊白髮轉添多
歲云暮矣能無感
君不歸兮可奈何
我與沙鷗盟已定
此回休更負煙波

行秀

迎駕

蓮宮特作內宮修
聖境懽迎聖駕遊
雨過水聲琴泛耳
雲開山色錦蒙頭
成湯狩野恢天網
呂尚漁磯浸月鉤

欽定四庫全書

御選金詩

卷十六

四十一

試問風光甚時節
黃金世界菊花秋

御選金詩卷十六


謹案卷十五第十頁前八行芙蓉城暖東風夜楊

柳樓深笑語春刊本深作前據中州集改

第十二頁前七行魚蝦溪近得供盤刊本溪訛春

據中州集改

欽定四庫全書



總校官庶吉士臣侍朝
校對官檢討臣蕭九成
騰錄監生臣劉天蒼

欽定四庫全書薈要

集部
御選金詩卷十七

御選金詩卷十七

欽定四庫全書薈要卷一萬八千四百三
集部

五言長律

高士談

次韻東坡定州立春日詩

柳色看猶未梅花折已堪流年空客恨舊事與誰談落
日窺愁絕東風半醉酣雲深歸曉鴈水暖浴春蠶從事
終無愧空餐色有慙家山方杳杳官府謾覃覃隱几心
猶靜焚香鼻觀參語新憐鵲喜聲鄙惡鴟貪旅迹何時
定歸心不厭南佳辰近燒燭盛事憶傳柑學業虛千卷
生涯寄一菴誰能弔雙影無月不成三

吳激

雞林書事

箕子朝鮮僻蓬丘弱水寬儒風通百粵舊史記三韓邑
聚居巢慣夷裝被髮安猶存古邊豆兼用漢衣冠兔穎
家工縛鮭腥俗嗜餐騎兵腰玉具府衛挾金丸長袖鷲

詳校官原任主事
李斯咏



欽定四庫全書

御選金詩

卷十七

窺肉都場狄掛竿琴中蔡氏弄指下祝家彈主禮分庭
抗賓筵百拜難漬橙杭釀旨滋桂鹿脩乾潑墨松如節
墮牆石似丹地偏先日出天迫衆山攢鵬翼風帆遠羊
腸石磴盤由來異文軌休訝變暄寒事可資談柄誰能
記筆端聊將詩貌取歸作畫圖看

劉著

次韻彥高即事

福威看九落筆削在麟經中道亡三鑑危時憶九齡網

欽定四庫全書

御選金詩

卷十七

二

羅無處避鞀鼓不堪聽身遠遼陽渡心懷峴首亭脫巾
頭半白傾蓋眼誰青斷鴈西風急潸然涕泗零

王璠

謁狄武襄公祠

傑古西河秀英雄挺偉姿奮身甘衛國弭節願匡時妙
略風雲會威名草木知功高懾南服計重破西陲定亂
勞三箭平戎在一麾勢傾銅柱遠聲振玉關奇頗牧才
何濟孫吳譽並馳朝廷分重寄將相賴兼資豹略多全

勝鷹揚屢捷師雍容敦禮樂談笑屈蠻夷褒錫酬車服
勳勞著鼎彝雲臺儼冠劍麟閣繪形儀錦里家仍在蘭
陵塚不隳風號墳上木苔漬廟前碑過客煩詩句行人
奉酒卮汾陽遺美蹟千古話芳規

王琢

辛未九月二十一日雪

幾日西郊霧連宵北牖風菊花猶汎酒雪片忽填充草
樹秋容失河關曉氣濛聽初疑落葉仰不辨高鴻爛熳

欽定四庫全書

御選金詩

卷十七

三

三冬意憑凌百圃功披裘赴雞黍埭徑惜籬叢豈料元
英巧來爭白帝雄剪裁渾草草飛舞太怱怱祇作干時
令非關兆歲豐冬雷怪相似春電冷應同安得蛟龍蟄
何由翳靄通日華升赤辟天色湛青銅尚有登臨興寧
無賦詠工煙霞狂嘯傲一發醉顏紅

雨夕感寓

漠漠初燈後森森細點飄繁聲入遙夜冷簟恍秋宵起
欲吟相和吁無客可招何曾洗兵馬但覺漏薪堯雷電

初無預炎蒸遂不驕瀉檐鏘未歇欵枕兀無聊澗已山
翰潦堤應水沒橋長林倦今夕孤鳥撼驚條似我纏憂
戚因貧墮寂寥避人猶虺蜴擇宿等鷓鴣共世難曹禰
無才匹管蕭苦心還自笑末俗本多囂未老愁推鬢長
飢帶臄腰沐寒少陵被飲陋子淵瓢射策初游漢潛山
敢傲堯鹽車竟垂耳風鷁忌干霄一室元空埽千鍾豈
易要芳蘭逼憔悴尺鷃失道遙字對諸生識詩煩衆手
瑊搜求勞腎胃戛擊謝咸韶舊弄新絃掩窮途拙目搖

欽定四庫全書

御選金詩

卷十七

四

爭為壯夫篆只使古風澆血指甘時巧色羞愴道消優
游能卒歲三四儘論朝故幔幽霖透長檠暗燼挑不辭
牆出菌僮見穀抽苗饜飫貪夫腹翻騰樂歲謠晴樓交
燕雀涼樹沸蟬蛭坐快虹蜺出憂無洋梗漂浩歌彌激
烈興在海門潮

蕭貢

臨泉道中

半世事行役茲游初未經峽門迷白晝嶺脊上青冥澗

曲莓苔滑松盤霧雨溟登危人跼踏涉險馬矜竝落日
留行客投鞭得驛亭短牆明積雪破屋漏疎星羌笛誰
三弄羈懷強一聽葭蘆知不遠河外數峰青

趙秉文

柏人光武廟

真人開有漢帝業肇蕪蕪灑落君臣契艱危廟社圖山
川扶鄗邑日月拱東都社稷千秋里風雲四達衢北風
吹雨雪西日照桑榆舊物餘翁仲荒祠老祝巫功臣遺
像在時有鼠銜鬚

欽定四庫全書

御選金詩

卷十七

五

謁北嶽

四大神儀一羣山太茂尊奠方荒奠宅視禮配天孫西
送虞淵暮東瞻碣石瞰寶符臨代郡鐵甕扼并門控趙
襟形壯色燕氣象渾九河探禹跡萬里叫虞魂在昔登
封始前驅羽衛繁千官駢部曲萬騎隘山樊卜地恒陽
曲移祠泰始元晉移祠荒碑刻歲月飛石碣乾坤帝秩
加黃屋宮居象紫垣雲楣朽芝瑞雨砌裂槐根天業恢

弘大山靈翊衛屯巫閭歸帝製長白發金源九廟龍盤
接三邦地勢吞雲煙浮近甸日月遠中原款謁天香重
封題御署存銀鏐諸產富雷雨萬靈奔神聽羞回德天
聰納正言負時身九死去國淚雙痕日近趨天關生還
託聖恩許身徒稷契無術補義軒帝錄長桑洞仙巖張
果邨卜居如可近重整北山轅

胥鼎

送弟恒作州

欽定四庫全書

御選金詩

卷十七

六

男子四方志人生五馬榮君恩何以報民政不宜輕御
物當存恕秉心要盡誠勿矜新號令姑守舊章程歛暴
單貧困因淹狡偽萌慈柔難禁暴苛急必傷生東郡吾
將老西陲敵未平一生能幾別四事果難并方此對牀
樂愴然分袂驚荒詩何足記聊寫弟兄情

高廷玉

柳絮

斷送春歸去紛飛不暫停和風三徑雪微雨一池萍蝶

惹依芳草蜂粘過小庭靜宜投隙地狂欲攪青冥得得
穿朱戶時時撲翠屏黃鶯枝上語似與訴飄零

李純甫

贈高仲常

借問高書記南征又北征從軍元自樂遊子若為情筆
下三千牘胷中百萬兵傷弓良小怯彈鋏竟何成慘淡
風塵際悲涼鼓角聲別家四十日並塞兩三程斗絕牛
皮嶺荒寒燕賜城吟邊白鳥沒醉裏暮雲橫感慙悲王
粲顛狂笑禰衡虎賁多將種底用兩書生

欽定四庫全書

御選金詩

卷十七

七

閻長言

婆速道中書事

此地先經戰人生苦未聊泉源疏地脉田壠上山腰敗
石平危徑枯柴補短橋曉煙明遠爨暮雪暗歸樵履滑
心頻悸梯危骨欲消解鞍空倒卧無夢託通宵

周馳

著詩

章廟御題
限紅字韻

夫束形何短籌分色盡紅駢頭斯効力失偶竟何功比
數槩孟側經營指掌中蒸豚挑項鬻湯餅拌油蔥正使
遭讒口何嘗廢直躬上前如許借猶足沃淵衷

張潛

寄人宰縣

縣務無難易人情自異同割雞良暫屈製錦要專工積
弊姦賊後遺黎喘汗中不存憂世志底用讀書功嫉惡
看平日知君有古風莫教循吏傳獨載魯山翁

欽定四庫全書

御選金詩

卷十七

元好問

懷益之兄

世故伊川歎鄉情越客音天宜他日定陸已向來沈冉
冉愁看老源源事益侵誰言易排遣自分不勝任鞭影
驚疲馬鍾聲急暮禽跼中無曠迹喧外有幽尋夢失名
家筆書存遺子金山田和石瘦茅屋過雲深春雨蔬成
圃秋霜柿滿林樹陰涼拂席花氣澹盈襟宿鷺窺晨汲
孤猿伴暝吟溪僧時問字野客或知琴抱璞休奇售臨

觴得緩斟阿兄團聚日曾語百年心

汴禪師自斲普照石為硯以詩見餉為和二首

寺廢瓦不毀硯奇功亦多已知良斲少更奈苦心何挺
挺剛無敵津津潤可呵羽陽陵谷變水井字書訛贈比

黃金璞辭慙紫石歌遙知玉音在洗耳俟研磨

長吉有紫石硯

歌

點化鉛仍見堅凝鐵易穿何年埋朽壤此日睹青天古
色秋煙重哀音夜雨懸有刀堪切玉是鏡不名甄佛廕

欽定四庫全書

御選金詩

卷十七

九

淪空劫書林結夜緣禪河一勺水更擬就師傳

癸巳除夕

鼎定周元重薪安漢已然不隨南渡馬虛泛北歸船身
並枯蝸化心爭脫兔先塵埃嗟落泊光景強留連往事
青燈裏浮生白髮前更殘鐘未動猶屬出京年

病中

病因食豬動氣而作癸卯四月二十一日晨起書

戰勝頗自恃寧知從外腴文章工作崇時運迫推枯止
酒嗟何及燒豬本不圖膏粱無急變山澤有真臞詩信

藤條戲方遭鐵彈誣鹽去聲紅忘後顧鰲黑見前驅眩入

投牀卧晨淹伏枕呼萬錢惟嘔泄一鬢爾乘除靜伏心

仍悖深調息亦麤跼嫌囚宇宙渴憶卷江湖風柳留蟬

蛻霜松映鶴孤養和懲往失几名養和事見天隨子詩扶老念時須

杯杓歸神誓垣牆任佛踰回蹊且垂翅望或在桑榆

麻革

上雲內帥賈君

北極長虹掣西垣太白高千年知運圮四海共兵塵霧

黑龍蛇鬪山昏虎豹嗥石傷填海羽波動負山鼇遺介

潛寒渚驚鼉走夜牢江山留慘黯天地入焄蒿衆折思

枝柱初寒俟繭繚明良逢慶會鄉曲得名豪梁棟因人

出餘腥為世操安流欣鼓枻奔浪獨能篙日出戈揮景

江翻弩射濤風聲連瀕洞裁鑿悉織毫桃李勤封植茅

菅日薙薶獵場游麋鹿魚渚動鱖魴井邑生春色禾麻

飫土膏民歌烏遠屋士喜馬騰槽朔塞間刁斗天山擁

節旄岱嵩何落落江漢自滔滔天寶珠仍壁長城雉與

欽定四庫全書 御選金詩 卷十七 十一

壕崇牙分榮戟大壤屬鞞縶日月依龍德風雲挾豹韜

夾山羣戰騎黑水泳輕舸落日觀魚浦秋風射雉臯化

行家置塾役簡里停暮歌奏投壺室文間治獄曹西菴

談性理東閣會奇髦森爽開璜琥縱橫列鴈羔禮容新

泮宇物性遂莊濠牧唱聞朝起樵音聽暮號孤嬰收坎

阱流滯起蓬蒿屢下陳蕃榻誰空北海醪卻軍敦禮樂

曹館富風騷客望龍門聚雛從鳳穴翺世知三窟隘人

可二天逃雨露承恩命山河襲世勞功名高衛霍輔弼

慕伊咎鞍馬憐髀肉簪纓視鬢毛雅申張仲德頌入魯

侯昭有客傷淪落無階寫鬱陶太行雲幕幕代北雨溘

溘去國心將折懷人首獨搔身如伏櫪驥情似失林猱

涸轍將安往窮途况所遭幸今逢匠石直欲啖醪糟忖

已誠無有登門亦已叨沐薰良備至感激欲號咷已客

馮驩舍猶傷范叔袍鏹須開匣劍割欲試鉛刀把梓容

山木包羞薦沼芼每思休困頓佳蔭有蘭皋

七言長律

欽定四庫全書 御選金詩 卷十七 十一

鄭輝

潞公軒即席繼和劉巨濟秀才韻

萬壑奔騰匯一灣構堂其上稱吟觀欲同鄴令投巫近
肯作陶軒容膝安心靜自當憑几氣清不必飾雕欄
徒誇海上蓬瀛遠始覺壺中天地寬山勢東南插雲碧

人家高下似星攢擬追潞國優哉樂此中父老言潞公

殊不以簿書介意盍念清河作署難縣署皆張仲溫所修繁暑遠人如酷

吏清涼生腋勝仙丹沿流花圃真堪賞解愠絲絃誰復

欽定四庫全書

御選金詩

卷十七

十三

彈窗轉雄風來坐上雨踈雌霓挂林端休思酒社凋零

半余與前令尹王公美屢會於此今則無復舊日矣且作詩人冷淡歡我輩三

年窮勝趣此中五月亦輕寒民安訟隙無餘事醉卧真

須向夜闌

五言絕句

蔡松年

庚戌九日還自上都飲酒於西巖以野水竹間

清秋巖酒中綠為韻十首

雞羣媚稻梁老鶴日踈野人言隨其流故有不同者

骨相乃封侯銅腥能使鬼文章亦可憐不直一杯水

在昔安九鼎功名照帛竹貞觀用元成一士天下足

憂國在肉食斂玉莪清班吾曹漫浪人合眼松雲間

閒居度重九昔賢愛嘉名霜菊有正色糟牀逢聖清

平生一丘壑晚隨法家流一點無俗物今年真好秋

謝公既經世永懷東西巖翠袖亂清光輕雲點風鬢

我得秋風暇鱸魚一杯酒佳人發浩歌此樂當不朽

欽定四庫全書

御選金詩

卷十七

十三

去年哦新詩小山黃菊中年年說秋思遠目驚高鴻

躡哉生處樂陵谷異風俗南枝吾永安笑撫西巖綠

虞仲文

雪花四歲作

瓊英與玉蘂片片落前池問著花來處東君也不知

張斛

夜雨南山

雨夜宿山齋夜深雨聲息石室含餘清風枝墮殘滴

還家

雲林無俗姿相對可終老如何塵中人不見青山好

姚孝錫

芍藥

綠萼披風瘦紅苞浥露肥只愁春夢斷化作彩雲飛

芭蕉

鳳翅搖寒碧虛庭暑不侵何因有恨事常抱未舒心

蜀葵

欽定四庫全書

御選金詩

卷十七

十四

傾心知向日布葉解承陰空側黃金盞誰人與對斟

劉汲

留別四弟

對林喜清夜尊酒話平生自是今宵雨於人却有情

酒中作

樹暗春將老酒闌人欲歸徘徊風月夜花絮一簾飛

任詢

憶郎山

萬壑溪流合千峰木葉黃郎山五千丈獨立見蒼蒼

高有鄰

驪山

不見朝元閣難尋羯鼓樓繁華隨世去惟有渭川流

王庭筠

絕句

竹影和詩瘦梅花入夢香可憐今夜月不肯下西廂

孫氏午溝橋亭

欽定四庫全書

御選金詩

卷十七

十五

閒來橋北行偶過橋南去寂莫獨歸時沙鷗晚無數

憶澗川

極目江湖雨連陰甲子秋青燈十年夢白髮一扁舟

法華臺

塊北有同色雪深雲未開終南晴夜月彷彿似登臺

道材

樓閣明丹堊松杉振老髯僧迎方擁帚茶細旋探簷

題馬光塵畫

珠壁佳城下丹青敗葉間殘年兩行淚絕筆數重山

趙風

聚遠堂

獨上平臺上風雲萬里來青山一尊酒落日未能回

劉昂

山堂

山雨溪邊過山堂夜獨吟悠悠松上月照見壁間琴

周昂

欽定四庫全書

御選金詩

卷十七

十六

北行即事

聞道崑崙北風塵避僕窪至今悲漢節不合渡流沙

五月分衣節三軍受甲時莫教麟閣將頻發羽林兒

高汝礪

雨後

時雨雨三日田家家萬金有年天子慶憂國老臣心

趙秉文

和韋蘇州西塞山

龍門

雙闕聳岩堯神斧忽中斷一水從中來千龕道傍滿

和韋蘇州秋齋獨宿

冷暈侵殘燭雨聲在深竹驚鳥時一鳴寒枝不成宿

和韋蘇州西樓

十去龍沙鴈年年久不歸煙塵猶未息莫近塞雲飛

河上

築堰分泉脉開溝斷荻芽風期占月暈水信識桃花

早愛瀕河麥晴憐喚雨鳩春隨挑菜侶月趁捕魚舟

欽定四庫全書

御選金詩

卷十七

十七

連雪潮退

夕陽明島寺海氣入邊城潮落青魚出泥深白鳥行

郎山雜詠

天城

造化搏清氣秀出天城山青松伴僧老白雲如我閒

馬耳峰

房駟落人間入石露雙碧月明聞夜嘶驚落山頭石

摩雲峰

青山本無情白雲自來往身在浮雲中仰看浮雲上

鬱秀峰

道人西澗來衣上南山雨心知石堂煙晴峰正堪數

泓雲泉

藹藹春雲滋巖溜滴泉乳獨留一泓碧去作人間雨

上龍門

南北兩石門上下一靈鷲仰看蓮峰立忽見天門透

下龍門

亂峰排鳥道一水會龍門禹力不到處猶知滄海尊

奉命奏告山陵四首

祇命歎園陵傲衰事行役黃葉宿幾程青山館三日

西山積翠氣空外摩青天飛筇不到處獨鳥衝寒煙

山前紅樹合山頂白雲封山中有蘭若日暮聞疎鐘

山月出未高林深鳥猶夢霜落人未知寒添覺聲重

遊崆峒四絕

青龍洞

青龍不可見雲自洞中出為雨濟人間歸時杳無跡

仙人橋

絕澗初無路通仙忽有橋偶攜青竹杖平步到雲霄

翠屏山

山作屏風樣其如空翠何不遮秋塞盡空障夕陽多

參雲亭

鳥語山更靜松聲風自寒不嫌雲氣濕來此凭欄干

張穀

與李屏山飲燕市

日日飲燕市人人識張翥西山晚來好飲酒不下驢

李適

江邨

陸地無根客江邨有髮僧兩盃殘喘粥一寸苦吟燈

張檝

永寧劉氏園亭

菊老芙蓉衰梨柿葉爭絳叩門人不應一犬吠深巷

梁仲新

江天暮雪圖

南雪不到地霏霏滿竹樓沙河燈市裏春在木棉裘

張建

山中

林櫻墮紅珠打著琴上絃山人時一笑愛此聲琅然

雜詩二首

瓦竝擔山泉石鼎煮巖菊燎以松桂枝清芬滿茅屋

欽定四庫全書

御選金詩

卷十七

二十

踏雪尋梅花雪梅同一色不是暗香來梅花尋不得

董文甫

絕句

白髮三千丈紅塵六十年只今無見在虛費草屨錢

元德明

尊酒

土灰論遠計木石笑浮生但有一尊酒何須千載名

憶山中二絕句

東寺留連飲張園爛熳遊兒童望歸路一日幾登樓

秋色山中好山翁醉不迴不知籬下菊霜後幾叢開

山中雨後

遶屋湍聲轉臨崖老樹推雷轟一雨去雲劈兩山開

歲暮

簌簌霜力勁沈沈山氣冥北風半夜起吹動一天星

白君舉

題靖節圖

欽定四庫全書

御選金詩

卷十七

二十一

咄哉靈運輩危坐衣冠辱何如五柳家春雨東臯綠

李經

鴈奴

鴈奴失寒更拍拍叫秋水天長夢已盡秋思紛難理

雜詩

長河老秋凍馬怯冰未牢河山吟鞭底日暮風更號

晨井凍不爨誰療壯士飢天殿玉山禾不救我馬殫

雷淵

題黃華江臯煙樹

疎柳靜茅亭亭下長江路不見亭中人蕭蕭煙景暮

梅澤

望終南山

明月一尊酒清風萬卷書南山山下路終欲卜鄰居

雷發

詠松菴

菴中偃卧龍閱世鬚髯古天人共護持半夜起風雨

欽定四庫全書

御選金詩

卷十七

三

劉昂霄

同敬之裕之游水谷分韻賦詩得荷風送香氣
五字

招提有勝踐日暮一經過何物媚遊人微風動池荷
尋幽意自愜况與佳人同俗物不到眼談笑來天風
敲門看脩竹重理舊年夢上山復下山清風管迎送
寒泉漱雲根湛然涵鏡光誰知一滴味中有曹溪香
迂辛與臞元得句猶有味顏垣斂暝色深竹貯秋氣

色 暝

敬之句秋氣
裕之句也

王利賓

題扇頭

輕紗畫竹雀柄短不盈握暑氣正憑陵清風一何邈

烏林噶爽

鄴硯

上有丹錫花秋河碎星斗磨研清且厲玉瑟鳴風帚

王賓

欽定四庫全書

御選金詩

卷十七

三

舟中

河伯夸秋漲舟人健晚涼櫓聲搖落月山氣鬱蒼蒼

李俊民

一字題示商君祥 并序 錄二十八首

余年三十有九遭甲戌之變乙亥秋七月南邁時
姪謙甫主河南福昌簿迎至西山僑居廳事之東
齋小學師商君祥投詩索和頃刻間投詩數十紙
謙甫曰一鼓作氣未可敵姑堅壘以待姪婿郭鴻

漸曰可以單師挫其銳乃出百字題請賦以酬之
遂信筆而書殊無意義付其徒孫男樂山示之三
日不報謙甫笑曰五言長城不復敢攻也君祥於
是攜酒來乞盟大會所友極歡而罷

雲

早魃將為虐從龍便出山人間三尺雨命駕早知還

雨

晚有來蘇意憂深望歲人一犁雖美滿猶恨不當春

欽定四庫全書

御選金詩

卷十七

三十四

雪

細看花是雨將見麥宜秋度臘無三白梁園誰與游

山

功名雙鬢雪心事數重山山下人家好終朝爽氣間

塵

不憂懸榻室可奈汙人風踏破青鞵底猶疑是輓紅

春

來莫愁春遲去莫怨春忙春不隨人老誰教汝斷腸

菊

色笑秋光淡香嫌酒力慳東籬在何處客裏見南山

梅

未報江南信先開雪裏邨要看花上月立馬待黃昏

松

鬱鬱愁無地青青獨有心疑從大夫後傾蓋到如今

蜂

弄晴沾落絮帶雨護園花有課常輸蜜無春不到衙

欽定四庫全書

御選金詩

卷十七

三十五

僧

貌與松俱瘦心將絮共沾一菴空寂地香火讀楞嚴

漁

一聲歌欸乃萬頃國煙波鼇蟹中間醉蓑衣拜浪婆

樵

雲外山將遍人間日易斜不知棊換世柯爛未還家

書

入室五千卷挿架三萬軸何似曬書人坦此便便腹

硯

端溪溫潤石價重百車渠一滴元潭水蠅頭萬卷書

琴

陰壑鳴松籟空巖響石泉此聲並此意誰得寄徽絃

香

小炷博山鼎半殘心字灰游蜂何處客應為百花來

隱

孔負二宜去嵇知七不堪青山休老地佳處是終南

壽

灰如戀闕心雪似窮經首問年今幾何看飲屠酥酒

行

水笑杯猶渡山驚錫尚飛垂垂瓶鉢老何處未來歸

住

俗尚家靈運誰堪社遠公空山雲不出愁殺渡溪風

飲

竹葉杯中綠金釵坐上春淺斟低唱境猶道是麤人

欽定四庫全書

御選金詩

卷十七

二十六

舞

野鶴聞琴態孤鸞覽鏡妍為君小垂手無地可回旋

嘯

成瑨風生坐孫登月滿臺東臯今寂莫元亮早歸來

別

更盡一杯酒出門行路難送君過南浦忍淚凭闌干

愁

解使回腸斷能催兩鬢秋天涯未歸客容易上眉頭

炊

旅食寄天涯愁如桂玉何莫忘生處樂聽取戾戾歌

砧

對影無情石關心寄遠衣天涯鎮長客鴈後不懷歸

避亂

雪巖依日煖霜樹弄風悲山似王維畫人如杜甫詩

十六日夜戲書

貪作梅花夢都忘柳絮禪可憐人與月不似夜來圓

欽定四庫全書

御選金詩

卷十七

二十七

九日荅朱壽之

與客登高處節物傷遲暮不見白衣來三復秋風句

蝶

轉首一場夢驚心三月春揚揚枝上蝶不見惜花人

元好問

洛陽高少府灑陽後菴五首

溪上弄明月風露發新警心空無一塵萬竹掃清影

一水隨人意蔬畦復芋溝風波河洛近莫放出山流

欽定四庫全書

御選金詩

卷十七

二十九

韭早春先綠菘肥秋未黃殷勤繞畦水終日為君忙

地僻境逾靜林疎秋已分清溪一片月脩竹四山雲

方外人長樂山中物自幽百年梅福隱萬古謫仙游

南樓月夕望鳳山有懷武鍊師子和

相望不相見山中君得知南樓今夜月也到洗參池

山中晚春

雲光金碧聚林煙綠翠新山花發較晚今年兩見春

山居雜詩六首

瘦竹藤斜挂叢花草亂生林高風有態苔滑水無聲

石潤雲先動橋平水漸過野陰添晚重山意向秋多

樹合秋聲滿邨荒暮景閒虹收仍白雨雲動忽青山

川迴楓林散山深竹港幽疏煙沈去鳥落日送歸牛

漲落沙痕出堤推岸口斜斷橋堆聚沫高樹閣浮槎

鷺影兼秋靜蟬聲帶晚涼陂長留積水川闊盡斜陽

得緯文兄書

鵲語喜復喜山城誰與娛青燈一杯酒千里故人書

欽定四庫全書

御選金詩

卷十七

二十九

乙巳九月二十八日作

關山小雪後絮帽北風前殘月如新月今年老去年

梁父吟扇頭

孔明箕踞坐大石上望月作梁父吟

盤礴萬古心塊石入危坐青天一明月孤唱與誰和

辛亥寒食

寒食年年好今年迴不同秋千與花影并在月明中

陳賡

蒲中八詠為師高卿賦 錄六首

蒲津晚渡

雲濤注壺口水府播九壘公子莫爭舟蛟龍方翫

虞坂曉行

伯樂沈九源泥塗困騏驥千古長坂空無人知此意

首陽晴雪

天風吹瓊瑤白冒首陽頂欲和採薇歌千山凍雲冷

東林夜雨

林壑冷含秋風雨黯如海何如贊公房清燈淡相對

欽定四庫全書

御選金詩

卷十七

三十

西巖疊嶽

梵刹盤空曲煙霞錦繡文山靈儻招隱徑入萬重雲

王官飛湍

懸流落雲巖遙空挂飛練何時輟清冷一類紅塵面

段克已

九日山園小宴取五柳公采菊東籬下為韻賦

詩侑觴

世無李元禮誰容孔北海長歌歸去來籬菊無人采

古來賢哲人餓死填空谷清杯幸不空且醉籬邊菊

風雨山城暮黃華自滿叢幽懷若為寫正要玉西東

愛酒陶元亮持杯對菊枝醉時推客去猶復有藩籬

飢餐秋菊英采采不盈把日落四山昏獨坐衡門下

王嘉

清涼

清涼何所似不與苦寒同半夜臨潭月初秋過雨風

張秦娥

欽定四庫全書

御選金詩

卷十七

三十一

南城

坡頭望西山秋意已如許雲影渡江來霏霏半空雨

麗澤

長吟伐木詩佇立以望子日暮飛鳥歸門前長春水

采菱舟

散策下松亭水清魚可數却上采菱舟乘風過南浦

遠山

秋水一林碧殘霞幾點紅水窮霞盡處隱隱兩三峰

欽定四庫全書蒼齋要卷一萬八千四百四集部

御選金詩卷十八

七言絕句一

蔡松年

步尋野卉

風煙草木照人明
神藥奇花問識名
聞道東州有仙窟
欲尋根撥學長生

癸丑歲秋郊

欽定四庫全書

御選金詩

卷十八

一

漫漫黃雲水清淺
碧花無處亂鳴蜚
此生愈覺田園樂
夢裏曉山三四峰

入關宿昌平

黃塵却送入關山
自斲何如二頃田
記得鳴蜚碧花句
蹉跎秋思又三年

秋日

風螢開闔度松陰
松下飄然倦客心
幾點清光照涼夜
何時遠寺得幽尋

御選金詩卷十七

欽定四庫全書

御選金詩

卷十七

三十一

高麗館中二首

蛤蜊風味解朝醒
松頂雲凝雨不晴
悄悄重簾斷人語
碧壺春筍更同傾

晚風高樹一襟清
人與縹緲相照明
謝女微吟有深致
海山星月總關情

西京道中

來時綠水稻如鍼
歸日青梢沒鶴深
莫忘共山買田約
藕花相間柳陰陰

銀州道中

小渡霜螯賤於土
重巖野菊大如錢
此時最憶涪翁語
無酒令人意缺然

高昌館道中

雨餘巖石古苔青
松裏珠璣萬葉明
渺渺綠畦看鷺立
深深清樾有蟬鳴

黃海棠

輕如紅豆排冰雪
一拂新鶯色更奇
不覺濃陰破明玉

有情誰解賞離披

梅花

的皜橫枝愛老崔
一尊長對畫圖開
此生端有梅花分
閒送春風入手來

吳激

山中見桃花李花

錦里春風徧海棠
別時無計奈紅芳
山中桃李渾疑晚
猶有殘花斷客腸

宿湖城薄廳

日遲風暖燕飛飛
古柳高槐面翠微
卷上疎簾無一事
滿池春水照薔薇

偶成二首

一番瘦筍羽林槍
松架陰陰盡日涼
繞屋雲煙無定態
連山草木有真香

蟹湯兔盞鬪旗槍
風雨山中枕簟涼
學道窮年何所得
只工掃地與焚香

秋興

後園雜樹入雲高萬里長風夜怒號憶向錢塘江上寺
松窗竹閣瞰秋濤

張戡北騎

張生鞍馬客幽都却笑靈光筆法麤祇今白首風沙裏
憶向江南見畫圖

題宗之家初序瀟湘圖

江南春水碧於酒客子往來船是家忽見畫圖疑是夢
而今鞍馬老風沙

王樞

三河道中

十載歸來對故山山光依舊白雲閒不須更讀元通偈
始信人間是夢間

邢具瞻

出塞

樓外青山半夕陽寒鴉翻墨點林霜平沙細草三千里

一笛西風人斷腸

王繪

江天秋晚圖

萬頃波間踏浪兒瀟湘秋晚趁歸時四山紅葉風聲健
散入農家款乃詞

宇文虛中

燈碑五首

清陰靄靄匝城闔萬井熙熙桃李春紫陌傳呼旌旆出
重臣新佩玉騏驎

鈿軸天章拜異恩駉驪花騎映朝暎手持禁鑰千門肅

官壓東宮二品尊

壘原清照白登山彌隴連天麥浪寒劔戟漸銷農器出
人家只識勸農官

九夏南風入舜琴恩風澤雨浹飛沈陪京最是儀型地

先識君王解愠心

枹鼓無聲訟獄空懽謔擊壤萬家同時人共解班春意

兵寢刑清第一功

館中書事

雨來蒸鬱似江鄉
雨過西風特地涼
尚有庭花共客恨
可無尊酒慰幽芳

春日

北洹春事休嗟晚
三月尚寒花信風
遙憶東吳此時節
滿江鴨綠弄殘紅

醉經齋

傍人但笑腹便便
枕藉詩書正晝眠
不識先生真悟處
未離文字已逃禪

醉墨齋

旋汲清泉起縠紋
定知婁水是前身
箇中自可逃真性
不用淋漓汗葛巾

高士談

棣棠

閒亭隨分占年芳
裊裊青枝淡淡香
流落孤臣那忍看

十分深似御袍黃

雪

簌簌天花落未休
寒梅踈竹共風流
江山一色三千里
酒力消時正倚樓

苦竹

密葉修莖雨後新
肯因憔悴損天真
清如南國紉蘭客
瘦似西山採蕨人

睡起

平生心性樂踈慵
多病追歡興亦空
睡起不知春已老
一簾紅雨杏花風

楊花

來時官柳萬絲黃
去日飛毬滿路傍
我比楊花更飄蕩
楊花只是一春忙

道中

鳴鳩逐婦婦欲去
燕子引雛雛不來
樹底樹頭千點雨
山南山北一聲雷

二月十一日見桃花

鳴鳩天色半陰晴竹屋松窗老寸心閉戶不知春早晚
桃花紅淺柳青深

邊元勳

望瀛臺春望

晴雲如因柳如癡丹杏開殘碧草齊一派望瀛臺下水
暖風遲日浴鳧鷖

七夕

高樓人散酒樽空漫擬新文送五窮獨倚南窗夜沈寂
一鈎涼月下疎桐

邊元鼎

夢斷

繡枕紅衾晚意濃啼鶯大似不相容夢魂苦恨歸來早
不盡瀛州第一峰

花開人散二首

花開人散正消魂花語無情獨閉門看即春光留不住

一聲啼鳩又黃昏

閒花閒草滿芳洲春水無人自在流白日遲遲倦遊子
一聲啼鳥一聲愁

聞笛

雌鷺無鳳怨西風月女愁寒淚灑空牙板急隨聲不斷
滿天敲碎玉玲瓏

閱見一十首

君居淄右妾河陽平白相逢惹斷腸蠟燭已殘歌欲闕
并教離恨繞飛梁

蕭史吹笙鳳女臺月高霜冷鳳笙哀不堪好酒沈沈夜
又遣青鸞獨自來

鳳紙銜封玉鏡臺繡鸞傳記已相猜傾城笑臉千金樣
莫對閒人一例開

歌裏冲冲笑裏嗔深情會處幾何人憑君為向五陵道
冶葉昌條不是春

笑裏低眉引醉波閨風秋月一聲歌明知畫燭無情物

何事樽前淚更多

笑不成歡歌斂眉景陽鐘動酒闌時此情却羨牽牛會
一歲相過可是遲

牛女佳期歲一過都緣迢遞隔銀河可憐馬上香車畔
只隔珠簾更不多

輕蓮素質澹蕭蕭葉密溪深未可招雨暗蘭舟人去後
却容白鷺逞風標

雙鸞夾鏡鳳橫釵捧額黃梅小鴈排為報阿環休調戲

雙成西母總相猜

膩髮堆雲鏡舞鸞五雲仙洞接清歡歸來失却吹簫伴

腸斷崑山昨夜寒

張斛

將渡江

無數飛花委路塵不堪重醉楚城春明朝回首江南岸
煙雨昏昏不見人

武陵春雪

天風吹雪滿千山不見桃花汎碧瀾洞裏仙人貪種玉
豈知人世有春寒

劉豫

雜詩六首

竹塢人家瀕小溪數枝紅杏出疎籬門前山色帶煙重
幽鳥一聲春日遲

風荷柄柄弄清香輕薄沙禽落又翔紅日轉西魚艇散

一川山影暮天涼

古渡停驂日向沈淒涼歸思梗清吟碧山幾點塞天闊

紅葉一林秋意深

倚巖蕭寺寄危崖丈室軒窗面水開雪霽暮寒山月上

數竿脩竹一枝梅

晝色清明著色圖山光凝翠接平湖煙嵐自古人難畫

遠即深深近却無

寒林煙重暝棲鴉遠寺疎鐘送落霞無限嶺雲遮不斷
數聲和月到山家

客館

雪消北嶺安排暖寒入東風阻節春絕塞亂山圍古驛
他時說著也愁人

馬定國

過李湘

數樹高槐散乳鴉時於缺處見黃花涼風不斷如流水
相對胡床坐日斜

雪

紅樓翠瓦不禁寒欲剪梅花去路難淨掃竹亭聊飲酒
恰如明月照金盤

雪霽

高巖旭日吐深顏雪霽樓臺白玉京獨住南塘探春色
枇杷花下竹雞聲

寒食

燕泥半落烏衣巷柳色全添綠綺窓且伴丁香過寒食
弄晴蝴蝶一雙雙

欽定四庫全書

御選金詩

卷十八

十三

楊休烈邨居

籬落牽牛放晚花西風吹葉滿人家閉門久雨青苔滑
時見鴛鴦下白沙

游何氏園

八尺龍蛇薜荔牆瘦松疎竹更蒼涼梅花映水無人見
隔岸飛來片片香

香巖病中

九州四海盡行路萬戶千門非我家金彈不徒驚燕雀

春雷終待起龍蛇

郢州城西

秋江白水浪花麤墟落人歸鳥自呼新月高城三百雉
角聲吹徹小單于

秋日書事

井邊薏苡吐秋珠舍下瓜區雜芋區世道未夷聊小隱
不須辛苦著潛夫

邨居五首

欽定四庫全書

御選金詩

卷十八

十三

溪頭梅是去年花
閒日初長
逕竹斜向晚
孤煙三十里
不知樵唱落誰家

蠶蛹成蛾桑柘稀
海棠花發照窗扉
離騷讀罷無人會
獨立溪南看夕暉

五月南風化蟋蟀
野塘晚筍未成蒲
櫻花落盡紅英細
沙渚鴛鴦半引雛

柿葉經霜菊在溪
天寒落日見雞棲
西家有客筍新酒
紅葉蕭蕭蓋芋畦

欽定四庫全書

御選金詩

卷十八

十四

歲暮行人竟不來
空吟溪樹覓寒梅
何時消盡關山雪
收拾春風入酒杯

祝簡

下第魚臺東寺

病眼逢花亦倦開
流鶯飛去誤相猜
多情却愛僧堂燕
才得春風却再來

雜詩二首

雨後清寒滿袖風
鴈聲南去暮雲濃
秋來杞菊能多少

欲助盤餐自不供

榴花嬌欲鬪羅裙
石竹開成碎纈文
更有戎葵亦堪愛
日烘紅臉酒初醺

虛極齋獨坐

虛齋長缺短燈檠
明月當窗夜氣清
却掩塵編時閉目
胡床獨坐聽秋聲

相國寺鐘

寒雞縮頸未鳴晨
已聽春容入夢頻
未必佛徒知警悟

欽定四庫全書

御選金詩

卷十八

十五

祇能喚起利名人

春日

鶯語相喧浩蕩春
落花細點禁街塵
游絲飛絮狂隨馬

遲日和風欲醉人

夏雨

雷掣雷轟雨覆盆
晚來枕簟頗宜人
小溝一夜水三尺
便有蛙聲喧四鄰

和常祖命二首

著書不得自名家卷裏蠅頭散眼花未用一杯張翰酒
正須七碗玉川茶
操筆文章學古風平生羞與腐儒同相如雖有凌雲賦
不及東方射守宮

檢旱

草樹連雲綠間黃年饑邨落自荒涼晚蟬抱樹聲聲急
野菊迎人細細香

王景微

贈定國

澗下松杉已蔽牛溪中蘋藻可供羞故鄉未有終年計
欲指吳山歸去休

朱之才

宿閑廡

澹煙衰草慵回首晚日殘霞欲斷魂脫帽卸鞍投逆旅
蕭蕭黃葉水邊邨

杜佺

馬嵬道中

垂柳陰陰水拍堤春晴茅屋燕爭泥海棠正好東風惡
狼籍殘紅送馬蹄

劉著

閨情二絕

天邊北斗又回春愁絕龍沙任酒醺萬里巫山歸夢斷
不知何處覓行雲

蕙帳金爐冷篆煙故山春草幾芊芊只今惟有瀟湘月

萬里相隨照不眠

過白溝赴順安

萬折狂瀾肯倒流歸心夢寐在東周平生快意君知否
今日驅車過白溝

題御城寺壁

一徑埋雲草樹荒石麟蒼蘚卧田桑漢家陵闕今何在
洛水嵩山滿夕陽

病中寄楚卿

月滿江樓午夜鐘多情多病一哀翁行雲不道無行雨
只恐相逢是夢中

送客亭

十年羈旅鬢成絲千里淮山信息稀送盡長亭短亭客
且看莊鳥幾時歸

伯堅惠新茶綠橘香味郁然便如一到江湖之
上戲作小詩二首

連溪玉餅號無雙雙井為奴日鑄降忽聽松風翻蟹眼
却疑春雪落寒江

欽定四庫全書

御選金詩

卷十八

十八

黃苞猶帶洞庭霜翠袖傳看綠葉香何待封題三百顆
只今詩思滿江鄉

王競

奉使江左讀同官蕭顯之西湖行記因題其後
雲煙濃淡費臨摹行記看來即畫圖雲夢不妨吞八九
筆頭滴水了西湖

賈泳

題安生僧寺

重來已是五年游憂國相仍欲白頭翻羨亭亭兩奇樹
不知風雨過春秋

姚孝錫

花前獨酌

老將花酒作知音起就花前酒自斟莫便興來先酌酌
却妨真賞費搜吟

移得名花手自栽花知不為老人開興來誰是尊前客
惟有提壺送酒杯

欽定四庫全書

御選金詩

卷十八

十九

題柳溪別墅

雨霽風和不動塵柳邊攜酒賞晴春頻來溪鳥渾相識
渡水穿花不避人

晁會

杜鵑

杜宇啼聲枕上來一聲哀似一聲哀千哀萬怨無今古
喚得行人若箇迴

張大節

同新進士呂子成輩宴集狀元樓

鸚鵡新班宴杏園不妨老鶴也乘軒龍津橋上黃金榜

三見門生是狀元

施宜生

柳

魏王堤暗雨垂垂還似春殘欲別時傳語西風且停待
黛殘黃淺不禁吹

欽定四庫全書

御選金詩

卷十八

二十

無題

唱得新翻穩貼腔阿誰能得肯雙雙天寧寺裏尊前月
分擘清寒入小窗

盆池

盆池潑灑陰芭蕉點水圓荷未出條分得江湖好風景
斷雲飛去晚蕭蕭

平陽書事

春寒宰宰透春衣沿路看花緩轡歸穿過水雲深密處

馬前蝴蝶作團飛

李晏

高麗平州中和館後草亭

藤花滿地香仍在松影拂雲寒不收山鳥似嫌遊客到
一聲啼破小亭幽

白巖山

白巖寺羣山環抱邨落相望亦奇
觀也惜乎無水因作絕句書石

只有山光無水聲我疑神物固巖扃如何鑿得飛泉出
當為山僧叱六丁

欽定四庫全書

御選金詩

卷十八

二十一

山寺尋春春已歸紫梅猶有折殘枝老僧兀坐如枯木
花謝花開總不知

五龍祠禱雨

麥稿禾焦厭火雲引觴潛禱五龍神君能借我青驄馬
傾倒天瓢濟此民

董師中

自臨洮還

臨潭仍是漢家城積石相望十驛程西略河源東並海

此身何地不經行

蔡珪

葵花

北墉開處葉森森政以多花負賞音小智區區能衛足
孤忠耿耿祇傾心

讀史

伯陽名節世人知太史成書未免譏不是道家齊物我
豈容同傳著韓非

欽定四庫全書

御選金詩

卷十八

二十三

閭山

西風絕境撫孤松千里川原四望通但怪林梢看鳥背
不知身到碧雲中

十三山下邨落

閭山盡處十三山溪曲人家畫幅間何日秋風半篙水
小舟容我一蓑閒

暮春

陌上歌聲枕上聽秋千梧影兩亭亭春風三月正花好

曉日一竿初酒醒

即事

竟日開編樂有餘古人妙處不欺予胃中更著五千卷
未到漢家城旦書

燕山道中三首

欵段乘涼未五更徐河十里霧中行前邨煙樹望不見
欲到忽聞雞犬聲

獨輪車重汗如漿蒲結芒屨亦販商我是行人更憐汝

欽定四庫全書

御選金詩

卷十八

二十三

却應達者笑予狂

燕南趙北困風埃投宿雲居眼暫開明日都門選官路
逢人羞道見山來

太白捉月圖

寒江覓得釣魚船月影江心月在天世上不能容此老
畫圖常看水中仙

雪谷早行圖

冰風刮面雪埋屋客子晨征有底忙我欲題詩還自笑

東華待漏滿鞞霜

華亭圖

頭無片瓦足無土不犯清波過一生釣得金鱗便歸去
依然明月大江橫

初至洛中

水北醱醑半欲芳長條十丈更餘長春風得得憐羈客
借與窗櫺六日香

劉汲

高陽道中

杏花開過野桃紅榆柳中間一徑通禽鳥不呼邨塢靜
滿川煙雨淡濛濛

家僮報西巖栽植滋茂喜而成詠

孤雲出岫本無心何用微名挂士林近日故園消息好
西巖花木已成陰

蒲縣下庫邨留題二首

山城無事早休衙閒逐東風看落花行處不教呼喝鬧

恐驚林外野人家

古柳長楸倚翠微水光嵐氣襲人衣清閒歲月無多事
事簡何妨倒載歸

劉瞻

春郊

桑牙粒粒破春青小葉迎風未展成寒食歸寧紅袖女
外家紙上看蠶生

無極道中

銀河淡淡瀉秋光缺月稍稍挂晚涼馬上西風吹夢斷
隔林煙火路蒼茫

所見

傾歌石片插漣漪上有蕭蕭楊柳枝藻荇半浮苔半濕
浣紗人去不多時

王寂

沁水山寺

兩峽山高月半輪五更人起馬嘶頻無端又上長安道

輸與僧窓飽睡人

雷思

食松子

千巖玉立盡長松
半夜珠璣落雪風
休道東遊無所得
歲寒梁棟滿胸中

題王官谷天柱峰

一峰凝碧倚晴空
一水縈紆一徑通
中有幽人從說古
誰知高興與今同

欽定四庫全書

御選金詩

卷十八

二十六

題藏洞

仙人愛茹紫芝香
占得中條最上方
何事紅塵飛不到
幽居常被白雲藏

宋楫

還紫雲寺素扇且題詩其上

吳綾便面小團團
失手拈來亦厚顏
障盡驛塵三十里
却還明月紫雲間

庭槐

庭槐先人手所植
再世清陰方滿臺
慚愧兒孫種桃李
花枝準擬當年開

鄭子聃

即事

一錢不值程衛尉
五斗解醒劉伯倫
讀罷離騷解衣卧
門前花柳自爭春

張萬公

戊戌二月中旬登稷山清榭

欽定四庫全書

御選金詩

卷十八

二十七

問囚推案朝還暮
危坐不知春淺深
今日檐間看風色
一株紅杏暗驚心

趙可

雲興館曉起

雙旌晚泊雲興館
對面高峰絕可人
一夜山雲飛作雪
要誇千樹玉璘珣

江路聞松風

雪裏雲山玉作屏
松風入耳細泠泠
朝來醉著紅亭酒

却被髯龍喚得醒

郝俟

疊翠樓

畫樓西畔石州山
指點雲煙識翠鬟
回首十年真一夢
淡如天水夕陽間

題均福堂三首

憧憧車馬競春遊
不見溪堂五月秋
卧聽雲濤春午枕
夢隨鷗鳥落沙洲

欽定四庫全書

御選金詩

卷十八

三

為魚為鳥知誰是
看水看山俱得意
存亡貴賤聽天公
只有歸家須早計

歸休得計早歸來
林下空言只可咍
莫待山林嫌俗駕
却將鞍馬覓塵埃

魏處士野故莊

郊原冷落霜風後
桑柘蕭條兵火餘
試問當時卿與相
幾家猶有舊田廬

任詢

濟南黃臺三首

滿目江南煙水秋
濟南重到憶南遊
便欲移家漁市側
輕蓑短棹弄扁舟

柴扉水際晝還扃
落日城頭晚更明
深綠淡黃洲渚冷
敗荷無數似臨平

綠柳橋邊簇錦鞍
紅紗影裏照煙鬟
歸來書几高燒燭
渾似江鄉一夢間

巨然山寺

孤撐山作碧螺髻
漫散水成蒼玉鱗
野寺荒涼人不到
水光山影正橫陳

馮子翼

佑德觀試經

琳館清深小雪殘
釀梅天氣不多寒
客窗竟日無人到
只有蕭蕭竹數竿

劉仲尹

寒夜

欽定四庫全書

御選金詩

卷十八

三

漏聲穿竹夜霜清儘著功夫伴短檠睡足梅花半梢月
虛徐老鼻學香生

墨梅一十首 錄六首

生憎施粉與施朱換骨元都亦自殊疎影冷香題不到
夢驚煙雨暗西湖

趙郎愛香人不知羅浮山下有佳期春寒徹骨角聲起
才記參橫月墮時

君王鳳駕九龍池後輦傳呼召雪兒狼藉玉臺銀燭暗

欽定四庫全書

御選金詩

卷十八

三十

丁香小麝印宮眉

鐘鼓沈沈度苑牆玉繩初直殿東廂荀妃早發雞鳴埭
殘月微分燭下粧

衡州何處問花光抹月批風只欠香安得江南腸斷句
為題風雨沆啼粧

古絹誰藏謝女真天寒翠袖一招魂江山嫁盡風流夢
雪滿冰溪月挂邨

自理

日日南軒學蠹魚隱中獨愛隱於書兒癡婦笑謀生拙
不道從來與世疎

窗外梅蕾二首

玉兒秀穉雲幄藏鼻觀已覺餅水香過眼空花均一寓
十分春色屬秋堂

細蕾初看柳麥肥春風得得透窗扉道人方作玉溪夢
石塢竹橋風雪飛

初秋夜涼

欽定四庫全書

御選金詩

卷十八

三十一

小蟲機杼月西廂風雨纔分半枕涼白髮自疎河漢夢
一餅秋水玉簪香

夏日

牀頭書冊聚麻沙病起經旬不煮茶更為炎蒸設方略
細烹山蜜破松花

不出

好詩讀罷倚團蒲唧唧銅餅沸地爐天氣稍寒吾不出
糴輸分坐與狸奴

一室

老來湖海愧陳登只有頭鬚未是僧
坐對黃昏鐘鼓定竹根吹火上吟燈

梅影

五換嚴更三唱雞小樓天淡月平西
風簾不著闌干角瞥見傷春背
面啼

路仲顯

楊秘監釋迦出山像

欽定四庫全書

御選金詩

卷十八

三十二

自從此老出山隅惱亂蒼生底事無
他日若逢楊處士只教畫箇涅槃圖

張汝霖

春溪一首

黯黯春愁底處消小桃無語半含嬌
東風不管前溪水暖綠溶溶拍畫橋

元日能

紅梅

天上瓊兒白玉肌吳粧略約更相宜
認桃辨杏由君眼自有溪風山月知

魏道明

退食

竿頭犢鼻清貧在夢裏槐安舊習空
退食歸來澹無事水邊長嘯看晴虹

史旭

臨真上元夜雪

欽定四庫全書

御選金詩

卷十八

三十三

斜風吹雪滿山城壓屋雲低未肯晴
天女散花春一色燭龍銜照夜三更

早發索駝棚

郎君坐馬臂彫弧手撚一雙金僕姑
畢竟太平何處用只堪粧點早行圖

梨花

少年攜酒日尋花老去花前欲飲茶
今日傳觴似年少一枝香雪上烏紗

張庭玉

即事

烏鳶繞樹山梨熟蝴蝶穿花木
槿開赤脚城中借書去
蒼頭原上負薪來

宗道

寶巖僧舍

寂寂鐘魚柏滿軒午風輕颺煮茶煙
西堂竟日無人到
只許山人借榻眠

欽定四庫全書

御選金詩

卷十八

三十四

鮮于溥

早發

燈前夢斷家千里馬上詩成月一痕
晨粥未烹官路遠
隔林煙火是漁邨

陳君可

梅影

隔窓疑是李夫人江月多情為返魂
不似丹青舊顏色
十分憔悴立黃昏

劉仲傑

登陶山寺

遺跡千年事恐誣幽棲誰信為陶朱
不知古寺東山洞
曾與西施共隱無

趙文昌

歌扇

媚娘巧作貫珠喉畫扇團團半掩羞
唱到春山小顰處
一輪明月為花愁

欽定四庫全書

御選金詩

卷十八

三十五

御選金詩卷十八

謹案卷十七第三頁前八行草樹秋容失刊本失

訛失據中州集改

卷十八第二頁前五五行海山星月總關情刊本星

作新據中州集改

第五頁後二行手持禁鑰千門肅刊本鑰訛約據

中州集改

第七頁前六行清如南國初蘭客刊本客訛色據

中州集改

欽定四庫全書

第十七頁後六行石麟蒼蘚卧田桑刊本麟訛鱗

據中州集改



總校官庶吉士臣侍 朝

校對官檢討臣蕭九成

騰錄監生臣劉天蒼

欽定四庫全書薈要

集部
御選金詩卷十九

欽定四庫全書薈要卷一萬八千四百五

集部

御選金詩卷十九

七言絕句二

孟宗獻

柳塘

摇摇風影上寒塘
靜裏亭臺日月長
不似隋家堤岸上
亂鴉殘照管興亡

蘇門花塢

欽定四庫全書

御選金詩
卷十九

繞舍雲山慰眼新
看花差後洛陽塵
從君小築繁香塢
不負長腰玉粒春

趙攄

早赴北宮

蒼龍雙闕鬱層雲
湖水鱗鱗柳色新
絕似江行看清曉
不知身是趁朝人

高有鄰

絕句

詳校官原任主事_臣李斯咏

事去君王不奈何荒墳三尺馬嵬坡歸來枉為香囊泣
不道銀河淚更多

許安仁

望少室

名山都不見真形萬仞盤盤入杳冥安得雲間騎白鶴
下看三十六峰青

送二道者歸汾州

介休山下兩閒人來訪汾陽舊使君明日却歸塵外去

欽定四庫全書

御選金詩

卷十九

二

一雙白鶴上青雲

少室道中

少室峰頭曉月沈千家城郭淡陰陰五更雞唱殘星滅
馬上看山過少林

遊泰安竹林

蕭寺天教勝處安峰巒騰擲水雲閒客來總說遊山好
不道山僧却厭山

党懷英

立春

水結東溪凍未漪風凌枯木怒猶威不知春力來多少
便有青蠅負暖飛

端午日照道中

幾年客舍逢端午今日東行復海隅三歲已無平老艾
一杯聊作辟愁符

睡覺門外月色如晝霜風過琴然成聲作一絕

老木經霜衆竅空月明深夜響秋風始知天籟非人籟

欽定四庫全書

御選金詩

卷十九

三

吹萬由來果不同

題馬賁畫鷓鴣圖

雙眠雙浴水平溪共看秋光卧兩堤誰信瀟湘有孤鴈
冷沙寒葦不成棲

和元卿郊行

馬駛車驅起路塵傍山陰翳作春溫東風欲放萌芽動
已有疲牛鬣燒痕

駒山道中

三年三到水雲鄉瘦馬凌兢怯路長野雪未乾春未雨
落鷺飛起暗塵黃

吳歌楚語海山間織葦苦菰便自安已作稻塍猶未種
小溝流澀水車乾

海路東南萬壑傾青山孤起壓重城驛亭春半餘寒雪
牆角無人草自生

白莊道中

暖風遲日弄春晴渾似龍眠畫裏行沙路半隨堤尾曲

欽定四庫全書

御選金詩

卷十九

四

幾家桃李鶉鳩鳴

花品

翠裙襞積破黃薇新樣丁香結玉蕤最愛東風木芍藥
淡紅深紫兩相宜

上皇書扇後

便回團圞字點鴉天風吹隋委塵沙燕泥庭草爭工拙
何似當年陌上花

漁村詩話圖

江村清境皆畫本畫裏更傳詩語工漁父自醒還自醉
不知身在畫圖中

曉雲次子端韻

灤溪經雨浪生花曉碧翻光漾曉霞川上風煙無定態
盡供新意與詩家

日照道中

路轉清溪樹蔚然解鞍坐愒午陰圓避人鷗鳥驚飛盡
時有游魚弄柳綿

欽定四庫全書

御選金詩

卷十九

五

李獻可

清水寒食感懷

桃花零落柳成陰人到春深思更深芳草成樓天不盡
異鄉寒食故鄉心

召還過故關山

過關天日正清明誰道山神不世情遠客得歸心緒別
隴瀧間作斷腸聲

趙承元

探春

冰底流泉匹練飛
麴塵著柳不禁吹
杖藜恰到春生處
已有人家插酒旗

劉迎

歸來圖戲作

雲髻春風一尺高
笑攜兒女候歸橈
情知一首閒情賦
合為微官懶折腰

過關渡水圖

欽定四庫全書

御選金詩

卷十九

六

短車無復駕青牛
散策方來對白鷗
煙水從容許君獨
暫須分我一船秋

張萱戲嬰圖

犀顱玉頰寧馨子
霧鬢雲鬟窈窕娘
三十年前大門日
憶觀羣戲碧方牀

河橋

桃李香中八九家
青旗高挂綠楊斜
晚來風色渡頭急
滿地蕭蕭揚白花

孫鐸

癸亥清明日

翛然一室暗塵凝
兀兀端如打坐僧
習氣未除私自笑
短檠還對讀書燈

王庭堅

野菊

鬪雞臺下秋風裏
白白黃黃無數花
日暮城南城北道
半隨榛棘上樵車

欽定四庫全書

御選金詩

卷十九

七

王庭筠

曲水亭

山陰禊事記蘭亭
珠玉琳琅照眼明
曲水至今無好客
一觴還自契幽情

八月十五日過泥河見鴈

家在孤雲落照間
行人已上鴈門關
憑君為報平安信
才是雲中第一山

大安寺試院中寒食

東風日日漲黃沙供佛床頭始見花
寒食清明好時節年年憔悴獨離家

獄中見燕

笑我迂踈觸禍機嗟君底事入園扉
落花吹濕東風雨何處茅簷不可飛

借樂亭

日暮西風吹竹枝天寒杖屨獨來時
門前流水清如鏡照我星星兩鬢絲

欽定四庫全書

御選金詩

卷十九

八

野堂二首

綠李黃梅繞屋疎秋眠不著鳥相呼
雨聲偏向竹間好山色漸從煙際無

雲自知歸鳥自還一堂足了一生閒
門前剝啄定佳客簷外孱顏皆好山

韓陵道中

石頭犖确兩坡間不記秋來幾往還
日暮塞驢鞭不動天教仔細數前山

夏日

西窗近事杳如夢北客窮愁日抵年
花影未斜猫睡外槐枝猶顫鵲飛邊

送子貞兄歸遼陽

青峭江邊立數峰煙梳雨沐為誰容
到門為向山靈道歸意如君一倍濃

微行入麥去斜斜才過深林又幾家
一色生紅三十里際山多少石榴花

欽定四庫全書

御選金詩

卷十九

九

夏日

檀欒倒影硯波清注了黃庭譜鶴銘
且喜過門無襍穢却憐浣屏有寧馨

劉賓客詩寧字平聲呼

河陰道中

梨葉成陰杏子青榴花相映可憐生
林深不見人家住道上唯聞打麥聲

題林慮

帝遣名山護此邦千家瑟瑟嵌西窓
山僧乞與山前地

招客先開三十雙

題黃華四首

挂鏡臺西挂玉龍
半山飛雪舞天風
寒雲直上三千尺
人道高歡避暑宮

道人解后一開顏
為借筇枝策我孱
幽鳥留人還小住
晚風吹破水中山

手拄一條青竹杖
真成日挂百錢遊
夕陽欲下山更好
深林無人不可留

欽定四庫全書

御選金詩

卷十九

十

王母祠東古佛堂
人傳棟宇是隋唐
年深寺廢無人住
滿谷西風粟葉黃

王萬慶

歲寒三友圖

黃華山中夜氣清
月明風定聞吹笙
梅花開向竹松裏
雪香零亂墨光生

王明伯

偶題

釣鰲公子鐵心胸
興在三山碧海東
千尺雲帆已高揭
不知何日得秋風

趙之傑

許道寧羣峰暮雪

道士平生林野人
醉中拈出雪峰真
為君療却煙霞癖
比似青囊藥更神

題濟源龍潭寺

樹圍脩竹竹圍庵
菴下泓然碧一潭
極目荷花半秋色

欽定四庫全書

御選金詩

卷十九

十一

小橫圖上看江南

趙鼎

宿來同堡

渭北洮南過却春
窮邊冰雪更愁人
來同驛裏題詩處
破屋青燈一病身

毛麾

無題

小顰對起石州山
楊柳分青入髻鬟
乍識春風眼如鵲

為誰無語獨凭闌

張行簡

六月二十九日北宮朝回

疎柳衰荷又一時清波飛葉夢靈芝年年踏盡溪邊路
不覺吳霜點鬢絲

酬郭光秀才

疇昔君來事已睽豈知今我又羈棲波臣倘不辭升斗
鵠卵終當遇魯雞

欽定四庫全書

御選金詩

卷十九

十三

題子端雪溪小隱圖

出處皆天豈自由仙標終合冠鰲頭不妨貌取黃華景
時向鈴齋作卧游

張行中

右丞文獻公所畫張果像

古來人物畫為難驚見仙公樹石間莫把丹青名右相
太平勲業在人寰

趙夙

晚宿山寺

松門明月佛前燈菴在孤雲最上層犬吠一聲秋意靜
敲門時有夜歸僧

和茂才韻

十年為客未還家贏得參參兩鬢華別後故人應念我
不來踏雪看梅花

留題西溪三絕

誰開玉鑑瀉天光占斷人間六月涼日落沙禽還未散

欽定四庫全書

御選金詩

卷十九

十三

也知受用藕花香

波光湛碧冷無痕眇眇輕風起縠紋認得朝來疎雨過
却因水底見飛雲

總道西溪畫不如豈知造物用工夫蟾光忽作靈犀透

表裏通明兩玉壺

寓居寫懷

平陸溫風雪半消孤煙籬落隔溪橋趁虛人去林阜靜
時有晚鴉銜隋樵

路鐸

細香軒三首

花氣爐煙總不同
噴香噴翠小窗風
中邊故嗅渾無有
心跡相忘忽暗通

閣雨含風戶牖涼
聞機纔發興何長
無心孤竹那能尔
自是詩人知見香

霜雪青青玉一叢
肯從桃李借薰醲
不知香界何從立
憑仗清風問籀龍

欽定四庫全書

御選金詩

卷十九

十四

華清

聲華小陸自雲間
疇昔聯鑣到此山
痛憶青溪對牀夜
卧聽虛壑瀉潺湲

年來萬事總灰心
但看清泉與茂林
山樂聊須攜往賞
肩輿同入翠微深

夜夢故妻說身後
為護蘭童子住翡翠
菴作詩紀之

翡翠菴前花草香
護蘭童子淡雲妝
宿緣却了三生債

不道未歸人斷腸

劉昂

醉後

禪僧勸讀傳燈錄
道士教行進火功
今日興來俱破戒
黃花籬落醉西風

山中雨

嵩高山下逢秋雨
破繖遮頭過野橋
此景此時誰會得
清如窗下聽芭蕉

欽定四庫全書

御選金詩

卷十九

十五

客亭

折盡官橋楊柳枝
春風依舊綠絲絲
啼鶯為向行人道
離別何時是盡時

贈張秦娥

遠山句好畫難成
柳眼才多總是情
今日衰顏人不識
倚爐空聽煮茶聲

二頃山田半欲蕪
子孫零落一身孤
寒窗昨夜蕭蕭雨
紅日花梢入夢無

即事

雨洗明河畫扇收
胡牀露冷藥闌秋
牆陰未得中庭月
一點螢光草際流

山花山雨相兼落
溪水溪雲一樣閒
野店無人問春事
酒旗風外鳥關關

歌風臺

劉項興亡轉燭過
亂蟬吟破漢山河
長陵卧老咸陽月
沛上猶傳擊筑歌

王官谷二首

潛溪時照塵埃客
微雨不遮天柱峰
斜日落花人去盡
澹煙樓閣數聲鐘

簿書期會敢遷延
暫爾城樓借榻眠
咫尺王官未能去
俗緣妨我愛山緣

周昂

送李天英下第

不須寂莫恨東歸
洗眼三年看一飛
試卷波瀾入毫穎

莫教歐九識劉幾

宋文貞公廟

開元四荒不動塵
柱石中原有老臣
襄土一丘松柏暗
長安三日荔支新

讀陳後山詩

子美神功接混茫
人間無路可升堂
一斑管內時時見
賺得陳郎兩鬢蒼

偶書

幽陰不放終年樹
好味仍餘盡日茶
詩業未降心有種
世緣初盡眼無花

失子

白髮飄蕭老病身
幾因兒女淚沾巾
虛談誤世王夷甫
只有情鍾語最真

西城道中

草路幽香不動塵
細蟬初向葉間聞
溟濛小雨來無際
雲與青山淡不分

醉經齋為虞鄉麻長官賦

詩書讀破自融神不羨雲安麴米春黃卷至今真味在
莫將糟粕待前人

孫資深歲寒堂

世態浮雲日夜移春蘭秋菊各爭時此心鐵石無人會
惟有庭前柏樹知

晚望

煙抹平林水退沙碧山西畔夕陽家無人解得詩中意

欽定四庫全書

御選金詩

卷十九

十九

只有雲邊數點鴉

有感

壯心未分逐流年哀鬢從渠眾目憐却恨詩情消減盡
語言枯淡到中邊

即事二首

不堪華髮半頭生老去偏添愛嫵情新得家書來報喜
舊時龜子遶牀行

一牀安置似僧居白髮忘梳動月餘懶性漸成愁把筆

小詩常擬倩人書

春日即事

凍柳僵榆未改容狐裘貂帽尚宜風欲尋把酒渾無處
春在鳴鳩谷谷中

即事二首

南苑霓旌動繚牆天街蓮燭照脩廊斗南絳氣風吹盡
小雨濛濛濕建章

楊花顛倒入簾櫳睡鴨香殘碧霧空盡日尋詩尋不得

欽定四庫全書

御選金詩

卷十九

十九

鷓鴣聲在夢魂中

代書寄大元伯

南園臘蟻記同傾一紙書來萬里情日夜愁心隨柳色
東風吹滿大梁城

正月大風雨

風如渤海勢凌虛寒破貂裘力尚餘不是化工難倚賴
也知青帝有驅除

靳子温款春亭

曾數花鬢傍藥闌春風不到酒杯寬
自憐白首荒三徑桃李年年擔上看

寒林七賢

苦寒如此欲何之雪帽風裘意自奇
縱有清詩三百首未應肯得党家兒

魯直墨跡

詩健如提十萬兵東坡真欲避時名
須知筆墨渾閒事猶與先生抵死爭

欽定四庫全書

御選金詩

卷十九

二十

讀柳詩

功名翕忽負初心行和騷人澤畔吟
開卷未終還復掩世間無此最悲音

王礪

寓居南村

朝來出門無所適野徑雨晴沙不泥
鼓笛誰家賽春社杖藜隨過柘岡西

雜詩

陰陰綠樹暗庭除散盡鳴禽靜有餘
獨對爐薰坐終日會心惟有漆園書

瓦爐拍子細煙消閒讀禪經破寂寥
風細月高人已靜隔窓疎竹夜蕭蕭

晴日南溪物色饒草芽新綠凍全消
金絲柳底洲沙沒數尺流波拍野橋

南畝東臯春務時田家候雨罷耕犁
却汲井泉澆藥圃更疏陂水灌麻畦

欽定四庫全書

御選金詩

卷十九

二十一

竹繞沙村水漫流鷓鴣鷓鴣對沉浮
一竿便擬從漁父卷置琴書買釣舟

屋頭叢木撼蒼煙風卷飛花到枕邊
南寺有僧來問字打門驚覺午窗眠

漢梁王苑古臺西秋思紛紛獨杖藜
雲壓高城鴈飛盡一聲寒角夕陽低

楊邦基

墨梅

粉蝶如知合斷魂啼粧先自怨黃昏花光筆底春風老
寂寞嶺南煙雨痕

蕭貢

渭南縣齋秋雨

穴牀撐拄小窗前一點青燈照不眠
蒼溜琤琮風浙瀝嫩涼如水夜如年

自感

形骸付與甄陶外禍福難防倚伏前
孔雀若知牛有角

欽定四庫全書

御選金詩

卷十九

三

應須忍渴過寒泉

荒田擬白樂天

荒田幾歲闕人耕欲種糜蕎趁晚晴
急手翦除荆與棘一科才了十科生

楊侯畫晉公臨江賞梅樂天與鳥窠禪師汎舟

談元不顧而去戲為一絕以代晉公招樂天同

飲云

明粧冷蕊兩清新面頰浮光數爵頻
披風前寒鼻液

快來同醉雪中春

真容院

魔宮佛界等空虛此理何曾屬有無
直向臺山始相見可中還有二文殊

讀火山瑩禪師詩卷

長短都歸一夢中身前身後兩無窮
李愷信士今如在定向江湖訪澤公

陳宮詞

欽定四庫全書

御選金詩

卷十九

三

三閣花深白晝迷酒催狎客賦宮詞
管絃散落春風外

一曲金釵兩鬢垂

奇嵐

奇嵐地勢橫三汊河朔城墉挂一箕
紫塞高連寒日短黃榆落盡長年悲

按部道中二首

窟野河津水沒腰管峯官路雪封條
一年樂事能多少強半光陰馬上消

寒城睥睨插山隅
秋半霜風塞草枯
月轉譙樓天未曉
角聲吹徹小單于

日觀峰

半夜東風攪鄧林
三山銀闕杳沉沉
洪波萬里兼天湧
一點金烏出海心

後趙

擬倫人物指高光
可笑梟雛不自量
正使成名皆豎子
英雄也未到君行

李仲畧

嗅梅圖

朧朧霽色冷黃昏
缺月疎籬水外村
人在天涯花在手
一枝香雪寄銷魂

蓮塘陪諸公賦

潦倒何堪接俊遊
神仙空羨李膺舟
官曹只在空湖畔
簿領如山屋打頭

省幕在城外
極卑陋故云

宗端脩

漫書

冷面宜教冷眼看
只慙索米向長安
陰崖何限枯松樹
望見屏幃盡牡丹

趙秉文

春遊三首

無數飛花送小舟
蜻蜓款立釣絲頭
一溪春水闕何事
皺作風前萬疊愁

樹藏脩竹竹藏門
門外清流幾股分行過
小橋人不見

背陰花氣隔牆聞

煙外絲絲風柳斜
春光也自到天涯
太平有象村村酒

寒食無家處處花

暮歸

貪看孤鳥入重雲
不覺青林雨氣昏
行過斷橋沙路黑
忽從電影得前村

清居寺五杉亭觀子野留題

五杉今日只三株
曾是詩人歎息餘
君去我來杉尚在

斷腸君沒見君書

倣嚴武臨邊

少年騎馬耳生風老去羞無汗馬功落日秋風心尚壯
令人回首望雲中

和韋蘇州荅中山道士

行轉清溪又別峰馬蹄終日認樵蹤翠微深處無人住
寺在深山何處鐘

馬邑

天外亂山圍曠野水邊孤塔背層城馬頭才指桑乾路

愁見行人問去程

雞鳴山

煙蒸山腹晴猶濕河帶冰漸暖漸流獨上雞鳴看日出
五雲多處是皇州

盧溝

河分橋柱如瓜蔓路入都門似犬牙落日盧溝溝上柳
送人幾度出京華

欽定四庫全書

御選金詩

卷十九

二十六

北都小雪

邊城小雪試年華煙冷貌貅十萬家探使不來人半醉
將軍羶帳草平沙

雨晴二首

東風時送瓦溝聲欹枕幽窓夢自驚睡起不知雲已散
夕陽偏向柳梢明

一抹平林媚夕暉山煙漠漠燕飛飛倚闌遙認天邊雷
何處行人帶雨歸

欽定四庫全書

御選金詩

卷十九

二十七

和舜元雜詩

瘦馬龍鍾兩鬢華敲門避雨野人家門前籬落猶懸露
十里晚風吹斷霞

三五殘星闕角東澹黃楊柳月明中貪看稚子收殘葉
駐馬天街滿袖風

撫州

蕭寺金風動利竿西城北斗挂闌干一蟲不響夜更靜
片月未高山已寒

燕賜城邊春草生野狐嶺上斷人行沙平草遠望不盡
日暮惟有牛羊聲

北苑寓直

柳外宮牆粉一圍飛塵照面捲斜暉蕭蕭幾點蓮塘雨
曾上詩人下直衣

寓望

蒲根閣閣亂蛙鳴點水楊花半白青隔岸風來聞鼓吹
柳陰深處有園亭

欽定四庫全書

御選金詩

卷十九

二十八

戴花

病來杯酒懶重持強為花殘折一枝人老易悲花易落
東風休近鬢邊吹

玉堂

玉堂陰合冷窗紗雨過銀泥引篆蝸萱草戎葵俱不見
蜂聲滿院採槐花

夏直

玉堂睡起苦思茶別院銅輪碾露芽紅日轉堦簾影薄

一雙蝴蝶上葵花

湧雲樓雨

片雲頭上一聲雷欲到冠山風引迴宵外忽傳林葉響
坐看飛雨入樓來

簾雨風斜不上鉤闌干吹濕怕人愁雷聲驅雨東山去
指下斜陽恰半樓

中秋日郊外遇雨

斜風吹雨水生寒荷蓋傾珠下炎盤驚起鷺鷥眠不得
衝煙飛過蓼花灘

欽定四庫全書

御選金詩

卷十九

二十九

華山

石頭犖确水縱橫過雨山間草屨輕未到上方先滿意
倚天青壁看雲生

濟源四絕

歌管年年樂太平而今鈺鼓替歡聲裴公祠下無窮水
好乞餘波為洗兵

祠前繚繞無窮水竹杪參差不盡山極目水窮山盡處

天壇猶在白雲間

樹映樓臺水映空
溪谷林意兩溶溶
夏山如醉無人畫
遠處微茫近處濃

參參雲木曉相參
寺枕龍蟠十頃潭
一徑通幽竹深處
居人似指侍中菴

雨晴

一春不雨漫塵黃
碧瓦朝來泛霽光
留得紫葳花下露
幾招渴燕下雕梁

蟬

薄薄秋雲兩翼輕
淤泥脫迹更恢聲
可能枵腹涼陰底
受盡人間風露清

即事

樓頭不見暮山重
遙認青林雨意濃
一陣風來忽吹散
斷雲還補兩三峰

金水河

金水河邊駐馬時
熙春閣外夕陽微
舊時同樂園前水

曾照寒鴉幾度歸

晚登太史臺

雲鏤殘陽一綫金
西風吹雨破層陰
歸鴉時有紅翻背
返照依依在遠林

市橋落日與波平
返照前灣別舸明
不覺城頭來暝色
回看天際暮煙生

同樂園二首

春歸空苑不成妍
柳影毵毵水底天
過却清明遊客少

晚風吹動釣魚船

石作垣牆竹映門
水田山複幾桃源
毛飄水面知鵝柵
角出牆頭認鹿園

載梅

滿車飽載梅花共
車聲幽幽不成弄
月落參橫畫角哀
橫眠正作梅花夢

遊崆峒四絕

西鄰烏鼠北朝那
涇水東流入大河
一上參雲亭上望

山川滿目夕陽多

金湯形勝滿秦中戰鼓驚飛北塞鴻為向崆峒山試道
可能高枕聽松風

斷碑零落任苔封想像當時問道宮煙鎖洞天三十六
時人空禮白雲中

萬松聲裏暮濤寒盡在參雲一望間只欠懸流二千尺
天風吹下翠屏山

繫舟山圖

裕之先大夫嘗
居此山之東巖

欽定四庫全書

御選金詩
卷十九

三十二

山頭佛屋五三間山勢相連石嶺關名字不經從我改
便稱元子讀書山

虎牢

兩崖峽束枕洪濤自古英雄爭虎牢蒼天胡為設此險
長使戰骨如山高

史公奕

李鴈門

天下三分二屬梁區區獨木欲支唐錦囊三天傳遺恨

不救朱三著蘋黃

朱瀾

黃筌雀蝶

飢雀喧爭蛺蝶孤錦城宮闕見丘墟老筌妙意誰知解
丹粉圖中有諫書

宮詞

太一芙蓉上下天秋波澹澹白生煙採蓮宮女分花了

笑把蘭篙學刺船

欽定四庫全書

御選金詩
卷十九

三十三

張毅

石淙

天后離宮在崧山曲河即
東坡為韓子華賦詩處也

潁水洗餘高士耳是非猶恐汚人牛區區武媚何為者
水上磨崖紀宴游

張翰

奉使高麗過平州館

昨日龍泉已自竒一峰寒翠壓簷低兼并未似平州館
屋上層巒屋下溪

金郊驛

山館蕭然爾許清二更枕簟覺秋生西窗大好吟詩處
聽了松聲又雨聲

呂子羽

李白醉歸圖

春風醉袖玉山頽落魄長安酒肆迴忙煞中官尋不得
沉香亭北牡丹開

欽定四庫全書

御選金詩

卷十九

三十四

御選金詩卷十九

欽定四庫全書薈要卷一萬八千四百六其部

御選金詩卷二十

七言絕句三

鄺權

聞砧

玉關消息到長安處處砧聲搗夜闌想得月殘哀響斷
一燈清淚剪刀寒

夷門遣懷

欽定四庫全書

御選金詩

卷二十

梁園花木豔精神盡屬東風點綴人雪雁老梅香不起
問君消得幾多春

慈恩塔

慈恩石刻半公卿時遇間人為指名龍虎榜中休著眼
一篇俚賦誤平生

濟源廟海子內有二龜人以將軍目之投餅餌

則至

我欲然犀起蟄雷謾誇海蘸紙錢灰將軍不是池中物

也為區區餅餌來

裴公亭

十里蓮塘際碧山入潭無數竹根泉詩狂欲灑亭間壁
却媿文公與樂天

郊行二首

十里修篁翠拂天青田漠漠水濺濺高林忽斷驚回首
不覺奇峯墮眼前

溪橋納納馬蹄輕竹裏人家犬吠聲行盡灘光溪路黑

欽定四庫全書

御選金詩

卷二十

二

隔林燈火夜深明

景覃

感事

蘭芳切禁當門種李苦何傷並道生自古英雄足猜忌
莫教身外有浮名

段繼昌

梨花

一林輕素媚春光透骨濃薰百和香消得太真吹玉笛

小亭人散月如霜

一溪

一溪流水走青蛇春在江邊漁父家竹外寒梅看欲盡
清香移入小桃花

春早二首

魚兒水汎鴨頭綠野馬塵飛羊角風西崦山家籬落背
杏梢初見一分紅

斷冰銷盡荻芽尖凍壟蘇來白薺添幾片野雲飛不去

欽定四庫全書

御選金詩

卷二十

三

晚風吹作雨纖纖

讀紀信傳

鹿走中原兩虎爭滎陽圍解事堪驚當時拔劍論功者
矢口何人說紀生

靖天民

西子放歌圖

髻鬟蕭颯苧蘿秋千古香溪水自流吳越兵爭竟何得
風流輸與五湖舟

王去非

題左丘明墓

寺雁孤墳墳已催墳前松柏亦凋衰未能遷寺還封樹
每到觀君一淚垂

李適

獅子峯

解脫眼光三界靜端公伎倆一時休雲開正使金毛現
子細看來是石頭

欽定四庫全書

御選金詩

卷二十

四

送窮

昔年曾作送窮詩結柳齋糧擬退之送去還來還復語
君家猶有讀書兒

劉濤

戲用前人語題天平別墅

表聖當年絹五千休休亭下買林泉黃華面目君還見
天柱峯高不直錢

李好復

邵智夫同游南城

園林晴晝蔚如煙林外支流盡水田落日趨墟人已散
鷺鷥飛上渡頭船

楊雲翼

陽春門堤上

薄薄晴雲漏日高雪消土脉潤如膏東風可是多才思
先送輕黃到柳梢

聞韶圖

欽定四庫全書

御選金詩

卷二十

五

千古神交寄至音聞韶想見聖人心容聲便落筌蹄外
後學休從肉味尋

蔡村道中

水連深竹竹連沙村落蕭蕭已暮鴉行盡畫圖三十里
青山影裏見人家

戴嵩畫牛

春草原頭雨濕煙夕陽渡口水吞天披圖坐我風蓑底
一夢長林二十年

雙成寺中登樓

雲意生陰晚不收
西風疎雨一江秋
畫圖忽上闌干角
隱隱平灣轉釣舟

間間公為上清宮道士
寫經并以所養鸞羣付
之諸公有詩某亦同作

會稽筆法老無塵
今代間間是後身
只有愛鸞緣已盡
舉羣還付向來人

劉中

欽定四庫全書

御選金詩

卷二十

六

龍門石佛

鑿破蒼崖已失真
又添行客眼中塵
請君看取他山石
不費工夫總法身

龐鑄

夏日

富國才疎合自羞
清時無補但優游
只知錢向紙中裏
不信能教地上流

花下

香滿西園曉雨微
萬紅千翠自高低
若為常作莊周夢
飛向幽芳闌處棲

未開牡丹

國香半吐醉顏酡
炫耀春工已自多
愛惜不教催羯鼓
更澆卯酒看如何

山行絕句

四面雲山玉作圍
一川霜樹錦為衣
翩翩數騎南岡下
傅粉王孫射鹿歸

欽定四庫全書

御選金詩

卷二十

七

墨竹三首

隔溪烟雨

一溪流水玉涓涓
溪上修篁接暮煙
誰倩能詩文與可
筆端移得小江天

秋風驟雨

瀾川急雨暗秋空
無限琅玕澹墨中
劔甲擬擬軍十萬
欲將貔虎戰斜風

春雷起蟄

千梢萬葉玉玲瓏
枯槁叢邊綠轉濃
待得春雷驚蟄起
此中應有葛陂龍

夷齊墓

絕粒當年恥化周
死於仁義更何求
首陽山下兩丘土
能使當年釣石羞

陳規

過驪山

豐鎬無由問故基
三章止見黍離詩
而今多少華清石

欽定四庫全書

御選金詩

卷二十

八

都與行人刻豔辭

王擴

題神霄宮清心軒

紛紛百慮自心生
方寸清來百慮平
未了此心私自笑
更憂時世欲澄清

趙伯成

蠟梅

凍蕾含香蠟點勻
古來幽谷有佳人
詩家只怨和羹晚

不道紅梅別是春

冷豔疎香寂寞濱
欲持何物向時人
東風自是清狂手
辨作竹籬茅舍春

趙思文

侯相浪溪歲寒堂

靜中臺榭隔紅塵
水色山光日日新
不用沿溪種松竹
主人元是歲寒人

張建

欽定四庫全書

御選金詩

卷二十

九

山村風雨圖

雨昏山店望未見
風緊傘簷張不開
莫訝披圖便成句
為曾行到此中來

王世賞

探梅

候得南枝破玉腮
心顏今日為君開
細看苔徑無行跡
先賞應輸我獨來

稱善齋

宦途馳逐只堪羞何意須封萬戶侯平日少游真可念
絕勝辛苦駐壺頭

李純甫

孫卿子

諸儒談性盡歸情誰信黃河徹底清未到崑崙源上見
且休容易小荀卿

謝安石

阿堅休道不英雄兒輩俄成蓋世功屐齒折時渠自著

欽定四庫全書

御選金詩
卷二十

十一

至今人解笑桓冲

魏徵

健兒搖足據山東李氏家居大半空貞觀力排封建議

魏徵元只是田公

老蘇

宋季人憂大瓠穿敢留金幣不輸邊權書更信蘇家策
剝費青苗幾倍錢

子端山水同裕之賦

遼鶴歸來萬事空人間無地著詩翁只留海岳樓中景
長在經營慘淡中

馬圖同裕之賦

韓筆定襄霍
益之家物

天馬飛來不苦難雲屯萬騎開元間太平有象韓生筆
曾見真龍如此閒

劉宋

六十衰翁血打圍深山赤手搏熊羆子孫只解相魚肉
辛苦知他為阿誰

欽定四庫全書

御選金詩
卷二十

十一

燕子

一別天涯十見春重來白髮一番新心知話盡春愁處
相對依依如故人

閻長言

送麗酒麗橙與秀實御史

驄馬朝回畫閣深遙知春意領梅心麗橙嬌軟麗尊小
聊助風流對淺斟

閻立本職貢圖

諤諤昌周此一書形容藝貢寫成圖寧知右相無深意
莫指丹青便厚誣

盤山招隱圖

畫出中盤望隱歸鳴珂朝馬尚遲遲賦詩未敢輕相誚
却恐吾山也勒移

三門集津圖

津門未為天下險勿作駭相觀茲圖偃月堂中李林甫
有人能寫此心無

欽定四庫全書

御選金詩

卷二十

十三

馮辟

送人出使

陽春有脚蘇疲瘵水鏡無心照潔汙九道澄清天意切
人才一一似君無

習池醉歸圖

襄漢方屯十萬兵習池日往不曾醒紛紛悞晉皆渠輩
何獨王家一寧馨

東坡海南烹茶圖

講筵分賜密雲龍春夢分明覺亦空地惡九鑽黎洞火
天游兩腋玉川風

陰晦中忽見華山

吏部能開衡岳雲坡仙曾借海宮春蓮峯清曉忽自獻
二公何人予何人

草堂春暮橫披

遷客倚樓家萬里五陵飛鞚酒千金草堂澹與春山對
幽鳥一聲春已深

欽定四庫全書

御選金詩

卷二十

十三

王若虛

復寄之純二首

志大言高與世違拂衣真作竹林歸黃塵道口風波惡
未必先生自處非

自笑趨塵亦強顏食謀未免敢言間紫芝果可充飢腹
從子玉屏巖石間

感懷

枉却全家仰此身書生那是治生人百憂耿耿填胸臆

強作歡顏慰老親

自笑

酒得數杯還已足詩過兩韻不能神何須豪逸攀時傑
我自世間隨分人

別家

到了身安是本圖何須身外覓浮虛誰能置我無飢地
却把微官乞與渠

慵夫自號

身世飄然一瞬間更將辛苦送朱顏時人莫笑慵夫拙
差比時人得少閒

題淵明歸去來圖五首

此下皆中年所作

靖節迷途尚爾賒苦將覺悟向人誇此心若識真歸處
豈必田園始是家

孤雲出岫暮鴻飛去住悠然兩不疑我自欲歸歸便了
何須更說世相遺

拋却微官百自由應無一事挂心頭銷憂更藉琴書力

借問先生有底憂

得時草木竟欣榮頗為行休惜此生乘化樂天知浪語
看君於世未忘情

名利醉心濃似酒貪夫衮衮死紅塵折腰不樂翻然去
此老猶為千載人

還家五首

日日他鄉恨不歸歸來老淚更沾衣傷心何啻遼東鶴
不但人非物亦非

荒陂依約認田園松菊存亡不足論我自無心更懷土
不妨猶有未招魂

山杏溪桃化棘榛舞臺歌榭墮灰塵春來底事堪行處
門外流鶯枉喚人

回思夢裏繁華事幸及當年樂此身間立斜陽看兒戲
憐渠虛作太平人

艱危嘗盡鬢成絲轉覺誼誼不可期幾度哀歌仰天問
何如還我未生時

山谷於詩每與東坡相抗門人親黨遂有言文
首東坡論詩右山谷之語今之學者亦多以為
然漫賦四詩為商略之云

絕足由來不可追汗流餘子費奔馳誰言直待南遷後
始是江西不幸時
信手拈來世已驚三江袞袞筆頭傾莫將險語誇勁敵
公自無心與物爭

戲論誰知出至公螭蚌信美恐生風奪胎換骨何多樣

欽定四庫全書

御選金詩

卷二十

十六

都在先生一笑中

文章自得方為貴衣鉢相傳豈是真已覺祖師低一著
紛紛嗣法更何人

王內翰子端詩近來陡覺無佳思縱有詩成似
樂天其小樂天甚矣漫賦三詩為白傳解嘲

功夫費盡謾窮年病入膏肓豈易鐫寄語雪溪王處士
恐君猶是管窺天

東塗西抹鬪新妍時世梳粧亦可憐人物世衰如鼠尾

後生未可議前賢

妙理宜人入肺肝麻姑搔背豈勝鞭世間筆墨成何事
此老胸中自一天

宮女圍棋圖

盡日羊車不見過春來雨露向誰多爭機決勝元無事
永日消磨不奈何

范中

贈韶山退堂聰和尚

欽定四庫全書

御選金詩

卷二十

十七

郎當舞袖少年場線索機關似郭郎今日棚前閒袖手
却從鼓笛看人忙

戲作

嚼蠟誰知味最長一杯卯酒地龍香年來紙價長安貴
不重新詩重藥方

盧洵

白溝

白沙清淺不容舟遼宋封疆限此溝到了山河無定主

碧波依舊只東流

刁白

送花

縱橫詩酒少年曾老矣
追懽謝不能種出好花無用處
東隣乞與坐禪僧

許古

被召過少室

老病無堪合退休伊川久已得菟裘
如今又上長安道

好被青山笑白頭

扇圖

雲厓溪塘小雪春融融和氣浥輕塵
山禽共作梅花夢

物性由来懶是真

王良臣

狸奴畫軸

三生白老與烏負又現吳生小筆前
乞與黃家穰鼠禍
莫教虛費買魚錢

雜詩

道人知我愛禪房淨掃階前紫石牀
軟飽三杯風味好
脫巾和月卧昏黃

老子平生酷愛閒天教行處得禪闕
粥魚敲落簷頭月
猶在梅花醉夢間

殘陽收拾弟兄行揀得機心不到鄉
安置小奴今夜夢
蘆花風細月如霜

舊花

舊花冉冉密脾香禾穗累累鵲眼黃
一縷晚煙吹不去

為誰著意護秋霜

絕句

流轉年光橋下水翻騰時態嶺頭雲
溪翁道號奇聾子
除却松風百不聞

劉祖謙

雅集圖

翠雀翩翩野鶴孤玉京人物會仙圖
後來且莫輕題品

席上揮毫有大蘇

崆峒山圖為橫溪翁賦

好奇仍有客相攜絕頂披雲快一躋三十六峯青似染
五年拄笏羨橫溪

獨占名山每羨渠京塵今日汗吟鬢西州十載經行處
惆悵雲煙是畫圖

劉鐸

春日

翠微深處幾人家風颺輕烟雨歷沙寒勒野桃開較晚
向陽纔有兩三花

所見

綸竿老子綠蓑衣細雨斜風一釣磯正是隣家社醅熟
柳條穿得錦鱗歸

讀李訓鄭注傳二首

誰教閭宦作權臣肅代優游到敬文三子謀疎誰不道
泄機也合罪劉蕡

碁醫入侍本防猜偶失機權亦可哀陳寶至今佳傳在
莫從成敗論人材

王或

荅國寶

幻人誰拙復誰能遊戲何妨傀儡棚凡事不堪君莫怪
儂家面目得人憎

禪頌

吾身非我底為情說著塵勞特地驚五九盡時山更好

澗泉雲鳥自春聲

董文甫

秋夜

見即如無爐上雪淡而有味水中鹽齊行定慧千燈爇
淨識乾坤一鏡奩

晝眠

莊周先我復天真化蝶飛來管領春我亦莊周周亦蝶
不知若箇是真身

審是堂

按劍人人駭夜光蜀雞合道勝鸞鳳飛蛾可是無分別
直道油燈是太陽

文中子續經

紛紛述作史才雄聽似秋來百草蟲不是春雷轟蟄窟
蚓蛇會得化成龍

史甫

山陰縣

欽定四庫全書

御選金詩

卷二十

五

湧雲驅雨不成霖山徑危行未要深午夢初迴鳥鳥樂

小亭斜日柳陰陰

過九里山

斷蛇扛鼎兩爭雄陳迹荒涼萬事空今日山前無過客
數株衰柳管秋風

放言二首

蓮社從來說陶遠竹林今不數山王家雞野鷺何須較
秋菊春蘭各自芳

清風明月無人管茶鼎薰爐與客同壯歲羞為襦襪子
如今却羨嘯嘯翁

元德明

過鳳凰山

在鴈門

鳳凰間說似天壇北去南來馬上看想得松聲滿巖谷
秋風無際海波寒

餅形嶺早發

在繁時界

海雲蕭瑟雪花乾人在羊腸百八盤間客不知名利苦

欽定四庫全書

御選金詩

卷二十

五

見時應作畫中看

山園梨葉有青紅相半者戲作一詩

霜輕霜重偶然中一葉雖殊萬葉同不信世間閒草木
解隨兒女作青紅

貴公子詠

高堂紅燭鼓聲齊舞遍纖腰月未西一曲纏頭一雙錦
驂騑空自惜障泥

蓮葉觀音思禪師所藏同路宣叔賦

瑞相分明一葉中華嚴性海共圓通補陀自有丹青變
畫史區區可得工

觀西巖張永淳畫雁

慘淡經營下筆難畫成不似卷中看知君連夜江湖夢
折葦蕭蕭沙水寒

雪行

五更驢背滿靴霜殘雪離離草樹荒身在景中無句寫
錯教人比孟襄陽

欽定四庫全書

御選金詩

卷二十

五

龍眠畫馬

驪黃求馬世皆然滅沒存亡自一天當日鹽車人不識
只今空向畫中傳

寄宗人彥達

交城人

杯酒無緣接舊歡空將書尺問平安要君知我詩成處
落日西風正倚闌

楸樹

道邊楸樹老龍形社酒澆來漸有靈只恐等閒風雨夜

怒隨雷電上青冥

七夕

天河唯有鵲橋通萬劫歡緣一瞬中惆悵五更仙馭遠
寂寥雲幄掩秋風

郝天挺

交城學創修文廟

金碧煌煌梵刹雄元元樓觀五雲中如何萬代綱常祖
釋菜寧無數畝宮

欽定四庫全書

御選金詩

卷二十

三五

高憲

元夕無燈

九陌無燈夜悄然小紅時見點春煙多情惟有梅梢月
拍酒樓頭照管絃

王特起

偶作

人情爭勝似爭碁死怕輸人一著遲黑白不分傍袖手
年來吾亦愛吾癡

絕句二首

山勢奔騰如逸馬
水流委曲似驚蛇
溪靈不欲露天巧
眼力未到雲先遮

鳥語留春春已迴
落花隨意卧蒼苔
清明寒食因循過
萱草薔薇次第開

下第

人間萬事等樗蒲
敢謂何人不得盧
勝負到頭俱偶爾
狂夫安用繞牀呼

欽定四庫全書

御選金詩
卷二十

二十六

劉光謙

寄陳正叔雷希顏

東南形勝古徐州
人物休評第幾流
落落陳雷天下士
故應連榻卧黃樓

孫鎮

許氏雙桂堂

許家二桂聯翩秀
孫氏三枝次第春
盛事若將相比並
翰君堂上拜雙親

趙元

渡洛口

一脉寒流兩岸水
斷橋無力强支撐
忘機羨殺沙鷗好
不省人間有戰爭

田間秋日

好雨知時便放晴
天和醞釀作西成
秋收但得官軍飽
未怕輸租遠十程

禾穗纍纍豆角稠
松前村落太平秋
熙熙多少豐年意

欽定四庫全書

御選金詩
卷二十

二十七

都在農家社案頭

儲翁偃僂負薪行
稚子跳梁剝棗聲
不似二姑忙更殺
晚春推髻脱釵荆

送辛敬之東歸

風埃憔悴舊霜袍
老去新詩價轉高
橡栗漫山猶可煮
不須低首向兒曹

文章無力命有在
一點浩然天地間
風雪滿頭人不識
又攜詩藁出西山

大暑

早雲飛火燎長空白日渾如墮甑中不到廣寒冰雪窟
扇頭能有幾多風

哀古道

山深道壞水縱橫怪得春來少客行不信天教人迹斷
水乾更遣蒺藜生

薛鼎臣罷登封

弄人鼓笛不相疑便著當場傀儡衣終日抱飢唯飲水

欽定四庫全書

御選金詩

卷二十

三六

也和醉客一時歸

鼎臣材大夫宰登封有惠政今以例罷故有上句

張瓚

游棲巖寺

林表招人白塔明竹間蘭芷石泉清惠崇水墨西軒景
煙帶平蕪水帶城

呂中孚

小景

青蕪平野四圍山山郭依依紫翠間村遠路長人去少

一竿斜日酒旗閒

春月

柳塘漠漠暗啼鴉一鏡晴飛玉有華好是夜闌人不寐
半庭寒影在梨花

水聲

長陂千頃碧淙淙浪卷秋風過石缸記得夜來愁聽處
一燈明滅照寒窓

雪

隨風拂拂玉花飄入夜寒窗更寂寥爐火已殘燈未燼
一簾疎竹白蕭蕭

欽定四庫全書

御選金詩

卷二十

三九

梨花

等待清明得得芳團枝晴雪煖生香洗粧自有風流態
却笑紅深睡海棠

柳

風外絲絲裊綠烟輕花初破不成綿却嫌官路逢寒食
惱亂離愁似去年

王元節

青塚

環珮魂歸青塚月琵琶聲斷黑山秋漢家多少征西將
泉下相逢也合羞

與党世傑軍判丁亭會飲

望斷西州萬里家又將新火試新茶青油幕下成何事
兩見常山山杏花

李端甫

太白扇頭

巖冰澗雪謫仙才碧海騎鯨望不回今日霜降見遺像
飄然疑自月中來

張著

九日

雨沐天容霽欲流好山誇翠出墻頭黃花憔悴東籬晚
一段陶家冷淡秋

雨後

西風無意繆織雲掃盡千峯雨脚痕一片秋光清似水
家家空翠滿柴門

紫泉亭

西風禾黍半蒼黃滿眼秋山冷翠長一片白雲攜雨去
人家籬落伴斜陽

李泚

漫書

胸懷平日窻八達伎倆只今龜六歲唯有閒情如老菊

寒花自信晚能香

二老雪行圖

雪明萬仞鄴西山杖履平生幾往還滿眼京塵空對畫
何時真似兩翁閒

秘書張監墨梅圖

張南人

眼中只有梅千樹不挂世間蜂蝶花十載江南春夢斷
至今清影在君家

燈下梅影

丁年夜坐眼如魚老矣而今不讀書牆角短檠還有用
瓦餅相對一枝疎

王中立

雜詩

獨跨蒼虬下太清春風萬里月華明因君感激為君說
鑿破天機我也驚

雲葉粼粼皺碧空笙簫遞響入天風忽驚風浪耳邊急
不覺形神來世中

欽定四庫全書

御選金詩

卷二十

三

題裕之樂府後

常恨小山無後身元郎樂府更清新紅裙婢子那能曉
送與凌煙閣上人

寄閑閑公

寄語閑閑傲浪仙枉將詩酒污天全黃塵遮斷來時路
不到蓬山五百年

孫錡

望川亭

望川亭上望晴川萬里風烟在眼前軒檻倚巖高幾許
去軒尺五是青天

金全

夜過寶應驛

短篷風急雨聲多濃墨堆雲水拍河坐久不聞鐘鼓報
向人數問夜如何

劉仲游

溫泉

欽定四庫全書

御選金詩

卷二十

三

賜浴華清寵幸殊溫泉水滑洗凝酥至今西蜀十一月
畫有楊妃出浴圖

劉方叔

華清

廢宇傾垣不復新開元輦道盡荆榛惟餘一派溫湯水
長與行人洗路塵

雷發

退藏齋

陋室豈堪陋巷居
退歲天亦隱斯廬
看山破廢工夫外
一炷清香玩易書

御選金詩卷二十

謹案卷十九第五頁前七行避人鷗鳥驚飛盡刊

本盡作去據中州集改

第九頁前二行西窓近事杳如夢刊本杳訛香今

改

第九頁前七行微行入夢去斜斜按中州集載此

詩題作河陰道中第二首與此異

第十五頁前四行禪僧勸讀傳燈錄刊本勸訛歡

據中州集改

第十八頁後三行衰鬢從渠衆目憐刊本日訛自

據中州集改

第二十頁前二行桃李年年擔上看刊本擔訛檐

今改

第二十四頁前一行月轉譙樓天未曉刊本譙訛

樵據中州集改

第十頁前八行屐齒折時渠自著刊本著訛省據

中州集改



總校官庶吉士臣侍朝
校對官檢討臣蕭九成
謄錄監生臣劉天蒼

欽定四庫全書薈要

集部
御選金詩卷二十一

欽定四庫全書薈要卷一萬八千四百七 集部

御選金詩卷二十一

七言絕句四

劉從益

宋樓道中



十里羊腸路詰盤過花穿柳幾迴還馬頭忽轉青林角
綠繞人家水一灣

戲答侯威卿覓墨

欽定四庫全書

御選金詩
卷二十一

萬松火厄化緇塵依舊徂徠雪裏春冷劑香螺夔一足

破慳分與畫着人
宮中取張遇墨燒去膠以之畫着謂之畫眉墨

北園

碧梧斜影落胡牀白葛烏巾滿意涼晏坐不知紅日晚
笋輿歸路麥花香

宋九嘉

東州有感

東城衰草沒黃沙故壘周遭小范衙牧豎那知真老子

詳校官原任主事 李斯咏

龜趺繫馬卧吹笳

途中書事

幼穉扶輪婦挽轅連顛翁媪抱諸孫飢民羸卒如流水
掘盡原頭野薺根

老穉扶攜訪熟鄉驛塵滿路殪相望終朝拾穗不盈把
只有流民如麥芒

攘絲奪麥人爭略烘日吹風天有年湯餅元非小人腹
璽絲都作大夫賢

欽定四庫全書

御選金詩

卷二十一

二

被檄從軍

不巾不襪柳陰行朝醉南村暮北莊一旦捉將官裏去

直驅盲馬陣中央

即所乘盲馬而言

留別孫俊民姚公茂

草根殘日射離觴主席風生熱肺腸此去兜零紅照夜

輸君吹笛傍糟牀

酴醾菊

酴醾風味醺人醉著莫東籬愛酒翁一夜金英全換骨

冷香晴雪滿秋風

蓮社圖

野鶩家雞俗好乖虎溪泉石滿塵埃壯哉砥柱頽波裏
惟有淵明挽不來

卯酒

臘蟻初浮社甕筍宿醒正渴卯時投醉鄉兀兀陶陶裏
底事形骸底事愁

雷淵

欽定四庫全書

御選金詩

卷二十一

三

讀孔北海傳

漢室風流絕建安老瞞父子力排山可憐魯國真男子
也著區區七子間

濟南汎舟水底見山有感而作

南山已在風塵外更恐飛埃浣碧巔一棹晚涼波底看
浴沂面目本天然

啟母石同裕之賦

千古崩崖一罅開強將神怪附郊禰無情頑石猶胎謗

貝錦從為巷伯哀

洮石硯

緹囊深復有滄洲
丈石春融翠欲流
退筆成丘竟何益
乘時真欲礪吳鈎

過華山懷陳希夷

五季乾坤半晦冥
先生有意事澄清
勦勦四十年来睡
開眼東方日已明

梅影

維摩丈室冷於冰
千劫蕭然無盡燈
天女散花愁不寐
夜深高髻影鬢鬢

河山形勝圖

高峯巨壑與天連
中國關防表裏全
北岸塵氛重回首
不如圖上看風煙

冀禹錫

僧房

上方樓觀袂衣寒
霜後川原眼界寬
我是禪房未歸客

阿師休作長官看

李獻能

玉華谷同希顏裕之分韻得秋字

玉龍落峽噴飛流
空翠霏霏晚不收
軟脚山堂一壺酒
暮涼閒對兩峯秋

四皓圖

弋繒安足致冥鴻
自是兼懷翊贊功
謾說壺關有遺老
望思臺上已秋風

二老雪行圖

自笑膠膠擾擾身
十年匹馬走紅塵
何時雪滿平生履
太華峯前約故人

抱琴衝雪又衝風
二老風流阿堵中
未似村翁眇抹眼
火爐頭上話年豐

從獵口號四首

蓮燭金紗簇簇齊
宮槐籠曉尚淒迷
景陽鐘罷聽殘漏
萬馬銜霜不敢嘶

閭闔傳符啟九關一聲清蹕駐南山虎賁先導三千士
天馬初離十二閑
爛爛龍旂捧日旂從臣遙認赭紅衣天王清曉親弧矢
初合今冬第一圍
的皜金鏡隨曉星晴天霹靂應絃聲風毛雨血燕雲在
未要草間狐兔驚

李獻甫

夏夜

銀潢淡淡汲疎星一陣涼從雨後生仰看浮雲成獨卧
數圍蛛網絡中庭

九龍池春望

五年外地看清明袖手低回過客亭謝絮楚萍無定著
春光如我更飄零

興慶池書所見

短短孤蒲刺水青翠萍開處鑑波明畫船轉過垂楊外
水面風來聞樂聲

河堤

河堤一決豈天窮失在當年固白公誰與麻岡開故道
暫教版籍見山東
新築河堤要策勳萬人採淨北塢薪青青好借曹州柳
舊是中原一段春
萬夫卷土障橫流負土成山水未收明日落成真盛事
誰能作賦擬黃樓

王渥

蒙城縣齋

穀雨連朝沒麥場官糧未入長官忙塔庭有雨青蛙鬧
牢戶無人白日長

被檄再至揚州制司驛亭有題詩譏予和事不成者云來往二年無一事青山也解笑行人因為解嘲

二年奔走道途間知被青山笑往還只向江南南岸老
行人應更笑青山

馬天來

山中

青林寂寂鳥關關
畫出風煙落照間
脫却草鞋臨水坐
野雲分我一邊閒

張本

九日月中對菊同
禧伯郎中賦

花上清光花下陰
素娥惜此萬黃金
一杯寒露三更後
誰信幽人更苦心

欽定四庫全書

御選金詩

卷二十一

八

九日餘香伴月明
一觴亦足暢幽情
青樓夜半琵琶語
不說人間有此清

子山牢落去江南
賦主悲哀尚一堪
只恐秋天聞亦苦

併催紅雨下霜巖
庾信哀江南賦
唯以悲哀為主

病魂招得未渾全
暝倚秋屏豈是禪
一夢忽成霜蝶去
草深三逕若為眠

鬼化斯文念賈生
精神瑤琢坐寒更
一書草就渾衣卧
恨殺東方不肯明

龍山戲馬賞秋光
多少新詩入錦囊
磨滅英雄豈勝數
千年依舊一花香

申萬全

南征道中

回首秋風謝敞廬
崎嶇又復逐戎車
人生行止元無定
一葦江湖縱所如

李過庭

讀公孫弘傳

欽定四庫全書

御選金詩

卷二十一

九

古來好客數平津
我道真龍未必真
一箇仲舒容不得
不知開闔為何人

李天翼

還家三首

幽花雜草滿城頭
華屋唯殘土一丘
鄉社舊人何處在
語音強半是陳州

牡丹樹下影堂前
幾醉春風穀雨天
二十六年渾一夢
堂空樹老吾華顛

殊音異服不相親
獨倚荒城淚滿巾
祇有青山淡相對
似憐我是此鄉人

劉微

春柳應制得城字

翠紐圓勻綠線輕
著行排立弄新晴
更看三月春風裏
散作飛花滿鳳城

馮辰

雨後時年十三

欽定四庫全書

御選金詩

卷二十一

十一

東風花外錦鳩啼
喚起西山雨一犁
綠滿蔬畦人不
到
桔槔間立夕陽低

王世昌

方城東寺海棠

苦苣如針草有芒
桃花輕薄絮顛狂
少陵例有詩沾丐
只在無言到海棠

李廣

自靈泉寺詣偃月山

立馬松間首重回
亂峯無數翠成堆
為尋偃月山前路
直向白雲深處來

史士舉

趙化

石根寒溜迸珠璣
尋丈驚看雪浪飛
我是玉川煙水客
暫來盤礴亦忘歸

晉祠

小橋流水竹蕭森
竹裏人家一徑深
只欠東風小籬落

欽定四庫全書

御選金詩

卷二十一

十一

梅花疎淡月籠陰

郭邦彥

秋夜間彈箜篌

露重花香飄不遠
風微梧葉落無聲
倡樓何處教新曲
夜靜月高弦索鳴

村行

棗花初落路塵香
燕掠麻池乍頡頏
一片雲陰遮十頃
賣瓜棚下午風涼

芹葉蘆花岸兩邊
釣溪石畔落孤鳶
小畦引入平流水
麻稗森森已拍肩

豆葉芄芄麻葉光
植禾得雨又催黃
田家樂事誰真得
牧子行歌醉叟狂

田錫

牧牛圖

干戈擾擾徧中州
挽粟車行似水流
何日承平如畫裏
短蓑長笛一川秋

欽定四庫全書

御選金詩

卷二十一

十三

元好古

中秋無月

佳辰無物慰相思
先賞空吟昨夜詩
莫怪更深仍坐待
密雲或有暫開時

讀裕之弟詩藁有鴛聲柳巷深之句漫題三詩
其後

阿翁醉語戲兒癡
說著蟬詩也道奇
吳下阿蒙非向日
新篇爭遣九泉知

鴛葦深樹只聞聲
不著詩家畫不成
慙媿阿兄無好語
五言城下把降旌

傳家詩學在諸郎
剖腹留書死敢忘
先人臨終有剖腹留書之語
上錦囊三箭在
直須千古說穿楊

題江村風雨圖

渡口舟橫水拍空
墨雲傾雨樹號風
江山不到紅塵眼
半幅煙銷想像中

秦略

欽定四庫全書

御選金詩

卷二十一

十三

雪行

匹馬東來冰雪天
蒼山手冷隨吟鞭
烟中髣髴聞雞犬
不覺人家到眼前

烏影過寒塘

著眼分明莫作疑
從來形影本同歸
不應水底青天上
更有飛禽仰面飛

同希顏裕之賦樂真竹拂子

覓箇龜毛抵死難
直教擊碎釣魚竿
世人不用生分別

信手拈來總一般

少室山卓劍峯

神威洗盡世間讐
雷歇雷間怒氣收
一柄太阿留少室
却擎空掌華山頭

此身

此身日日一簞貧
貧裏留殘自在身
獨把筇枝行又立
東風花柳不嗔人

麝香

欽定四庫全書

御選金詩

卷二十一

十四

山麝逃風遠谷歲
一山行過四山香
臍堂自養千鈞弩
枉怨虞人鼻孔長

趙洛道中

柔青初散隴頭桑
村落人家布穀忙
一段蕪菁渾著角
葉間猶有幾花黃

劉昂霄

送裕之往洛陽兼簡孫伯英

洛水嵩山壽樂堂
每從熱惱得清涼
竹牀石枕應無恙

尚可分風供十方

題裕之家山圖

萬里神州劫火餘
九原夷甫有餘辜
作詩為報元夫子
莫倚家山在畫圖

寄申伯勝

直氣南山相與高
爭教塵土浣青袍
征科頗似曾料理
差勝三軍作馬曹

執版那能拜下風
世間禮數困英雄
狂風醉舞人誰識

欽定四庫全書

御選金詩

卷二十一

十五

憔悴通泉郭代公

連昌能隔幾牛鳴
不見令人鄙吝生
乘興時思一相訪
劇談豪飲見真情

田紫芝

冥鴻亭下第後作

眼底功名一物無
飛揚跋扈竟何如
青雲岐路多辛苦
賴得皇家結網疎

王萬鍾

春宵

風尖月細春猶淺
酒冷燈昏夜向深
人在西軒愁不寐
一年間事總經心

江村風雨圖

秋風撼撼澹林暉
煙靄昏昏失翠微
一段蓴鱸江上興
蓬窗岑寂夢魂飛

張仲宣

下第

主司頭腦舊冬烘
更著書郎骨相窮
曉賦得官何足道
直須遮馬困吳融

戲題石鹿蜂猴畫卷

橫槊將軍馬足塵
判花學士筆頭春
功名果屬丹青手
造物如何戲得人

王敏夫

李氏友雲樓

霧幕煙迷十二欄
壺觴招我一躋攀
黃簾卷起湘川竹

分得西州數點山

徐好問

龍門

疏鑿西來道路通
行人萬古翠微中
南山山寺題詩滿
一字何曾到禹功

呂大鵬

夏日北渡後作

旋移石枕拂藤牀
細灑槐陰趁晚涼
大地噉噉困爐鼎

老天不肯下殘陽

縫掖

縫掖無由挂鐵衣
劍花生澀馬空肥
燈前草就平南策
一夜江神泣涕歸

曹用之

憶舊

花鳥巡簷喚曉晴
喚來和氣滿春城
春風二十年前客
煮酒青梅也後生

馬舜卿

會州道中

山腰薄雪眩朝暎未放陽和入燒痕一片長安世情月
梨花院落幾黃昏

張子權

遊黃華

溪流漱石振蒼崖林樹號風吼怒雷為謝山靈幸寬貫
漫郎投劾已歸來

張介

贈詩人楊叔能

我貧自救如沃焦君來過我亦何聊為君欲寫貧士歎

才思殊減荒村謠

楊初以荒村謠得名

麻九疇

牛歎

誰憐宿料一生無身後仍遭金十奴帷蓋却教蒙狗馬
不知何事負農夫

清明

村村榆火碧烟新拜掃歸來第四辰城裏看家多白髮
遊春總是少年人

暮春山家二首

山煙向晚白濛濛人過梨花樹底風一犬不鳴村徑黑
野燈孤起遠林中

語闌壯氣欲消磨奈此青燈永夜何壁上取琴彈一曲
不知天外落銀河

紅梅

一種冰魂物已尤朱脣點注更風流歲寒未許東風管
淡抹穠粧得自由

史才

陪陳彥文謁筠泉榮上人

強隨禪客到西禪竹柏團青蔭石泉一首小詩吟不就
閒情元在落花邊

史學

宮詞

寶帶香襟水府仙
黃旂彩扇九龍船
薰風十里瑤華島
一派歌聲唱采蓮

李道人崧陽歸隱圖

石壁城頭夜斬關
軟紅塵底曉催班
道人一笑那知許
門外清溪屋上山

晚梅

孤根春半恰春回
剛逐天桃豔杏開
蝶子蜂兒應有語

欽定四庫全書

御選金詩

卷二十一

三

東風元不為渠來

七夕

箱牛回馭錦機閒
天上悲懽亦夢間
月夜竝肩人不見
蕭蕭風葉滿驪山

醉後

觀魚暫覺心差樂
化蝶元來夢亦忙
得似醉中都放下
春風自與百花香

宋景蕭

春雪用上官明之韻

噍噍春蟲鬧撲窗
地爐茶鼎蚓聲長
詩中有味清於酒
只欠冰梢數點香

劉勳

讀張仲揚詩因題其上

布衣一日見明君
俄有詩名四海聞
楓落吳江真好句
不須多示鄭參軍

偶作

欽定四庫全書

御選金詩

卷二十一

三

將軍馬躍五撾鼓
客子車行三唱雞
白髮書生無伎倆
滿窓紅日醉如泥

杜善甫乞炭

筆口酸嘶解說窮
寒爐隨手變春紅
因君大笑涪翁拙
費盡奇香得馬通

秋涼

桃笙乘勢獻微涼
紈扇無功送暑光
老病不嫌風露冷
莫教添作鬢邊霜

愛詩李道人嵩山歸隱圖

脫却儒冠已自閒更令家事勿相關百錢便挂青藜杖
不看先生紙上山

同趙宜之賦梨花月

雪樹生香淡月邊相媒相合鬪清妍空庭冷落秋千影
虛度良宵亦可憐

不寐

酪奴作祟攪秋眠追咎前非四十年一夜蟲聲相計會

欽定四庫全書

御選金詩

卷二十一

三

併催白髮到愁邊

戲鄭秀才

張老豆新頻見餉鄭家米鑿不須賒客來粥熟吾能辦
要與齊奴鬪咄嗟

春日

粉蝶耽香夢正迷黃蜂和蜜計何癡小軒無事誰如我
卧看楊花點硯池

贈馬元章

車轂春雷震屋山馬蹄亂電響柴關何時得箇茅菴子
不在車塵馬足間

趙達夫

紅梅

西湖句好已成塵蠟點都能幾許春乞與瓊兒薄梳洗
才情留待月中人

柳

楊柳挽春不耐秋十分憔悴儘風流水邊沙際風煙冷

欽定四庫全書

御選金詩

卷二十一

三

收拾殘陽合暮愁

張子和

灑亭

學劍攻書兩不成年來蹤跡愈如萍而今灑水無魚釣
收拾綸竿海上行

酷嗜醫經五十年野芹曾獻紫宸前而今憔悴西山下
更比文章不直錢

齒豁頭童六十三邇來衰病百無堪舊遊馬上行人老

不似當初遇汝南

辛愿

過崧山

催老年光袞袞來好懷知欲向誰開箕山潁水春風裏
呼起巢由共一杯

隆德故宮

地分鹿死已無秦五十年来漢苑春問著流鶯無一語
柳條依舊拂墻新

欽定四庫全書

御選金詩

卷二十一

三五

山寒

山寒春靜早關門新月微光照短垣可恨暮雲欺落景
却將飛靄助黃昏

山園

歲暮山園懶再行蘭衰菊悴頗關情青青多少無名草
爭向殘陽暖處生

雷瑄

南園

南園春生江水肥烏樞風扇錦帆歸吳兒日暮棹歌發
驚起鴛鴦相背飛

李汾

清明

鳴珂振轂滿重城春日綿綿老燕鶯人在碧雞坊外住
澹隨流水過清明

下第

學劍攻書謾自奇回頭三十六年非春風萬里衡門下

欽定四庫全書

御選金詩

卷二十一

三五

依舊并州一布衣

磻溪

封侯輸與曲如鉤冷坐磻溪到白頭老婦厨中莫彈鉞
白魚留待躍王舟

感寓述史雜詩五十首

并引
錄五首

正大庚寅子行年三十有九獻賦明庭為有司所
病遂有不遇時之歎卑衣斗食從事史館以素非
所好愈鬱鬱不得志卧病中僻居蕭條盡日無來

人緬惟先哲凡所以進退出處之際窮達榮辱之
分立身行道建功立事闢諸人事者竊有所感焉
於是始自騷人屈平以來下逮漢晉隋唐諸公終
之以遠祖鴈門武皇作為述史詩五十首以自慰
其羈旅流落之懷述近代則恐涉時事故斷自唐
以下不論嗚呼三百篇大抵皆聖賢感憤之所為
作也余以愚忠謬信獲譏於斯世久矣非敢示諸
作者庶幾後世有揚子雲者出或能亮予之宿心

欽定四庫全書

御選金詩

卷二十一

三六

是歲秋七月既望并州人李汾引

蘇客卿秦

游說諸侯獲上卿賈人脣舌事縱橫可憐一世癡兒女
爭羨腰間六印榮

韓淮陰信

仗劍淮陰去復還舉頭西望識龍顏堂堂竟握真王印
未害男兒辱胯間

叔孫奉常通

秦時博士魯諸生漏網驪山百丈阮邂逅劉郎習綿蕪
便能彈歷漢公卿

馬中令周

脚踏長安陌上塵布衣西上欲誰親君王不省常何策
憔悴新豐一旅人

遠祖鴈門武皇

死心唐室正諸侯鐵馬南來隘九州當日三垂岡上意
諸孫空抱腐儒羞

欽定四庫全書

御選金詩

卷二十一

三七

邢安國

過唐州西李口

白沙翠竹溪上村漁家賣魚喚行人西風吹皺一溪水
水光日影金鱗鱗

御選金詩卷二十一

欽定四庫全書薈要卷一萬八千四百八集部

御選金詩卷二十二

七言絕句五

王子可

宮詞

水曲朱門漪漾漫一簾花雨月波寒金閨被襯鴛鴦冷
春困秋千立畫干

南園湖石

欽定四庫全書

御選金詩卷二十二

翠雀銜雲隋翠蕪砥峯倒影卧平湖飛花不到穿簾月

高倚晴天一劍孤

馴鶴圖

張伯玉家畫幀宮人徐行以手整釵一鶴後隨謂之馴鶴圖伯玉請賦詩欽叔

常苦其作詩多不用韻限以釵來苔三字

寢處妝鉛未捲釵孤雲花帶月邊來六宮簾幕金鸞冷
露濕晨煙啄翠苔

雜詩

白露沙灘浸綠渚小舟艤岸尚依稀山回屏曲江連樹

春鎖人家深處歸

宮體二首

紅葉鋪霜撼御階繡蓮塵蹴襯羅鞋袖沾鶯翅調黃語
隋却銜翹入鬢釵

驕馬金籠藉草歸翠鸞屏曲染紅霏凭闌山色春風裏
喚得鶯兒燕子飛

夢梅

經開瓊几虛雲鎖盃捲江山枕島樓却憶西巖舊宮殿

欽定四庫全書

御選金詩卷二十二

渠塘星斗下瀛洲

宋可

過洛陽

西來東去洛陽城千尺浮圖了送迎十日酒旗歌板地
白頭孤客可憐生

張澄

輶馬圖

飛整垂城力亦優不應伏櫪便垂頭而今世上無良樂

兀兀黃塵輟得休

侯冊

寒食

交遊零落葉辭柯
歲月崢嶸馬注坡
燕子不來寒食過
滿城風雨落紅多

昨朝

昨朝已作春歸辭
今日還成送客詩
客子春光俱不見
落花寂寂閉門時

欽定四庫全書

御選金詩
卷二十二

三

楚宮

離宮樓閣與天通
暮雨朝雲入夢中
回首舊時歌舞地
女蘿山鬼泣秋風

王元粹

經廢宅

誰家住宅北山隈
亂後逋人尚未回
惆悵門前是官道
臨風一樹杏花開

襄陽七絕句

江雨初晴江漲發
涼風吹水波浪開
日暮津頭聞打鼓
越商巴賈卸船來

街頭魚米近頗貴
縮項長腰最可珍
江東蓴鱸亦何好
能令張翰稱達人

近值喪亂棄中原
南來亦復著南冠
吾家舊井峴山畔
野老謾作北人看

襄陽城府自古雄
千甍萬瓦當晴空
短衣少年何處客
相邀一醉楚樓中

欽定四庫全書

御選金詩
卷二十二

四

城東大堤堤上頭
何處女郎同出遊
紫蓋留連不歸去
唱歌日暮傍汀洲

江上小兒誇善沒
一日入水知幾回
汝曹未有機心在
緣底鷗鳥不飛來

歎息者舊不復見
欲問土風誰為陳
羊公遺碑武侯廟
江邊酒家說向人

醉後

雲自無依鶴自孤
此生誰信有窮途
干戈二十年來客

留得殘骸傍酒壚

東樓雨中七詩

水邊人去燕爭泥風動綠荷香滿溪高樹繞樓遮望眼
獨看山色過牆西

倚樓人看水東流橋上行人却望樓零落故宮無覓處

蕭蕭禾黍滿城秋

多年蒼柏拂簷枝燕子飛來語向誰枕簟不妨留客住

滿樓風雨下簾時

欽定四庫全書

御選金詩

卷二十二

五

雨入溪樓不見山雨晴依舊數峯間韋郎詩句王維畫

好在幽人指顧間

庭中野蔓走青蛇窓外萱葵亂彩霞雲漏斜陽雷漸遠

東邊飛雨到瓊華

好風吹袖覺涼生雨後東溪水面平無數荷蓮看正好

却嫌波底亂蛙鳴

溝水清冷樹影圓下樓閒步上樓眠夜來夢裏驚風雨

元是松聲到枕邊

王鬱

楊瞿贈李司戶國瑞

洛陽賞盡牡丹春寂寞釣臺對夕曛手折幽蘭贈行子
多情惟有李參軍

飲密國公諸子家

宣平坊裏榆林巷便是臨淄公子家寂寞畫家豪貴少
時容詞客醉琵琶

馮延登

欽定四庫全書

御選金詩

卷二十二

六

元日隆安道中

山岡重複三竿日溪路縈迴一席天老境飄零情更惡
又從馬上得新年

八月十四日宿官塔下院

野僧引客看修竹拄杖入林驚暝禽一道細泉鳴蘚磴
恍如間聽穎師琴

喬松修竹翠交陰涼月玲瓏地布金老嬾無詩酬節物
夜涼閒聽候蟲吟

洮石硯

鸚鵡洲前抱石歸
琢來猶自帶清輝
去窓盡日無人到
坐看元雲吐翠微

李俊民

卜居

東隣西舍兩三家
簌簌牆頭落棗花
慚愧畫梁雙燕子
笑人今日又天涯

新樣團茶

春風傾倒在靈芽
纔到江南百草花
未試人間小團月
異香先入玉川家

和籌堂途中即事三首 錄一首

晚風吹雨過山堂
燈火新涼好對床
却被荒雞笑人嬾
一聲催起著鞭忙

跋寶子温江山圖

淼淼澄江欲拍天
參差煙樹老江邊
舉頭不見長安日
一棹秋風載酒船

欽定四庫全書 御選金詩 卷二十二 七

過雲臺

夜半風吹霽色開
曉乘殘月過雲臺
連山斷處瞰平野
一線黃流掌上來

濟源龍潭

塵世悠悠不識真
一潭春碧養潛鱗
可憐無故驚雷起
悞却山前失筍人

雨後

春空靄靄暮雲低
飛過山前雨一犁
明日却尋歸去路

馬蹄猶踏落花泥

阻風

東風作惡幾時休
况值春光欲盡頭
誰謂間人無箇事
一年長是為花愁

許司諫醉吟圖

席地風光引興來
不辭白髮被春催
眼前有句貪拈掇
閒却梨花樹下杯

秋江斷鴈圖

欽定四庫全書 御選金詩 卷二十二 八

不堪愁裏見秋光
江北江南木葉黃
誰信朔風猶跋扈
天涯吹斷弟兄行

陽關圖

一杯送別古陽關
關外千重萬疊山
試問青青渭城柳
不知眼見幾人還

千里江山圖

筆下江山取意成
一峯未盡一峯生
憑誰試向行人問
水郭烟邨第幾程

欽定四庫全書

御選金詩

卷二十二

九

不寐

露下中庭鶴睡驚
娟娟缺月照窓明
夜深讀罷床頭易
紙帳梅花夢不成

雪後送寶泉之碧落

酒面輕風不作寒
天花散落滿人間
殷勤行脚休辭遠
出得城門是雪山

答壽堂

寄詩有青燈佳話正當時之句
見其德戀之至也用來韻答

秋涼急急授衣遲
便是霜林葉落時
夜聽寒砧動離思

恨無針線小蠻知

和王成之梅韻

朝來一雪幕晴沙
行到前村始見花
驛使便將春色去
暗香今夜落誰家

下太行

山中日日伴雲間
不見閒雲只見山
君去試從山下望
青山却在白雲間

狂風

春光著物酒加濃
白白紅紅眼界中
又是一場蝴蝶夢
能禁幾度落花風

溪竹

崎嶇一徑逐溪斜
汎汎溪流帶落花
為問風前雙燕子
銜泥飛去入誰家

留別

耳畔頻頻杜宇聲
馬頭山色翠相迎
一杯不盡留連意
送客風來便好行

欽定四庫全書

御選金詩

卷二十二

十

送母受益之洛陽

有心待種洛陽田
早趁西風送客船
借問梅花堂上月
不知別後幾回圓

柳

一年春色到溪頭
展盡蒼間幾點愁
纔得東君暫時意
笑他張緒不風流

野菊

風露叢中取次芳
愁邊過却幾重陽
秋光到處都無主

欽定四庫全書

御選金詩

卷二十二

十一

不是閒花不肯香

老杜醉歸圖

花下騎驢不踏泥
花間醉後復何之
殷勤驥子扶歸去
明日重來別有詩

元夜與泰禪師洛陽觀燈

行歌聲裏落梅風
爍爍華燈萬盞紅
何似吾師方寸地
一輪明月小參中

東山道中

採徧山城草木芽
百花老樹盡枯查
眼前多少間田地

雨後春耕有幾家

十七日送行

匆匆又別故園春
花落猶隨馬後塵
相對離筵莫惆悵
送行人是欲行人

寄別

馬蹄踏破亂山青
送客風回酒半醒
歸客莫將雲外指
大都一十五長亭

欽定四庫全書

御選金詩

卷二十二

十二

孟浩然圖

却因明主放還山
破帽騎驢骨相寒
詩句眼前吟不盡
北風吹雪滿長安

夜夢月下與數仙子酌酒仍各賦詩

天風一掃暮雲開
收拾羣仙共酒杯
但指今宵是新月
不知曾照古人來

和平太行路韻

鑿開險阻若天成
暫使時間眼界平
却羨長安西去路

青山不管送人行

和君瑞月下聞砧

夜涼枕上夢頻驚有底秋天不肯明老眼近來閒淚少
那禁月下擣衣聲

香梅二首

鄧妓之小字匠手有詩
邊仲寧索和因用其韻

被誰說破夢中梅應有羅浮倒挂來祇為怕愁貪睡後
返魂纔向北枝開

一枝瀟灑隴頭香分付新愁竹葉觴紙帳不須尋短夢

欽定四庫全書

御選全詩

卷二十二

十三

天涯倦客已無腸

王廷秀悠然軒

小軒開後快雙明峭拔南山立翠屏好是晚來新雨過
白雲堆裏露尖青

留別

主人把酒再三留送客風高勢未休更聽愁眉歌一曲
尊前腸斷小溫柔

周昉內人圖四首

倦繡

心情猶在未收時却顧花間影漸移不道春來添幾線
日長只與睡相宜

擣衣

一夕秋風雁過聲鐵衣辛苦向邊城將軍不用和戎計
雙杵休辭月下鳴

按樂

倚風無力見溫柔初下喧天羯鼓樓猶向花陰理新曲

欽定四庫全書

御選全詩

卷二十二

十四

君王不惜錦纏頭

覽鏡

不教朱粉汙天真長對菱花顧影頻便把蛾眉掃來淡
尚嫌不似號夫人

寒食戲書

驀見花間弄樂回同心髻綰綠雲堆多情更有牆東月
送得秋千影過來

漢高廟

在襄陽縣
西南鍾山

垓下未聞歌散楚澤中已見哭亡秦乾坤到底歸真主
愁殺鴻門碎斗人

宋玉宅 在宜城縣

離騷經裏見文章水綠山青是楚鄉往事一場巫峽夢
秋風搖落在東牆

關將軍廟 在襄陽南九里鳳林關

鼎足相吞勢未分誰能傾蓋得將軍曹吳不是中原手
天下英雄有使君

欽定四庫全書

御選全詩

卷二十二

十五

劉表祠

祠前有墓在府城東門內

天運端能卧可收江山形勢數荆州當時若聽韓嵩策
那得曹瞞享士牛 曹操與袁紹相持於官渡韓嵩說表起乘其弊表不從操征表表之子琮

竟以荆州降

遊青蓮分韻得春字 并序

已亥暮春十有八日劉巨川濟之瀛漢臣王特升
用亨郭甫仲山姚昇子昂史顯忠遂良同遊福嚴
禪院與巨川彥廣二山主道舊兵革之餘不勝感

歎仍以春山多勝事為韻賦詩以紀其來

四面山圍故故青茶煙榻畔坐忘身與師貪論安心法
門外飛花送却春

水簾

倒傾蛟室瀉瓊瑰孤落空巖雪浪堆卷地封姨收不起
素娥垂下玉鈎來

碧落途中遇雪

出郭山行十里餘據鞍擁鼻一臞儒飛花落吟肩上

欽定四庫全書

御選全詩

卷二十二

十六

便是藍關遇雪圖

大陽值雪

掃地陰雲撥不開北風吹落豆楷灰相逢父老應相笑
直待山頭白後來

鳳林

孟浩然故居在襄陽縣南十里

天寶詩人去却回果曾北闕上書來若為耆舊無新語
明主何嘗棄不才

杜甫故里

杜易簡頽之遠裔有從弟曰審言生子開閔生甫世居襄陽至甫徙家鞏縣

不知故隱幾時離天寶年間處處詩過客不須尋世譜

萬山山下看沈碑杜詩吾家碑不昧王氏井依然注杜預沈碑岷山之下

元好問

論詩三十首丁丑歲三鄉作

漢謠魏什久紛紜正體無人與細論誰是詩中疏鑿手暫教涇渭各清渾

曹劉坐嘯虎生風四海無人角兩雄可惜并州劉越石不教橫槊建安中

欽定四庫全書

御選金詩

卷二十二

七

鄴下風流在晉多壯懷猶見缺壺歌風雲若悵張華少

溫李新聲奈爾何鍾嶸評張華詩恨其兒女情多風雲氣少

一語天然萬古新豪華落盡見真淳北窓白日羲皇上

未害淵明是晉人柳子厚唐之謝靈運陶淵明晉之白樂天

縱橫詩筆見高情何物能澆磈磊平老阮不狂誰會得

出門一笑大江橫

心畫心聲總失真文章寧復見為人高情千古間居賦

爭信安仁拜路塵

慷慨歌謠絕不傳穹廬一曲本天然中州萬古英雄氣

也到陰山救勒川

沈宋橫馳翰墨場風流初不廢齊梁論功若準平吳例

合著黃金鑄子昂

鬪靡誇多費覽觀陸文猶恨冗於潘心聲只要傳心了

布穀翻瀾可是難陸蕪而潘靜語見世說

排比鋪張特一途藩籬如此亦區區少陵自有連城壁

爭奈微之識玳瑁事見元稹子美墓誌

欽定四庫全書

御選金詩

卷二十二

六

眼處心生句自神暗中摸索總非真畫圖臨出秦川景

親到長安有幾人

望帝春心托杜鵑佳人錦瑟怨華年詩家總愛西崑好

獨恨無人作鄭箋

萬古文章有坦途縱橫誰似玉川盧真書不入今人眼

而輩從教鬼畫符

出處殊途聽所安山林何得賤衣冠華歆一擲金隨重

大是渠儂被眼謾

筆底銀河落九天何曾憔悴飯山前世間東抹西塗手
狂著書生待魯連

切切秋蟲萬古情燈前山鬼淚縱橫鑑湖春好無人賦
夾岸桃花錦浪生

切響浮聲發巧深研磨雖苦果何心浪翁水樂無宮徵
自是雲山韶濩音

水樂次山事又其欵乃曲云停橈
靜聽曲中意好似雲山韶濩音

東野窮愁死不休高天厚地一詩囚江山萬古潮陽筆
合在元龍百尺樓

欽定四庫全書

御選金詩

卷二十二

九

萬古幽人在澗阿百年孤憤竟如何無人說與天隨子

春草翰羸枝幾多

天隨子詩無多藥草在南榮合有新
苗次第生稚子不知名品上恐隨春

草關
翰羸

謝客風容映古今發源誰似柳州深朱弦一拂遺音在
却是當年寂寞心

窘步相仍死不前唱酬無復見前賢縱橫正有凌雲筆
俯仰隨人亦可憐

奇外無奇更出奇一波纔動萬波隨只知詩到蘇黃盡

滄海橫流却是誰

曲學虛荒小說欺俳諧怒罵豈宜時令人合笑古人拙
除却雅言都不知

有情芍藥含春淚無力薔薇卧晚枝拈出退之山石句
始知渠是女郎詩

亂後玄都失故基看花詩在只堪悲劉郎也是人間客
枉向春風怨兔葵

金入洪爐不厭頻精真那計受纖塵蘇門果有忠臣在

欽定四庫全書

御選金詩

卷二十二

十

肯放坡詩百態新

百年纔覺古風迴元祐諸人次第來諱學金陵猶有說
竟將何罪廢歐梅

古雅難將子美親精純全失義山真論詩寧下涪翁拜
未作江西社裏人

池塘春草謝家春萬古千秋五字新傳語閉門陳正字
可憐無補費精神

撼樹蚍蜉自覺狂書生技癢愛論量老來留得詩千首

却被何人較短長

西園

百草千花雨氣新今朝陌上有遊塵
皇州春色濃於酒醉殺西園歌舞人

鴛鴦扇頭

雙宿雙飛百自繇人間無物比風流
若教解語終須問有底愁來也白頭

杏花雜詩

杏花牆外一枝橫半面宮妝出曉晴
看盡春風不回首寶兒元自太憨生

欽定四庫全書

御選金詩

卷二十二

三

露華浥浥汎晴光睡足東風倚綠窓
試遣紅妝映銀燭湘桃爭合伴仙郎

嬌媚纖條映酒船綠嬌紅小不勝憐
長年自笑情緣在猶要春風慰眼前

暖日園林可散愁每逢花處儘遲留
青旗知是誰家酒一片春風出樹頭

一片春風出樹頭

紛紛紅紫不勝稠爭得春光競出頭
却是梨花高一著

隨依梳洗儘風流

露浥清華粉自添隔溪遙見玉簾
苔眼看桃李飄零盡更揀繁枝插帽簷

小橋南北夢幽尋殘醉昔騰不易禁
一樹杏花春寂寞惡風吹折五更心

西山漠漠有無中幾日園林幾樹紅
燕子銜將春色去錯教人恨五更風

欽定四庫全書

御選金詩

卷二十二

三

屈指殘春有別期春風爭忍片紅飛
若為釀得千日酒醉著東君不放歸

楚客離魂不易招野春平碧水迢迢
垂楊也被多情惱瘦損春風十萬條

小雨斑斑曉未勻煙光水色畫難真
西園春物知多少一樹垂楊惱殺人

魏紫姚黃有重名洛陽車馬鬧清明
吹殘桃李風纔定可是東君別有情

紅妝翠蓋惜風流春動香生不自由莫向芸齋厭閒冷
小詩供作錦纏頭韓偓三清之瑞露春動七情咀五色之靈芝香生九竅

出京

巫峽歸雲底處尋高城渺渺暮煙沈春風不剪垂楊斷
繫盡行人北望心

惠崇蘆雁三首

寒沙折葦靜相依故國春風早晚歸意外羈棲誰畫得
羽毛單薄稻梁微

欽定四庫全書

御選金詩

卷二十二

三

雁奴辛苦候寒更夢破黃蘆雪打聲休道畫工心獨苦
題詩人也白頭生

江湖牢落太愁人同是天涯萬里身不似畫屏金孔雀
離離花影淡生春

早起

北舍南隣獨樂聲袂衣晨起覺秋清豆苗欲熟朝朝雨
喚殺雙鳩不肯晴

步虛詞三首

後二首三
鄉時作

閬苑仙人白錦袍海山宮闕醉蟠桃三更月底鸞聲急
萬里風頭鶴背高

萬神朝罷出通明和氣歡聲滿玉京見說人間有新異
綠章封事謝昇平

琪樹明霞碧落宮歌音嫋嫋度冷風人間聽得霓裳慣
猶恐鈞天是夢中

風雨停舟圖

老木高風作意狂青山和雨入微茫畫圖喚起扁舟夢

欽定四庫全書

御選金詩

卷二十二

三

一夜江聲撼客床

納涼張氏莊

小橋深竹午風便一道垂楊帶亂蟬山下行人遮日去
却從茅屋問歸田

樹陰環合水縈回樹下行人坐綠苔絕似叢蒙山下路

眼中惟欠繫舟鬼

叢蒙繫舟皆鄉中山
鄉人謂之繫舟鬼

楊柳

楊柳青青溝水流鶯兒調舌弄嬌柔桃花記得題詩客

斜倚春風笑不休

劉鄧州家聚鴨圖

沙浦空明洲景微
枯荷折葦澹相依
若為化作江鷗去
拍拍隨君貼水飛

梁縣道中

青山簇簇樹重重
人在春雲浩蕩中
也是杏花無意況
一枝臨水卧殘紅

長壽山居元夕

微茫燈火共荒村
黃葉漫山雪擁門
三十九年何限事
只留孤影伴黃昏

題司正之家渭川千畝圖

官街塵土霧中天
入眼荒寒一灑然
大似終南山下看
北風和雪捲蒼煙

山居二首

斜陽高樹挂晴虹
肅肅微涼雨氣中
一道鷺鷥花不斷
密香吹滿馬頭風

詩腸搜苦怯茶甌
信手拈書却枕頭
簷溜滴殘山院靜
碧花紅穗媚涼秋

寄女嚴

鶴崖魚窟路間關
旬月無由一往還
寒食歸寧見隣女
舉家回首望西山

鶴崖魚窟在內鄉往盧氏道中

自鄧州幕府暫歸秋林

升斗微官不療飢
中林春雨蕨芽肥
歸來應被青山笑
可惜緇塵染素衣

題省掾劉德潤家驂鸞圖并為同舍郎劉長卿

記異劉在方城先
有碧蕭之遇如芙蓉
城事云千劫情緣萬古期
樓中蕭史姓名非洞天
花落秋雲冷腸斷青鸞獨自飛

無題

春風也解惜多才
嫁與桃花不問媒
死恨天台老劉阮
人間何戀却歸來

家山歸夢圖

別却并州已六年眼中歸路直於絃春情門巷桑榆綠
猶記騎驢掠社錢

繫舟南北暮雲平落日滹河一線明萬里西風吹布袖

清輝亭上倚新晴

俳體雪香亭雜詠

落日青山一片愁大河東注不還流若為長得熙春在

特上高層望宋州

醇和旁近洞房環碧瓦參差竹樹間批奏內人輪上直

欽定四庫全書

御選金詩

卷二十二

三七

去年名姓在窓間

醇和殿名

金縷歌詞金曲厄百年人事鬢成絲重來未必春風在

更為梨花住少時

楊柳隨風散綠絲桃花臨水弄妍姿無端種下青青竹

恰到湘君淚盡時

鑪薰浥浥帶輕陰翠竹高梧水殿深去去旃車雪三尺

畫羅休縷麝香金

泥金色如麝香宮中所尚

苦才多思是春風偏近騷人悵望中啼盡杜鵑枝上血

海棠明日更應紅

萬戶千門盡有名眼中歷歷記經行賦家正有蕪城筆

一段傷心畫不成

春夕

數枝殘雪梅仍在幾日東風柳已嬌春酒價高無可典

小紅燈影莫相撩

記夢

天上材官老不材從教兀兀走塵埃夢中望拜通明殿

欽定四庫全書

御選金詩

卷二十二

三八

曾見金書兩字來

戊子七月二十四日內鄉往盧氏宿走馬平夜夢拜天帝像遂觀法駕導

引畫幄最前負弩三人中有金書小字題裕之者夢中不自知其為予也

雜著

白髮中官解道詩殷勤仍為惜花枝雪香亭上清明宴

記得君王去歲時

燕語鶯啼百轉新長廊寂寂不逢人東君去作誰家客



花柳無情各自春

御選金詩卷二十二

謹案卷二十一第十四頁前六行此身日日一算

貧刊本算訛算今改

欽定四庫全書



總校官庶吉士臣侍 朝
校對官檢討臣蕭九成
騰錄監生臣劉天蒼

欽定四庫全書薈要

集部
御選金詩卷二十三

欽定四庫全書薈要卷一萬八千四百九

集部

御選金詩卷二十三

七言絕句六

元好問

內鄉雜書



行吟溪北復溪南
風日烘人酒易酣
無限春愁與誰語
梅花嬌小杏花慙

出都

欽定四庫全書

御選金詩
卷二十三

春閨斜月晚聞鶯
信馬都門半醉醒
官柳青青莫回首
短長亭是斷腸亭

自趙莊歸冠氏

春華澹澹曉寒輕
野草搖風半白青
誰識杏花牆外客
舊曾家近麗川亭

杏園紅過雪披離
楊柳無風綠線齊
寒食人家在原野
乳鴉牆外盡情啼

濟南雜詩

詳校官原任主事臣李斯咏

兒時曾過濟南城暗算存亡只自驚四十二年彈指過
却疑行處是前生

華山真是碧芙蓉渠湖水湖光玉不如六月行人汗如雨
西城橋下見遊魚

吳兒洲渚似神仙罨畫溪光碧玉泉別有洞天君不見
鵲山寒食泰和年

石刻燒殘讌集辭雄樓傑觀想當時只應畫戟清香地
多欠韋郎五字詩

欽定四庫全書

御選金詩

卷二十三

二

斫來官柳午陰輕湖畔遊人怕晚晴一夜靈泉菴上宿

四山風露覺秋生

白煙銷盡凍雲凝山月飛來夜氣澄且向波間看玉墀

不須橋畔覓金繩

入秋雲物更淒迷一道湖光萬樹齊詩在鵲山煙雨裏

王家圖上舊曾題

王清卿家有
鵲山煙雨圖

荷葉荷花爛漫秋鷺鷥飛近釣魚舟北城佳處經行遍

留著南山更一遊

趙士表山林暮雪圖為高良卿賦

颼颼林響四山風雪後人家閉戶中應被火爐頭上說
水邊清殺兩詩翁

黃塵遮斷山間夢白髮重尋畫裏詩好似玉溪溪上路
醉和王老喚船時

題劉才卿湖石扇頭

幽磻雲凝雨未乾曲池疎竹共荒寒扇頭喚起西園夢
好似熙春閣下看

欽定四庫全書

御選金詩

卷二十三

三

聞歌懷京師舊遊

樓前誰唱綠腰催千里梁園首重回記得杜家亭子上
信之欽用共聽來

龍泉寺四首

懸麻白雨映蒼崖過盡行雲晚照開可是登臨動高興
馬頭新自太行來

泉石煙霞自一家殘僧隨分了生涯雞鳴山下題詩客
曾到靈巖不用誇

河邊殺蕩尚能飛無角無鱗目一齊甲子紛紛更兒戲

壁間休笑阜昌題

寺北齊時建又多劉豫阜昌中石刻并題名

繞渠寒溜夜潺潺說有蛟龍在石間可惜九天霖雨手

一泓秋水伴僧閒

出鎮州

汾水歸心日夜流孤雲飛處是松楸無端行近還鄉路
却傍西山入相州

眉

欽定四庫全書

御選金詩

卷二十三

四

石綠香煤淺淡間多情長帶楚眉酸小詩擬寫春愁樣
憶著分明下筆難

趙大年秋溪戲鴨圖

寒沙折葦浙江灣詩在波痕沒滅間前日扁舟人老矣
却從圖畫羨君閒

畫家朱粉不到處淡墨自覺天機深賣酒墟邊見崔白

王孫真有五湖心

米元章畫史趙昌王友崔白但可為酒家遮牆壁耳

南關二首

風裏秋蓬不自繇一生幾度過隆州無情團栢關前水

流盡朱顏到白頭

路轉川回失繫舟更教兩驛過徐溝多情團栢關前水

却共清汾一處流

是日自徐溝宿南關

馬坊冷大師清真道院

枯蒲折葦障清灣十里風荷指顧間安得西湖展江手
亂鋪雲錦浸青山

遊天壇雜詩

欽定四庫全書

御選金詩

卷二十三

五

芳樹陰陰鳥語譁綠雲晴雪映紅霞青山可是堪人恨
藏著中巖十里花

漫山白白與紅紅小樹低叢看不供總道植花香氣好

就中偏愛玉瓏鬆

花名有玉瓏鬆

溪童相對采椿芽指似陽坡說種瓜想得近山營馬少

青林深處有人家

湍聲洶洶落懸崖見說蛟龍擘石開安得天瓢一翻倒

躡雲平下看風雷

時早甚故云

仙壇倒影鳳麟洲一道雲光插素秋也是天公閒不得
海東移著海西頭

初挈家還讀書山雜詩

天門筆勢到閒閒相國文章玉筍班從此晉陽方志上

繫舟山是讀書山

繫舟先大父讀書之所聞
間公改為元子讀書山

眼中華屋記生存舊事無人可共論老樹婆娑三百尺
青衫還見讀書孫

賦瓶中雜花七首

子絕愛未開杏
花故末篇自戲

老眼驚看節物新今年更與酒杯親東山一道花如繡

從此他鄉不是春

香中人道睡香濃誰信丁香臭味同一樹百枝千萬結

更應薰染費春工

生紅點點弄嬌妍半拆花房更可憐傳語春風好將護

莫教容易作銀錢

紅抹蘭膏綠染衣綠嬌紅小兩相宜華邊剩有清香在

木石癡兒自不知

欽定四庫全書

御選金詩

卷二十三

六

素艷來從月姊家溫風泚氣發清華人間自有交枝玉
天上休開六出花

昨日桃花錦片新免葵今日到殘春低枝留得稀疎朶

比似全開更惱人

古銅瓶子滿芳枝裁剪春風入小詩看看海棠如有語

杏花也到退房時

杜生絕藝

杜生絕藝兩弦彈穆護沙詞不等閒莫怪曲終雙淚落

數聲全似古陽關

德華小女五歲能誦予詩數首以此詩為贈

牙牙嬌語總堪誇學念新詩似小茶好箇通家女兄弟

海棠紅點紫蘭芽

唐人以茶為
小女美稱

春歸

野杏溪桃三兩枝春歸也作送春詩東君自愛長安好

能住山城得幾時

發南樓度雁門關

欽定四庫全書

御選金詩

卷二十三

七

雞聲未動發南樓
澗水隨人向北流
欲望讀書山遠近
雁門關上懶回頭

稜嶒石磴倚高梯
穹谷無人綠樹齊
總為古來征戍苦
宿雲常傍塞垣低

喬夫人墨竹

萬葉千梢下筆難
一枝新綠儘高寒
不知霧閣雲窓晚
幾就扶疎月影看

只待驚雷起蟄龍
忽從女手散春風
渭川雲水三千頃

欽定四庫全書

御選全詩

卷二十三

八

悟在香巖一擊中

夫人參洞山禪有省

自題中州集後

鄴下曹劉氣儘豪
江東諸謝韻尤高
若從華實評詩品
未便吳儂得錦袍

陶謝風流到百家
半山老眼淨無花
北人不拾江南唾
未要曾郎借齒牙

萬古騷人嘔肺肝
乾坤清氣得來難
詩家亦有長沙帖
莫作宣和閣本看

文章得失寸心知
千古朱弦屬子期
愛殺溪南辛老子
相從何止十年遲

平世何曾有裨官
亂來史筆亦燒殘
百年遺藁天留在
抱向空山掩淚看

講武城

作計千年復萬年
似嫌蒸土不能堅
祇今講武人何在
衰柳殘陽有亂蟬

藥山道中

西風砧杵日相催
著破征衣整未回
白雁已銜霜信過
青林間送雨聲來

欽定四庫全書

御選全詩

卷二十三

九

黃華峪

岱松王屋舊經過
自倚胸中勝槩多
獨欠太行高絕處
青天白日看山河

絕壁孤雲子細看
雲間龍穴想高寒
碧瀾寸寸橫秋色
空對山靈說到難

唐人到難篇有碧瀾之下寸寸秋色之句

玉立千峯畫不如
天公自有范寬圖
問山要著黃花老

千尺珠簾得似無

前輩周山詩有向使早逢周處士子
端應不說黃華之句處士指周先生

團團石甕琢青瑤仰面看雲覺動搖誰著天瓢灑飛雨

半空翻轉玉龍腰

落峽飛流散不收湍聲洶洶動高秋也應嫌被紅塵沈

才近山門便泆流

乞得三泉住不成風沙鞍馬負平生故山定已移文了

又被黃華識姓名

欽定四庫全書

御選全詩
卷二十三

十

鄉郡雜詩余家自五代以後自汝州遷平定宋
末又自平定遷于忻故文字中以平

定為
鄉郡

百年喬木鬱蒼蒼者老風流趙與楊為向榆關使君道

郡中合有二賢堂

楊吏部之美皋落
人間曾守此郡

神仙官府在瀛州何意閒閒得此留莫笑山城小于斗

他州誰有湧雲樓

樓間閒
所建

一溝流水幾橋橫岸上人家種柳成來歲春風一千樹

綠煙和雨暗重城

新堂縹緲接飛樓雲錦週遭霜樹秋若道使君無妙思

冠山移得近城頭

故鄉飛鳥亦徘徊更覓何鄉養不材見說陽泉好春色

野夫乘興欲東來

前高山詩

天池一雨洗氛埃全晉堂堂四望開不上朝元峯北頂

真成不到此山來

楚山清曉圖

欽定四庫全書

御選全詩
卷二十三

十

雨潤煙濃十二峯雲間合有楚王宮遙知別後西州夢

一抹春愁淺淡中

三鄉雜詩

夢寐滄洲爛漫遊西風安得釣魚舟薄雲樓閣猶烘暑

細雨林塘已帶秋

尖新秋意晚晴中六尺筇枝滿袖風草合斷橋通暗綠

竹搖殘照漏疎紅

榆社硤口邨早發

瘦馬長途懶著鞭
客懷牢落五更天
幾時不屬雞聲管
睡徹東窓日影偏

同兒輩賦未開海棠二首

翠葉輕籠豆顆勻
臙脂濃抹蠟痕新
殷勤留著花梢露
滴下生紅可惜春
枝間新綠一重重
小蕾深藏數點紅
愛惜芳心莫輕吐
且教桃李鬧春風

楊秘監馬圖

欽定四庫全書

御選金詩

卷二十三

十三

天閑誰省識真龍
金粟堆前草色空
忽見畫圖疑是夢
東華馳道麝香驄

岳山道中

野禾成穗石田黃
山木無風雨氣涼
流水平岡儘堪畫
數家村落更斜陽

雪岸鳴鶴

離離殘雪點荒叢
更著幽禽慘淡中
笑殺畫簾雙燕子
秋千紅索海棠風

客意

雪屋鐙青客枕孤
眼中了了見歸途
山間兒女應相望
十月初旬得到無

論詩三首

坎井鳴鼃自一天
江山放眼更超然
情知春草池塘句
不到柴煙糞火邊
詩腸搜苦白頭生
故紙塵昏枉乞靈
不信驪珠不難得
試看金翅擘滄溟

欽定四庫全書

御選金詩

卷二十三

十三

暈碧裁紅點綴勻
一回拈出一回新
鴛鴦繡了從教看
莫把金針度與人

風柳鳴蟬

輕明雙翼曉風前
一曲哀箏續斷絃
移向別枝誰畫得
只留殘響客愁邊

僧寺阻雨

山氣森岑入葛衣
砧聲偏與客心期
僧窓連夜蕭蕭雨
又較歸程幾日遲

王子文琴齋

天上秋風月底霜求凰一曲鬢絲長相如四壁消何物
直要文君典鷓鴣

舊與趙景温

浮雲流水易西東回首梁園似夢中一別十年今又別
酒尊能得幾回同

雪谷早行圖

卷中多國朝
名勝題詠

畫到天機古亦難遺山詩境更高寒貞元朝士今誰在

欽定四庫全書

御選全詩

卷二十三

十四

莫厭明窓百過看

夜宿山中

月華人影共徘徊未算歸程夢已回澗水悲鳴易愁絕
長松休送雨聲來

臺山雜詠

登臨夙有故鄉緣試手清涼第一篇知被錢郎笑寒乞
不將錦繡裹山川

西北天低五頂高茫茫松海露靈鼈太行直上猶千里

井底殘山枉叫號

萬壑千巖位置雄偶從天巧見神功湍溪已作風雷惡
更在雲山氣象中

顛風作力掃陰霾白日青天四望開好箇臺山真面目
爭教坡老不曾來

山雲吞吐翠微中淡綠深青一萬重此景祇應天上有
豈知身在妙高峯

一國春風帝子家綠雲晴雪間紅霞香綿穗藉僧溪草

欽定四庫全書

御選全詩

卷二十三

十五

蜀錦驚看佛鉢花

沉沉龍穴貯雲煙百草千花雨露偏佛土休將人境比
誰家隨步得金蓮

靈蛇不與世相關時復蜿蜒水石間何處天歌待霖雨
一龕香火梵仙山

乙卯二月二十一日歸自汴梁二十五日夜久

早而雨偶記內鄉一詩追錄於此今三十年矣

桑條沾潤麥溝清軋軋耕車鬧曉晴老眼不隨花柳轉

一犁春事最闌情

袁顯之扇頭

雙鷺聯拳只辦愁枯荷折葦更窮秋風流綠影紅香底
好箇鷺鷥百自由

石勒問道圖

輕比韓彭作李陽高僧久已笑君狂中原果有劉文叔
肯說鈴聲替戾岡

貞燕

杏梁雙宿復雙飛海國爭教隻影歸想得秋風逼涼冷

謝家兒女亦依依

同梅溪賦秋日海棠

錦水休驚散綵霞換根元自有靈砂瓊枝不逐秋風老
自是人間日易斜

翠袖紅妝又一新秋風秋露發天真丹青寫入梅溪筆
桃李從今不算春

留贈丹陽王鍊師

欽定四庫全書

御選金詩

卷二十三

十六

敵盡貂裘白髮新京華旅食記前身仙翁相見休相笑
同是邯鄲枕上人

元夕

花影燈光一萬重青衫驄馬踏東風彰陽舊事無人記
三十三年似夢中

醱醱

枕幃餘韻最清真夢裏猶來著莫人擬借濃陰作羅幕
玉纓多處卧殘春

欽定四庫全書

御選金詩

卷二十三

十七

和德新丈

二年老眼暗兵塵今日逢君喜事新結伴還鄉有成約
不應先作北歸人

倦繡圖

香玉春來困不勝啼鶯喚夢幾時磨可憐顛賴田家女
促織聲中對曉燈

雪谷曉行圖

漫漫長路幾時休風雪無情夢亦愁羨殺田家老翁媪

瓦盆濁酒火爐頭

與西僧倫伯達

行雲孤鶴萬緣輕
遙見鄉關眼便明
不似遺山元老子
塵埃風雨過平生

杜仁傑

延津待渡寄仲温叅議

一望河平一慨然
戰塵如霧水如天
要知別後思君處
長在孤城落日邊

欽定四庫全書

御選金詩

卷二十三

六

夜宿鄆城

殘月火燈照敝帷
疎風乘隙入征衣
恰逢遠客思歸日
正是家人說夢時

魯郊

六十衰翁更莫問
好將華髮映青山
穆生自合尋歸計
不在區區醴酒間

麻革

竹林院同張之純賦

柳色侵尋映短籬
竹梢零亂挂殘暉
山禽自識忘機客

飛下庭柯更不飛

稍稍林間布穀聲
村南村北水雲平
偶來竹寺看山坐
閒聽清溪遶舍鳴

張宇

和李濟夫韻

午夢遊仙鳥喚回
竹陰掃地淨無埃
莫言嘉客閒中少
時有清風自往來

欽定四庫全書

御選金詩

卷二十三

九

陳賡

送寇輔臣

古陌風塵點客衣
送春君亦伴春歸
東風不管離人恨
吹落楊花滿地飛

陳庚

峴山秋晚圖

當年芥子愛茲山
陵谷回頭幾變遷
縱使豐碑今尚在
遊人誰復一潸然

題師高卿蒲中八詠錄四首

虞坂曉行

五更風露正清冥
馬首殘蟬分外明
好句隨前俄失去
微吟倏過古虞城

東村夜雨

瀟瀟寒雨濕瓠稜
古殿長廊夜氣增
此地此時誰得意
龕燈一點坐禪僧

西巖疊巘

螺髻煙鬟直萬峯
行人指點梵王宮
鳥飛杳靄蒼茫外
人在霏微空翠中

王官飛湍

表聖當年愛此山
倚樓終日看飛湍
後人空飲貽溪水
不學先生便挂冠

房皞

秋夜

百計求安未得安
此心須在鬢凋殘
漫漫長夜渾無睡

蟋蟀堂深秋雨寒

自遣

幾見秋風幾見春
一愁未已一愁新
閒中檢點平生事
唯有清貧不負人

甕面浮香處處春
任他時事百端新
自知野鹿山麋相
不是麒麟閣上人

題張濟之勝覽軒

誰言山色可忘憂
誰道澄江銷客愁
試倚闌干西北望
浮雲依舊暗神州

讀杜詩

後學為詩務鬪奇
詩家奇病最難醫
欲知子美高人處
只把尋常話做詩
穹礴冥搜枉費功
天然一語自然工
況兼詩是窮人物
好句多生感慨中

段克己

仲冬之初家弟誠之自芹溪得紅梅數枝作三

詩以見意夜歸枕上次韻簡山中二三子

十月梅花春未知竹間瓊絮出斜枝耐寒巧作新妝面
絕勝含章簷下時

顏色馨香幾箇知叢篁深處見橫枝孤標祇得詩人愛
花樣而今不入時

梅格孤高只自知恥隨桃李鬪新枝天寒翠袖依修竹
卻在橙黃橘綠時

暮春有感

欽定四庫全書

御選金詩

卷二十三

三

忙攜歌酒趁清歡桃李都能幾日看欲識詩人愁絕處
落花時節一凭闌

春到蕪菁事已非杜鵑看又喚春歸幽香一點無尋處
燕蹴飛紅染客衣

及時行樂不應遲管領風光更有誰花落花開春又去
都能消得幾篇詩

盧希顏草蟲橫披

牛李黃蘆相並枝秋蟲瀟灑弄幽姿畫師老筆生新意

寫出無聲七月詩

梅花十詠錄四首

憶

姑射仙人冰作膚昔年伴我向西湖別來幾度春風換
標格而今似舊無

折

白玉堂深夜色寒玉兒和月倚蓬山高情不似章臺柳
也許餘人取次攀

欽定四庫全書

御選金詩

卷二十三

三

鯤

手撚水荃步月華暗香先已透垂瓜壽陽畢竟無才思
但卧含章拂落花

浸

玉骨渾將山麝薰水肌得水更精神凌波微步東風軟
羞殺當年洛浦人

花木十詠錄二首

荷葉露

仗下華清賜浴時溫泉香膩洗凝脂團花翠壁琉璃滑
狼籍珠璣醉不知

芭蕉雨

梨園弟子去無蹤門掩蓬萊繡帳空寂寞綠窓深夜雨
傷心不獨有梧桐

退之留別大顛圖

吏部文章日月光平生忠義著南荒肯因一轉山僧話
換却從來鐵石腸

欽定四庫全書

御選金詩

卷二十三

三十四

丁未三月二十八日縣大夫薛君寶臣過余片

溪精舍酒間雨作時方苦旱喜而賦之

麥田日日起黃埃官長憂民意不開底是山靈相嫵媚
故驅風雨過江來

明日李生湛然見和仍韻答之

東風吹雨絕纖埃尊酒相逢盡日開不是官閒公事少
此中能得幾回來

楸花

楸樹馨香見未曾牆西碧蓋簪孤稜會須雨洗塵埃盡
看吐高花一萬層

段成己

乘興杖屨山麓值梅始花徘徊久之因折數枝
置几側燈下漫浪成語簡諸友一笑云

戲蝶遊蜂總未知小窓低亞兩三枝夜闌燈下橫疎影
渾似西湖月上時

幽香不許俗人知纔是東風第一枝誤認文君新睡起

欽定四庫全書

御選金詩

卷二十三

三十五

讀書窓下立移時

梅花十詠錄二首

乞

漏洩春光洛水傍紫雲名字鬣人香可能惠我黃昏伴
休笑分司御史狂

龔

玉骨那堪瘴霧傷好將經卷伴南荒坡仙鼻孔清如水
老覺朝雲道氣長

花木八詠 錄二首

荷葉露

泉客將歸返故淵
西風渺渺碧波寒
主人情厚無他贈
一把真珠泣翠盤

芭蕉雨

憶別春容已十年
回文錦就倩誰傳
都將一掬傷心淚
灑向蠻溪數幅牋

龍門八題 錄三首

雲中暮雨

古壘雲藏一徑微
河山依舊昔人非
貪徵往古興亡事
不覺城頭雨濕衣

仙掌擎月

月出山頭未數竿
仙人掌上玉團團
瑞光冷射三千丈
絕勝碧蓮峯下看

汾水秋風

一曲劉郎發櫂歌
歡情未已奈悲何
只今回首空陳迹

依舊秋風卷素波

蒲川八詠 錄二首

虞坂曉行

林外晨雞第一聲
隴頭殘月伴人行
未知局促鹽車下
老驥蕭蕭又幾鳴

首陽晴雪

薇歌一曲對西山
萬古清愁老翠巒
望斷空巖人不見
光搖銀海玉峯寒

和李生湛然聞杜鵑有感之作

五更枕上夢魂清
初聽催歸第一聲
我本無家更安往
任渠啼血不關情

送馮資深歸西山

人間蠻觸日干戈
暮四朝三都幾何
此去莫憂瓶粟罄
西山雨足蕨薇多

蕭蕭華髮老書生
久欲歸田計未成
喜聽日邊消息好
故山容得子真耕

幾年消息漫營營重見西山眼倍青胸次無塵元自好
牀頭況有洗心經

候門釋子喜歸來暖熱那無酒一杯抖擻滿身塵土盡
襟懷還對好山開

秋日牡丹為友人賦病久無佳思姑作俳語二

章以應命對觴一盧呼可也

訴盡中情在兩詩可憐誰識漢文姬歸來已覺秋風晚
標格猶應似舊時

欽定四庫全書

御選金詩

卷二十三

五

秋雨瀟瀟無限思妄憑羽客覓環兒蓬萊日月非人世
不記梧桐葉落時

曹之謙

子猷訪戴圖

興盡空迴雪夜舟訪人虛語亦悠悠須知汾水多奇士
豈獨王家一子猷

秋夜

寂寂江城夜向闌西風吹雁叫雲端一聲遠過南樓去

月滿碧天秋水寒

長安早發

行李匆匆漣水頭雨餘涼氣動新秋五更馬上還家夢
先逐西風到晉州

秋夜聞笛

雲淨寒空月滿樓何人橫玉叶清秋梁州才罷伊州起
不盡關山此夜愁

蒲津晚渡

欽定四庫全書

御選金詩

卷二十三

五

黃河城下水沄沄船去船來幾夕曛老盡津頭垂釣客
柳陰相對白鷗羣

譚處端

遊懷川

雲耕寶陸三千里月破黃昏十萬家清夜碧潭澄皎潔
蚌吞銀燭產丹砂

可道

題比陽道邊僧舍

山頭翠色僧房靜山下紅塵客路長五月行人汗如雨
豈知高處有清涼

瑩

閉門

十日柴門九不開松庭雨後落蒼苔草鞋挂起跣趺坐
消得文殊更一來

箕和尚

山中元夕懷京都

欽定四庫全書

御選金詩

卷二十三

三

一燈明處萬燈明天上人間不夜城前日惠林洪覺範
雪窻孤坐聽猿聲

圓基

題伊刺右丞畫

調燮之餘總是閒閒中遊戲到毫端而今亦有丹青手
猶在磻溪把釣竿

柳葉

一氣潛通造化中人間無處不春風莫嫌冷地開青眼

試看天桃幾日紅

馮氏婦

病後口占

城南池館夾蒲津野色林光物色真滿目煙霞蓬島遠
一溪花木武陵春

女冠元氏

口占答張平章

補天手段暫施張不許纖塵落畫堂寄語新來雙燕子

欽定四庫全書

御選金詩

卷二十三

三

移巢別處覓雕梁

三興居士

題平陰僧寺

三吳家近水晶宮行坐紅香綠影中今日異鄉僧寺裏
一盆荷葉戰西風

贊皇山寺客

題壁

長梢疊葉正颼颼枕底寒聲為客留野鶴不來山月隨

獨眠滋味五更秋

無名氏

彌川感興

漠漠寒雲籠曉日
萋萋衰草欲霜天
漂萍客夢三千里
遊宦羈愁二十年

題崖畧

縈紆一逕接虛空
壯觀山河百二雄
坐笑瞿塘沈鐵鎖
何須函谷用泥封

登碧峯寺

兩峽山高月半輪
五更人起馬嘶頻
無端又上長安道
輸與僧窓飽睡人

玉真

贈李生二絕

皓齒明眸掩路塵
落花流水幾經春
人間天上歸無處
且作陽臺夢裏人

自憐華色鏡中衰
輕棄前歡已自宜
不恨相逢情不盡

直須白鼠望歸期

浙川木中詩

金人侵宋時代浙川香巖寺木造舟木中有紋
理成詩云

栽松種栢興唐日
解板乘舟破宋時
可惜香巖千載樹
等閒零落歲寒枝

欽定四庫全書

御選金詩
卷二十三

三十三

御選金詩卷二十三

欽定四庫全書薈要卷一萬八千四百十 集部

御選金詩卷二十四

六言詩

元德明

六言

北闕三臺五省東山萬壑千巖琴書中有真味風月外
無多談

高憲

欽定四庫全書

御選金詩

卷二十四

焚香六言四首

末利花心曉露薔薇萼底溫風洗念六根塵外忘情一
炷煙中

滿地落花春曉一簾微雨輕陰正要金蕉引睡不妨玉
隴知音

紙帳收煙密下松灰卷火常虛午寐春閒小睡人間自
有華胥

沈水濃薰甲煎宮梅細點波津奕奕非煙非霧依依如

幻如真

震仲澤

過蒲城馬上偶得二首

冷落襟風杯月崎嶇馬足車塵林下何曾一見宜教羨
殺閑人

空有滿衣塵土曾無盖世勲名忽認青山影裏有人卧
月眠雲

李俊民

欽定四庫全書

御選金詩

卷二十四

老杜醉歸圖

尋常行處酒債每日江頭醉歸薄暮斜風細雨長安一
片花飛

百錢街頭酒價寒驢醉裏風光莫傍鄭公門去恐猶恨
在登牀

雪菴題錢過庭梅花圖

已把神傳畫譜又看格在詩評月落難尋清夢雲空乃
見高情

淵明歸去來圖

先生從來寄傲肯向小兒鞠躬笑指田園歸去門前五柳春風

中秋

三百六旬歲周一十二度月圓試問姮娥甲子和閨到今幾年

郎文炳心遠齋

竊笑濫巾北嶽那能補衲中條自有胸中丘壑不妨隱

欽定四庫全書

御選金詩

卷二十四

三

向市朝

伯德仲植張長史帖

莫就嚴陵買菜無勞逸少換鸞但得雲輕一紙即在鄴侯書多

戲沂公巨川

八仙詩裏蘇晉三笑圖中遠公選甚逃禪破戒我師自有家風

史遂良酒債

滌器不辭親酌過門無奈客惡未嘗解下金龜必能畫得黃鶴

竇子温江山圖

醉裏扁舟煙浪望中幾屐雲山長天秋水一色明月清風兩閒

雪谷早行圖

積素茫茫縞夜流光耿耿揚輝行人抵暮貪路何處家山未歸

欽定四庫全書

御選金詩

卷二十四

四

錦堂四景圖

春水滿四澤

淼淼舒如羅帶鱗鱗縵似縠紋誰道卧龍不起須臾變化風雲

夏雲多奇峯

幸得從龍變態尚何出岫無心正苦人間畏日不思天上為霖

秋月揚明輝

清光一片如洗西去姮娥耐秋可惜廣寒人老誰將玉
斧再修

冬嶺秀孤松

山前傾蓋獨倚雪裏盤根歲深千年老鶴相伴誰似蒼
髯有心

元好問

定齋兄寫真

朱黃筆底三篋白黑胸中兩棊畫作蕭然野服雲龍終

欽定四庫全書

御選金詩

卷二十四

五

日駢駢

德和墨竹扇頭

靜裏離離新粉動時細細清香明月清風自在紅塵白

日何妨

嫩香新粉墨離
離李長吉竹詩

曾得一扇頭

機中秦女仙去月底梅花晚開只見一枝疎影不知何

處香來

巨然秋山為鄧州相公賦

筆端游戲三昧物外平生往還為問阿師何在白雲依
舊青山

建除 以下雜體

宋九嘉

搗金明砦作建除體

建牙檣諸將梟鳴軍盡驚除道非戰事銜枚幻奇兵滿
鎧霜日輝行陣寂無聲平旦飛出谷桑棗蔽金明定知
此陳迹中原遮冠城執鞭吾不及范公凜如生破碑字

欽定四庫全書

御選金詩

卷二十四

六

仍在屬鼻卧深荆危襟按其壘信哉天下英成敗翻覆
手狐兔今橫行收復會有時夷吾當請纓開圖睨督亢
按劍逐長鯨閉塞亦已久一揮氛曠清

回文

宇文虛中

四序回文十二首

春

短草鋪茸綠殘梅照雪稀暖輕還錦褥寒峭怯羅衣

翠連水綻日香徑晚多花細荀抽蒲密長條舞柳斜
折花幽檻小傾酒綠杯深蝶舞輕風曉鶯啼老樹陰

夏

翠密圍窻竹青圓點水荷睡多嫌晝永醒少得風和
草徑迷深綠蓮池浴膩紅早蟬鳴樹曲鮮鯉躍潭東
暴雨隨雲驟驚雷隱地平好風搖篔透輕汗挹水清

秋

晚日欣簾捲涼風覺袂搖遠吟高興遣長醉宿愁消

欽定四庫全書

御選金詩

卷二十四

七

短葦低殘雨虛舟帶晚潮斷鴻歸暗浦疎葉隨寒梢
感感蒼吟苦茫茫水驛孤日銜山色暮霜帶菊叢枯

冬

鷓健呼風急烏啼促景殘窟深宜兔蟄蒲折蔭魚寒
裂瓦寒霜重鋪窻月影清滅燈驚好夢孤枕念深情
秀栢留陰綠芳梅蘸影斜溜簷水結玉裝樹雪飛花

張斛

回文二首

野曠悲行客湍驚礙去船夜江清汎月秋草碧連天
綠徑斜縈草紅梢半落花曲池風碎月敲岸雨摧沙

蕭貢

擬回文四首

春波綠處歸鴻過夜月明時飛鵲愁人去附書將恨寄
暮山雲斷倚高樓

樓上却來樓下待晚窗春盡斷回腸愁人有說嫌人問
淚洒新詩掃墨香

欽定四庫全書

御選金詩

卷二十四

八

風幌半縈香篆細碧窗斜影月籠紗紅燈夜對愁魂夢
老盡春庭滿樹花

萋萋碧草連天遠杳杳行人幾日迴淒雨晚涼空坐久
淚妝殘暈溼紅腮

楊雲翼

回文

梧井落花秋寂寂竹窗搖月夜沈沈孤鸞舞處回腸斷
遠雁來時別恨深

疊語

麻九疇

陽夏何正卿作疊語四句未成章子復以疊語寄之凡四變文

緼緼蠢蠢何等民矯矯元元內守貞昂昂歲歲獨異俗
落落莫莫不厭貧歸與歸與且餬口鳳兮鳳兮德衰久
樂云樂云無絃琴命乎命乎一杯酒匪鱸匪鮓故為歲
避言避世必也狂至大至剛秣吾馬爰清爰淨修吾牆
用之舍之時所係晉如摧如寧復計暖然凄然任春秋
優哉游哉聊卒歲

三五七格

趙秉文

三五七格

秋風清秋月明白露夜深重白雲秋晚輕夢回酒渴呼
童起枕上轆轤三五聲

連枝

朱之才

十月十五日夜作連枝詩四首

披衣開戶幾宵興永夜無眠魂九升坐覺飛霜明瓦屋
天如寒鑑月如水
天如寒鑑月如水
天如寒鑑月如水
蕭然獨對短檠燈
蕭然獨對短檠燈
蕭然獨對短檠燈
蕭然獨對短檠燈
引睡翻書睡幾曾自笑年來憂患熟
跏趺真作坐禪僧

跏趺真作坐禪僧不學窗間故紙蠅湛若琉璃含寶月
此中無減亦無增

聯句

元好問

同姚公茂徐溝道中聯句

路轉川塗闊天低雨氣昏綿山連漢壘汾水入并門姚
來往頻鞍馬登臨負酒尊聯詩強一笑淒絕恐銷魂元

集句

高士談

集東坡詩贈程大本

十圍便腹貯天真謀道從來不計身公業有田常乏食
陶潛無酒亦從人異同更莫疑三語飢飽終同寓一塵
待我南游載君去扁舟歸釣五湖春

曉起戲集東坡句二首

簟紋如水帳如烟一榻清風直萬錢困卧北窗呼不起
老天風味也堪憐

欽定四庫全書

御選金詩

卷二十四

十一

清風終日自開簾吏散空庭雀噪簷午醉醒來無一事
地偏心遠似陶潛

党懷英

孤雁集句

萬里銜蘆至寒空半有無蹤分沙岸靜聲入塞垣孤影
早衝闕月飛高望海隅不知天外侶何處下平蕪

黃菊集句

九月欲將盡鮮鮮金作堆繞籬殘豔密擁鼻細香來五

色中偏貴羣花落始開可憐陶靖節共此一傾杯

楊庭秀

李簡之蓮池集句

一月衰顏幾笑開生前相遇且銜杯蓮塘十里花如錦
有底忙時不肯來

趙秉文

延安滋戒師余初主安塞保簿相識也今戊子
歲春被命作醮平涼偶復得相會以四十三年

欽定四庫全書

御選金詩

卷二十四

十一

之舊故集句以贈

五城何迢迢關河茫茫隔波浪與君別來今幾時翰林
白髮三千丈形容變盡語音存間思往事是前身四十
三年如電抹欲談前事恐無人龐翁皓首無住著臂上
念珠如皎月架上楞嚴久不看更看脚根叅一節人生
何處不相逢猶恐相逢是夢中同是行人更分手明朝
車馬各西東

李適

集句題廣寧勝覽亭

簷前無數好峯巒
醉眼詩腸冰雪寒
不識閭山真面目
請君來此憑闌干

呂中孚

集句

騷人吟罷起鄉愁
百感中來不自由
一種人間太平日
滿衣塵土避公侯

李俊民

和竇君瑞集古

勒石燕山後世名
子孫蟬蛻起風塵
誰憐喜鵲飛來意
自嘆靈椿老大身
想見灌夫杯酒過
夢驚蘇蕙錦書新
幾年客裏無情話
一笑相逢姓麥人

集古錄六十首

南游

一片歸心白羽輕
一場春夢不分明
東風二月淮陰郡
總是關山離別情

自遣

南路蹉跎客未回
山桃野杏兩三栽
逢春便覺飄蓬苦
更向花前把一杯

雨後出郊

柳塘煙起日西斜
馬踏春泥半是花
何處最傷游客思
綠陰相間兩三家

寒食

閒身行止屬年華
故國春歸未有涯
一樹梨花一溪月

不知牆外是誰家

寒食席次

鞦韆打困解羅裳
把酒相看日又曛
處士不知巫峽夢
春來猶見伴行雲

小桃

桃花依舊笑春風
悵望無人此醉同
應是夢中飛作蝶
樹頭樹底覓殘紅

惜花

繡輒香韉夜不歸看花只恐看來遲今朝幾許風吹落
多在青苔少在枝

暮春

一年春色負歸期綠葉成陰子滿枝公子王孫莫來好
如今不似洛陽時

遣興

讀徹閑書弄水回綠楊移傍小庭栽閉門盡日無人到
便有春光四面來

欽定四庫全書

御選金詩

卷二十四

十五

下樓

繡簾朱戶未曾開却向春風領恨回行到中庭數花朵
遙聞笑語自空來

招飲

當時朝士已無多故里心期奈別何不用憑闌苦回首
且來花裏聽笙歌

春怨

已恨東風不展着落花惆悵滿塵衣與君試向江邊覓

贏得淒涼索漠歸

約同歸

故國煙花想已殘浮生各自繫悲歡青山一道同雲雨
步步相攜不覺難

送客之江陵

獨上江樓思渺然故人去後絕朱絃西南一望和雲水
入郭登橋出郭船

贈別二首

欽定四庫全書

御選金詩

卷二十四

十六

洞庭風軟荻花秋客散江亭雨未休南去北來人自老
此中離恨兩難收

誰家紅袖倚江樓白袷行人又遠游今夜不知何處泊
青山萬里一孤舟

送客之荆南

千山紅樹萬山雲山鳥江楓得雨新我自飄零是羈旅
不堪仍送故鄉人

秋懷

八月霜飛柳徧黃
鳥啼山館客思鄉
十年馬足知音少
地角天涯不是長

從軍

萬里還鄉未到鄉
受降城外月如霜
誰家營裏吹羌笛
不是愁人也斷腸

聞角

鐵馬狐裘出漢營
瘴雲深處守孤城
無端遇著傷心事
鳴軋江樓角一聲

有別

長對春風哀淚痕
殷紅馬上石榴裙
無端更唱關山曲
哀怨教人不忍聞

晚菊

白露寒花自繞籬
從他桃李笑開遲
一年秋色吟中過
門外重陽過不知

春夜

春風二月落花時
憶得前年君寄詩
共道人家惆悵事

向燈彎盡一雙箸

無睡

江南江北望煙波
顰黛低紅別怨多
盡日傷心人不見
卧來無睡欲如何

謾書

已共紅塵跡漸疎
畫簷愁見燕歸初
無端有寄閑消息
腸斷蕭娘一紙書

有感

風輕簾幙燕爭飛
到處煙花恨別離
倚柱尋思倍惆悵
映人勻却淚黥脂

戲答

公子王孫逐後塵
近來方解惜青春
春心不愜空歸去
長伴吹簫別有人

戲遣

枉破陽城十萬家
門前初下七香車
自緣今日人心別
隔座剛拋豈蕊花

偶見

莫愁還自有愁時
看斂春山知為誰
含淚向人羞不語
芙蓉頭上綰青絲

滿身花影倩人扶
清潤潘郎玉不如
畢竟多情何處好
庾樓明月隨雲初

雲鬢朝來不欲梳
娉娉嫋嫋十三餘
分明記得曾行處
看徧花枝盡不如

聽歌

清歌空得隔花間
寂莫堂前日又曛
共待夜深聽一曲
女兒絃管弄參軍

寄懷

愁雲漠漠草離離
去國還家一望時
幾度相思不相見
雪中梅下與誰期

秋怨

且將團扇暫徘徊
淚滴閑堦長綠苔
春色似憐歌舞地
不論時節遣花開

過梅溪舊居

遠到音書轉寂寥
青山隱隱水迢迢
村園門巷多相似
花落梅溪雪未消

關中

嶽北秋空渭北川
一村桑柘一村煙
行人莫訝頻回首
記得春深欲種田

送客之南宮

蕭蕭風竹夜窗寒
書劒催人不斷閑
對酒已成千里客

斷腸聲裏唱陽關

夜集

金鳳羅衣溼麝薰
裝成掩泣欲行雲
傍人未必知心事
一曲狂歌酒百分

戲書

春風何處有佳期
花滿西園月滿池
料得也應憐宋玉
東隣牆短不曾窺

重九

事去人亡跡自留白雲猶似漢時秋如今暫寄尊前笑
明日黃花蝶也愁

十日遣興

露葉如啼欲恨誰曉庭空繞折殘枝芳尊有酒無人共
卧看南山改舊詩

古城

東風漸急夕陽斜馬上懷中盡落花腸斷入城芳草路
孤煙起處是人家

欽定四庫全書

御選金詩

卷二十四

送行

天涯方歎異鄉身雲別青山馬踏塵欲問孤鴻向何處
依依還似北歸人

對花

盡是劉郎去後栽為誰零落為誰開風流才子多春思
半醉閑吟獨自來

宿橫望

遠上寒山石迳斜月臨荒戍起啼鴉故鄉今夜思千里

每到花時不在家

新居

每憶雲山養短才蓬門今始為君開落花寂寂黃昏雨
依舊去年雙燕來

柳

還到春時別恨生渭城朝雨裊輕塵自家飛絮猶無定
不解迎人只送人

惜春

自有林亭不得閑長安豪貴惜春殘晚來風起花如雪
為問無情歲月看

春望

半似羞人半忍寒風和時拂玉闌干門前不見歸軒跡
強把花枝冷笑看

寒食夜雨

風景依稀似去年鳥啼花發柳含煙夜深斜搭鞦韆索
獨向牀簷看雨眠

欽定四庫全書

御選金詩

卷二十四

早行

一聲歌盡各東西
花外煙濛月漸低
馬上政吟歸去好
山山樹裏鷓鴣啼

訪隱者不遇

忽聞春盡強登山
却笑孤雲未是閑
惆悵仙翁何處去
尋真不見又空還

懷韓居士

烏巾年少歸何處
陵谷依然世自移
上天下地鶴一隻

還在人間人不知

古道人

鶴骨飄飄紫府仙
香風引到大羅天
無人寂寂春山路
洞在清溪何處邊

仙廟

桂冷秋香十里間
水晶如意玉連環
年年笑伴皆歸去
門對寒流雪滿山

殿臺渾不似人寰
花態嬌羞月思閒
高座寂寥塵漠漠

秋風吹落滿空山

怨別

書來未報幾時還
終日昏昏醉夢間
別易會難長自歎
不堪重過望夫山

登樓

東池送客醉年華
獨倚危樓四望賒
日暮烏啼人散盡
輕風細雨落殘花


醉眠

糝徑揚花鋪白氈
日西鋪在古苔邊
滿山明月東風夜
留與遊人一醉眠

謹案卷二十三第三十頁後四行伊喇舊作移刺

今改

欽定四庫全書



總校官庶吉士臣侍 朝
校對官檢討臣蕭九成
騰錄監生臣劉天蒼